

Antiquities

-B

M



Ex Bibliotheca
majori Coll. Rom.
Societ. Jesu

73.13 6-3.B.3

G

A

35

43



33

I V S T I . L I P S I
A D M I R A N D A ,
sive,
D E M A G N I T V D I N E
R O M A N A
L I B R I Q V A T T V O R .

Tertia editio correctior, auctiorque.



ANTVERPIÆ,
EX OFFICINA PLANTINIANA,
Apud Ioannem Moretum.

M. DC. V.

Cum Privilegiis Casaræ & Regiæ.

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

3

SER^{mo} PRINCIPI
ALBERTO AVSTRIO
IMPERATORIS FILIO,
NEPOTI, FRATRI,
S. R. E. CARDINALI,
BELGICÆ SUPREMO GVBERNATORI,

I. LIPSIVS *dedicat consecrâtque.*



INTER Historiarum fructus, SER^{mo} PRINCEPS, ego illum eximium semper habui, qui ad Sapientiam & rerum in orbe ADMIRANDARVM cognitionē ducit. Quis enim paullò altior & attētioreas legit, qui non diuina illa opera obseruet, magna imperia stabilita, aut diruta: & in iis imaginem quamdam Prouidentix simul & Potentiæ diuinæ? Ita profectò se res habet. sicut vnus in superis Deus est, qui machinam hanc totam moderatur & temperat: sic in terris velut Curatores & Vicarios quosdam suos constituit, qui in partibus eam tueantur & administrent. Atq; horum quosdam crescere voluit in magnas opes, copias, opera:

A 2 quid

quid nisi in imagine ostendens, cælestem illam & sine fine ac modo potentiam, quam ipse habet, & per riuulos ac canales illos deducit? Vt igitur cælum & micantia illa astra cum intuemur, ab iis ad puram, primam, & inaccessam quamdam lucem ducimur: sic ab humanâ istâ MAGNITVDINE, ad auctorem illius & fontem Deum. Quis ille fuit, qui Assyrios terris & gentibus imposuit? qui Persas, Macedonas, Romanos? quis, qui iterum loco mouit & deiecit? magnus ille auriga & rector vniuersi, qui habenas in hoc mundano curru temperat; qui impellit, qui sistit, & poëta verbo,

Diuósque mortalesq; turmas

Imperio regit unus equo.

Quod magis sentio, & in animum demitto, cum in ipsâ potetiâ & magnitudine, infirmitatem istorum video, aut breuitatem. Quid enim illa omnia nunc, aut vbi sunt? abierunt. vbi supra fidem cumulatę opes? deflexerūt. vbi cælo certantia opera? non appārent. Heu res mortalium vel maximorum parua! heu validissimorū instabiles! imò omnia illa somnium, vmbra, nihil, si cum Æterno & Æternitate comparentur. Sicut Solem istum assidue vel nubes aliqua subducit, vel nox condit: talis omnis hic splendor & felicitas, rapitur aut euanescit. Hæc & similis cogitatio

SER^{ma}

SER^{us} PRINCEPS, iam diu me impulit Imperio-
rum magna & ADMIRANDA colligere: atq;
vt decuit, orsum à ROMANO. Nam fallor,
aut non alià maior magisq; fundata, addo
& laudata MAGNITUDO fuit; quam quattuor
his libellis in parte expressi, & ad te multis
de caussis misi. Omitto beneficia in patriam
publica, in me priuata: ipse titulus & argu-
mentum palàm ad te ducebant. ROMANI im-
perij descriptio cui potius aut iustius debeba-
tur, quàm Principi è tot ROMANIS Impe-
ratoribus nato? Res certa & inter ADMI-
RANDAS est, ex vnà AVSTRIA, verè aurèa, stir-
pe vestrà, decem Imperatores, intra hos tre-
centos circiter annos, orbi Christiano afful-
sisse: atque id sanguinis & natalium serie,
sine vllò fulcro adoptionis. Quid in omni
retrò Principum classe simile? duo, tres, in
vnà domo, & vix fuerunt: in primà ipsà Iu-
lij, nec vltra sextum etiam adoptio proroga-
uit. Iterùm dico, mirabile. & quid nisi à Deo
tacita vox & testimonium, datam hanc fami-
liam & demissam è cælo in terras esse, ad im-
peria terrarum? Iam & ADMIRANDORVM ille
titulus, an non ad te traheret, in varià virtute
sic ADMIRANDVM? Priuatam tuam vitam si vī-
deo: Pietas & Religio occurrit, quæ vel sa-
cerdotem deceat; Castitas, quæ Vestalem;
probitas, & vitæ totius Ordo ac compositio,

A 3 quæ

quæ ipsum cælum. Nec enim sidera illa profectò magis ordinato & certo cursu incedunt, quàm tuæ actiones. Quid prudentia, in ciuili aut militari administratione? quid altitudo consiliorum incredibilis? quid tranquillitas animi & vultus (proprium bonum Austriacæ gentis) in omni euentu aut fortunâ? ADMIRANDA sunt: & quæ Regi nostro, sapientissimo rerum hominumque arbitro, caussam dederūt tui inter alios eligendi, quem ad maxima imperia & Præfecturas admoueret. Ecce Lusitania adiecta Hispaniæ suæ fuit, & multa in concusso eo corpore adhuc ægra: te elegit qui lapsa erigeres, dilapsa colligeres, exanimata recreares. Et sanè ita fecisti, & præfuiisti, vt penè optandum fuerit illi regno tam validè cōcuti, vt te pacatorem fundatoremq; æterni deinceps otij haberet. Quis in discessu tuo non ingemuit? nobilitas patronum, plebs parentem, leges custodem, pietas vindicem visa est sibi amisisse. At noster Rex recepisse: & expertus quàm bene humeris tuis imperium federet, porrò te misit in Belgicam nostram, id est in ipsum mare & Oceanum (ignosce patria sic loquēti) diffusionum & turbarū. Heu qui hic fluctus? adcò vt alibi ciuilia atque externa bella fuisset & transisse dixerim, hic sedisse & habitasse. Opportunitas scilicet locorum fecit, & simul

mul conspiratio eorum qui magnitudini⁷
 Regiæ sunt infensi, vt consilia & arma verte-
 rentur in has partes; & in nostrâ istâ patriâ
 certamen certaretur, penè dicam, de Europâ.
 Ergo missus es & venisti in medium discrim-
 men: quid autem fecisti? quod nec hostes su-
 spicari, nec nos sperare, imò vix nunc credere
 possumus cum est factum. Agressus es vr-
 bem naturâ, opere, milite munitam, & op-
 portunitate inter Galliæ primas. Urbem di-
 co, quam * Eduardus ille felix & animosus * Anno.
 Anglorum Rex, vndecim mēsum spatio vix 1347.
 expugnauit; quam * Philippus Bonus tuus * Anno
 proauus, cum quadraginta millium exercitu, 1436.
 nec expugnauit: tu, inquam, aggressus cum
 modicis copiis, in paucis diebus claudis, op-
 pugnas, capis. Quæ hæc vis animi, vel beni-
 gnitas fortunæ? vtraque enim adfuit: & illa
 vt auderes dedit, hæc vt posses. Scipio Afri-
 canus olim (nec alium iustiùs tecum confe-
 ram) cum in Hispaniam missus esset, vel fero-
 ciâ Poenorum ereptam, vel infortunio Ro-
 manorum alienatam, vidit rem longi & infi-
 niti operis, bellum circumferre per singulas
 & minutâs partes. Quid facit diuinus iuue-
 nis? Carthaginem Nouam, vbi, arma, cōmea-
 tus, opes hostiles erant, situ & mœnibus (ita
 putabatur) inexpugnabilem, subitò & igna-
 ris omnibus exercitum rapit. Venit, aggredi-
 tur,

tur, ingreditur: & in vnâ vrbe captâ, animos
 suis fociisq; reddidit, hostibus ademit. O fa-
 ctum Scipione dignum! & quid nisi prolu-
 dium frangendę magnę illius Carthaginis, &
 stabiliendi mox imperij pariter ac paci? A te
 similia exspectamus, ô noster Princeps: & ab
 hoc initio vince aut paca hostes, iunge diuul-
 sos aut rebelles. Hos ipsos quàm terres statim
 facto nouo pariter, & inopinato? Abducis
 ab iis locis copias, & alia agens ac præferens,
 Hulstū adducis. Quod istud Hulstū? non
 opidum, sed insulam; nec insulam modò, sed
 propugnaculis variis magnisque, id est verâ
 æstimatione, totidem opidis infessam. Quid
 facis ô consideratissime Princeps? quis ardor
 te abducit? non Mars solùm ea loca, sed Ne-
 ptunus tuetur & vindicat: & magnus ille
 Oceanus, ruptis aggerum claustris immissus,
 vnâ cum suis filiis latè dominatur & regnat.
 Vbi naues, quibus peruadas? vbi alæ quibus
 transuoles? desunt: at non tentandi tibi ani-
 mus, & patrandi item fortuna. O quàm nunc
 denique didici, angustè vires vestras expen-
 di, si quis ea tantùm quæ fieri possunt à vobis
 exspectat! Audetis non audenda, facitis non
 faciēda, humano quidem iudicio: sed Deum
 adhibetis in consilio, & vos magni cum ma-
 gno illo Numine participantes, legitis (si fas
 dicere) in tabulis Fatorum. Itaque inuitis aut
 dis-

9
 dissuadentibus omnibus, inuadis, peruadis,
 vincis. Hæc tua sunt sub initium opera, cum
 alij vix operum solent ponere fundamenta.
 Et quæ non maiora magisque ADMIRANDA
 à te, vel in te, expectemus? Memini legere
 ALBERTVM II. inter maiores tuos Austrios,
 vno tempore atque adeò vno anno, factum
 Regem Bohemiæ, & Hungariæ, & ROMANORVM.
 O quæ ista felicitas! sed quàm bre-
 uis felicitas! biennio enim non toto impera-
 uit, & optimum Principem Deus cælo inue-
 xit, quia terra virtutum illarum parùm capax
 erat aut digna. Tibi pariter ALBERTO omi-
 namur & vouemus similia, sed firmiora: &
 an non iam nunc clara signa Deus & Rex de-
 derunt? sed parco dicere, etsi non optare. O
 dies ille exorere, non lætus solum sed salu-
 taris Belgis; nec Belgis tantum, sed vicinis;
 nec vicinis, sed dissitis, & quicumque sunt
 in religione aut orbe Christiano. Plura vel-
 lem: sed vt ij qui apud Deum verba faciunt,
 corpore, gestu, sermone modici sunt ac re-
 uerentes: sic nos decet apud vos Principes,
 & colere atque ADMIRARI magis, quàm lau-
 dare. Facio in animo, & illo dico atque im-
 pleo, siquid ore aut stilo omisi. Louanij,
 Kal. Martiis. .m. dc. xcviij.

B

AD

AD LECTOREM.



DMIRANDA in Imperiis, Lector, qua olim colligere cœpimus, nunc disponere, ut vides, & vulgare. Orsumus à ROMANO, quod quattuor his libellis damus: an totum? negabit aliquis, & scio esse qua possint addi. Sed an debeant, nescio: non certè pro meâ mente, cui propositum fuit eminentia tantum & verè MAGNA colligere, atq; ea ipsa dumtaxat ostendere in primo vultu, & designare. Omnia si penetrassem, aut delineassem, præsertim qua ad Opera, quis finis fuisset? Sed architectonica etiam hac cura sit, non nostra; nec libuit supra plantam, quod dicitur, enagari.

* nec fuit
vixquam
Omnibus
in rebus
gnarum
vnum
esse atque
scientem.

— * ὡς ἀρα πως ἦν

Εν πάντεσ' ἔργοισι δαήμονα φῶτα γενέσθαι.

Et verè fatcor, nimia iam etiam curâ an curiositate peccari à plerisque nostrum, qui omnia hac antiqua auidescrutamur, & in maris illo fundo panè dicâ arenas. Ah, quis fructus est? Vita & mores præcant, tum prudentia, sed & elegantia quadam accedat: tamen ultima hac cum modo. Peccauimus & nos fortasse olim: sed nunc cum aliis annis mens est alia, & clamo liberè, Quædam esse quæ malo ignorare, quàm discere. Timonis illud sæpè mihi in mente:

* Multisciētia, ut
haud
quidquā
vel vanius
existat!
* melius
multorū
opus.

* πολυμαθημοσύνης ὡς ἐκρεώτερον ἄλλο.

Sed siquid tamen scitu dignum omisi, alius explebit me volente & addet, ut fiat illud Homericum

— * πλεόνων δέ τοι ἔργον ἄμεινον.

Et si

*Et si quadam tamen seposita mihi, non omissa, & in altera ADMIRANDORVM parte opportunè reddenda. Atqui & alia mihi culpa, aut certè nota, deprecanda est, in attollendo nimium fortasse alibi fuisse. Si ita est, excusetur: & quis nescit, ubi animus & stilus incaluit, trahere hoc secum has * *ἁντιρρῶς*?*

* laudationes.

Et tamen non arcem è cloacà feci, ut ait ille, nec lapidè è sepulchro veneratus sum pro Deo; sed res laudatissimas laudavi & extuli: si nimis, tu moderare & deprime, quisquis frigore & sedatiore affectu hac legis. Denique in clausulà, magnum etiam imperium miratus sum, & approbavi: cur contra hodiernum morem (dicet aliquis) fortasse & usum? Nam diuisiones ista facta iam dudum, & inueterauerunt, & moueri sine motu Christiani orbis vix possunt. Non temere igitur suadeo; nec sanè innouo: si tamen Fatis & Deo visum, hodiernam aliquam & nouam MAGNITVDINEM dare, cur culpa sit laudare & approbare? Multiplex ratio eam commendat: & firmissimè ista. quòd etiam nunc, quidquid tranquilli & pacati est in re Christianà, id manat ab unico illo capite, quod auctoritate sacrà nobis praeest. Romanus ille Dictator, ut sic appellem, & Pontifex, fulcrum aut vinculum est, quod sustinet, quod ligat, labentes aut dissidentes in male compacto hoc adificiò partes. Abite non impij solum, sed imperiti, qui aliter, nobis constat hanc ipsam Romam, & sacrum in eà imperium, fuisse & esse velut anchoram fluctuanti diu Europæ. Mira Dei benigni-

tas in hanc urbem ! cū legionum vim eripuit , legum attribuit ; cū armis imperare noluit , sacris indulgit : & sic quoque fecit eam decus , tutelam , columen rerum . Atqui Senatus ille vetus non est , inquit . Non ille , sed alius : & vide mihi in istā purpurā ex omni nostro orbe selectos procures , moribus , prudentiā , annis spectandos . Si vetus ille Cyneas redeat , & hunc confessum videat , nihil ambigat vel cum Regibus iterum , vel cum Heroibus comparare . Quid Tributa ? non tam multa , sed magis innoxia & Ultronea sunt . Quid Legationes gentium ? nec ea desunt , & ex noto ignotoq; orbe (tanta diffusio maiestatis huius est) concurritur , & iura ac leges sacrorum hinc petunt . Ipsi Reges & Principes adeunt & inclinantur , & obnoxia capita uni huic capiti submitunt . Quid Principes aut homines loquor ? aërei , terreni , inferi spiritus sine Genij tuerentur ac trepidant , & caelestem illam in terris potestatem vel inuiti ac reluctantes agnoscunt . Gaude igitur non maior , sed melior iam ROMA ; non cultior , sed sanctior ; & diu sedes & habitaculum sacri huius imperij (ex animo Vouemus) esto .

I. L I P S I
 A D M I R A N D A,
 siue,
 D E M A G N I T V D I N E
 R O M A N A.
 L I B E R I.

C A P V T I.

Occasio & ingressio sermonis.



I E S æstuosus erat, & quales Iulio men-
 se per Caniculam solent. Venit ad me
 A V D I T O R, & Numquid turbo? in-
 quit, non opinor. Otiari te cùm tempus,
 tum & mos iubet, qui publicas Ferias
 nunc indixit. L I P S. Otiamur. non ob
 caussas à te dictas solum, sed ob quam
 minime vellem. Ea valetudo est, sem-
 per molesta, nunc magis in isto æstu. O si Spada me habeat
 quàm me recreem & refrigerem ambulando, bibendo! A V D.
 Omitte Spadam, illam cursus tui palæstram. Satis nobis, se-
 mel sic pro te timuisse. Nam quid propius factum, quàm
 ut nobis eripereris, ad alios translatus? L I P S. Factum. nec
 unquam ego propior periculo fui, nec manifestiore Dei ma-
 nu ereptus. Ille me tuitus est, & reddidit vobis. Utinam &
 eos redderet iungeretque per bonam pacem, qui sic abiuncti!
 O quàm suavis vita sit! quàm iuuet communione illà terra-
 rum hominumque frui! A V D. Ne despera.

* Οὐπω μῖστος ἄγων ἔγχευ' ἔχοντες, ὑδ' ἐπαιτούς.

* Non dum
 æther men-
 sit, nec vol-
 uere desist
 autem.

B 3

Dies, Theom

Dies, inquam, ista componet & dabit; aut denique Deus. LIPS. Certè Dei hoc opus : quem toto pectore inuoco venororque, uti velit, Respiciat afflictam Belgicam tot iam lustris, & satis sit accisam eam, non excisam. Sed quid tu volebas? AVD. Fabulari. LIPS. Publica habes? AVD. Curiosè ea non curo: sed tamen & publica tangit, quod volebam. LIPS. Dic autem. AVD. Sponde autem. LIPS. Quid istud est? captas me? AVD. Non nego. vinam ceperim! Iam diu est quod DE MAGNITVDINE ROMANA polliceris aliquid dicere, siue scribere. Si hoc nondum potes, illud fac quod potes. LIPS. Hócine agebas, & eò ibas? & hoc illud otium, quod suadebas? AVD. Agebam, ibam, suadebam. Et quid tibi híc magni negotij? scio iam diu talia & obseruata tibi, & prompta. LIPS. Profsus. ecce, os aperiarn? Iponte se effundent. O te bellum! scilicet memoriâ, dispositione, ad eas res non opus, etiam quas notas iam habeas & parat. AVD. Non nego. sed priorem Deus tibi dedit, alteram iudicio semper assumpsisti. In scriptis tuis hoc me delectat, ordinem & feriem rerum videre: interdum earum, quarum nec ordo videbatur. LIPS. Malus es. AVD. Quid ita? LIPS. Quia verè captatorem agis, & blandiris, sed ut in retia tua conipellas. -- *γίγνεται* *δ' αλώπηξ* (ait verbū) *εχ' αλίσσεται*. AVD. Imò patiare te capi vel meâ hac cupidine, quam amare & laudare in adolescentiâ nostrâ soles. LIPS. Non nego, adanto: sed & argumentum inuitet, quod valdè item amo. Quomodo non veterem illam Romam? tot ingeniorum, artium, virtutum, vel matrem vel sedem? Nam Potentia quidem & Militia ADMIRANDA sunt, & magni illius imperij Opes: Virtutes amandæ. AVD. Neque aliud à te volo, quam in vmbra quasi & imagine representari Formam faciemque illam veterem: & qualis, & quanta Roma fuit. LIPS. Ego verò sic subitò nec vmbra tibi ausim polliceri: fortasse vmbellam, & imaginem aliquam imaginis, ut sic loquar. AVD. Quidlibet, iuuabit & docebit. LIPS. Sic volendo, volentem & me facis. Sub hac trichilâ vmbrosâ igitur sedeamus, & ducamus MAGNITVDINIS ROMANAE vmbas.

- * Vulpecula haud capitur se-
nex.

CAP.

CAP. II.

*Communitèr Roma & eius Potentia laudata,
per elogia pauca veterum.*

EGO inter Imperia & MAGNITVDINES, quas Deus à condito orbe esse voluit, eminere censeo & prius ferre hanc ROMANAM. Hoc è *Finibus*, *Copijs*, *Opibus*, *Operibus*, denique *Viris & Virtutibus*, liquere posse arbitror: quibus rebus singulis, aut & iunctis quibusdam, aliæ fortasse gentes se ostenderunt; nulla sic omnibus, vt nunc ostendam. Tu Deus lux temporum, rerum, hominum, scintillam aliquam tui, si non radium, in mentem hanc immitte: vt eâ videre, adire, sed & referare possim, thesauros Antiquitatis & Memorix; quos in Æui diffuso implexoq; sinu, reponis & seruas. Præquam igitur distinctè de quinque illis Magnitudinis partibus dicam, lubet vniuersè aliquid de totâ eâ præfari, & quam istam, vnâ mecum, illustres magnique omnes viri admirati sint. Atque illa vulgata omitto, *Romanos rerum dominos: Romam mundi caput: Mundi miraculum: Mundi compendium: Arcem nationum ac regum, lumen gentium*: magna sunt, & à magnis: sed compendio laudasse eam magnificè Martialis videretur,

Terrarum Dea Gentiumq; Roma.

Cui PAR est nihil, & nihil SECUNDVM.

Subtiliter nec falsò vult, nihil accedere ad eam, nihil vel sequi. Quod an ab illo mutuatus Frontinus est? in cuius libro de Aquæductibus legimus: *Regina & domina orbis, quæ terrarum dea gentiumq; consistit, cui par nihil, & nihil secundum.* Sed vereor vt allitum adscriptumve alienâ manu sit, & grauis atque eruditus reliquus Frontini stilus non probat aut amat lasciuiam poetarum. Compendio igitur Martialis: sed pulchrè item & vberim Claudianus.

*Quâ nihil in terris completitur ALTIVS æther,
Cuius nec SPATIVM visus, nec corda DECOREM,
Nec LAVDEM vox ulla capis. quæ luce metalli*

Æmula

Æmula vicinis fastigia conscribit astris.

ARMORVM LEGVMQVE PARENS, *que fundit in omnes Imperium, primique dedit cunabula iuris.*

Hæc est exiguis quæ finibus orta, tetendit

In GEMINOS AXES, paruaque à sedè profecta

Dispersit CVM SOLE manus. hæc obuia satis,


Innumeras vno gereret cum tempore pugnas,

Et Gallum terris prosterneret, aequore Panum,

Numquam SVCCVBVIT DAMNIS, & territa nullo

Vulnere, post Cannas MAIOR Trebiamque fremebat.

Habes pleraque versibus iis ab alto & animoso poetâ (talis fuit) inserta, quæ ordine meo imus laudatum. Sed Eri-
nna etiam poetria audienda est : quam vixisse oportuit, vt hoc
carmen est, sub Pompeij, aut circiter, æuum. Nam alioqui
plures eo nomine fuisset, non debes nescire. Ea igitur, ad ip-
sam Romam:


Χαῖρέ μοι Ρῶμα θυγατὴρ ἄρη, 

Χρυσέμυξα, διαίφρον ἄνασσα,

Σιμὼν ἀναιὲς ἐπὶ γᾶς Ὀλυμποῖ

Λὲν ἄθροισον.

Σοὶ μὲν παρθέσις δίδωκε μοῖρα

Κὺδ  ἀρρήκτου βασιλῆος ἀρχαί,

Ὅφρα κοιρανίῃν ἔχουσα κάρτος

Ἀγνοούσης.

Σὺ δ' ὑπὸ ζῶντα πεσπερῶν λεπτόντων

Στέρνα γαίης καὶ πολιᾶς θαλάσσης

Σφίγγεται, σὺ δ' ἀσφαλὲς κυβερνᾷς

Ἄστα λαῶν.

Πάντα δὲ σφάλαν ὁ μέγιστος αἰὼν,

Καὶ μεταπλάσσει βίον ἄλλοι' ἄλλως,

Σοὶ μὲν παρθέσις παρθεῖσιν ἀρχαί

Ὅν μετὰ βάλλει.

Ἡ' γὰρ ἐν πάσῃ σὺ μὲν περθεῖσιν

Ἄνδρας ἀρχματὶς μεγάλως λοχδεῖς,

Εὐσταχίῳ δ' ἀμαξὸς ὅπως αἰθεῖς

Καρπὸν ἀπ' ἀνδρῶν.

Filia o Martis, mihi Roma salve,

Aureo

*Aureo Regina decora cultu,
Que vel in terrâ stabiles Olympi
Incolis arces.*

*Nam dedit soli tibi cana Parca
Regium sceptrum, minimè atterendum,
Vt potens rerum domineris vna,
Imperitesque.*

*Ad tuum curru, retinente freno,
Colla telluris tumidique ponti
Illigas, & tu populos gubernas
Firma per aeuum.*

*Ipsa, que gaudet variare cuncta,
Resque transformare hominum, Vtustas,
Spirat hac vni tibi semper auram à
Puppe secundam.*

*Denique, in cunctis populis valentem
Procreas bellis sobolem. vti que lata
Surgit è terrâ seges, ipsa abundas
Frugè virorum.*

Atque heus tu, virile & plenum spiritus muliebre hoc carmen est; & curta talia tam multa perierunt? Sed Poëtarum hæc laudatio est: audi Historicū. Nulla vñquam Respublica nec MAIOR nec

Liu. 1.

SANCTIOR, nec bonis exemplis ditior fuit. Laudat à duplici illo capite quod nos attigimus, & in sermone persequemur, Potentia & Virtutis. Quod ipsum vtrumque Ammianus: cū Romam IMPERII VIRTVTVMQUE omnium Larē appellat. Et plura se offerunt, quæ differo, in suis locis opportuniùs reddenda.

Hieronymi elogia audiamus, xuo iā inclinante: *Vrbs POTENS*, *vrbs Domina*, *vrbs Apostoli voce laudata*, interpretare vocabulum tuum. Roma aut *FORTITVDINIS* nomen apud Græcos est, aut *SVBLIMITATIS* apud Hebræos. Duplicem interpretationē nominis rei aptam reddit: ego & tertiam, quam dederit lingua nostra: quia *Roma*, *Gloria* & *fama* nomen est Germanis: Quid, quod apud Orientales Indos *Rumes* appellatur (Oforio ita traditum) milites boni & fortes: an quasi Romani, & admiratio vetus apud eos mansit? an vox indigena id quoque notat? Diuus Augustinus, pro summis, tria olim videre desiderat: *Christum in*

Lib. 11.

adu. Iouin.

** Rom.*

C

carne,

carne, *Paulum in cathedrâ, Romam in flore.* Hoc vltimum paramus, & ad rem partesque nostras iam imus: aliquid tamen à te præstipulati. *Avd.* Quid illud est? *Lips.* Assensum & fidem. *Avd.* Tibi non dem, aut habeam? vel nutu me ducas, quò velis. *Lips.* Memento. nam erunt quædam inopinata, & verè *ADMIRANDA.* Poëta iure cecinit:

Propert.

*Omnia Romana cedant MIRACVLA terre,
Natura hic posuit, quidquid VBIQUE fuit.*

C A P. I I I.

*Fines imperij Romani; quando maximi; & Pro-
vincia breuiter adnumerata.*

INITIA nos tenent: nec temerè iam olim dictum, *Portam itineris longissimum esse.* At scitò viam ingredior, & quidem per eos limites siue terminos, quos antè obiter posui, *Potentia ac Virtutis.* In potentiâ considero, *Fines, Copias, Opes, Opera:* & in hanc quadrigam, nisi fallor, subiungam & veham, quidquid ea secum trahit. Ergo de *Finibus* primò. ij. verò quàm amplissimi fuerunt, & spatia terrarum ac inaris, vno velut sinu & iunctim inclusa, quanta in vllò priorum aut posteriorum imperiorum nego fuisse. Itaque attollunt haud vanè hæc veteres, & magnificè loquuntur, vt Cicero: *Nulla gens est, quæ non aut ita subacta sit, vt vix exstet; aut ita domita, vt quiescat; aut ita pacata, vt victoriâ nostrâ imperioque letetur.* Et passim illi sermones, *Romanos orbis dominos: Solem vtrumque in eorum imperio currere:* & talia, animosè magis, quàm superbè dicta. Petronius:

Orbem iam totum victor Romanus habebat,

Quà mare, quâ terra, quâ sidus currit vtrumque.

Dionysius Halicarnassæus planè cum ipso, etsi ante ipsum: ἡ δὲ Ῥωμαίων πόλις ἀπὸ πάσης μὲν ἀρχαίης, ὅση μὴ αὐτὴ βασιλεύσῃ, ἀλλ' ὅσα ἀνθρώπων κατοικεῖται. πάσης δὲ κρατεῖ θαλάσσης, ἢ μόνον τῆς ἐν τῇ Ἰερικλίᾳ σπλην, ἀλλὰ καὶ τῆς ὠκεανίδος, ὅση πλεῖσθ' μὴ ἀδυνατῇ ἔχει, παρῶν καὶ μόνῃ τῇ ἐν τῷ παντὸς αἰῶνι κομμενομένην, ἀνατολὰς καὶ δύσεως ὅρας ποιομένη τῆς διωστικής: *Romana vrbs imperat toti terra, quâ quidem inaccessa non sit, habitaturque ab hominibus; sed & toti mari imperat, non solum huic*

huic intra columnas Herculeas, sed ipsi Oceano, quacumque est navigabilis; PRIMAQUE ET SOLA ab omnis aui memoria terminos sibi potentia fecit, Orientem & Occasum. Vbi terras omnes & maria tribuit, sed ut decuit historicum bonæ fidei, cum aliquâ restrictione aut exceptione: seiungitque inaccessa aut inhabitata loca, itemque maria ignota. Enimvero, si propius inspicias, nec habitata quidem omnia loca sub imperio habuit: non hercules: & multa sub Parthorum iure ad Orientem fuere; multa libera, aut sub regibus, ad Septentrionem ac Meridiem: sed ut ego quoque pro vero magis coërceam, quidquid opportunum aut dignum vinci videbatur, vicit. Cetera non tam non potuit, quàm contempsit, & iudicio reliquit. Sed illud nemo negauerit, florem Asiæ, Africæ, Europæ in hoc imperio fuisse: ipsa gentium robora, ingenia, opes. Quod ut clariùs tibi liqueat; in triplici hac mundi plagâ quid habuerint, strictim & per indicem dicam: atque id, cum imperium maximum & in culmine suo fuit, ut ab Augusto ad Traianum. Termini igitur finesque imperij sub Augusto erant, ab Oriente Euphrates; à Meridie Nilus catarracta, & Deserta Africa, & mons Atlas; ab Occidente, Oceanus; à Septentrione, Danubius & Rhenus. Ita enim ipse, bono consilio, instituit, claudere imperium naturæ aliquibus limitibus, & custodes ac milites ad eos habere. Hoc Tacitus in eo laudat: *Clausum mari, aut omnibus lōginquis imperium.* Atque idem scribit, Augustum libello, quo Rationes imperij conscripserat, consilium addidisse, coërcendi intra terminos imperij, incertum metu, an per inuidiam. Nolebat, inquam, posteros Augustus proferte terminos: siue quia satis iam partum videbatur, & metuendæ bellorum ac fortunæ vices; siue per inuidiam, & ne gloriam suam vincerent, ut Tacitus suspicatur. Sanè posteri consilium hoc neglexerunt, nec solum regna aliquot, defunctis aut euerfis sociis Regibus, imperio adiecerunt; sed etiam, ultra terminos, noua quæsiuerunt. ut Claudius, qui *Britannias* in ipso Oceano deuicit; ut Traianus maximè, qui ab Oriente, *Arabiam, Armeniam, Mesopotamiam*; à Septentrione, *Daciam* subegit. Ita moti prolatique tunc termini trans Euphratem, ad *Tigrim*: iterumque parte aliâ, ad *Mare rubrum*, & trans *Danubium* ipsum, tota *Dacia* addita fuit. Hoc est, quod Tacitus noster in suo illo Principe laudat:

11. Ann. *Ventum inde Elephantinen ac Sienen, claustra OLIM Romani imperij, quod NUNC Rubrum ad mare patescit.* Sed, inquires, quæ hæc dictio est, quasi pro magno ad mare Rubrum ventum nunc esse: nonne & antea fuit? Ipsa illa Siene & Elephantine ad Nili catarractas, ostendunt quidquid Ægypti interiaceret Nilum & Sinum Arabicum, iam olim Romanorum fuisse. Atqui Sinus ille, *Rubrum mare.* Respondeo, latius olim Rubrū mare patuisse, & paullo aliter, quàm vt vulgò hodie, appellatum. Nam in Taciti, & aliorum veterum verbis, in hoc nomen venit *mare Indicum*, vastum illud & magnum, quod ab extremo Sinu Arabico, siue ab Africâ cā, in *Auream* Ptolomæi *Chersonesum* se protendit. Itaque Pomponius Mela, duos Sinus in mari Rubro agnoscit, *Arabicum & Persicum.* Et Seneca Tragicus, *Tigrim in mare Rubrum* exonerat atque immittit: Curtius Indum & Gangem: quos certum est in magnum illud mare, longè à Sinu Arabico, euolui. Hæc vera & clara sunt: promoti igitur termini ad mare Rubrum siue *Indicum*, per Arabas adiectos. Eadem mens Græci scriptoris in Suidâ: qui *terminos imperij ad Orientem* facit *Indos & mare Rubrum*, & *Nili Catarractas*, & *lacum Meotin.* Sicut & Appianus ita capiendus, cū in Pærafatione operis sui, distinctè Romanum imperium limitat: *Tendit, inquit, ab Occasu & illo Oceano occiduo, ad Caucasum montem, & flumen Euphratem, & ad Æthiopas superiores, per Ægyptios & Arabas, ad Orientalem Oceanum.* Hic Oceanus Orientalis, non aliud quàm *Mare Indicum* siue *Rubrum*, iam dictum. Sed obiicies, Si ista de Traiani terminis Appianus; quid ita *Euphratem* ponit, *Tigrim* omittit? Hoc ideo, quia Hadrianus Imp. (sub eo Appianus scripsit) statim à morte Traiani, hoc mutauerat. de quo Festus Rufus: *Inuidens, inquit, Traiani gloriæ, sponte Armeniam, ac Mesopotamiam, & Assyriam reddidit, ac medium inter Persas & Romanos Euphratem esse voluit.* Tamen de Tigri etiam Claudianus:

*Subdidit Oceanum sceptris, & margine cali
Clausit opes. quantum distant à Tigride Gades,
Inter se Tanais quantum Nilusque relinquunt.*

AVD. Sed & alia dubitatiuncula, de *Mesopotamia.* quam tu & Rufus ab Traiano adiectam imperio significatis, at Aurelius Victor iamdiu à Claudio. LIPS. A Claudio? nemo hoc dixit, nec potest.

potest. Avd. Imò verba Victoris sunt: *Retenti fines, seu dati, imperio Romano, per Orientem Mesopotamia; Rhenus Danubiusque ad Septentrionem; & à Meridie Mauri accessere prouinciis.* LIPS. Hoc eo sensu, vt ipsa Mesopotamia finis esset, non vt in finibus contineretur. Eousque, inquam, productum imperium, non & vltra ipsam. Ea mens Victoris; aut si alia, est error. Et habes ecce in istis finibus, quid? per Indicem, si placet, videamus, & per singulas orbis partes.

IN ASIA:

<i>Colchidem,</i>	<i>Armeniam,</i>
<i>Iberiam,</i>	<i>Syriam,</i>
<i>Albaniam,</i>	<i>Arabiam,</i>
<i>Pontum,</i>	<i>Palestinam,</i>
<i>Bosphorum,</i>	<i>Ciliciam,</i>
<i>Cappadociam,</i>	<i>Pamphiliam,</i>
<i>Galatiam,</i>	<i>Lydiam, &</i>
<i>Bithyniam,</i>	<i>Asiam totam</i>
	<i>minorem.</i>

IN AFRICA:

<i>Aegyptum,</i>
<i>Cyrenaicam,</i>
<i>Marmaricam,</i>
<i>Getuliam,</i>
<i>Africam propriam,</i>
<i>Numidiam,</i>
<i>Mauretaniam,</i>
<i>Aliasque minores</i>
<i>aut ignotiores.</i>

IN EVROPA:

<i>Italiam,</i>	<i>Macedoniam,</i>
<i>Hispanias,</i>	<i>Epirum,</i>
<i>Gallias,</i>	<i>Graciam,</i>
<i>Inalpinos,</i>	<i>Thraciam,</i>
<i>Rhetiam,</i>	<i>Masiam,</i>
<i>Noricum,</i>	<i>Daciam,</i>
<i>Illyricum,</i>	<i>Pannoniam.</i>

Habes hîc, dico, optima terrarum, latissima terrarum: & magnam tamen partem consultò omisi, quidquid *Insularum* mari ambitur. Eæ quàm multæ, & magnæ quædam, in toto illo mari mediterraneo fuerunt, à Columnis Herculis, ad Pontum vsque? profectò, quæ vel decimam partem pænè prouinciarum terrestrium æquent, si *Britannias* in exteriore mari (vt debes) adiungas. Pulchra autem ista facies, & non nisi à Prouidentia sic ordinata & ornata: quam mecum vide. Vtrimque ad hoc mare mediterraneum Prouinciæ se porrigunt & extendunt, ipsum in



medio, tot portubus & insulis distinctum, quasi via & limes est, per quem commercii iungantur. Nec aliud mihi pulchrius commodiusque videtur in hoc imperio, quàm iste velut in medio corpore baltheus, bullis insularum interstinctus: qui & diuidit simul, & constringit. Dabis mihi aliud tale, & tantum? non dabis. A V D. Imò Lipsi, *Turcicum*, & Regis quoque nostri *Hispanicum* imperium, haud longè absunt. L I P S. De Turcico, fatendum est, in Asiâ & Africâ latè se extendisse: sed in validissimâ Europâ nostrâ quid habet, aut potius non habet? Certè vel sola Italia, Hispania, Gallia iunctæ, opibus viribusque pares sint, aut superent illum hostem. O si Deus daret! adeo nec prouinciæ illæ Orientales pro opibus & frequentia priscæ sunt; & nostræ istæ florem nunc habent & vigorem. Quid de Germaniâ dicam? illa olim horrida & rerum inops, quàm artibus, opidis, copiisque exulta est, & abundat? A V D. Mirificè & hæc tamen Imperio tuo etiam deest. L I P S. Non sic, vt opinare. Nam si terminos meos cogitas, videbis ad Danubium vsque, *Ratias*, *Noricum*, *Carnos*, *Pannonos* inclusos: & parte alterâ ad Rhenum, *Heluetios*, *Rauracos*, *Argentoratenses*, *Nemetes*, *Vangiones*, *Treuiros*, *Vbios*, *Menapios*, *Batauos*, ad Oceanum ipsum. Quæ pleraque omnia Germaniæ hodiernæ nomen, & linguam, & leges etiam habent: at detracta, vides quàm eam arctent, & pulcherriimis membris spoliata relinquant. Certum autem, hæc postrema omnia, cis Rhenum, Galliæ fuisse olim accensa. Itaque sub iugo Romano. Sed de *Hispanico* imperio quod aiebas; id sanè, spatia terrarum si consideras, præsertim in Nouo illo orbe & insulis, Romanum longè vel superat: sed iunctio & deuinctio prouinciarum, viri & copię, quàm deficiunt & delinquant? Nunc quidem: nam postea quid futurum sit, nescio: florebunt, crescent fortasse. & sensum meum tibi dicam? Nescio quo Prouidentię decreto, res & vigor ab Oriente (considera, si voles) in Occidentum cun-

CAP. IIII.

*De copiis & præfidiis sparsim circa limites, itemq;
in ipsâ urbe.*

ISTI Fines igitur Romani & quidem mari, amnibus, montibus clausi ac muniti, sed Milite & *Copiis* multo magis. Nam Romanus mos & institutio, duplici viâ prouincias munire, *Copiis* & *Colonis*: de quibus vtrisque breuiter dicendum. *Copias* intelligo, perpetuum militem, qui ad tutelam imperij, ex instituto Augusti, fuit. Triplices eas reperio, *Prounciales*, *Urbanas*, *Classicas*: illas maximas, alteras satis validas, & tertias vtilis atq; opportunas. Omnia hæc ab Augusto; qui sapienter pleraque in nouo imperio aut instituit, aut restituit, vt res visæ postulare. Hoc autem inter noua: & in laudibus Augusti iam mortui Tacitus ponit, *Legiones, prouincias, classes, cuncta* ^{1. Ann.} *inter se connexa*. Narrat & Suetonius: *Ex militaribus copiis, legiones & auxilia prouinciatim distributa*. Sed bene Tacitus, *cuncta connexa*: nam ita ordo & dispositio fuit, vt limitanea loca militem haberent, interiora vix haberent: & essent, vt in magnâ urbe, circa mœnia dispositi & vallum. Cohærebant autem prouinciæ; ideoq; & legiones, per cohortes suas & alas sparsæ, & inter se vicinæ. **A**VD. Sed non igitur Arces in locis interioribus saltem erant, si non legiones? **L**IPS. Apagè à Romano hoc more. nusquam in iis præsidium aut spes posita Martiali huic populo, sed in milite tantum & armis. Et sanè de Arcibus variè disputari potest: sed non tempestiuè in hoc loco. pergamus. Miles igitur ad Limites, vbi minimo oneri subditis, maximo vsui in hostes esset. **Q**uantus? sub Augusto & Tiberio *viginti quinque* legiones fuerunt, ex Dione & Tacito: quin postea tamen auxerint, vix dubito, & sub Traiano atque Hadriano certum fuisse *triginta*, aut & suprâ. Columella, in quâ legionum nomina, tum & alia quædam hoc euincunt: diximusque aliquid in *Analectis Militiæ Romanæ*, illuc, si lubet, videndum. Hæ legiones, Augusti & Tiberij æuo, sic dispositæ:

In Hispaniâ, legiones III.

In Africâ, II.

In Galliâ ad Rhenum, VIII.

In Ægypto, II.

In

In Syriâ ad Euphratem, IIII. In Pannoniâ a d' Danubium, II.

In Mesiâ ad Danubium, II. In Dalmatiâ, II.

Sed mutabant interdum, quod Tacitus in IIII. Annalium notat, & ob causas huc atque illuc ibant, aut sedebant. Quædam autem legiones & in opidis erant, et si pleræque in castris: sed in opidis dico, quæ valida aut magna, & ideo motui aut rebellionis opportuna. Talis Alexandria in Ægypto: de quâ Strabo. *Sunt tres in Ægypto legiones. quarum vna in vrbe collocata est, alia per regionem. Præter has, sunt & nouem cohortes Romanorum, tres in vrbe item, tres in Æthiopie finibus ad Syenen, præsidium locis; tres in aliis partibus. Sunt & alæ equitum tres.* Sed & idem scribit, in Babylone castello supra Delta, legionem vnâ consistere è tribus, quæ Ægyptum custodiunt. AVD. Itane bis, ternas hinc legiones collocat? attuas Index binas. LIPS. E Tacito meus index, & sub res Tiberij iam vergentes. Recenter id tunc mutauerat, & abducta legionum vna, vt sæpe. Antè, & à Iulio iam Cæsare legiones ibi ternæ, vt in Suetonio leges: tenuitque Augustus, & Tiberius ad id æui, quo Strabo scripsit. Sed de nostrâ iam re, legiones dico sæpe in opidis. atque ita de Beryto Syriæ idem Strabo: *Hæc euersa fuit à Tryphone, instaurata & suscitata à Romanis, duas legiones suscipiens, quas Agrippa ibi collocauit.* Causa fuit, sedes item vrbis ad ipsum mare, & locorum eorum claustrum. Ita à tergo aliæ legiones Syriam defendebant aut premebant, hæc sita in fronte. In Hispaniâ, vt idem Strabo, Bætica quæ populi erat, milite vacabat: reliqua Hispania habebat. Similia adnotare plura possum, & causas dare aut tangere: sed diffusionem non gaudeo, vbi res non poscit. Hoc magis è primis illis Strabonis obseruo, *socias etiam cohortes aliasque fuisse, præter ipsas Legiones: & vt illic vides, numero satis grandi.* Enimvero *nouem illæ cohortes* (sociales fuisse dico, et si ipse Romanas appellat: sed hoc ideo, quia militabant sub Romanis signis) pænè legiones tres æquarunt, nec minores eas millenariis fuisse opinamur. Tacitus id quoque dixit: *apud idonea prouinciarum, socias triremes, & alas, auxiliaque cohortium, nec multo secus in iis virium fuisse: sed persequi, inquit, incertum fuit, cum ex usu temporis, huc illuc mearent, gliscerent numero, & aliquando minuerentur.* Ecce disertim, *haud secus*, id est, non minus in iis virium fuisse, quàm in legionibus

nibus ipsis: imò plus interdum, idem ostendit. vbi legionis *Decimequarta auxilia, octo cohortes Batavorum* facit. Atque ali-
 bi, in minoribus prouinciis, solæ cohortes aut alæ fuerunt, vt
 in Rætiâ, Iudæâ, talibus, & quæ Procuratoribus regebantur.
 Interdum & in opidis interioribus, ad coercendû: vt Lugduni
 in Galliâ, Tacitus *cohortem XVIII^m* locat; idem Foroiulij *Li-
 gurum cohortem, vetus loci auxilium*. Et tale alibi. Huc equidem
 Iosephi verba referam, alioqui paraloga, non solum paradoxa:
 apud quem Agrippa ad Iudæos loquens adserit, Galliam illam
 tam validam, tam latam, *mille ducentis militibus in officio contineri*.
 Profectò octo legiones totæ fuerunt, sed quia istæ in extremâ
 Galliâ, ipse copias modò numerat, quæ introrsus in eâ essent: si
 tamen numeri illi in Iosepho sani, quos sæpe in eo obseruamus
 vitiatos. Sed hæc ita sub Augusto: vt tamen tetigi, creuerunt, &
 primùm Claudius Imp. Britanniâ domitâ, legiones in eâ *tres*
 locauit, manseruntque. Tum Vespasianus *duas* etiam in Cap-
 padociâ: & Traianus deinde in Daciâ *duas*. Istæ *Prouinciales* co-
 pitæ: *Vrbane* fuerunt, quæ sedem Romæ & in ipsâ dominâ vrbe
 habuerunt. Quo fine? duplici, vt Principem in eâ tuerentur, &
 vt ipsam urbem Principis custodię triplex miles fuit, *Prætoriani,
 Euocati, Batavi*. Primi in *nouem* cohortes diuisi ab Augusto, flos
 militum, fide, robore, & gente. Exemplum instituti huius fuit,
 à Prætorii cohortibus in exercitu, quæ circa ipsum Imperato-
 rem, & ad eius tutelam erant: sed plerumque vna: Augustus
 autem in bellis ciuilibus plures habuit, & victor quoque reti-
 nuit in pace, contra motus subitos, & ad plebem Romanamque
 coercendam. Nam fuere *nouem millia* militum, non robore so-
 lum, vt dixi, sed stirpe & domo eximij: nec capti nisi ex *Etru-
 riâ, Vmbriâ, Latio, & Colonis antiquitus Romanis*, quod Tacitus
 ita etiam notauit. Gloriabantur igitur hoc sanguine: & ideo
 Otho is blandiens, & in concione alloquens, *Italia*, inquit,
alumni, & Romana verè iuuentus. Nam legionibus aliis, exteri iam
 & ciuitate donati, crebri miscebantur. *Nouem* dixi fuisse: idque
 apertè Tacitus: at Dio *decem* scribit. Nam ita in rebus Augusti:
 οἱ σωματοφύλακες μύριοι ὄντες, καὶ διὰ τῆς τετραμύριοι: *Custodes corporis Au-
 gusti (Prætoriani) decem mille erant, atq; ij in decem partes, siue co-
 hortibus diuisi*. Hæc dissonat: & fallitur Dio: an pro suo auctore dicit?

III. Hist.

Lib. IIII.
Annal.

Tac. I. Hist.

Lib. LV.

D

Illud

II. Hist.

Illud potest, hoc vix potest: quia eius ævo (vixit, sub Alexandro Seucero, & prioribus) iam plures denis illiserant. Exemplum à Vitellio, qui primus, opinor, auxit. Tacitus de eo, Romam ingressus: *Confusus prauitate, vel ambitu, ordo militiae. Sedecim Prætorie, quattuor Urbanae cohortes scriberentur, quis SINGULA MILLIA inessent.* Sed an ille tamen primus? an non Claudius Imp. antea fecerat? Lapis vetus (quid contra eum dixerim?) affirmat: C. GAVIO. L. F. STEL. SILVANO TRIB. COH. II. VIGILVM. TRIB. COH. XIII. VRB. TRIB. COH. XII. PRÆTOR. DONIS. DONATO. A. DIVO. CLAVDIO. BELLO. BRITANNICO. EN, ille verò sub Claudio vixit, & donis ab eo donatus in Britannia: & tamen *Tribunus scribitur Duodecimæ Prætorie cohortis.* Sculptor errat: sed idem est in *Urbanis*, ubi *Decimatercia* nominatur. Quid? an hic Gavius potius, iuuenis Britannico bello interfuit, & tum senior sub Vitellio militauit? Omnino dixerim: nec tempora refragantur, poruitque vel sub illo, aut statim ab illo, Tribunatus hos gessisse. Nam eam auctionem dixerit aliquis mansisse: argumento eorumdem lapidum, in quibus crebrò, grandiore numero sic legas. Istis *Castra Prætorie* fuere, ad Portam Viminalem: ut arctius & in disciplinâ haberentur, secreti à ciuibus & vrbe. Sed *Euocatos* iam addo: de quibus Tacitus atque alij silent (quod equidem obseruauerim) at non Dio Cassius, qui adiungit aperte. *Euocatis*, inquit, *Augustus* vti iam ceperat in *Antonium* olim, eosque & postea seruauit. Sunt autem hodieque propria quedam & separata manus, & vites serunt, instar *Centurionum*. Hoc ille, ubi ex professo de custodia Principis scribit. Facere huc videtur, quod Suetonius in Galbâ notat, dilexisse eum *equestri ordinis iuuenes, qui manente aureorum anulorum usu, EVOCATI appellarentur, excubiasque circa cubiculum suum, vice militum, agerent.* Instituisse hoc cum planè dixeris, exemplo custodiæ Principis, quia Principem scilicet nunc agebat: etsi non veteranos quosdam milites, sed Equites ipse elegit. An non ibidem & munus istorum *Euocatorum* expressum: nempe ut circa *cubiculum Principis excubias agerent*? ego omnino opinor: etsi valdè miror, nusquam (nec occasio defuit in *urbanis* illis moribus, aut Principum cædibus) nusquam, inquam, à Tacito vel Suetonio, vel ipso Dione alibi, nominatos. Tamen quod in lapidibus crebrò

Lib. xv.

crebro legitur, EVOKATVS AVGVSTI, me iudice haud aliò est referendum. Tertij sunt *Bataui*, equites peditesq;. Dio Cassius: *Sunt & exteri Equites selecti, quibus Batauorum nomē est, iique equitandi peritissimi.* AVD. Da veniam, interpello te: Bataui equites? hoc est simile, ac si dicam Venetos equites esse. Et Bataui sanè nostri, aliis illis equis veliuolis & ligneis, per Neptuni aquor optimè discurrent: hos terrestres, parcè aut parùm dextrè tractant. LIPS. Vetera loquimur: gens ea tunc Martem potiùs, quàm Mercurium colebat. Et què gloria vicinis illorū in equite nostrā etiam memoriā fuit: ea ipsis olim. Credo autem intelli-
** Membris & Geldria,*
gi tunc quoque superiores illos Batauos maxime, qui Geldria nunc accensentur: nam inferi & ad mare, nec ipsi, nec regio eorum equis satis facti, aut apti. Sed Bataui igitur boni Equites: fuere & Pedites, etsi Dio silet. Tacitus alijque dicent, qui tamen hos modò Batauos, modò Germanos appellant: sed dixeris Dionis duo Pedites non fuisse. Causa, quia Galba Germanorum cohortem, institutam iam olim à Caesaribus, ad custodiam corporis, & multis experimentis fidissimam dissoluit, ac sine ullis commodis remisit in patriam: quod Suetonius in eo scribit. Dicit Cohortem: ergo pedites fuere: & addit ab ipso solutam militiā ac dimissam, nec postea fortasse restitutam. Non reperiò quidem ultra nominari: & in Notitiā imperij, dumtaxat *Bataui equites, Seniores Junioresq;*. Vtraq; autem hæc manus quanta fuerit, & Dio ignorare se fatetur: *Batauorum*, inquit, numerum, sicut nec *Euocatorum*, satis certò possum dicere: quid ergo nos conemur? Puto tamen Batauos haud minùs duabus alis plenioribus fuisse, & vt minimum mille Equites: Pedites etiam olim ad mille. Euocati autem, ij quoq; cohors vna millenaria sunt. Alter nunc miles in vrbe, & pro vrbe, duplex est: *Vrbane, & Vigilium cohortes*. De prioribus Tacitus: *Quamquam insideret urbem proprius miles, tres urbanae cohortes:* 1111. Ann.
& mox ostendit eam quoq; lectam, & non nisi Italiam manum fuisse. Sed tres ipse dicit, Dio in Augusti dispositione, quattuor. οἱ τῆς πόλεως δεσποῖν, inquit, ἐξαρχίδου, & τῆς ἀρχινομημάτων: Urbis custodes sex millia, & in quattuor partes diuisi. Miror & hîc dissensum, nec concilio. Si tamen numerus tantus, vides grandes istas Cohortes fuisse, atq; etiam supra Prætorianas. Nam singule fuerunt mille quingentorum militum. In Taciti autem antè verbis, de

Vitellio, notate potuisti, ab eo denique factas *quattuor urbanas cohortes*, sed quæ non nisi *singula millia* haberent: vnde igitur tantas sub Augusto? Intticata hæc fateri oportet, & mihi pænè libido in Tacito ibi legendi, *quattuordecim urbane cohortes*. Cùm enim tam largiter Prætorij militem auxerit, cur non pariter & Urbis? Unica ista cohors adiecta, in paruo sit: & facit validè, quòd lapides ab illo æuo grandiore hunc numerum suadent. In illo superiùs recitato erat, TRIB. COH. XIII. VRB. & in alio sub Antonino Imp: C. CESTIO. C. F. STEL. SABINO. TRIB. COH. XIII. VRB. DONAT. AB. IMP. ANTONINO. AVG. HASTA. PVRA. Pluribus etiam lapidibus hi tales numeri in vtrisque cohortibus, sed nomina Imperatorum aut æui certa indicia non semper adiecta. Hic ipse Antoninus quis fuit: fortasse *Caracalla* Scueri filius: atque ita minùs miror, quoniam in Herodiano Scuerus gloriatur & loquitur, vbi filios ad concordiam hortatur: *Ποσσε εος σεκυρε αγερε, si velint, pecuniâ multâ à se paratâ, τῆς τε ἐν Ῥώμῃ δυνάμεως αὐτῆς τὴν ἐκπλαστικόν, καὶ σεαυτοῦ ποσούτου πρὸ τῆς πόλεως ἰδρυθέντος, ὡς μηδὲ μίαν ἐξ δυνάμεων ἔξωθεν ἐχθρῶν μηδ' ἀντίπαλον, ἀλλ' αὖτὸν σεαυτοῦ, καὶ μετὰ σωματίων, καὶ χερμάτων ἀεὶ σὺν αὐτῷ: & copiis iis quæ Romæ sunt IN QVADRVPLVM auctis, tantoque exercitu ad Urbem sedente, vt nulla externa vis par esse ei possit, siue: MVLTITVDINEM spectes, siue corporum magnitudinem, siue cultum & abundantiam.* Hanc mutationem & augmentum facta à Seuero, cùm Iuliani Prætorianos circumuēnit & armis exuir, probabile est; & in eorum locum Illyricos grandi numero factos. Verba quidem Herodiani clata sunt, & sic mansisse ad Constantinum videntur: qui fauentes Maxentio sustulit, nec alios ordinauit. A v d. Atenim si in quadruplum ita auxit Scuerus, & Virellius iam tot Cohortes fecerat: quid dicemus? oportuit vel supra LX. cohortes fuisse. LIPS. Neque absurdum sit, si verba pensites Herodiani. Dubitet tamen aliquis an illa Vitelliana auctio totâ manserit: sed quidquid eius, illud tenendum haud dubiè auxisse valdè Seuerum, cùm Herodianus discretè scribat, *εἰς αὐτὴν; VI EXTERNAE parem aut superiorem hanc internam & urbanam fuisse.* Sed redco ad *Urbanas* meas cohortes: quatum officium præcipuum, tueri urbem. id est, motus aut turbas plebis coërcete; noctu citcum templa, fora, basilicas

excu-

Lib. III.

excubare; stationes agere contra grassatores aut sicarios; itemque Præfecto vrbis (qui caput iis erat) apparere. Itaque & extra vrbeam interdum puto dispositos, cum eius Iurisdicção ad centesimum lapidem porrigeretur. Quod autem Præfectus caput, in Tacito clarè scriptum, de Flavio Sabino, qui tunc in eo munere: *Esse illi PROPRIVM militem cohortium vrbani- rum: nec defuturas Vigilium cohortes.* Quas nunc adiungo (*Vigilum dico:*) & moneo eas quoque ab Augusto esse. Nam is cum crebra incendia in magnâ illâ & frequenti vrbe videret, remedium quæsiuit firmum & perpetuum, militemque ex liberrinis collegit, & in septem cohortes digessit. Id factum anno vrbis DCC LIX. Et quamquam præcipuus hic finis & instituendi causa fuit, tamen seruiisse etiam tutelæ vrbis, & contra nocturnos fures aut grassatores, non est ambigendum. Minus lecta hæc manus fuit, & ministerio potius quam militiæ facta: tamen vt regi melius iuberique possent, digessi in Cohortes, & Centuriones Tribunosque suos accipere.

C A P. V.

De copiis in mari, aut fluminibus; de Classibus variis, earumque sedibus.

TERRESTRI milite satis limites, itemque vitalia imperij, id est Romam ipsam, munivimus: nunc & maritimo, siue fluviatili etiam, munianus. Nam cum mare medium per totum illud imperium irer, vt diximus; cum etiam flumina magna clauderent vel ambirent; utile censuerunt, *Classes* perpetuas in vtriusque parte esse, quæ & piratas cohiberent, & hostes excluderent; & suis etiam transitum aut transuectionem, cum opus esset, statim darent. Prudens & pulchra inuentio: fueruntque *Classes in ipso mari* quattuor; in *Fluminibus* tres, nisi fallor. Videbimus ordine, & quod occurrer, dicemus. Primæ duæ maiores se offerunt, & *Prætoria dictæ, Misenensis & Rauentinas.* Quare Prætoriæ? (sepe enim ita in lapidibus:) opinor dignitatis causâ, & quia inter minores alias, vt Præto-

ria aliqua nauis, eminent. Nam Praefectus sanè earum non fuit Praetor. Possunt & exemplo Praetoriarum cohortium esse dictæ, quia ad Italiæ & Principis tutelam. Sed ex quoque ab Augusto institutæ, notante Suetonio: *Classem Miseni, & alteram Rauennæ, ad tutelam superi & inferi maris collocauit.* Et Tacitus de iisdem: *Italiam utroque mari duæ classes, Misenum apud & Rauennam, praesidebant.* Sed distinctissimè Vegetius, qui numerum & plura aperit, his verbis: *Apud Misenum & Rauennam, SINGVLAE LEGIONES cum classibus stabant, ne longius à tutelâ urbibus abscederent, & cum ratio postulasset, sine morâ, sine circuitu, ad omnes mundi partes peruenirent. Nam Misenatum classis, Galliam, Hispanias, Mauretaniam, Africam, Egyptum, Sardiniam, atq; Siciliam, habebat in proximo: classis autem Rauennatum, Epiron, Macedoniam, Achaiam, Propontidem, Pontum, Orientem, Cretam, Cyprum, petere directâ navigatione consueuerat. Ait singulas legiones in singulis fuisse: pro more sui æui, aut parùm conspectè, locutus. Non enim Legiones propriè erant, sed dumtaxat Cohortes, exq; decem, & Tribunos suos siue Chiliarchos (à numero cui præerant) habebant, itemq; Centuriones. Enimuero Tacitus non semel ostendit, Classarios militiam legionariam, ut honestiorem petiisse: & aliquando impetrasse: non ergo habebant. Quomodo autem? exteri plerique, & nec ciues erant. Tacitus de classe Rauennate: *Ambiguos militum animos, quod magna pars Dalmatæ Pannoniq; erant.* Et in Tabulâ, quæ Venetiis adseruatur: *HADRIANVS. IMP. IIS. QVI. MILITAUERANT. IN. CLASSE. PRAETORIA. MISENENSI. SEX. ET. VIGINTI. STIPENDIIS. EMERITIS. DIMISSIS. HONESTA. MISSIONE. IPSIS. LIBERIS. POSTERISQVE. EORVM. CIVITATEM. DEDIT.* Si dedit, non antè habebant. Clara & vera hæc sunt, ac naualis militia, vilis semper & viliù, apud Romanos. De Miseni igitur classe, liquet apud Misenum, pulcherrimo sinu, eam stetisse. Virgilius doctè indicauit, cum Misenum illuc sepelit Æneas, *Imponit suaq; arma viro, remumq; tubamq;.* Nam & *Remum* & *Tubam* dat, præsignificans locum hunc futurû ubi & Remiges & Milites in classe essent: Milites inquam, quos Tuba notat. Et si autem naues ibi & classis, tamen Castra etiam in terrâ & ad portum ipsam fuisse, comoditas eorum exigit,*

exigit, & lapides qui sæpe effodiuntur, dicunt. Inter eos isti:

D. M.

D. M.

C. IVLIO. QVARTO

TI. PETRONI. CELERIS

VET. EX. PR. N. GALLO.

NAT. ALEX. EX. III. ISIDE

D. M.

C. SENIO. SEVERO. MANIPLARIO

EX. III. FIDE. NATIONE. BESSVS.

Notę breuiores in iis, hoc volunt: *Veterano ex Prætoris naue Gallo. item: Natione Alexandrino, ex tertiâ Iside. iterumque: Ex tertiâ Fide. Gallus autem, Isis, Fides, nomina nauium sunt, ab imagine aut tutelâ. In his item portibus, præter Castra, Pharos siue Turres quasdam ad prælucendum noctu fuisse, Plinius mihi suggerit: ille Plinius, qui ipse fuit classis Misenatium Præfectus. Vfus Phari, nocturno nauium cursui ignes ostendere, ad prænuncianda vada, portusve introitum: sicuti compluribus iam locis flagent, ut Putcolis, & Rauenna. Pharus Putcolana, ad hanc Misenensem fuit. At verò altera, sicut & ipsa Classis, Rauennæ. Notum & nobile etiam opidum, ob sedem ibi postea regni Gothorum. Et ipsam, & Classem autem, Iornandes optinè notificat, ex Dione: *Ameridie, inquit, Padus, qui & Eridanus, ab Augusto Imp. altissimâ fossâ demissus: qui septimâ sui aluci parte median insiuit ciuitatem: ad ostia sua amantissimum PORTVM habens, qui CLASSEM ducentarum quinquaginta nauium, Dione referente, tutissimâ dudum credebatur recipere statione. Qui nunc, ut Fabius ait, quod aliquando portus fuerat, spatiosissimos hortos ostendit, arboribus plenos, verum de quibus pendeant non vela, sed poma. In fronte verborum vides, Augustum aptasse locum & portum, fossâ percussâ: in medio, Dionem auctorem, denauibus CCL. quæ illuc caperent. Sed ubi hoc Dio? nusquam in libris, qui nunc sunt, sed dixit (opinor) in Vitellij rebus, ubi multa mentio classis Rauennatis, ob transfugium eius & turbas, quas & in Tacito habes. Ingens autem numerus: neque minor in classe Misenatium, ut ratio poscit. In vltimo autem ostendit, esse defuisse & portum & classem. Arque hæc dux sunt *Maiores illæ classes maritimæ: sequuntur dux Minores. prior in Galliâ, coloniâ & portu Foro iulienfi: tum ad ipsam Galliam, tum ad Hispaniæ illam oram tuendam. Tacitus de cæcisq; auctore: Galliæ proximum Litus ROSTRATÆ naues præstabant,***

Lib. XXVI.
cap. XII.

1121. ARD.

debant, quas *Aeliatricâ* victoriâ captas *Augustus* in opidum *FORO-IVLIENSE* miserat, *VALIDO* cum remige. Habes *Augustum* auctorem, habes *Rostratas* & bellicas, itemque *Validum* remigium. Satis ergo & grandis, & instructa ea classis: cuius idem *Tacitus* in rebus belloque *Othonis* cum *Virellio* meminit. Est autem hoc *Forum Iulij* in *Galliâ Narbonensi*, loco quem *Strabo* designat: *Nanale*, inquit, *Cesaris Augusti*, quod *Forum Iulium* vocat. Situm est inter *Olbiâ* & *Antipolim*, abestque *Massiliâ* stadiis circiter sexcentis. Notat *nanale* sine receptaculum classis esse: ideoque & à *Plinio* ipsa vrbs *Classica* dicta, itemque *Colonia Octavianorum*, quod octava legio eò deducta.

III. Hic.

* Vide Not.
das.
Lib. II.
Excid.

Altera minor in ipso *Ponto*: id est, in capite & fonte mediterrei maris. De eâ *Tacitus* capiendus: *Mucianus* classẽ e *Ponto Byzantium* adigi iussit. Ergo statio ei supra *Byzantium* fuit: sed * vbi, ignoro. Numerum eius è *Iosepho* possum dare: *Pontica*, inquit, omnes gentes tribus millibus militum subduntur, & *QUADRAGINTA* naues longæ (rostratæ) illud asperum & innaugabile pelagus tutum pacatumque præstant. An non & tertia etiam *Ostia*? *Suctonius* suggerere videatur in *Vespasiano*: *Classarios qui ab Ostiâ & Puteolis Romam per vices pedibus commeant*. Nam *Classarios Ostiæ* ponit: & fortasse *Claudius* instituit, portu eò instructo. Sed certum non habeo: & potuit esse ibi pars e classe *Misenensi*. Transeo ad *Classes fluminum*: & prima est in *Rheno*. de quâ *Panegyricus*: *Cum totus ARMATIS NAVIBVS Rhenuis instructus sit*. Ait totum *Rhenum*: ergo diuisam per partes censeo, vt & militem ipsum terrestrem. *Florus* ostendit, *Bonnæ* & *Geldubæ* (si proba modò lectio) fuisse, ex instituto *Drusi*: *Bonniam & Geldubam pontibus iunxit, CLASSIBVSQUE FIRMAVIT*. Ergo ibi pars, pars & certò ad exitum fluuij, vbi *Pharus* olim, quam nunc *Arcem Britannicam* vocant. Hanc opinor esse, quam *Classẽ Britannicam* *Tacitus* in bello cum *Ciuili* appellat: quia & in *Britanniam* ea commeabat. Sed tota classis communiter *Germanica* dicta: & sic in eodem *Tacito* leges, *Iulium Burdonem*, *Germanicæ classis Præfectũ*. Hæc partitio classium *Taciti* loca aperiet, aut conciliabit, quæ pugnatũre inter se videntur. vt cum scripsit, *Vniuersam quattuor & viginti nauium classẽ*

v. Hic.

sem transfugisse (ad Ciuilem) *aut captam esse*. An igitur vniuersa
 ea, non nisi tot nauium? Imò postea iterum facit Cerialem na-
 uibus pugnalſe, etſi numero imparẽ, ſed magnitudine earum potio-
 rem. Atqui ſtrucere tam citò non potuit: ſed nempe ex alià par-
 te, atque adeò grandiores triremium, quæ ad Oceanum &
 Pharium, ſumpſit. De his nauibus Hegeliſſippus ex Iosepho ita
 ſcribit: *Rhenus itaque iam non Germanorum copiis repletur, ſed Ro-*
manorum liburnis, quæ per errantes TOT VSQVE AD MARE
bicornis annis fluentia, quondam liberæ gentes ſeruitio premunt. Le-
 genidum autem illiẽ, *Copulis Germanorum*: eſtque nauium mi-
 norum genus, quod ipſi Germani ſic à * vinciẽdo & ligando * Koppelen.
 dicebant. Dicit earum loco *Liburnas* iam roſtrataſque Roma-
 norum eſſe: credo, biremes. quas & *pererraffe* totum amnem
 identidem ſcribit: & an idèò *Luforias* dictas? Vox crebra in
 Ammiano, Vegetio, aliisq̃ue. Altera claffis Fluiatilis, in *Danu-*
bio, de quâ Tacitus: *Vannius funditur prælio, & ad claffem in Da-* xii. Ann.
nubio operientem perſugit. Nominantur & Vegetio *Luforia*, *quels*
in Danubio COTTIDIANIS vtuntur EXCVBIIIS. In Codice
 Theodoſiano titulus, *De Luſoriis Danubij.* In Nouellâ quadam:
Caſtorum quinetiam ipſis, luxuriarumque curam mandamus: legen-
 dum, *Luſoriarumque.* Credo & tertiam fluuiatilem in *Euphrate*
 fuiſſe: quidni in magno flumine, & contra Parthos? Ammiani
 aliquot loca ſuadent, etſi non cogunt: nec alibi certò legi. Ha-
 bes totam munitionem imperij, terrâ marique: an non vali-
 dam, vtilem, opportunam? ſed & adſpectu aut cogitatu pul-
 chram, cùm imaginem proponis (Ariſtide delineante) *magna*
urbis, cuius foſſæ, flumina eſſent; turres & propugnacula, militaria in
finibus caſtra aut caſtella; ipſa mœnia, non è latere vllò aut lapide, ſed
ere ac ferro tot prætendentium legionum. A v d. Mehercules dele-
 ctor, & cogitatione peragro ac iungo, quæ locis ſituque diuiſa.
 Sed ipſam ſummam totius præſidij cur non expreſſiſti? L I R S.
 Facile eſt, & per te poſſis: quantum quidem certus partium di-
 ctarum eſt numerus. Vbi non, diuinetur. Aio igitur in pro-
 uincijs copias non minùs fuiſſe, *Legionum, Cohortium, Alarum,*
ducentis quinquaginta millibus, aut circà: & ſic, vt legiones nec
 pleniffimas, ſed IIII. millium accipiamus. In Vrbe, ponere li-
 ceat in vniuerſum ad XXVI. millia militum: & poſt Seuerum,

vel ad *sexagena*. In classibus omnibus, haud minùs *centum millibus* militum remigumque. Ita fiant in vniuersum, supra *quadringenta millia* ordinationum: etsi Agathias Historicus plures etiam, & largiter, fuisse asseueret. Nam de Iustiniani æuoluens, negat copias Romanorum tantas, quantas OLIM esse: nec iam sufficere tutelæ imperij, contra hostes. Cùm enim, inquit, ad *SEXCENTA QUADRAGINTA VINQUE MILLIA* militum vniuersas eas colligere oporteret; vix tunc in centum quinquaginta millibus consistebant. Hæc ille scriptor, & credo vera atque explorata (cùm tam curiosè numeret) attulisse. Oportuit igitur Auxiliares copias grandes fuisse: & tu considera vim copiamque Romanam. A V D. Imò an non legiones fortasse plures faciendæ sunt, & vel ad *XLIIII.* ordinariæ sub Augusto ac deinceps locandæ? Hoc enim & Orosius & Appianus dicere videntur: & vir doctissimus ita asseruit. L I P S. Errat ille vir doctissimus: nec aliter sub Augusto fuit, ac dixi. De Orosio & Appiano, hoc saltem dicunt, Sexto Pompeio in *Siliciâ* victo *XLIIII.* legiones, iunctis omnibus copiis (& Lepidi nempe, & Sexti, & ipsius) in vniuersum, Augustum habuisse: sed hoc non addunt, & seruasse. Ille verò non seruauit, sed sparsit, & in *Colonias* misit, de quibus ordo & hæc admonitio suadent iam dici.

C A P. V I.

De Coloniis, & modus fructusque deducendi.

PRAEMIIS verò, Præsidia militum in longinquis limitaneisque locis fuisse, pauca aut nulla in prouinciis mediis: imò plerumque eorum sine milite aut armis vllis. Quid ergo tuebatur interiora, & quicquid præstabat? *Coloniarum* deductio, optimo & sapientissimo Romuli inuento. Nam ad illum consensu referunt, qui victis finitimis opidis aut gentibus, partem earum solitus in urbem & ad se traducere; partem illic relinquere, sed sic vt Romanos suos misceret, custodiam & regimen, nequid mouerent. Eos ita missos, *Colonos* appellauerunt, & ab agrorum nouæ dedicatione cultura (ait Hyginus) ipsas *Colonias* appellauerunt. Ratio & modus erat, vt agri diuiderentur viritim: idque à

Trium-

Triumviris, quos graues & prudentes viros huic rei legere solebant : qui & sedes, agrosque, & ipsum opidum (si condendum esset) disponebant, & iura ac formam nouæ quasi recip. dabant. Sicutamen, vt omnia Romam & urbem matrem referrent, ipsis quoque locis, Fora, Capitolia, Tempia, Curia pro illâ imagine essent ; & in gubernatione, *Duumviri* plerisque coloniis, quasi duo Consules, & *Decuriones* pro Senatu. Varia in hoc instituto utilitas, quam licet percurramus. Prima, quod alleuabatur urbs ipsa princeps, & superfluum nimiamque multitudinem, vt sanguinem cmittebat. Ita victus facilior, ita turba minor; & turbæ quoque, faciles oriri inter tam confertos. Sed & soboli magis vacabant libentiusque, sic vacui : non aliter quàm arbores aut plantaria magis se diffundunt & propagât, vbi in arcto non stipantur. Altera utilitas, ipsos hostes aut subditos tangit. Vbi enim Coloniae sic collocatae, loca frequentabâtur, colebantur, poliebantur etiam, nouorum hospitum aduentu, & artium inuectû. Diuina Prouidentia hoc fine Græcos olim in Asiam, Europam hanc nostram, vsque in Hispaniam, per maritima loca misit & disposuit: vt rudes ferocesque humanitate & elegantia percolerent, atque ad mitiora studia & mores transfretent. Quod idem Romani mox fecêre : & ijs cultum hunc omnem debet pulcherrimus noster Europæ tractus. Tertia utilitas, quæ præcipuè in oculis Romulo & Romanis, Præsidium in subiectos. Sparsa hæc tot opida, locis opportunis, & in ijs Romanus sanguis: quid nisi tot arces & propugnacula crât imperij Romani? Dicamus quidlibet: nihil tam validum, quàm talis aliqua deductio: & vbi ij qui agros in alieno accepêre, semper obligantur aut tueri iura imperiumque donantium; aut pelli, si & ij pellantur. Atque hic primus, vt dixi, præcipuusque aspectus: accessêre mox, valdè auctâ re Romanâ, duo alteri. Prior, vt plebem inopem & grauem sic exhaurirent: alter, vt militibus emeritis præmia largirentur. Nam ecce in tantâ urbe, & crescente ciuium tenuioru numero, per tot inanimissiones: quæ ratio alendi aut subsistendi fuit, nisi vt emitterent? non aliter, quàm vbi alucaria plena, noua examina in alia & noua transfunduntur. Sic &, occulto Politico consilio, sentina & sex urbis educebatur: purior meliorque pars asseruabatur. Iam verò in militibus pul-

chrum. & quis non libens in eam Militiam se impenderet, vbi & posteam tam magna & certa præmia essent? Agri & sedes dabantur, regimen illuc & honores, pecunia etiam (nam sic Augustus instituit) ad instrumenta, iumenta, & siquid opus, cœmendum. Ego verò ausim dicere, nec isto æuo Militiam satis bonam, fidam, facilemque futuram, nisi tali præmiorum ratione: nec difficile fortasse, cum magno bono publico, excogitare. Ista igitur deductio Coloniarum, & causæ: in quibus tamen tyranni aut violenti aliquot ciues fraudem & iniuriam miscuerunt. vt Corn. Sulla, qui non, vt olim, agros ex hoste captos distribuit; sed in ipsâ Italiâ, quod sciebat milites appetere, sedes iis dedit. Quod fieri non potuit, nisi pacatis fidiisque populis, per summam iniuriam & scelus, expulsis. Appianus auctor est *vigintitres* legiones ab eo sic deductas, quæ facerent (si probè commemini) *centum viginti millia*, cum iis qui adiuncti. Simile & Cæsar Iulius, in pace & Consularu fecit, qui agrum Campanum & Strellatem *viginti millibus* ciuium, coloniâ Capuam deductâ, diuisit. Idem iam Dictator, in *transmarinas colonias octoginta millia* ciuium distribuit, Suetonio auctore: id est, in Carthaginem maximè & Corinthum. Quod noto, vt numerus videatur deductorum: qui sanè grandis fuit, siue è ciuibus togatis, siue è militibus veteranis. Augustum *centum viginti millia* deduxisse sub *quintum Consulatam* suam (bellis Ciuilibus iam finitis) lapis Ancyranus ostendit: & postea multa millia adiunxit. Caue enim censeas, illa tantum deduxisse. Imò in solâ Italiâ *duodetriginta colonias collocauit*, vt Suetonius notat: quid apud tot exterarum gentes, & imperio tam diuturno. Itaq; huius Principis plurimæ, & in toto orbe terrarum fuerunt: quod ipsa agnomina earum ostendunt. Denique paullatim tanta frequentia, vt negem regionem, imò vix regiunculam fuisse, in quâ Coloniarum aut Colonia non esset. Tot illis vinclis miramur orbem cõpeditum & astrictum, in Romanâ ditione & imperio mansisse? Non ego: sed nec Velleij iudiciū valdè probo, *inter perniciosissima Gracchi habentis, quòd extra Italiam colonias posuerit*. Equidem planissimè contrà sentio: & ad hunc coërcendi finē, aliter oportuit; aut nec imperium extra Italiâ proferre. Timorem quē timet, nequa Colonia potentior matre suâ fiat, sic longinqua: nullus est, & certè locum

locum in Romano aliquo imperio non habet. Sed nec Hispano: & prudentissimè eos cenſeo Nouum orbem coloniis impleſſe. Quarum alia atque alia genera tamen erant, & quædam *Romani*, aliæ *Latini*, quædam & *Italici* iuris. Reperio & *Patritias*, & *Equeſtres* agnominatas; haud dubiè, in quam digniores ciuium militumve deducti. AVD. Sed de numero igitur, nihil certi aut definiti habes? LIPS. In Italiâ ſolâ *centum quinquaginta* fuiſſe reperio; in Africâ, circiter *ſexaginta*; in Hiſpaniis, ad *triginta*; paullo minùs in Galliis: & idem iudica de reliquo orbe. Difficile enim hæc adnumerare firmiter: cùm & aliqua legentem fallant, & non omnia hodie in libris legenda. Hoc Senecæ tibi ſuffecerit: *Populus Romanus quot Colonias in OMNES provincias miſit? VBI CVMQVE VICIT Romanus, HABITAT.* AVD. Quæro etiam, ecquid ſeriò probes hoc ius ſiue morem colonicum? LIPS. Dixi, & probo: atque adèò magnis Regibus adſuadeam imitari. AVD. Tunc? in tam apertâ iniuriâ? nam certè aliena eripiebant, poſſidebant, poſteris tradebant. LIPS. Quid tum? vtilitas publica magna, vt in aliis, exiguum hoc iniquum diluit, vel abſorbet. Eſſi cur iniquum? qui iniuriam intulit, iuſtè malum & pœnam habet. Coërcendi hoc modo ſunt, & ne in poſterum noxam noceant, refrænandi.

Ad Helia;
Conſolat.

CAP. VII.

Multitudo Romanorum, & ratio adſciſcendi gentes, aut transferendi.

AVD. Sed mihi hîc admiratio & quæſtio, Vnde Romanis ea copia, & ſic aſſidua, vel Militum vel Colonorum? Nam cùm intueor & examino; examina habuiſſe hominum debuerunt, quæ ſic conſcriberent, aut transferrent. LIPS. Haud de nihilo petis, & ſatisfaciam: ſcito. Romanos primùm pauculos fuiſſe, & cùm Romulus militiam & remp. ordinauit, vix ad *millia terna* peditum (alijs *bina millia* volunt) cenſa, & equitum *trecentos*. At idem ille, cùm è viujs abiit, peditum reliquit *xLVI. millia*, & equitum *mille*. Tantum viri opesque creuerant in annis circiter, quibus Romulus regnauit, *triginta ſeptem*. Res mita

est. & quibus artibus aut industriâ ille hoc assecutus? Apertione asyli; quæ haud dubiè aliquid adiuuit, & è vicinis, etsi non optimos, elicit. Lege de liberis latâ, quâ iussit quidquid natum esset tolli, modò ne mutilum aut monstrosum. Receptione in ciuitatem, quam non exteris solùm confluentibus, sed victis & hostibus dedit. Laudant cùm alij hoc institutum eius, tum Claudius Imp. apud Tacitum: *Quid aliud exitio Lacedæmonijs & Atheniensibus fuit, quamquam armis polerent, nisi quòd victos pro alienigenis arcebant? At conditor noster Romulus tantum sapientiâ valuit, vt plerosque populos eodem die hostes, dein ciues haberet.* Atque id sanè diu retentum Romæ, vt è prouincialibus honestissimos, hoc beneficio ciuitatis obligarent; & ita simul se auerent, simul discrimen, & tacitum pænè* dissidium, inter illos conciliarent. Claudianus in Romæ laudibus:

* Ob am-
lacionem
inter rece-
ptos, & non
receptos.

*Hæc est, in gremium victos quæ sola recepit,
Humanumque genus communi nomine fouit,
Matris, non dominæ, ritu: ciuesque vocauit
Quos domuit, nexuque pio longinqua reuinxit.*

Ita, quod ex illo apparet, diffusum latè aut vndique iam hoc beneficium: & ciues Romani facti, quicumque in orbe Romano essent, ex constitutione Imp. Antonini. Excluduntur iam ergo soli serui & barbari. quo sensu Sidonius scripsit, & appellauit *Romam verticem mundi, patriam libertatis, in quâ cuncta totius mundi ciuitate soli BARBARI & SERVI peregrinantur.* Itemque passim alij *Communem patriam*; & ad eam his verbis Rutilius:

*Fecisti patriam diuersis Gentibus vnâ,
Profuit iniustis te dominante capi.
Dumque offers victis proprii consortia iuris,
VRBEM fecisti, quod prius ORBIS erat.*

Hæc ita posteriori æuo, nec optimo scilicet, nec optimè: præstabat electio illa & secretio, ob varias causas. Sed tertia etiam ratio augendi ciues, ex instituto non quidem Romuli, sed Seruij Tullij. Ille cùm videret plerosque tunc seruorum, aut bello captos, aut è prædâ emptos esse; atque eos ferè è liberis & ingenuis, & antè etiam liberos: humanum bonumque putauit

Lib. i.

putauit in ciuitatem recipere, siqui à dominis manumissi essent. Nam & Romanis moribus ingeniisque assuefacti iam erant; & sic fore providebat, vt semper, tamquam ex fonte domestico, proles scaturiret ad belli aliosque vsus. Difficile id persuasum primò ciuibus, & inquinari eo consortio videbantur: sed nempe ostendit, & origine bonos eos esse, & iamdiu ipsos etiam hostes in hoc ius admissos: ita cur non idem domesticis & fidis seruis indulgerent, causam nullam esse. Maximè, cum in eorum manu totum hoc beneficium. & videre posse, vt nec temerè manumittendo darent; & illos aduersuros, vt omni sedulitate ac fide emererentur. Ampliùs, futuros eos nihilominus velut in curâ & clientelâ Patronorum: & sic nobiliores ciues, in comitijs aut suffragiis, semper manum aliquam fauentem & obnoxiam habituros. Ita illis persuasum. sed Regi in oculis præcipuè, frequentia & multitudo ciuium, fundamentum omnis potentia & diuturni status. Nec tamen ij æquiparati statim dignioribus, & veteribus tiuibus: reiecti in quatuor urbanas tribus fuère, & inuenta ratio, vt minimum in suffragiis, aut aliâ publicâ re, pollerent. Quin & à militiâ legionaria & honestiore exclusi sunt: donec paullatim nepotes ac pronepotes eorum, verè iam Romanus sanguis, peruenirent. Liberti ipsi & Libertini (veteri quidem republicâ) arcebantur. Hoc institutum, incredibile est, quantum ciuitatem auxerit: in quâ aliquot seruorum millia pauculis annis manumissa. Neque negandum est, vtile initio & præclarum fuisse: sed lapsu temporis, vt fit in humanis rebus, hîc quoque lapsus: cum iam Syri, Cappadoces, Asiatici, Græci, Barbari in seruos recepti; & multi ex ijs facinorosi & perdit; qui pretio, blanditijs, aut & fœdis obsequijs libertatem meriti, quam colluuiem in ciuitatem non inuexerunt? Imò per eos effectum, vt egregia illa animi ac morum, Romana olim plebs, vilissima facta hominum sit, & vno verbo, cloaca ac sentina vitiorum. Sed ista sæculis aliquot post Tullium. interea profuit largiter institutum, & effecit, vt cum primo censu ac lustro Ser. Tullij, LXXIIII. ∞. cenſa essent, illo qui sub primis Consulibus fuit (nam Tarquinius Superbus intermiserat) CXXX. ∞. cenſerentur: idque eorum qui pubetes, & in virili togâ essent. Largus tibi

*In 1. Ele-
ctor. cap.
xxvii.

tibi hic numerus videtur: nihil est: cùm post aliquot ætates, id est, anno Urbis CCCCXIII. censa sint ciuium CCLX. ^{oo}: & paullo ante bellum Marficum, anno Urbis DCXXXIX. circiter *quadringenta* millia, paullo minùs. At post id bellum, lociis iam in ciuitatem paullatim receptis, creuit valdè numerus, & ad *nongenta* millia censa * alibi nobis doctum. Cui ipsi numero firmando, velim addi hæc Phlegontis in Chronicis. qui notat Olympiade, quâ Lucullus Ainisum cepit, & Mithridatem ad Caberia vicit (id fuit circa annum Urbis DCLXXXII.) *censitas Roma nonaginta myriadas ciuium, es vnâ*, id est, *nongenta & decem millia*. Quid iam sub Augusto? ipse de se in lapide Ancyrano clarè hoc dicit, IN. CONSVLATV. SVO. SEXTO *Lustrum condidisse*, QVO. LVSTRO. CENSITA. SVNT. CIVIVM. ROMANORVM. CAPITA. QVADRAGIENS. CENTVM. MILLIA. ET. SEXAGINTA. TRIA. Immanis herclè numerus: & quis iam de copijs miretur coloniisque? At etiam creuit assidue, & sub Claudio Imperatore, Tacitus ac fidi auctores accensent, *sexagies novies centena sexaginta quattuor millia*. Ultrâ quærere, superuacuum sit, cùm iam passim in ciuitatem totæ vrbes regionesque, vt dixi, receptæ. AVD. Neque hercules quæro, affatim habeo quod mirer. Sed illud lubet scire, an ex solis igitur illis ciuibus copiar scriptæ? LIPS. Non è solis. olim quidem & è Latino nomine, vt scis: at postquàm ij ciuitate donati, Principum temporibus maxime, cœperunt & è prouinciis auxilia scribi. Augusti id inuentum: & præterconspiciuam vtilitatem in militiâ, causam occultam etiam hanc habuit, subditos sic exarmandi, & quasi obsidibus traditis in fide conti-
pendi. Nam quotannis dilectus istos habebant, & optimum ac robustissimum quemque abducebant. Ita enerues prouinciæ; & illi qui dilecti, in longinquas & dissitas oras consultò trahebantur. Non enim facile res nouas audere aut mouere, inter ignotos & alienos. Ciuilis, qui Batauos ad rebellionem tra-
xit, hoc quoque telo eos incitat: *Instare dilectum* (verba Taciti) *quò liberi à parentibus, fratres à fratribus, velut SVPREMVM di-
dantur*. Idem Galgacus, dux Britannorum, in eodem Tacito: *Liberos suos cuique ac propinquos natura carissimos esse voluit: hi per dilectus ALIBI seruituri, auferuntur*. Atque ciuili-
rum,

III. Hist.

rum, è variis gentibus, magna copia. quod & *Notitia Imperij* indicat, & Taciti hæc verba : *Nil validum in exercitibus, nisi quod externum.* Iterumque : *Prouinciarum sanguine prouincias vinci.* AVD. Artem video, & simul auxilia bello scripta, simul materiem subductam rebellandi. Sed ista profectò translatio dura : & quo exemplo ? LIPS. Haud faciliè dixerim : nisi quòd similia iam olim noto. Romulus ipse populos vicinos in urbem suam transtulit, Tullus Hostilius Albanos. Sed hæc leuia, & alio quodam fine. quid si totas gentes translatas doceam, eadem illà non rebellandi, aut coërcendi, causâ ? Fecit Augustus in Sugambis & Sueuis, quorum *quadraginta millia* (hoc verius censeo ex Eutropio, quàm quod in vulgatis Suctonij libris *quadraginta* editur) tot inquam illa millia *traiecit in Galliam, iuxtaque ripam Rheni, sedibus assignatis, collocauit.* Ita & Galliam impleuit, & ex hoste socium auxiliaremque fecit. Sed iudicio & consilio in hac re opus, ne plures suscipiantur aut traducantur, quàm coërcere possis : peccatumque à securis Imperatoribus (maximè post Constantinum) qui Barbaris receptis, imperium & urbem prodiderunt. Alioqui multum cominodi aut tutelæ translatio hæc habere possit. quâ Philippum Macedonem (callidum illum regnandi) vsu Iustinus prodidit : scribitque eum, *vt pecora pastores, nunc in hibernos, nunc in æstiuos saltus trañciunt, ita populos & urbes, vt illi vel replenda vel derelinquenda quæque loca videbantur, ad libidinem suam transtulisse.* Parabat & Alexander simile, firmando imperio, nisi mors interuenisset. Nam in Commentariis eius inuentum Diodorus tradit, *vt ciuitatum aliarum in alias migrationes fierent, itemque hominum traiectiones ex Asia in Europam, ex hac in illam : & causam addit, vt gentes connubijs, commercijs, & amicitia inter se iungeret :* quæ ipsa haud vana planè est, aliam tamen & intimam non expressit. Antipater, qui in partem potentiaë successit, in idem hoc consilium : & Atheniensium urbis potens, ipsam eiusque regimen ditioribus honestioribusque concessit ; tenues, & quidquid inopia turbidum, eduxit, & ad xx. ∞ . eorum in Thracia, agris datis, collocauit. Lego & Tigranem regem, cui bellum Pompeius fecit, *trecenta millia* è Ciliciâ & Cappadociâ in Armeniam & Mesopotamiam traduxisse, ad ea loca frequentanda & meliori genere

F

implen-

implenda. Et vt vicina magis temporibus locisque tangam, Carolum Magnum satis scitum est, Saxones sepe rebelles translatione domuisse, & in Belgicæ nostræ oris posuisse. Ludouicus etiam xi. Galliarum rex, Atrebatium fidei infensus, & quia à vitâ diuelli quàm à Burgundiacio imperio malebant, sparsit eos per Galliarum vrbes aliquot, & suos in locum introduxit. Quid in nouo illo orbe etiam video? Reges Perūani tractus, quos *Jngas* ipsi appellant, pro firmamento status habebant, populos victos statim, cum totâ sobole, transferre ad interiora loca, & in illa limitanea alios suos fidosque supponere. Hoc genus *Mitimaes* patriâ linguâ vocabant. Habes de multitudine, & eius caussis. Ac quædam his inesse magnis Regibus imitanda ego scio: qui si exhauriunt semper (vt fit in militibus aut colonis emittendis) nec addunt: quid nisi fontem ipsum exhaurient & siccabunt? Serio, serio prouidendum est. Tū abi nunc, & cetera cras, si Deus volet, dabo. AVD. Haud libens, sed tamen parco, & valetudini tuæ tenui parco. Vale, & firmare.

I. L I P S I
 DE MAGNITVDINE
 R O M A N A
 L I B E R I I.

C A P V T I.

*De Priscis populi Romani vectigalibus, Decumis,
 Quintis, Scripturâ, Portoriis.*

L I P S. Maturè sanè ades. A V D. Si pro meo voto, maturiùs, & vel conuiuia in prandio tibi fuissèm. L I P S. Licuit. & delectarer sanè vel assiduo hoc sodalitio, si Romanæ aliqua mihi O P E S. Ad quas sermo nos nunc duxit, & de iis videamus. Eas *Publicas & Priuatas* considerabo: & in *Publicis, Vectigalia* siue *Tributa*, tú & *Triumphales manubias*, denique *Liberaltates* aut *Erogationes*. Insistamus ordine, & primùm in *Vectigalibus*: quæ olim triplicia ferè, è *Decumis*, è *Pastione*, è *Portoriis*. Quod ad priores duas, ita de iis & origine earum Appianus: *Romani nunc hos, nunc illos Italice populos superando ac subiiciendo, partem agri iis auferebant, atque opida & colonos condebant; aut si opida opportunè iam condita, hos inducebant. Agri igitur quod cultum erat, colonis ferè assignabant; quod incultum (vt multa per bellum) id aliis cupientibus elocabant, PARTE DECIMA fructuum sibi retentâ in agris satiuis; in plantariis aut arboretis, QUINTA; in pastionibus autem, certum pretium designebant in capita minoris pecoris maiorisq̃ue. Pulcher & distinctus in eam rem locus: & quamquam de Italiâ dicit, tamen & producere ad prouincias licet, quas multas ita habitas, ex alijs scriptorum locis liquet. Et si quædam arctiùs pressiusq̃ue habitæ; & præter hæc, Tributa etiam sua capitis pendebant. Sed quod ad hæc*

F 2 tria,

tria, etiam in Asiâ ea sic & in Siciliâ fuisse, Cicero alibi ostendit, & in his vectigalium summam ponit. Notabiliter in laudatione Pompeij : *Publicani familias maximas, quas in Salinis habent, quas in Agris, quas in Portibus.* Nam quod ad *Salinas*, viri docti iamdiu emendarunt *Siluis*, vt ad *Pastiones* referatur: etsi *Saltibus* ego malletm, viciniore litterarum lapsu. In eâdem oratione enim aliquoties hæc tria repetit, & iungit: etsi vectigal è *Salinis* quoque fuisse, sed non inter prima & magna, scimus. Et quod ad frumenti omnis *Decumas*, idem Cicero in *Verrinis* satis dixerit, quid in eâ re fuerit: nec obscurum est vel ex moribus hodiernis. De fructuum *Quintâ* in *Appiano*, id obscurius, imò incertius: quoniam idem Cicero in *Verrem* disertè nominat, *Vini & Olei decumas*, ostenditque *Siculos* ita dedisse. Quomodo igitur *Quintas*? nam ego ex vite, oleâ, ficu, pomo, nuce, intellegi & redigi *Appiani* vectigal velim; nec aliunde video posse. Nisi tamen de siluâ cæduâ intellegit: quod in medio relinquo. Sed in priore sententiâ si perseverare lubet; dicendum est, mitius leniusque habitos *Siculos*, & peculiare id ibi fuisse. E *Pastionibus* genus alterum est, quod propriè & vulgò *Scripturam* appellabant. Exempli obuia, & iam alijs notata: causam vocis *Festus* explicat: *Scripturarius ager*, inquit, *publicus appellatur, in quo vt pecora pascantur, certum as est. quia publicanus: SCRIBENDO conficit rationem cum pastore.* Cicero igitur de hoc vectigali capiendus: *Ita neque ex Portu, neque ex Decumis, neque ex Scripturâ vectigal conservari potest.* Tertium est *Portorium*: quod scilicet in euehendo aut inuehèdo (ἐξαγωγὰς καὶ εἰσαγωγὰς) pendebant. Res nota est: an & illa, quòd *Portarium* etiam fuerit antiquis? In *Glossis* lego, cum discrimine: *Portorium, τίλον ἐν λιμένι*, id est, VECTIGAL IN PORTV: *Portarium, τίλον πύλης*, id est, VECTIGAL IN PORTA. Et verò hoc quoque fuisse videtur, xuo præsertim inferiore, & sub Principatu: vt & in pontibus, & in viis, & portis ad eò opidorum dederint, pro transgressu aut ingressu. Italia hodie, sed & Belgica, hæc non ignorat: & apud *Senecam* lego: *Nec indignabitur sapiens aliquid impendere, vt limen transeat, cogitans & in portibus quibusdam pro transitu dari.* *Herodianus* quoque ostendit exactiones fuisse ἐν τῷ ὄχθῳ ποταμῶν καὶ λιμένων πρὸς εὐν, ἢ τε ὁδῶν πορείαις: in ripis fluminum, portibus

portibus opidorum, & viarum transgressibus : sed inter tyrannica habet, quia noua aut grandia, opinor; & ideo à Pertinace salubriter sublata.

CAP. II.

De Tributis & Capitatione. tum inquisitum in Modum vectigalium, & quid videantur reddidisse.

HÆC illa vetera sunt, & Vectigalia propriè dicta : quibus dies, & sagacitas, addo & necessitas, aliquid semper addiderunt. AVD. Hæcne propriè Vectigalia ? atqui plura in id nomen video includi. LIPS. Plura, sed hæc primò: aut ne mentiar, solum ipsum Portorium primò, quia id scilicet è vectura : vnde Vectigal. Græcis etiam hîc discrimen aliquod, quibus Vectigal propriè est τὸ πλοῦν, Tributum τὸ ἐπὶ τῷ γῆν. Sed & in re ipsâ differunt, quòd illud res & fundos magis spectat & ligat; hoc capita ac mobiles opes. Sed quorsum ego ista ? semel & seriò tibi dico, verba nunc non lustro, nec oblita aut tricola antiquitatum quero; satis, in luce aliquâ tibi ponere Romanam œconomiam, circa publicas has exactiones. Ergo Tributa, vt dixi, caput ferè tangebant : atque ita pessima conditio eorum, qui Stipendiarij, ipsi atque agri, vt Cicero alibi loquitur, essent. Tales Pœni, Hispani, & plures, qui per vim vltimam & bello pertinace victi essent. Appianus hoc ita expressit, vbi Scipio cum decem Legatis leges dant Carthagini victæ: Hos, inquit, premiis afficiunt, socios nempe populos aut reges; τοὺς δὲ ἄλλοις πρὸς ἐπὶ τῇ γῇ καὶ ἐπὶ τοῖς σώμασιν: alius (hostibus scilicet) tributum definierunt in agros, & in corpora eorum. Duo manifestò dicit, & Corpora siue Capita (vt Latini magis loquuntur) onusta, & terram ipsam. Tertullianus quoque ea iungit: Agri tributo onusti, viliores; & hominum capita stipendio censa, ignobiliora. nam hæ sunt NOTAE CAPTIVITATIS. Adiungit eruditissimus scriptor, hoc non nisi in verè victos, & vi subditos, vsurpatum: olim quidem, sed Imperatores, & ipse Augustus produxerunt, & valdè hæc Tributa dilata-

dilatarunt. Ac *Capitum* vel *Capitationis* satis frequens mentio in posteriorum scriptorum, sed & Iuris libris: vbi non *Hominum* solum *capita*, sed & *Animalium* leges: & quædam, quæ fateor in subnubilo mihi esse. At tu vniuersè hæc nunc noueris: videamus, quod nos quærimus, ecquid *Opes* ex his annuas liceat vestigiis odorari. Quæ vestigia tenuiter impressa fateor, tamen persequar & indagabo. Ac primum de antiquis, & liberæ reip. opibus, locum esse volunt in Plutarcho istum. De Pompeij triumpho è Syriâ & Asiâ agit: dicitque, *Prelatum. titulum, qui litteris indicaret antea quidem Vestigialia reddidisse ad bis milles HS. ex ijs autem quæ ipse acquisisset, redire ad ter milles quadringenties.* Prior summa, nobis efficiat *quinque milliones* (iuuat his compendijs, vulgariter magis quam eleganter vti) altera, *octo miliones cum semisse*. Viri docti iam, & inter hos verè primus Budæus, existimant scripto hoc indicasse Pompeium: quod ante id tempus, vniuersi reditus è vestigialibus non pluris essent; ab ipso autem iidem aucti plùs triente, & facti vt in extremo scriptum. Enimuero libido, an ratio, mihi est dissentendi? sed dissentio, & nego Plutarchum vel Pompeium de *vniuersis* sensisse. Nullum tale in Græco Plutarcho verbum est: quod moneo, ne temerè interpretibus, qui addunt, hoc accredas. Quæ ergo nostrâ mente scripti illius mens? nempe pro re subiectâ, & cùm de transmarinis illis triumpharet Pompeius, nec nisi ibi tunc res gessisset; verba còdem referenda, & de Asiâ saltem finitimisque capienda. Quomodo? aliter etiam, quàm viri docti, in clausulâ. Duo enim dicit, & Asiam illam minorem, quæ sola ibi ante Pompeium prouincia, aut præcipua; illam, inquam, è vestigialibus *bis milles* dedisse: at verò eas prouincias, quas ipse super eam quæsisset, solas reddere *ter milles & quadringenties*. Puto me rem tangere, si quis iudicio inspicit: & do rationes. Primò, credétne quisquam è tot, tamque ditibus populi Romani tunc prouinciis, non plus *quinque millionibus* reddisse? Quod vna Hispania hodie, vna Gallia, vel duplum donet. Ampliùs, *Decumas* vnius Sicilia Cicero, atque eas tenuiter *æstimatas*, fuisse dicit *nonagies HS*: quod nobis est, *cxxxv. millium* Philippicùm. *Decumas* dico frumenti: & *hordei* non computat, & *leguminum*: quid iam *Vini*, *Olci*? quid *Portoria*, & *Pastiones*?

Valdè

Valdè tenui ore arque animo est, qui non ausit concipere hæc vniuersa ex proportionem, suprà *quadringenties*, siue vnum millionem: Atqui Sicilia, quanta pars fuit Romani illius orbis? profectò nec centesima quidem: & valdè hoc valet ad ingentes illas Romanas opes. Amplius de ipsâ Asiâ nostrâ, Appianus scribit, Corn. Sullam, per bella Mithridatica, *imperasse illi quinque annorum vectigalia, sed statim danda*: Quantum igitur imperauit? ecce in Plutarcho hoc expressum, *viginti millia talentum*: ij sunt *duodecim milliones* nostri. Age iam, diuide in quinque partes, nōne paullò minùs *millies* Hs. annuo habemus? Atqui duplum oportuit, inquires. Ita, pro me & Plutarcho: sed hoc ipso tamen firmiter illos refuto, qui ex toto orbe *bis millies* colligunt, cū ego dimidium ex Asiâ iam solâ. Res clara est. Sed quomodo igitur plus Pompeij æuo? nec id difficile dictu: siue quia ratio colligendi iam melior firmitorque; siue quia bella refederant, & ipsa Asia cultior feraciorque facta. Produci hæc talia semper solere, præsertim in pace, nec hodie est nouum. Docebo hoc clariùs ex ipso iterum Appiano. apud quem M. Antonius triumphat, post pugnam Philipensem, in Asiam missus ad pecunias colligendas, in concione sic eos affatur: *Ne vrbibus agrisque pella-* v. Civil.
*mini, pecunia danda est in usum militū: nec ea maxima, sed qui auditi libenter acquiescant. Deditis hostibus nostris, Cassio & Bruto, in duobus annis tributa decem annorum: ea suffecerint & nobis, nisi quòd danda sunt in vno anno. Quid hinc efficimus? nectimus iterum Plutarchi verba, qui ducenta millia talentum ab Asiâ tunc data scripsit. Atqui diuide in decem annos: quid trepidas? viginti millia annua surgunt, id est duodecim milliones. Et profectò, noli ambigere, præpotens & diues illa Asia dedit. In quâ tamen obiter moneo, res sæpe mutas: & primò, cum testamento Attali Romanis relicta esset, Vectigalia imposita; id est *Decumas, Portoria, Scripturam*, sollenni more. Sed cū publicani iniurijs pro more suo essent, & sine publico bono sibi attererent ac tonderent; C. Julius Caesar, & iniurias, & iniurios ipsos sustulit, ac permisit ipsis Asiaticis fructus colligere ab agricolis, ac Tributa induxit. Hæc ita ferè (etsi ipsa verba, quia pluscula, omisi) in eadem oratione Antonius apud Appianum dixit. Quando autem
à Iulio*

Lib. XLII.

à Iulio id factum, & de re ipsâ, apertius sic Dio Cassius: *A victo Pompeio, cum Asiam obiter lustraret, τὸς τελοῦσας πρεσβυτάτους σφίσι χερμῶνους ἀπαλλάξας, ἐς φόρου σωτέλειαν τὸ συμβαῖνον ἐκ τῆς τελοῦσας χερμῶνους: Publicanos, qui acerbissimi in Asiaticos fuerant, remouit, & in Tributi collationem, id quod ex Vectigalibus redibat, mutauit.* Pulchra nota: & re ipsâ quidem melius leuiusque erat Decumas & talia dare: quare? quia pro anni prouentibus dabant, plus aut minus, vt ipsi accepissent, nec vltrâ grauabantur: at eò tamen rem redegerat Publicanorum iniquitas (quos nulli Præfides aut leges satis domabant) vt omnes præoptarent magnum & certum aliquid dare in Tributo. Similis mens, vt addam, in Taciti loco: *Achaiam ac Macedoniam onera deprecantes, semari Proconsulari imperio, tradique Cæsari placuit.* Videntur enim Publicani tunc, pro veteri more, in populi prouinciis fuisse, & cum iis rapinæ; in Cæsaris non fuisse. Et iam in Plutarchi loco satis tibi factum, aut dictum? *Avd.* In priore membro satis, in altero quid adfers? Firmamentum ab ipso Pompeio, qui eodem illo tempore in Senatu gloriatus, *Asiam se, quam vltimam Prouinciarum accepisset, mediam reddidisse.* Ergo plurimum adiecit: & nominatim *Syriam* totam, illam diuitem; item *Phœnicen, Palestinam, Ciliciam, Pamphyliam, Phrygia partem, Bithyniam, Pontum, Propontidem.* Hæc tanta, mirabimur tanto plus quàm Asiam dedisse? Hæc de Plutarchi loco. sed ex Portorii etiam liquere in parte potest magnitudo istorum Vectigalium. Cicero in Verrem scribit, *Socios* (id est Publicanos) *ex Verris exportationibus perdidisse sexaginta HS.* idque *ex Vicefimâ portus tantum Syracusani, & in pauculis mensibus.* Sunt valdè noranda. Si vnus ille portus, si in vno homine, & in solâ euectione, & in paucis mensibus, tantum adferre potuit: quid reliqui portus, in omni euectione, inuectione, & in totum annum? Sunt autem illa *sexaginta*, more nostro, circiter *mille quingenti Philippæi.* Et Cicero quidem non nisi *Vicesimam* disertè ibi in Portorio agnoscit: tamen *Octaua*, & qui eam accipiunt *Octauarii*, in Codice Iustiniano memorantur: At in Quintiliano & Symmacho, *Quadragesima.* Sed opinandum est, pro locis, aut mercibus, sed & temporibus variasse: maximè tamen pro mercibus, & vt grauius vectigal peregrinæ soluerent, ad delicias magis aut pompas, quàm vsum inuectæ.

C. Cæsar

C. Cæsar eius rei auctor, ex Suetonio : *Portoria peregrinarum mercium instituit*. Quæ haud dubiè ipsa Italia etiam pependit, etsi reliqua portoria, lege Metelli, in eâ sublata essent: quod Cicerone malo publico factum notat, & recitat item Dio. Hæc sanè magna fuisse, quis potest ambigere, ex pretio & copiâ rerum? Nam gemmæ, lapides, vestes, ebur, mancipia, aromata, vnguenta, & plura eiusmodi exotica inferebantur: quibus si *Octavam* imponis, quanti eâ sint? Argumento aliquo è Plinij hisce verbis: *Arabia felicis mare est. margaritas enim mittit*: MINIMAQUE COMPUTATIONE *millies HS. annis omnibus India, & Seres, Peninsulaque illa, imperio nostro adimunt*. Si *millies HS. centum* præ eæ merces; pluris mox æstimatæ & venditæ, ergo & Portorium ex iis grande. AVD. Sed commemini alterius Pliniani loci, qui minuit, & à summâ illâ abit. Nam ubi de Indiâ sermo, *Indigna res, nullo anno imperiis nostris minus quingenties HS. exhauriente Indiâ & merces remittente, quæ CENTVPLICATO* vaneant. Ecce hîc *Quingenties* modò, id est dimidium habes. LIPS. Sed nempe ex Indiâ solâ: at alter ille locus Arabiam & Seres item iungit, & ex iis quidni alterum dimidium accedat? Nota autem inibi quòd ait, *centuplicato vanisse*: quod rei nostre facit. Cur enim tanti? cur mercatorum tam improbum lucrum esset? non fuit: sed duo sunt, quæ Pretium sic accenderunt, Itinerum difficultas, & Portoria. Quod ad illa, Plinius eodem illo loco describit, & addit *quotannis navigari, sagittariorum cohortibus impositis*. Ea res & tutela, mercatoribus ad impendia accedebat. Iam Portoria ijs grandia. quod Strabo imprecisè notat in rebus Ægypti: scribitque, *olim quidem paucas naues ausas extra Sinum Arabicum ire, at nunc maximas classes navigare in ipsam usque Indiam, & ad vltima Æthiopia: unde pretij maximi merces aduehant, & rursus aliò exportent*. Ita fieri, ut DUPLEX PORTORIVM pendant, Inuentionis & Euectionis: atque ipsa portorium æstimatarum istarum mercium GRANDE item esse. Hæc ita Strabo. & mirum igitur non sit, à duplici illo aspectu, Itineris & Portorij, pretia sic creuisse: maximè cum & in Italiam aut aliò inuehenda, credam iterum soluisse.

Lib. XII.

*Duo mil-
liones, &
semis.Lib. VI.
cap. XXII I.

Lib. XVII.

CAP. III.

Inquisitum item in Capitationis modum, & pensum vniuersorum Tributorum.

In Syriac.

DE Vectigalibus priscis hoc nunc satis : ad *Tributa* venio, siqua ea possim extricare. Metuo, & hæreo statim in *Capitationis*, quod vel maximum certissimumque fuisse arbitror : sed in modo, tenebras & nubes suas habet, nunc à me non pellendas. Fuitne indiscretum vniforme in omnia capita? an potius ex censu? Nam si illud, iniustitia manifesta adhæret. vt si quis pauper, liberos & familiam multam habeat, contrà diues, & cælebs sit & orbus. In Appiano strictura aliqua lucis affulgere videbatur, sed fortasse fallax. nam ait, *Iudeos sæpius rebellasse, eoque tributum capitis grauius iis impositum, quam reliquarum facultatum. Esse autem & Syris & Cilicibus annuam Centesimam, pro modo census vnicuique.* Verba Græca sunt, si fortè examinare tecum velis : Καὶ ἐστὶ τὰ αὐτῶν ἡσὺν Ἰουδαίους ἀπὸ τῶν ὀφείλων τῶν σπουδαίων βασιλέως τῆς ἀλλοτρίης περιουσίας ἡσὺν οὐρανοῦ καὶ γῆς, ἡσὺν τοῦ ἐν ἡμέραις τοῦ νυκτερίου ἡσὺν. Ego ad verbum tibi pænè reddidi : & efficiatur ex sermonis nexu, Iudæos *Centesimam* dare, sicut & Syros ac Cilices, pro Capitis tributo. Quo sensu? inquires. vt magis capias : soluere quidem illos & pro Agris, & pro Opibus ; sed æstimatione omnium factâ, etiam *Centesimam* pro ipso capite dare. Hoc tale est. vt, si decem millia aureorum in censu habeam, solûam ex ijs annua centena. Hoc placeat ob æqualitatem, & quia pauperes aut tenues sic non pressi : sed alia sunt quæ refellunt, aut certè morantur. Quid enim tum seruis fiet? quid filijs familias grandioribus? Dico grandioribus. nam vt & hoc addam, Vlpianus notauit, *In Syriâ à Quattuordecim annis masculos, à Duodecim feminas, vsque ad Sexagesimum quintum tributo Capitis obligari.* Atqui Serui & Filij tales, peculium suum nullum habent. Sed de seruis responderi potest, Dominum dependisse in suo capite, dum eorum æstimatio Censibus eius accedit. Et serui alioqui in iure, *caput non habere*, scribuntur. Quod ad filios, certum est parentes pro iis exsoluisse : sed quâ taxatione,

an

an non & eâ aliquâ pro parentum censu, hoc ignoro. Vellem, & res facta esset. Sed soluisse, in Panegyrico ita scribitur: *Tunc certe parentes ADULTORVM non pœnitet filiorum, quorum onera remissa sibi latantur.* Vides filios parentes suos onerare, sed adultos iam & grandiores, ex Vlpiano supra. Imò alibi, non ante Vigessimum annum capite obligatos, lego. Caussam autem opinor huius remissionis in ætate vel Puerili vel Senili: quòd etiam Romani olim Impuberes non censebant, & immunes à Tributo habebant. Addi potest, quòd hæc Capitatio, non aliud quàm quasi redemptio munerum & operatum seruiliū fuit, quas populi scilicet victi, & serui facti, Romanis iam debebant. At pueri ad eas operas, aut senes, non idonei: ergo nec pro ijs soluant. Hæc sunt, si pro Censu Tributum hoc datum. Sed aliquis mallet, vniforme aliquid, & in omnia capita æquale. Nam sic Iudæi leguntur *Didrachmum* pependisse: & Christus ipse in Euangelio soluit. Quod Hieronymus quidem & Beda istuc retulisse videntur: sed alij tamen veriùs (inter hos Hilarius) ad Tributum, quod templo Iudæi debebant, in eo modo à lege diuinâ definitum. Exodum vide. Et Iosephus sanè ac Zonaras, sed & Xiphilinus, disertè scribunt *Vespasianum* demum hoc instituisse, vt omnes *vbique Iudæi duas drachmas Ioui Capitolino Romæ penderent, quas antea TEMPLO Hierosolymitano solebant.* Nihil clarius: & Christi ipsa responsio (si quis examinat) à Tributo Cæsariano nos abducit. Sed aliquis etiam opponat Lampridij hæc in Alexandro: *Veëtigalia publica ita contraxit, vt qui decem aureos sub Heliogabalo præstiterant, tertiam partem aurei præstarent. tuncque primùm Semisses aureorum formati sunt, & Tremisses.* dicente Alexandro, etiam *Quartarios* futuros, quòd minus non posset. quos etiam *formatos in monetâ detinuit, expectans, vt si veëtigal contrahere potuisset, eos ederet.* Hæc euincere videntur, certum genus nummi cūsum ad Tributa: & nisi fallor, Capitatis, quæ sola certitudinem & vnitatem poterant habere. Nam in agris, animalibus, aut opibus, id planè variabat. Faciat aliquid Hesychius, qui scribit: *Κένος, εἰδος νομισματός, ἀντιποδίων: Census, genus numismatis, capitatio.* Sed & in Sacris legitur, *Numisma census.* Tamen ob multa hæreo, nec temerè in hanc partem eo. Quid? decem igitur aurei in Lampridio, Capitatio

Ad Cen-
sarium:Matth.
cap. xvii.

Cap. xxx.

tatio fuisset? & postea *Triens*? In ipso Euangelio, ubi *numisma* census quæritur: mox subiicitur, *Denarium obtulisse*. An ergo ille tantum æqualiter in capita? ridiculum, nisi si Denarius aureus fuit. Quid firmiter definiam, nescio: res tenebras, ut dixi, habet, nec nostrâ nunc curâ illustrandas. Pluscula cogitavi aut collegi, fateor: sed intricatis, aut merè litterarijs, non nunc locus. Dico igitur breuiter, Lainpridij locum hoc tantum efficere, *Contracta omnia vestigalia: aded ut qui* (pro exemplo) *decem antea daret, nunc Semissem aut Tremissem*: & quia imminuta illatio erat, in eius rei memoriam voluisse & nummos minores Alexandrum cudi. Sententia autem tota & vera, *contraxisse eum: Tributa pleraque ad Trientem, conatum & ad Quadrantem: nec infra potuisse*. Quod si quis pertendit, nummos pro modo Tributi ita cufos: ubi igitur illi sunt? cur prægrandes aliqui non extant? Denique statim infinitos cufos oportuit, ad pensiones totius orbis. Nihil est: & Hefychij aut Christi verba hoc modò volunt, ipsum illud quod ex censu in Tributum darent, *Censum* appellatum; atque aded pecuniam, siue grandis ea siue pauca esset. Quin hoc totum pro priore sententiâ magis sit, quod Capitatio fuerit ex censu. Cur enim *Numisma census* dicatur, si ipsius census nulla habita ratio? Plura sunt: sed differo, & nunc inquiri, quod cœperam, in Capitationis fructum. Multum rediisse ex câ, multitudo capitum dicet, quæ in Romano orbe. Iosephus de solâ Ægypto scripsit, *habere eam* * *septingentas & quinquaginta myriadas hominum, Alexandria exceptâ: idq; liquere ex tributo, quod in capita singuli pendunt*. Postrema hæc ita palam Græcè habent: etsi interpres leuiter aliò deflexit. Sed argumentatur & colligit de Capitum numero, ex ipsâ Capitacione, & tabulis scilicet Censualibus, quas inspexit; aut ab ijs qui inspexere, hausit. Nam etsi non Pueri aut Senes conferrent, ut prædixi: tamen & eorum nomina scripta probabile est, contra fraudes, & pro ceterâ diligentia aut curiositate Romanorum. Si igitur talis ille Ægyptiorum numerus (& *Alexandrie incolæ* etiam excipit, qui ipsi ad *centena* aliquot *millia*:) facile intellectu est, in quantum creuerit capitarium hoc vestigal. Adde enim alias prouincias in partem: quarum omnium in populis numerum sub Augusto voluit Suidas exprimere, atq; utinam is locus rectè haberet!

Augusti

* Septem
milliæ
cum dimi-
dio.

Augustus, inquit, omnes subditos viritum adnumerare voluit, ut sciret quanta multitudo esset. Καὶ ὁπίσσω αἱ τοῦ ποταμοῦ ἀκταὶ, ὡς περὶ ἑξήκοντα ἑκατὼν ἑξακισχίλιαι, & reperti sunt Romanam ditionem incolētes quadringenta & decem myriades, mille & septemdecim viri. Falsi planē numeri, & perexigui: cū sola Ægyptus vltra donet. Eimendare tamen, non nisi eius est, qui diuinandi artem certō tenet. At Tertulliani locum non insuper habeo, qui egregiē asserit copiam hominum, cultumq̃ue orbis, in suo, id est Seueri Imp. æuo. De Animâ, cap. xxx. Certē quidem ipse orbis in promptu est, CVLTIOR DE DIE, & instructior pristino. Omnia iam peruia, omnia nota, omnia negotiosa. Solitudines famosas retrō fundi amēnissimi obliterauerunt, siluas arua domuerunt, seras pecora suauauerunt. arena seruntur, saxa panguntur, paludes eliquantur. TANTAE VRBES, QVANTAE NON CASAE QVONDAM. Iam nec insula horrent, nec scopuli terrent: VBIQVE DOMVS, VBIQVE POPVLVS, vbique respublica, vbique vita. Summum testimonium frequentiae humanae, ONEROSI SVMVS MVNDO. vix nobis elementa sufficiunt: & necessitates arctiores, & querela apud omnes, dum iam nos Natura non sustinet. Nihil impreflius dici potest de pleno frequentiq̃ue orbe: quod item ad felicitatem, quæ sub Romanis, licet ducas. Sed vt distinctē de Capitatione nil dicam, tamen de vniuersis Tributis aliquid, dum filuas & lustra excutio, videor indagasse: & ponam. Velleius, vbi de auctis finibus imperij, & prouincijs adiectis, ita ait: *Diuus Augustus*, præter Hispanias aliasq̃ue gentes: quarum titulis Forum eius prænitet, PAENE IDEM, facta Ægypto stipendiaria, quod pater eius Gallia, in ararium reditus contulit. Verba ea tollo & appendo, penē idem soluisse Ægyptum, quod Galliam: ergo ista plus etiam dedit. Quid si inueniam Tributi igitur Ægyptiaci modum? propemodum in Strabone, qui sic tradit: *Ciceronem* in oratione quapiam scriptum reliquisse, tributa ex Ægypto redisse Ptolemæo illi qui Cleopatra pater fuit, talenta annua duodecim millia & quingenta. Vbi hoc Cicero, nescio: hodie non existat, & puto tamen fuisse in cā pro Rabirio Postumo, quia argumentum eius tale aliquid vel admittit, vel petit. Sed parū hoc ad rem: illud maximē, quod Strabo adnectit, his verbis: Si igitur ille rex negligenter & ignauē imperans, tantum redigit: quid NVNC censendum est,

cum omnia TANTA DILIGENTIA ET ORDINE administrantur, itemque Troglodytica & Indica negotiatione sic aucta? Satis præit nobis & adserit, multo plus in Triburis Ægypti suo, id est Augusti vel Tiberij, æro fuisse: quàm olim suo Ptolomæis. Atqui si tunc tot illa dicta talenta (ea faciunt septem milliones & semissem:) quidni ad decem aut duodecim milliones producamus in sequenti æro? nec nimium censeo me dixisse. AVD. Censeo te dixisse Lipsi, censeo. Nam primum Strabonis illud Diodorus refellit, qui lustrasse sub id tempus Ægyptum scribit, & accepisse ab iis qui res rationesque Regias tractabant, illum accipere supra sex millia talentum annua. Iam de Galliâ etiam habeo quod dicam: sed tu de isto prius. LIPS. Semper mihi res cum Diodoris? amo scilicet hoc nomen, ob vnum illum virum. Sed tu scito breuiter, Diodorum si ab Ægyptijs hoc accepit, Ægyptiaca igitur talenta etiam intellexisse, quæ maiora Atticis, & habent minas siue libras octoginta: quod Plinius ex Varrone scripsit. Ita igitur si consideras, haud nimis ea sex millium summa à Duodecim abit, etsi tamen abit. Sed addit Diodorus, plus etiam accepisse: quod ipsum nos iuuet: & denique Ciceroni ac Straboni lubet merito, præ Diodoro, credere atque adhærere. Enimvero opes Ægypti magnæ, redditusque: & Iosephi verba tu hæc audi. Tributorum, inquit, multo amplius Romanis per singulos menses pendit, quàm vos, ô Iudæi, toto anno: & præter pecuniam, annonam frumentumque quattuor mensium vrbi Romæ. Ita Agrippa rex in concione Iudæos alloquitur: & duo ex iis discas, grande aliquod Ægyptios intulisse; & Iudæos vix duodecimam eorum partem. Sed ut cœperam dicere, si tantum istud Ægyptus: quid iam Gallia, quæ plus, ex Velleio, & ratione (nam multo grandior laxiorque est) plus, inquam, longè dedit? An minus igitur, quàm xv. aut xx. milliones? AVD. Et hîc erat Lipsi, in quo volebam te non reprehensum fortasse, sed repressum. Quid clamas de Galliâ? os tibi claudit Suetonius, vel te restituente: C. Caesar Gallie cccc^m. Hs. in annos singulos, Tributi nomine, imposuit. Hoc tu ita ex libris veteribus: hoc & Eutropius idem dicit. Atqui quadringenties illud, quid nisi vnus millio est? ut videas corrumpere tot illos à te superstructos. LIPS. Ego tamen firmiter satis struxi: nec machina hæc tua deiicit, aut quatit. Nam restitui

Lib. xvii.

xi. Excid.

restitui ita, fateor, libros secutus: sed quid si in numeris aberrantes? non insolens est: & hîc, cùm inquiri & penetro, planè est factum. Dic sodes tu aut alius, illa ampla, illa diues Gallia (sic enim semper habita & laudata) non nisi *millionem* annuum in tributo dederit? O clementiam imperij Romani! ô illos benè meritos de vrbe, quam ceperant; de populo, quem ad extremum armis prouocarant! Non sunt ista profectò: & audeo adfirmare Suetonium atque Eutropium scripsisse $\infty \infty \infty \infty$. id est, *quater millies*. Ea summa *decem milliones* reddit: minus inquires, quàm *Ægyptus*: ita est, sed addo, & ratio comprobât, aucta hæc Tributa largiter, & vel in duplum, ab Augusto esse. Nam ille censum per Gallias *instituit*, *opus nouum & maductum Gallis* (vt Claudius in Oratione apud Senatum loquitur) & eâ ratione immensum auxit. Quod fecit idem in alijs prouincijs, & in Syriâ etiam, vt ex Euangelistâ notum: itemque in Hispaniâ, sed temporibus diuersis. At iam, mi Auditor, si solæ *Ægyptus* & Gallia ad xxx. aut circiter *milliones* penderunt: quid totus orbis reliquus? An non Syria & Asia tantum? Africa & Hispania? Græcia & Illyricum? Insulæ omnes simul? & multa omitto: & concipere summas vereor, sed suprà * *centum quinquaginta milliones* fuisse, animo hoc sentio, & ore etiam promo.

* Vide Notat.

CAP. II II.

De Aerario militari, & Vigesima, Vigesima-quintâ, Centesima ad id explendum.

OIGITVR opes immensas cùm considero! & maximè in *diligentiâ* eâ quam Strabo commemorat, cuius exemplum etiam iocosum, lubet dare. Scribit idem alibi, *Gyarum se venisse* (non insulam, sed scopulum) à pauculis piscatoribus habitatam. atque eos ipso illo tempore quo adfuit, Legatum ad Cæsarem misisse, deprecatum grauitatem tributi. Nam impositos sibi centum quinquaginta denarios, cùm agrè centum possent pendere. Tu rides: licet: sed vides quàm nihil eos fugerit, & saxa & rupes etiam habuerint

* CCL M.
Philopp.

rint sub tributo. Nec de magnis sanè prouincijs hoc Seneca acceperim : *Caïum Caligulam* * centies Hs. *absumpsisse, vt prouinciarum tributum vna cena fieret.* Mediocrium dico aut tenuium prouinciarum : nam ampliores, quanto amplius ? Et finem ego hîc putabam : sed tamen alia etiam se obijciunt & occurrunt, sine fraude magnâ *Ætarij* non omittenda. Nam Augustus ille, qui valdè rem Romanam auxit, etiam onera, & hîc quoque pro nomine suo fuit. Nam is *Ærarium militare* seorsim instituit, & ad id explendum reditus nouos & certos. Suetonius ita : *Quidquid vbique militum esset, ad certam STIPENDIORVM PRAEMIORVMQVE formulam adstrinxit: definitis, pro gradu cuiusque, & temporibus militiae, & commodis missionum; ne aut atate, aut inopiâ, sollicitari ad res nouas possent. Vtque perpetuè, ac sine difficultate, sumptus ad TVENDOS eos PROSEQUENDOSQVE suppeteret, Ærarium militare cum VECTIGALIBVS NOVIS instituit.* Nomandum est, duplici pecuniâ opus fuisse, ad *Stipendia* & ad *Premia* : quod seorsim Suetonius dixit, ad *Tuendos*, in militiâ scilicet; & ad *Prosequendos*, nempe post militiam, & à missione. Quid autem ? inquires, an tot igitur illa tributa non sufficiebant alendo & ornando militi ? Suffecissent omnino, nisi & alia publica onera, eaq; immensa fuissent, in populo pascendo, in ludis dandis, in operibus, in magistratibus & officijs; & quæ distinctè aut accuratè dicere, non sit huius loci. Utinam Appiani liber exstaret, qui hæc omnia fuit complexus ! Ita enim ipse, initio operis, vbi id diuidit & disponit : *Vltimus liber, inquit, habebit COPIAM MILITAREM, quam & quantam Romani habeant; tum & PROVENTVS PECVNIASQVE, quas per singulas gentes capiunt; item quid in CLASSES impendant, & si quid erit huiusmodi.* O pulchrum, ô desiderabilem illum librum ! sed petijt : scire tamen Appianus illa potuit, tum quia & ipse in Republicâ fuit, tum quia moris rationes illas imperij in publico edi. Suetonius de Caligulâ : *Rationes imperij ab Augusto proponi solitas, sed à Tiberio intermissas, PVBLICAVIT.* Rationarium, siue & Breuiarium imperij, hoc idem Suetonius alibi appellat : & Tacitus explicat describitque, cum *prolatum à Tiberio libellum* scribit, quo *OPES PVBLICAE continebantur. quantum ciuium fortiorumque in armis, quot classes, regna, prouinciae, tributa aut vectigalia,*

lia, & largitiones ac necessitates. O hunc quoque laudabilem morem. cum Princeps rationes quasi cum Republicâ ponit, & ostendit nihil sibi quæri propriè, aut infumi. Sed ab eo à meâ re, admiratione talium : & semel dicenda fuerunt. Nos igitur iterum suspenso gradu quæramus quæ perierunt, aut in obliuionis aquis latent. Dixi *Ærarium militare* institutum nouiter ab Augusto, & ad id implendum quæsitos fontes. Tres repperit, *Vicesimam, Vicesimam quintam, Centesimam.* *Vicesima* fuit hereditatum : de quâ in hunc finem institutâ apertè ita Dio, in actis anni DCCLIX. *Postquàm multa pecuniaria rationes propositæ, & spectæ fuissent, ad Ærarium militare : placuit tandem seditque, ut Vicesima esset hereditatum & legatorum, quæ cuique obuenissent testamento : exceptis tamen aut sanguine valdè iunctis, aut admodum pauperibus, quos hoc onere liberarunt.* Duo venisse in hanc vicesimam vides, *Hereditates & Legata* : Deus bone, quanta & quàm crebra ea, vel in Româ tantum ? Quot illi diuitiæ, & quoties, per capturas & aucupia, ad externos translatæ ? Soluebant igitur sæpè Vicesimam : & nemo ambigat fuisse incredibile Vectigal. Excipiuntur tamen hîc *Proximi, vel Pauperes* : & Nerua ac Traianus etiam, postea mitigarunt, quod in Plinij Panegyrico diffusè est videre. Atque ut verum fatear, hoc Tributi genus imitabile videatur, nec graue etiam pendentibus : cum læticia magni & inopinati sæpe prouentus obruat vel minuat sensum inferendi. Sed fons alter, *Vicesima quinta mancipiorum.* de quâ Tacitus : *Vectigal Quinta & vicesima ventalium mancipiorum* (à Nerone) remissum : specie magis, quàm vi ; quia cum venditor pendere cogeretur, in pretium emptoribus accrescebat. Id autem Acrario militari accessisse, Dio item scribit, anno post *Vicesimam* institutam. Cum etiam pecuniâ, inquit, opus esset, & maxime ad Vigilum cohortes iam institutas, Augustus Vectigal Quinquagesima, in venditione mancipiorum, induxit. Dico *Quinquagesima* : & sic in Græco est, τὸ τέλὸς πεντηκόςτης : an non tamen πεντηκόςτης rescribendum, leui mutatione, id est *Vigesima quinta*, pro verbis claris Taciti, sit considerandum. Magis est, ut putei sic fuisse, & Romano scriptori accredam. Quanti hoc vectigal fuerit, is agnoscer, qui crebra mancipia in Romano orbe, crebram mutationem, & maxima deinde eorum pretia cogitabit. De cre-

britate, alibi dicemus: de pretiis, quis nescit Daphnidem væniffe (in Plinio) *trecentis millibus & septingentis sestertijs*? id est, *septem millibus quingentis septemdecim Philippæis* cum dimidio: grande pretium in vno fluxu & mortali homine, & quem solus *Grammatici* titulus commendabat. Ab eâdem classe & arte *Lælius Præconinus* (in Suetonio) *emptus ducentis millibus nammum*: quæ sunt *quinque Philippæorum millia*. Iam Caluissius ille *Sabinus* (in Senecâ) *plures anagnostas habuit, & singulos centum millibus emptos*. Quot aurei igitur prodeunt è talibus singulis? quot ex millenis aliquot, qui, cottidie panè dixerim, væniebât? Et Iurisperiti quidem pretia seruorum definiunt: *in communi aliquo viginti aureos; in artifice, medico, notario, eunucho, triginta, quinquaginta, sexaginta*: & quamquam Romani aurei sunt (id est duplices nostri) tamen modica illa æstimatio, nec in venditione locum habet, quæ nimis sæpe excessit. Alio fine à Iurisperitis ea sunt scripta: æstimationis communis causâ; & fortassis ad Portoria aliquis etiam trahet. Sed tertius fons, *Centesima*, quæ rerum *vænaliu* fuit: de quâ Tacitus, in Tiberij rebus. *Centesimam rerum vænaliu deprecante populo, edixit Ærarium militare eo subsidio niti*. Si omnium autem vænaliu, quæ & quàm infinita summa fuit? Si in auctione tantum; minor, sed & sic grandis. Suetonius quidem sic restringere videtur, qui in Caligulâ *Centesimâ auctionum* appellat, & remissam *Italia* ab eo Principe notat. Finiui de Ærario militari: quod propriè quidem ad ipsum facit. Aliàs non nescio, & poenas siue multas legum, item damnatorum confiscationes sæpe in hoc ærarium relatas. de quibus Plinius in Panegyrico: *Locupletabant & fiscum & ærarium, non tam Voconie & Julia leges* (Papias intellegit, de maritando) *quàm Maiestatis, singulare & vnicum crimen eorum, qui crimine vacarent*. Et magna quidem hæc ratio fuit: sed illa Maiestatis rarò, nisi à deterioribus, vsurpata. Tetigisse hæc satis sit: nos nunc ad alia iunus.

CAP. V.

De Metallis, & argenti, auri, aliarumque rerum fodinis.

AVD. An & aliud igitur restat? LIPS. Aliud, aliaq; potius, vt dixi. AVD. Hem, quousq; accumulabimus? & vide ne patientiam omnem illis excutias tot onera ferendi: imò & mihi pænè fidem. LIPS. Confide, benè & firmiter imponam, & testimoniorum suis vinculis ligabo. In istâ re pecuniariâ, an ipsam eius materiem, id est *Metalla* omittâ? nefas. magni ex iis reditus, & in varijs locis: & reditus quidem innoxij, iusti, & sine onere subditorum. Terra, benigna illa mater, hæc quoq; nobis donat. Cassiodorus pulchrè: *Metallarij sine furto diuitias rapiunt, optatis thesauris sine inuidiâ perfruuntur, & soli sunt hominum, qui absque ullâ nundinatione, pretia videantur acquirere.* Iterumq; mox addit: *Aurum per bella querere, nefas est; per maria, periculum; per falsitates, opprobrium; in suâ verò naturâ, iustitia.* Nescio tamen, ô bone Cassiodore, nescio de *Iustitiâ*: & an non Sæuitia aliqua admixta? certè, vt illi tunc quærebant. Nam multa millia hominum huc adigebant, quosdam mercede conductos, plerosque damnatos ad metalla: quos in subterraneo illo carcere, fames, labor, vapor, & ruina sæpe etiam necabat. Ipse Cassiodorus non dissimulat: *Intrant homines caligines profundas, viuunt sine superis, exsulant à sole: & dum sub terris compendia querunt, nonnunquam lucis gaudia derelinquunt.* Ægyptiorum hoc inuentum fuit. *quorum rex, ait Diodorus, omnes criminis damnatos, item ex hostibus captos, siue quis regem offendisset, ipsum & totam cognationem interdum, auro effodiendo deputabant: simul & facinorum pœnam sumētes, simul & questum vberem ex eorū labore capientes.* Atq; hircali interdum numero apud Romanos, vt Polybius ad Carthaginē Nouam, fodinis in Hispaniâ, non minus XL. millia hominum scribat *assidue in opere versari.* Plinius etiam notat, *Censoriam legē fuisse lētī- mulorū aurifodine in agrō Vercellensi, quâ cauebatur, ne plus quinque millia hominū in opere Publicanū haberēt.* Nec id crédito miseratione aut curâ pereuntū factum: sed cautione, & dispēfatione operis,

Lib. III.

vt ne in vnâ conductione Publicani totum aurum exhaurirent. Itaque lex in elocatione dicta fuit, de numero operarum. Strabonis locus est, qui abdicare à Rep. aut Principe Argenti omnes fodinas videtur; relinquere tantum Auri. Verba: *Εἰ δὲ καὶ νῦν τὰ ἀργυρεῖα, ἢ μέντοι δημοσία, οὔτε δὲ ἐν ταῖς πόλεσι, οὔτε ἐν τοῖς ἀλλοῖς τόποις, ἀλλ' εἰς ἰδιωτικὰς μετέστησαν ἐκτίθεν, τὰ δὲ χρυσεῖα δημοσίᾳ τῶν πλείων*: *Sunt autem & nunc Argentaria in Hispaniis, non tamen publica, neque ILLIC neque in ALIIS LOCIS, sed ad priuatas redempturas sunt redacta. Auraria autem pleraque publicè exercentur.* Ambigua mihi hîc sententia est, velîne venditas Argentarias priuatis, certâ pensione aut illatione; an dumtaxat elocatas, vt olim solet. At in Aurarijs aliter, quas ob lucri magnitudinem ipsi Principes exercent. Ex hac quoque metallariâ parte igitur, magnum vberemque factum quæstum, & nostra ætas doceat: maximè cùm pulcherrimas fecundissimasque Fodinas variè haberent, vt in Hispaniis, Galliis, Norico, Salassis, Illyrico, Pannoniâ, Thraciâ, Macedoniâ, Troconneso: quarum singulatim testimonia dare possim, sed fidei meæ nunc hoc credes. Habuit & Italia, putatque Plinius *aliam nullam fecundiores metallorum quoque tellurem esse*: sed interdicto Patrum cautum, vt ei, velut parenti, parceretur. Præter hæc, fuerunt & Cretaria, & Picarie, & Salmarie, Ærarie, Ferrarie: & nullum genus quæstus è terrâ omissum.

C A P. V I.

De Vrinario vectigali & Chrysargyro, item de Meretricio.

IAM & alia video. AVD. Bonâ veniâ Lipsi, etsi auidè audio, tamen tædere incipit tot illationum. Quid faciemus his opibus, & quin potius erogamus? LIPS. Alia, alia: & ab Augusto & priscis ad nouiores, atque adeò auidiores, veniamus. Exordium à Vespasiano (nam Caligulam consuetudo omitto, qui multa & insana instituit, sed mortua cum ipso) à Vespasiano, dico: qui, vt communiter de illo Suetonius, *Auxit tributa prouinciis, nonnullis & DVPLICAVIT.* In paucis verbis quanta accessio rerum, attritio

attritio subditorum? Et quidni ille solita augeter, vel duplicaret, qui instituit & excogitauit etiam pudenda? Nam *Vrinae Vestigal commentus* est, quod idem scriptor tradidit: & notus, cum filio pecuniam ad nares admouisset, in eâ re eius iocus. Origo huic Vestigali & caussa, quod in publico amphoræ aut dolia stabant ad Vrinam reddendam: quam Fullones, opinor, vertebant deinde in suum vsum. Tunc rides? AVD. Largiter. & vah Vespasiane, non alia tua sagacitas in excogitando? LIP S. Sed Principes etiam secuti tenuerunt, siue auxerunt: & videtur hoc fuisse triste illud *Chrysargyrum*, historijs decantatum. Georgius Cedrenus quidem eo trahit aperte. *Chrysargyri pensio fuit*, inquit, *talis, vt quisque mendicus aut pauper, meretrix siue iam emerita, omnis seruus itemq; libertus, inferrent in ararium pro VRINÆ & STERCORE, iumentorum etiam & canum: siue in agris, siue in opidis habitarent. Et homines quidem vtriusvis sexus, Nomisma argenteum, equus, mulus, bos tantumdem, asinus & canis, folles sex. Cum Cedreno Constantinus Manasses facit: Chrysargyrum sustulit Anastasius Imperator. quod erat, vt omnes viri, feminae, pueri, serui, liberi, nummum argenteum, nomine STERCORIS ET VRINAE fisco darent. Idem muli, equi, boues. Proh sancta fides! quanta hæc pecunia fuisse debuit, ex omni genere pænè viuientium? & quæ vinqum Capiratio accessit? Miror, & simul indignor, hæc tam scæda & tristia à Constantino nostro Magno instituta: sitamen ille. Nam Zosimus asserit, & cum culpatur: * Euagrius ex professo negat, & hunc vt hostem optimi Principis inuadit. Sanè videtur à Vespasiano exemplum, quicumque auxit & produxit. AVD. Phui, phui hæc talia! & odor mihi nares spurcat. LIP S. Quid tu auertisti? viri proceres & reip. primi hoc munus colligendi ambibant, non aliter (Euagrij verba) quam militarem aliquam *Præfecturam, aut Ciuilem magistratum*. O indignitas! sed Princeps dignitatem addebat, qui & in *Sacrum ararium hanc pecuniam recipiebat*: vt idem ille Euagrius notat. Ne miremur luenalem iam olim scripsisse, de ijs quos fortuna amaret:*

Conducunt foricas. & cur non omnia? cum sint

Quales ex humili magna ad fastigia rerum

Extollit, quoties voluit Fortuna iocari.

* Vide lib.
III. Eccl.
Hist. cap.
XXIX.

Atque isti pudendarum sordium lucrique exercitores aut conductores sunt, quos *Foricarios* Iurisconsulti appellant. **AVD.** Mihi ridere hîc lubet res humanas. **LIPS.** Quid ita? **AVD.** Nam qui pulchriores ludi sunt, quàm vel insticui tributum in hæc talia: vel collectores eis honestissimos adinouere? An istud non est illudere & insultare, non dicam dignitati, sed libertati? **LIPS.** Tibi sic videtur, & nobis hodie: & tamen, vt nunc quoque mores aut cupidines, aliquis seueriorum fortasse fuisset inter illos *Foricæ* candidatos. Sed aliquid occurrit, quid? turpe & pudendum item, & dignum suo auctore. Caligula ex *capturis Prostitutarum Vestigal* instituit, quantum quæque vno concubitu mereret. Ita Suetonius: sed quod credo cum illo periisse: etsi postea quoque sub Heliogabalo *Lenonum Vestigal*, & *meretricum*, & *exoletorum* fuit. Ista scæda, & Romano nomine indigna: nec sustulit tamen optimus Imp. Alexander Seuerus, sed dumtaxat in *Sacrum ararium* vetuit inferri, & ad *inflationem Theatri, Amphibetari, Circi deputari*. Ex quo verè dixeris, magnum & hoc *Vestigal* fuisse, cum ad tantorum operum restitutionem conferret. Sed mittamus, & finiamus. Nam ad posteros Imperatores & Græcanicos, non lubet ire: etsi multa & ij inuenerunt aut collegerunt, & quidam eorum diuicias mirandas,

Lamprid.

CAP. VII.

De opibus Byzantini imperij: & clausula ac finis Tributorum.

AVD. Etiamne Græcanici? quî verò id potest, imperio iam tenui, diuiso, & sic minuto? **LIPS.** Potest: nec in rationes aut vias omnes pecuniæ lubet inquirere, ipsam tibi dabo. Basilis Imp. (vixit sub annum Christianum octingentesimum) à Zonarâ scribitur, implese totum *Ærarium*, & ipsos aditus viasque, pecuniis confertim stipatis. Habuit, inquit, in thesauris *DVCENTA MILLIA talentum auri*. Nam alterius pecuniæ *NEC NUMERVS iniri poterat*, adeò vt terra eam infoderet, *arariis aut repositoriis vbique repletis*. Quin & *ARCVLAS* habuit lapillis gemmisque pretiosis plenas, cum aliis, tum illis quæ cadent,

& quas

& quas *Margaretas* propriè appellamus. In quibus verbis *ducenta*
illa millia talentum auri, quid reddunt? ipsos mille & ducentos mil-
 liones. Vbi nunc argentum illud infinitum & innumerum?
 ego non arbitror infra, imò supra, aurum fuisse. Vbi gemmæ
 & lapilli in arculis? itidem æquasse. O mira, ô reiicienda, nisi
 è dictis & dicendis fidem caperent, & mutuò sibi attestarentur!
 Enimverò hoc grande in Græcanicis, Iudæus etiam scri-
 ptor longè pòst, affirmat: cuius *Itinerarium*, *Beniamini* nomine,
 Arias Montanus edidit, vir plurifariam doctus, & nobis pera-
 grauit, & scribit se Constantinopolim quoque venisse. *In eâ*
vrbe, inquit, *vidi res atque OPES INENARRABILES*. De-
 feruntur enim in Principis palatium quotannis Tributa, quibus TUR-
 RES implentur coccineâ purpureâque veste, & auro: ita ut NVL-
 LVBI TERRARVM par congesta pecunie exemplum reperiri possit.
 Affirmatur etiam ipsius SOLIVS VRBIS vectigal, ex Foris *vana-*
lium, & Portu ac mercatorum pensionibus collectum, ad VIGINTI
 MILLIA AVREORVM IN SINGVLOS DIES accedere. Quid
 tu facis? quò abis? AVD. Fugio. LIPS. Sâne bellus comisque
 es: postquam benè te sermone saturavi & excepi, abis, nec vel
 salutas. AVD. Salus te amet Lipsi, sed magis Veritas. Ego vt hæc
 tam vana, tam monstrosa, stans patiensq; audiam? Fugio. nam
 in os tibi resistere aut refellere, pudor me arcet. LIPS. Exsoluo
 te hoc vinculo, fac si potes. AVD. Nam satis attendisti Lipsi (vt
Turres auri, & *Gemmarum arculas* omittam:) vnâ vrbem,
 in vnumquemque diem, dare *vicena millia*? LIPS. Attendi.
 AVD. *Aureorum* etiam? LIPS. Aureorum, & fortasse vete-
 rum, qui duplices fuère ad hos nostros. AVD. Proh Deus, vbi
 terrarum sum? & tu etiam auges? LIPS. Es hîc in meo solo. Sed
 age, gratiâ augmenti fecero: sint menstrua *sexcenta millia* aureo-
 rum nostrorum, sint annui *septem milliones*, & pænè quadrans.
 Quid hoc te percutit? maiora diximus. AVD. Sed nō in vnâ vr-
 be. Prouinciarum, & quidem grandium, hoc tributum sit: atq;
 hodie, regnorum. LIPS. Non abnuo. sed nempe Byzantium, id
 est *Novâ Româ* hoc dedit: & tunc quidem in suo flore. quid au-
 tem censet (vt obiter addam) illam veterè olim dedisse? Sed ego
 sanè hoc non nimis miror: illud magis, quæ opes esse potnerint,
 in tam

in tam exiguis tunc finibus, ad pompam & apparatus illum Principalem. Lege Curopalatem, si vis, *De officiis aule Constantinopolitanae*, & adiunge Græcos alios: videbis Persas, & Medos omnes, vinci ab his Byzantinis. At ego tamen assensum tibi non impero: auctores meos dedi: tu aut alius, huc aut aliò ite. A V D. Sed vnum etiam, Lipsi, querere liceat. Cùm sic vrges tanta eos olim dedisse: quì potuerunt miseri, & fuerunt oneri ferundo? Nam nos sanè hodie non possumus. L I P S. Non possumus? dico ego nos facere. A V D. Nugaris, vt liberè loquar. nam vbi hodie Principum etiam magnorum istæ opes, aut ararii vbertas? L I P S. Non est, fateor: & causæ aliæ etiam sunt, sed & illa quam, pro meâ nunc mente, dicam. Non vni Regi aut Principi, quisque in suâ prouinciâ, damus, vt olim: sed variè magis & diuissim, ita vt summa magna ad vnum non redeat, magna tamen contribuantur. Quomodo? in exemplo nostro vide. Conferimus hodie Principi quædam; post eum, Ordinibus; post hos, Magistratibus opidanis, post istos, Toparchis municipiorum aut pagorum. Denique Ecclesiæ etiam & Ecclesiastici, quàm multa à nobis habent? & iustissimè quidem, atque ex lege diuinâ, sed tamen habent. Hæc igitur omnia si conferas, & in acervum iungas: affirmo tibi nos paria, aut plura dare. Quid, quòd concussionem & raptus militares omitto? quæ maxima ratio est, & misera nostra Belgica satis sentit, Negabis in vnâ carnem militarem, rusticum aliquem plus imputasse, quàm in annuum tributum? Atque hæc non semel eueniunt, ô quando tollenda? quando securitas & pax erit, aut saltem disciplina militibus? quando œconomia & ordo in acceptis expensisque? Ista sint; fortiter & audacter dicam. tondeant acciduntque nostri Principes, renascemur.

CAP. VIII.

Pecunia è Triumphis, & aliquot eorum inspecti, aestimatis.

AT satis in totâ re *Tributaria* iam dixi: alia via se ostendit & aperit (quoniam de militibus tetigi) *Militaris*. Quæ ea est? lata, trita, & per quam cū muli atque acerui pecuniarum inuecti. Pecuniarum? imò vasorum, coronarum, vestium, geminarum, & quidquid dici appetendum, aut æstimandum potest. Ne teneam te, intellego *Opes* quæ è Prædâ & manubiis, per *Triumphos* inferebantur. Quot autem isti fuerunt? quàm multi, supra modum & fidem, vberes diuitesque? Liuius distinctè plerosque eorum recenset, & describit: mihi quid opus est? satis sit, opinor, tangere, & specimen eorum aliquod, per ætates, dare. Fuere igitur *Triumph*i à Romulo, vsque ad extrema Augusti, circiter *trecenti duodecim*: & ex his primi non nimis vberes, tamen modici, & magis magisque creuerunt. Vt ecce sub Regibus L. Tarquinij Superbi triumphum reperio, qui victâ *Suesâ* *Pometiâ* & captâ, tantum prædæ rettulit, (notante Dionysio) *ut sacratæ diis decima explerent quadringentorum talentorum numerum*. Ergo fuit in cumulo, quater mille talentum: id est, vicesquater centena millia Philippicorum. Magnæ sanè ab vno bello & victoriâ, si consideras, opes. Post ciectos deinde Reges, insignis L. Papiij Curforis, de Samnitibus, habetur ab ipso Liuius: qui sic describit. *Triumphauit in magistratu, insigni, ut illorum temporum habitus erat, triumpho. Nobiles aliquot captiui, clari suis patrumque factis ducti. Aeris grauis magna vis transueta, vices centum millia, & quingenta triginta tria millia. Id æs redactum ex captiuis dicebatur. Argenti quod captum ex VRBIBVS erat, pondomille trecenta triginta. Omne æs argentumque in ararium reconditum, militibus nihil datum ex prædâ est. Verba plusscula dedi, ut videas vnde etiam ea prædâ manubiæque parari solent: & ferè è Captiuis, quos ingenti numero sub coronâ vnum-*

dabant; aut è Spolijs opidorum publicis priuatisque. Summa autem illa *Æris efficit, viginti quinque millia trecentos triginta Philippæos: Argenti, tredecim mille trecentos.* Actales ferè, aut minores, omnes illi vsque ad Tarentinum, triumphi: qui incidit in annum Urbis *CCCCCLXXIIX.* De quo ita Florus: *Nec enim VLLVS PVLCHRIOR aut speciosior in vrbe triumphus intravit. cum ANTE HVNC DIEM nil nisi pecora Volscorum, greges Sabinorum, carpenta Gallorum, fracta Samnitium arma vidisset Tum, si pompas aspiceres, aurum, purpura, signa, tabule, Tarentinaque delitiæ.* Et valdè ipse quidem aut nimis (vt est ille scriptor affectuum aut excessuum) nimis, inquam, veteres illos abiicit: & hunc tamen non immeritò attollit: In eâ vrbe & parte Italiae, gustauit Romanus Græcanicas delicias & diuitias, quas assatim postea hausit. Sed nota in isdem Flori, *purpura, signa, tabulas* illata: quod verum fuit, & demerps etiam tollenne. Atque adeò (digna obseruatu res) quid quid notabile aut optabile orbis, aut in eo vrbs aliqua haberet; per hanc viam portamque Triumphalem id Romam ferè inuectum: etsi quedam etiam extra bellum, vi aut persuasione magistratum. Jam verò, postquam copiae & arma extra Italiâ missa, in grandes illas, & priscis opibus, aut victoris quoque, inclitas regiones: quid autj; argenti, spoliolum non relatum? P. Scipio ecce ex Hispaniâ (in

Lib. xvij. Liuij) *argenti præ se in ararium tulit xiiii. mille pondo, trecenta, quadraginta duo: & signati argenti magni numerum.* Ea pondò faciunt, *centum quadraginta tria millia, quadringentes, viginti Philippæos.* Etsi ille tamen Triumphus non fuit (nam sine magistratu eas res gesserat Scipio) sed pecunia dumtaxat Triumphalis. Idem iterum, victâ Carthagine (pariter in Liuij) *intulit in ararium argenti pondocentum millia triginta tria.* Si ita accipis, vt sint *triginta tria millia* etiam, voce *centum* repetitâ (vt equidem opinor) tum erunt nobis *ter & decies centena triginta millia Philippum.* At alter Scipio, victâ & dirutâ eâdem Carthagine, rettulit (vt Plinius adnotauit) *quater milles CCCC. LXX. M. pondo.* Sc addit: *Hoc argenti tota Carthago habuit, illa terrarum imperij annula, quod nunc in mensarum est apparatus.* Qui numeri tum in parum fortasse probi sunt: & si tot illa millia legas, qui potest verum esse, mentis alicuius priuata inuisionem tanti

In ?

fuisse? Quin exiguas opes Plinius indicare voluit, scripsitque meâ sententiâ: *quattuor millia, quadringenta, septuaginta pondo*. Ea efficiunt *quadraginta quattuor millia Philippicium, & septingentos*. Neque miremur minus quàm antea relatum, quia pleraque urbs, dum capitur, incensa & diruta fuit. Ita opes perditæ; aut ruinis oppressæ. Quod autem inibi etiam sequitur, in pari mendâ videtur: *Postea victâ Numantiâ, idem Africanus in triumpho militibus xvii. millia pondo dedit*. O viros illo Imperatore dignos, quibus hoc satis fuit! Nam quomodo laudet vel parcimoniam Scipionis, vel modestiam militum, si maior summa diuisa, quàm tota Carthago habuit? Et essent ea pondo, *centum septuaginta millia Philippæorum*: quæ redderent in *viginti millia militum* (ut ponamus tot fuisse) circiter *octo Philippicos cum dimidia viticim*. Numis magna hæc largitio in illo ævo restricto sit: nec sanè pro Plinij mente. Sint *septem millia pondo*: & plus satis erit. Sed quid facio? per Triumphos omnes ibo? finis non sit: & Liuius distinctè ac describere in plerisque temporum horum fecit. Lustra si voles: iuuabit videre, & magis, si quis in summam & ætuum colligat triumphales omnes opes. Fac vel in Asiâ solâ, vel magis Hispaniâ: non admiratio solum in animo tuo gignetur, sed stupor. Fortasse ego * alibi: nunc, ut institui, per ætates aut secula quosdam tangam. Ut hunc L. Æmilij de Macedonibus: qui (ut Velleij verba deim) *tantum priores excessit, vel magnitudine regis Persei, vel specie simulacrorum, vel modo pecunie, ut bis millies Hs. ærario contulerit, & omnium antea actorum comparationem amplitudine vicerit*. Simulacra ibi fuisse super ceteros vult: & quid mirum? cum prisca illi Macedones, quidquid hoc elegantiarum esset, ex Græciâ totâ & Asiâ iamdiu collegissent? Pecunie etiam modum producit ad *bis millies*: id est, *quinquagies centena millia Philippum*. AVD. Magna summa est, & ex vno triumpho: sed quod fugere te non puto Lipsi (si fugit, suggero) Liuius cam atterit, & ad *millies* reducit. Ita enim legitur: *Summam omnem captiui auri argentiq; translatis Hs. millies ducetis fuisse Valerius Antias tradit*. Magis etiam Plinio minuitur, in quo ista: *Intulit & Æmilius Paullus, Perseo rege deuicto, prædæ pondo trium millium, à quo tempore populus Romanus tributum pendere desit*.

* In alterâ
parte a D.
MIRAN
DORVM.

Lib. xlv.

Lib. xxxij.
cap. iiii.

L I P S. Hæc relictimus, & Critico naso damnamus. Meritissimò: tu putas Valerium illum Antiatem, qui omnia augere solet, & supra verum sæpe euehere (in Liuiò non semel notatur) hîc ita parcum & oris modicum fuisse? Non arbitror, & minimum *bis milles ducenties* scripsisse: etsi ipse Liuius addat, *maiorẽ etiam summam, ex numero plaustrorum, ponderibusque auri & argenti generatim ab ipso scriptis, effici.* Quod ad Plinium: is verò numerus rideri magis, quàm carpi ineretur. Et itane *tria millia pondo auri* (vt ponamus vel id solùm fuisse) nec ampliùs, Macedonia dederit? Hoc erat, cur populus Romanus Tributò liberaretur? cur iste, super omnes priores triumphos, censeretur? Atqui *tria millia pondo auri*, faciunt *trecenta millia* sola aureorum. Quin tu, me arbitro, cum libris quibusdam priscis lege, è *Macedonica prædâ sestertium ter milles*. Est veritas. nec mouet, quòd minus in Velleio sit: fortasse & ille augendus: in Suidâ quidem lego, *reperit in thesauris Regis Hiersei, in auro argentoque, sex milia talentum*: id est, *triciessexies centena millia* Philippùm. Quod si in solis thesauris & arario peculiari Regis, quid in reliquâ prædâ publicâ opidorum, aut priuatâ hominum fuit? At verò Cornelius Sulla, etsi splendido triumpho, minus intulit: scriptumque in Plinio, *translulisse auri pondo * xv. millia, argenti pondo * centum quindecim millia*: si tamen & hîc numeri incorrupti. Excessit omnes deinde Cn. Pompeius, in illo quem de rege Mithridate & Oriente duxit. Velleius: *Magnificentissimum de tot regibus, per biduum, egit triumphum: longeque MAIOREM OMNI ante se illatâ pecuniâ, præterquam à Paulo, ex manubiis intulit.* Quid tamen istud, vicisse omnes, præter Paullum, in modo pecuniâ? Ille verò & Paullum vicit: si * verè Plutarchus, *viginti millia talentum in ararium intulisse.* Nam ea sint, *centies vices centena millia* Philippùm. Et verè Plutarchus: & in Velleio emendandum, *præterquam Capitolio*: vt mox dicam. Vicit ergo Paullum: non tamen iterùm sine nodo, quem ipse Plutarchus ligat & nobis iniicit, dum in Catone minore scribit: *Gloriatum eum, quòd tantum argenti ex Cipro, cum nec vnum militem haberet, reip. contulisset, quantum nec Pompeius è tot bellis, & concusso orbe terrarum, rettulisset.* At enim Cato rettulit, non nisi *septem talentorum millia*, in eodem Plutarcho: quid ergo dicemus?

Lib. xxxij.
* 1500000.
antev.
* 1550000.
Phil.

* vide Not.
in Pom.
peio.

dicemus? Illud in Catonis illatione, minutum & corruptum esse, ad *vigintiseptem millia* aut circiter reformandum. Enimvero deprædicatæ illæ Cypriæ gazæ haud maximæ sint, nec sic per invidiam quærendæ, si non ultra *septem talentorum millia* productæ. Sed de Pompeij quidem grandibus manubijs quis dubitet, cum & in solos milites largitum, donatiui triumphalis nomine, * *xvi. millia talentum* Appianus scribat? Magna hæc omnia sunt, & verè illo *Magno* digna: sed hunc hîc quoque C. Cæsar, uti acie, vicit & superavit. Appianus ait *quater eum triumphasse* (nam quintum differt): & *intulisse sexagintaquinque millia talentorum*. Scis tu quid hoc efficiat? *triginta novem nobis milliones*: plus triplocius, quod Pompeius intulisset. Tu me respicis, & vultu arguis: quid est? A V D. Ex fide Latini scriptoris, hæc non sic esse: tu Græco magis accedis? Nam Velleius de omnibus Cæsaris triumphis, id est quinto illo Hispaniensi etiam addito: *Pecuniam ex manubijs latam, paullo amplius sexies millies* Hs. disertè scribit: qui sunt dumtaxat *milliones quindecim*. Et sanè, meo animo sufficiunt. LIPS. Credo equidem tuo animo, & arcæ etiam tuæ, si quis inferat: sed non sufficiunt, pro magnitudine tunc vel Romanâ, vel Iulianâ. Imò tu rescribe meo animo, *decies sexies millies*: convenientissimè ad Appianum. Nam ista sint *quadraginta milliones*: arque aliquid scilicet accesserit ex prædâ Hispaniensi. Ex paucis his vides, immensas opes in Ærario cumulas à Triumphis: quos non omnes, imò nec decimam partem dedi. Ergone Plinij libris fides aut puritas sit, dum scribitur C. Cæsar iste, initio civilis belli, Ærarium compilasse, & *protulisse ex eo laterum aureorum xvi. millia*, & *in numerato pondo trecenta*? Profectò non sit: & perexigua ista, & quasi furtives aut folia, pro totâ illâ mafsâ, & tam vetustâ, auri argentiqûe. In veteribus legitur: *Laterum aureorum xv. argenteorum xxxv. millia*, & *in numerato Hs. quadringenties*. Sed nec ea summa pro tot triumphis: etiam si in laterculo quoque *decem pondo* imputes, quod Budæus fecit. Sed diuinare tamen omitto, cum fulcrum non est cui innitar. Lucanum, si vis, lege furtum hoc Iulianum valdè exaggerantem.

* 960000
Phil.

CAP. IX.

De Auro Coronario, & Coronis dictum.

TRIVMPHALIA habes: mentior. largiter etiam restat: Quid illud? *Aurum Coronarium*, quod specie triumphorum vel oblatum fuit, vel exactum. Origo eius, ut socij & amici, victori Imperatori *Coronas aureas* offerrent, quasi gratulantes, & meritum ei caput cingentes. Itaque primò quidem *Coronæ* ipsæ datæ, aut missæ: postea inualuit, ut pro iis Pecunia offerretur. Hæc accepta à Sociis, aut Subditis: & sicut manubias ab hostibus legebant, sic spolia ista occulta ab amicis. Mos planè vetus, & à Græcis, nisi erro, ad Romanos imitatione translatus. Apud Athenarum quidem Chares, in rebus Alexandri magni, ait, post victum Darium, missas CORONAS partim à Legatis gentium, alijsque, æstimatas decem milibus ac quingentis talentis. Atque alibi talia legas. Iam apud Romanos, crebrum. ut in Livio, cum Cn. Manlius Gallogræcos vicisset, eoque terrore Asiam liberasset; missæ undique legationes non gratulatum modò venerunt, sed CORONAS etiam AVREAS, pro suis quæque facultatibus, attulerunt. Itaque eundem Manlius in triumpho tulit (apud eundem Livium) coronas aureas ducentas duodecim, pondo: id est, ut singulæ fuerint librales. In triumpho, inquam: & ita obtinuerat, ut ex coronæ ante ipsum victorem latæ, populo ostenderentur. De eo Festus: *Triumphales coronæ sunt, quæ Imperatori victori aureæ PRAEFERVNTVR, quæ antiquis temporibus propter paupertatem lauræ fuerunt.* Iamantè etiam in Quintij Flaminij triumpho Livius: *Coronæ aureæ, DONA civitatum, translata centum quattuordecim.* Itemque in Scipionis Asiatici, numerat aureas coronas ducentas trigintaquattuor. At verò Appianus in Cæsaris, bis mille octingentas viginti duas, easque pondo viginti millium quadringentorum quattuordecim: ita ut decem pondo, aut circiter, pleræque necessum sit fuisse. Neque equidem pro magno aut vero habeo, quod Plinius quasi inter rara magnificentiæ exempla scripsit: *Claudius cum de Britannia triumpharet, inter Coronas aureas, unam VII. pondo habuit,*

Lib. xli.

Lib. xxxviii.

Lib. xxxix.

Lib. xxxliij.

Lib. xxxliij.
cap. lxxi.

habuit, quam contulisset Hispania citerior, alteram IX. quam Gallia comata, sicut titulus indicauit. Minuta, minuta hæc sunt; nec vel Clau dio, vel tam ditibus ptouincijs, ad ostentandum, digna. Vt minimum, fuit DCC. pondo, iterumque DCCCC. vel potius ∞. Etsi non ad vsuū tales, sed pompam modò fuisse sciamus. Ideoque & de his Tertullianus capiendus, libello de Coronâ: Sunt & provinciales aurea, imaginum iam, non virorum, capita MAIORA quærentes. Benè Provinciales, quia ab ijs datæ. Nec cotonæ solū ipsæ, sed aurum ac pecunia ad coronas: atque id ptoptiè Aurum coronarium, de quo & titulus est in Codice Iustiniano. Seruius ad hoc Virgilij: Dona recognoscit populorum, notat: Aurum coronarium dicit, quod hodie à victis gentibus datur. Imponebant autem hoc Imperatores propter concessam vitam. Non rectè omnino, nec ab ipsis iam victis ob vitam datum, sed à socijs amicisque, vt dixi. datum tamen in pecuniâ, titulo coronario. Vt apud Polybium (in Fragmentis) αἱ γεραι ἐστὶν αἰνῶσαι τὸν ἀντίχον τὸ βασιλῆα πρὸς τοὺς ἀγρυπῆς βαλόντας: Geræi coronarunt Antiochum regem quingentis argenti talentis. Vt apud Liuium populus quidam Asia, Manlio ingredienti fines vt cohiberet à populatione militem, in coronam auream XV. talenta offerunt. Et hoc prætextu rapinæ extorsionesque vsutpatas, quis non colliget? Cicero Pisoni obiicit: Mitto aurum coronarium, quod lex & decerni & accipi vetat, nisi Imperatoribus ex provincia decedentibus, ad decorandum triumphum. Sed istas leges spernebant. & Dio Cassius quosdam notat, cum res leuiculas gessissent, triumphum sibi, vel à Cæsare vel ab Antonio, impetrasse: καὶ ἐπὶ τῇ προπόσει αὐτῶν, ἤρπασαν ποτὶ τὸν βασιλῆα δῶσαν ἐς τοὺς σεπάρχους ἐστειλάντων: Et isto hoc prætextu, multum auri à populis, quasi ad coronas, colligebant. Imò verò & ab ipsis Italis, qui tamen immunnes talium videbantur esse. Cæsar quidem ita fecit. de quo idem Dio, cum ex Asia, victo Pharnace, rediisset: Ibi quoque (Romæ) magna pecunia coacta, quam partim titulo DONI, vt erant CORONAE, statuae, & talia, collegit; partim mutui nomine accepit. Decetis enim coronis staturisque, pecuniam ipsam dari sibi cutabant. Ideò miretur fortasse aliquis, ipsum illum Græcum postea scribere, de L. Antonio M. fratre: quod is, cum triumphasset Kalendis Januarijs, in quibusdam Mario se comparabat, aut præpo-

Lib. XLIX

Lib. XLIX

Lib. XLVIII

præponebat. in eo maximè, quod is Marius aut nullam, aut unicam omnino coronam accepisset; sibi verò cum alijs, tum populus tributum (quod ante ipsum nemini) coronas dedissent. Ait nemini id contigisse: atqui, nonne ipso narrante, iamantè Cæsari? Sed obseruetur, tributum: in eo nouitas, & est hoc quod Cicero irridet, Patronum quinque & triginta tribuum fuisse. Ideo igitur & tributum dederunt, nouo more. Sanè Italos dedisse, vel ex eo liqueat, quod Augustus de se in lapide Ancyrano dicit: MVNICIPIIIS. ET. COLONIIS. ITALIAE. CONFERENTIBVS. AD. TRIUMPHOS. MEOS. QVINTVM. CONSVL. REMISI. ET. POSTEA. QVOTIESCVQVE. IMPERATOR sum appellatus, AVRI. CORONARIVM. NON. ACCEPI. Gloriatum verè. & consonat in illo ipso quinto consulatu Dio Cassius, qui notat, eum tunc benè audisse vulgò, ὅτι ὡς τῶ πόντου, τῶ ἐν τῇ ἰταλίᾳ, τὸ χρυσίου τὸ τοῖς στρατοῖς προσήκον, ἐκ ἐθέλει: quod ab opidis Italiae, aurum, ad coronas conferri solitum, non accepisset. Cuius exemplo Hadrianus (in Spartiano) aurum coronarium Italiae remisit, in provinciis minuit. Sed & Ammianus, inter testimonia liberalitatis Iuliani ponit, tributorum indidta admodum leuia, & coronariū remissum. Eo enim paullatim iam ventū erat, vt hoc Coronarium non minus Tributis ferè attereret; nec in triūphis modò, sed in letitiâ quacumq;, & primordiis imperij, daretur. In Ammiano scriptum, Tripolitanos misisse legatos, Victoriarum aurea simulacra Valentiano, ob imperij primitias, oblaturos. De ipsis coronis Synesius, qui se quoque Legatum à Cyrenensibus ad Arcadium missum ait, στεφανώσαστα χρυσῶ μὲν τῶ κεφαλῶ, φιλοσοφίᾳ δὲ τῶ ψυχῶ: coronaturum auro quidem caput Imperatoris, philosophiâ verò eius mentem. Apertissimè item Capitolinus in Antonino Pio: Aurum coronarium, quod adoptionis suæ causâ oblatum fuerat, Italicis totum, medium provincialibus reddidit. Atque ex hoc licet intelligere, quæ sit & quanti Oblatio: cum inter Tributi genera recensent, Canonem, Oblationem, Indictionem; etsi, alio quoque titulo & specie, Oblationes. Sed de hoc nostro, Suidas; στεφανικὸν τίλισμα ὡς ἂν ῥόδιαις οὕτως ἐκαλεῖτο. ἐπειδὴ αὐτόνομοι ἦσαν οἱ ῥόδιοι, βραχὺ δὲ τι μέρους ῥωμαίων ἐπὶ τιμῇ πέμπτου ἐτίθει, ἕς οὗ φέρεται ἐγγράφοι μᾶλλον, ἢ εἰς αὐτὸν φίλοις διδόντες: Coronarium vetustigal apud Rhodios ita dicitur, quoniam liberi sunt Rhodij, exiguum autem aliquid Romani quotannis mittunt, non vt tributum deminis,

Orat. de
Regno.

dominis, sed quasi coronam amicis dantes. Notetur illud *quotannis*: nam & hoc ita factum, ac velut honorarium tributi genus exactum. Procopius de Theodato notat, rege Gothorum: *factum eum cum Petro, Justiniani Imperatoris Duce, decedere Sicilia tota, & quotannis coronam auream mittere Justiniano trecentarum librarum.* Quid, quod lego ciuitates in aliâ occasione, atque etiam tristi, coronas has misisse? Appianus in Sullæ funere *suprà bis mille coronas aureas, magna celeritate confectas, prelatas* scribit, atque addit expresse; *dona ciuitatum, aut legionum quibus prefuerat.* Habes & intellegis, opinor, de Coronis & Coronario. AVD. Satis. sed quid iis post prelationem factum, aucto equidem scire. LIPS. In templis, & Capitolio maximè, videntur dicatæ. Plinium eò traxerim, de Coronis: *Inde natum, vt etiam triumphaturis conferrentur, in templis dicandæ.* Nam etsi de aliis ibi coronis, tamen in occasione tangit hunc morem. Liuius, de legatis Saguntinorum: *Non grates tantum agere iussi sumus, sed donum hoc etiam, si vos permitteretis, coronam auream, in Capitolium, victorie igitur, ferre.* Quod itaque *suprà*, in Velleio erat: *Praeterquam Capitolio intulit*: huc referri potest, vt non venerint in rationes illas *Coronæ*, & alia dona siue aurum, quæ Ioui Capitolino Pompeius intulit aut dedit. Mos enim ita fuisse videtur: vel ex Suetonij de Augusto notâ. quem ait sedecim *millia pondo auri, vnâ donatione, in cellam Iouis Capitolini contulisse*: quod fecit statim ab Ægyptiaco triumpho. Imò & Triumphale ipsum aurum interdum, aut pars eius, ibi condita. ex Plinio, qui *duo millia pondo auri perisse, Pompeij tertio Consulatu, è Capitolini Iouis solio, à Camillo ibi condita*, scribit: fortasse vt religio magis seruariet. Atque ad hoc etiam tale aurum referendum videatur, quod Suetonius in Cæsare notat: *Eum primo Consulatu tria millia pondo auri furatum è CAPITOLIO, & tantundem inaurati æris reposuisse.* Planè hoc est. nam de Ætario compilato, ad alterum Consulatum facit, nec id quoque in Capitolio. Solent tamen & alia templa Auro coronario exornare. vt Augustus de se, in lapide Ancyrano: *In Capitolio, & in ade Diui Iulij, & in ade Apollinis, & in ade Vesta, & in templo Martis Vltoris consecraui, quæ mihi constiterunt circiter (millenis) AVRI CORONARI pondo trigintaquinque millibus.* At prior Cæsar,

Lib. r. de Goth.

Lib. xviij.

L b xxxij. cap. 14.

Coronas suas in triumpho ductas vendidit, & ex earum pretio militibus promissa perfoluit. quod ita Appianus.

CAP. X.

Impensa publica in Militem, Magistratus, Populum: & de Frumentatione.

PERAGRAVI & cimensus sum *Triumphalem* viam: tempus definere, nec addere ultra, sed erogare. Nónne videtur Auditor? AVD. Certè videtur. nam ego censeo, nisi expendimus largiter, omnem Romam iam illationibus tot auri implendam. LIPS. Ego verò exhauriam, & expendam non loculis, sed totis saccis: vt ipsum iterum miraturus sis, vnde ad tot Expensas vllè Opes. Oceanus si *Ærarium* fuisset, dixisses deficandum. Impendia igitur sub Principibus (vltiora omitam) Duplicia fuere, *Necessaria*, & *Arbitraria*: ex quibus sanè colligas immensas & verè ADMIRANDAS quasdam opes. Nam *Necessaria* illa impendia, ferè trium generum: in *Militem*, in *Magistratus*, in *Populum*. De militibus res clara est; Stipendiis alendos, Emeritis prosequendos: & id perpetuò, in legionibus & præfidiis perpetuis iam factis. Hæc partitè non exsequor, satis à me in *Romanâ Militiâ*, & alibi, factum. De Magistratibus, intellego duplices fuisse, in quos largiter & statim expendendum: *Urbanos* & *Prouinciales*. Urbanis quidem Augustus instituit, ad onera subleuanda, ad ludos præbendos, & talia, aliquid dare: præsertim Prætoribus, quasi ex lege. *Prouinciales* autem, vel plurimum auferebant, vt ipsi plures, & per prouincias dispersi. Nam ita Suetonius: *Auctor & aliarum rerum Senatui fuit, in quis, vt PROCONSULIBVS ad mulos & tabernacula, quæ publicè locari solebant, CERTA PECUNIA constitueretur.* Et quamquam Proconsules modò nominat, tamen longius spectauit, & *Præsidibus* communiter, aut & *Procuratoribus*, aliisque *Officiis* datum. Quanta ea expensio fuit? immensa, vel hoc argumento: quòd Cicero L. Pisoni obicit, eunti in Macedoniam, vt Proconsuli, *sestertium centies octogies, quasi Vasarij nomine, datum.* Ad sola Vasa, inquam, id est

* Com. 1.
ad Ann.
Tac.

Cap.
XXXI.

* Et solet
Suetonius
largiter eâ
voce uti.

id est ornatum & instructum, tot illa sestertia data scribit;
 & obiicit, non quia contra morem fuerit, sed quia supra mo-
 dum. Nimiū adsignificat, collusione quadam, ad tributum.
 Quid igitur? esto vel *Centies* tantū summa ordinaria: esto
 vel *Quinquagies*: in tot illis talibus, nōne imensum accre-
 scet? Et plura accedunt huic generi, vt *Curatores* variorum
 munerum alendi, vel ornandi; vt *Legati* exterarum gentium
 admittendi, & munerandi: & quæ scimus in omni Republi-
 cā esse. Iam de *Populo*, perpetui etiam & certi in eum sum-
 ptus: & præsertim ad Alimenta. Nam iamantē institutum,
 Principes tenuerunt, vt plebem egenam aut tenuem perpetuā
 frumentatione pascere; atque eā magno labore & sumptu
 parandā, aduehendā, & tum gratis distribuendā. Mira hæc res
 sit, si quis consideret: & planē inter omnis æui, omniumque
 gentium, ADMIRANDA. Sed tractaui olim in Electis, quid
 nunc retractem? AVD. Imò obsecro Lipsi, hīc ei suus locus
 est: & quid si aliquid firmitus aut plenius tibi obseruatum?
 LIPS. Obseruatum, non nego: vt in talibus dies diei est do-
 ctor. Breuiter dicam, quæ pro nostro arguimento. Frumen-
 tatio igitur vetus Romæ, & ab ipso etiam Senatu. Ille in rebus
 & annonā arcet, quasi benignus pater, misertus plebis, fru-
 mentum aliquando diuisit, non tamen nullo, sed modico ære.
 Accessere Tribuni statim, & hoc tam populare sibi vindica-
 runt, variis Frumentariis legibus laris. Vltimus in hac re Clo-
 dius, *Annonariam legem tulit, vt frumentum, quod antea populo
 semisse aris ac trientibus in singulos modios dabatur, GRATIS dare-
 tur.* Ita Asconius: atque hæc origo deinde & continuatio gra-
 tuiti frumenti fuit. Senatus quidem, statim à coniuratione
 Catilinæ, largitione hac tali vsus erat, auctore ipso Catone:
 sed nescio, an sine illo prærio. In Plutarcho hoc sic narratum,
 sed verbis quæ pensanda sunt. Ait, (. *Cæsarem in Praturā
 res nouas tentasse, populo suspensō & mobili, ob Catilinariis illas
 turbas. Cato igitur, vt præueniret, ἐπεισὶ τὸ βούλιον ἀναλαβεῖν τὴν
 ἀπορροὴν καὶ ἀνέμψαν ὄχλον εἰς τὸ σιτηράσιον. ἀναλαβόμενος μὲν ὅντος ἐν αὐτῷ
 χιλιῶν καὶ δεκαοκτὼ καὶ πεντήκοντα ταλάντων: suasisit Senatui assumere ege-
 num & non distributum populum ad frumentationem, etsi sumptus
 esset mille ducentorum quinquaginta talentorum. Id sit trecenties*

HS. more Romano; nostro, *septingenta quinquaginta millia* Philippi-
corum. Vides igitur impendium in hanc rem, quod illo
æuo fuit: etsi alter Plinarchi locus (in Cæsare) minuit nonni-
hil, & vbi de hac ipsâ re agit, numerat sumptus non nisi *septim-
gentas quinquaginta myriadas drachmarum*: quod sit Latinis, *du-
centies vices* HS: nobis, *quingenta quinquaginta millia* Philippi-
corû. Sed verius est, hunc locum rescribendum, augendumque ad
illum priorem. Opinor autem & creuisse postea impendium,
latâ lege Clodij, quæ totum frumentum gratificaretur, de quâ
dixi. Quin & sub Impp. largiter creuisse, cum plures adscri-
pti, & classes etiam institutæ (haud dubiè magno impendio)
ad transfundendum. Quis tamen numerus accipientium fuit?
reperio aliquando ad *trecenta viginti millia* cepisse: sed Iulius
Cæsar minuit. de quo ita Suetonius: *Ex viginti trecentisque
millibus accipientium frumentum è publico, ad centum quinquaginta
retraxit*: aut si Dionem audis, *ad centum sexaginta*: quia dicit ad
mediâ partem redactos. Paruum discrimen: sed Augustus deinde
auxit, & *ducenta millia* fecit. an & Tiberius? etsi ille minimè po-
pularis: tamen recenser in Senatu (apud Tacitum) *quibus è
provinciis, & quanto maiorem quàm Augustus, rei frumenta-
riæ copiam adiecitaret*. Ergo & in plures, nisi fallor, distribuen-
dam. AVD. Mchercules Lipsi, grandis hic numerus: & tot illè
Romæ pauperes? LIPS. Pauperes, aut saltem qui subleuari
gauderent: inter quos liberti, & id genus, maximè fuère.
Dionysij locus notabilis, admonentis multos idèò manumitti,
Lib. IIII. ἵνα τὸν δημοσίως διδόμενον σίτην λαμβάνοντες καὶ μὲν αἱ καὶ εἴτις ἄλλη αἰτῶν τῶν
ἡγεμενίων γένηται τοῖς ἀπὸ τοῦ πολέμου φιλονεικούντων, εἰς τοὺς ἑξ ἑκά-
στοις τῶν ἐλευθερίων: *ut frumentum, quod publicè datur, accipientes
in menses singulos, & si qua alia liberalitas Principum in pauperes
fiat, id totum Dominis serant à quibus facti sunt liberi*. Vides
fraudes, quæ etiam factæ: aut saltem, quomodo, quos pudè-
ret ipsos è publico pasci, id fecerint succidancâ libertorum per-
sonâ. AVD. Aliquoties iam audio de *mensuo frumento*: ergo-
neea distributio? LIPS. Illa ipsa, & in cuiusque mensis initio
(siue *Nonis*, vt Suidæ visum, vnde & *Annonas* ridiculè deri-
uat) accipiebant. Quomodo? per *Tesseræ*: quique eas habe-
bat, ad *Curatores frumenti diuidendi* ibat, munus institutum ab
Augusto.

Augusto. Quattuorviri enim erant, iiq̃ue ex honestioribus, & qui ante quinquennium Præturâ functi essent: quod Dio notauit. Et si *Præfectus* etiam *annonæ* proprius, illustri honore: sed qui de aduehendo & adseruando in horreis satageret, non propriè de diuidendo. Multa circa hanc rem: sed minuta quid opus exsequi? de numero iterùm aliquid videamus: in quem videtur Seneca tenuiores omnes ciues inclusisse. *Frumentum*, inquit, *publicum tam sur, quàm periurus, & adulter accipiunt, & sine discrimine morum* QVISQVIS CIVIS est. Sed ita tamen accipio, vt admitti debuerint & inietibi: atq; idè meliores libri referunt: *quisquis incisus est*. In tabulas nempe, huic rei factas. Sed de numero tamen capientium iterùm sub Principibus fluctuo. Dixi de Augusti *ducentis millibus*: sed P. Victoris, quem Schottus noster vulgauit, scriptio videatur augere. Nam ait disertè: *Huius (Augusti) tempore, ex Ægypto vrbi annua ducenties centena millia frumenti inferebantur*. Modios sanè intellegit: sed quanta ea summa sit ex solâ Ægypto? Atqui Africa iam addenda est, quæ duplum ad Ægyptum dedit. Hoc enim ita palàm & adfirmatè Iosephus scripsit, in oratione Agrippæ regis ad Iudæos: *Africam octo mensibus populum Romanum pascere, Ægyptum autem quaternis*. Valdè notabilis locus: & idem est in Hegesippo, qui transcripsit. Ex hac igitur ratiocinatione, frumentum vrbi illarum annuum fuerit *sexcenties centena millia modiorum*. Sint in dies circiter, *centum sexagintaquattuor millia octogintatria*. Heu, ingentem copiam! & quæ sufficiat, si inspicias, vel *vicies centenis hominum millibus* alendis. Nam Modius paullò plus minùsve Romanis pendit xxv. libras: sed Romanas tamen libras, id est duodecim vnciarum. AvD. Hein Lipsi, & tu credis hæc vera esse? quî possunt? nam antè dumtaxat de *ducentis millibus*, aut largissimè, *trecentis viginti* frumentantium est dictum. Lips. Dictum. sed nempe etsi non plures caperent, plures tamen fruebantur & alebantur. Nam censendum est, plerosque istorum qui caperent, Patresfamilias fuisse, vxorem, liberos, seruulos habuisse. Itaque largius valdè quàm in vnum caput capiebant: & videtur tessera sue donatio ordinaria fuisse in singulos, *decem modiorum*, quod in Electis notauimus. Iam & hoc cogitandum, plures etiam in consortium huius frumen-

ti venisse. An non probabiliter Vrbanos illos omnes milites? sanè in Herodiano lego, *Seuerum, prater alia que indulsit, militibus etiam τὸ σπέρσιον sine frumenti modum auxisse.* Quid ipsam deinde Aulam & Palatinos? nōne item probabile annonas suas hinc accepisse? An non & Classarios ipsos in Italiâ milites? Hæc considerari & colligi pro Victoris scriptione possint: quæ mihi tamen, vt rem dicam, parùm est certa. Ingens frumenti copia sit, & ex duabus prouinciis tantùm. An igitur placeat in eo corrigi, *ad centies centena millia?* Ita vniuersa illatio fuerit, cum illo Africano, *trecenties centena millia:* larga profectò satis & laxa, cum hæc in diem toleret ad *millia hominum circiter septingenta.* Facit pro emendatione, quod Spartianus de Seuero scribit: curiosè prospexisse rei frumentariæ, & cum moreretur reliquisse *septem annorum Canonem, ita vt COTTIDIANA LXXV. millia modiorum expendi possent.* Magna prouidentia eius Principis, solliciti in septem annos: sed & Canon ille diurnus opportunè expressus, qui proximè ad nostra *trecenties centena millia* (tecum computa, si voles) proximè, inquam, accedit. Minuisse tamen paullatim hic Canon videtur: siue quia Principes in alia distribuerent; an & quia minus, prouinciis iam effætis, inferretur? Sanè Constantinus egregiè minuit, qui sedem & affectum suum Byzantium transferens, vt in aliis Nouam hanc Romam cum illâ Veteri, sic & Frumentatione voluit in parte æquare. Nam classẽ Ægyptiacam Byzantio destinauit, relicta Romæ diuitatib; illâ Africanâ. Hæc diuisio deinceps mansit: nisi quòd Byzantini frumenti modum tamen minuit filius eius Constantius, offensus plebi ob seditionem temerè & asperè motam. De eâ re Ecclesiastici nostri scriptores: qui & numerum exprimunt frumenti. In Nicephoro Callisto est: *Ὀκτώ μυριάδες μεδιμνῶν frumenti quotannis à Constantino data plebi fuerant, cuius dimidiam partem Constantius diminuit.* Atque iste totum Frumenti modum annuum facit, non nisi *οκτογιντα millium μεδιμνῶν:* quæ sint Romanis circiter *quadringenta οκτογιντα modiorum.* Haud magna, nec proprio opibus, largitio: quam tamen & Socrates ita firmat. *Ἐν μάλιστα δὲ ἡ πᾶσι ἀξελὼν τῇ στήρσει, τῷ ὠδωρῶντος ὡς τῇ πατρὶς αὐτῇ ἡμερῶν, ὑπὲρ τῶν πρὶν μετὰ αὐτῶν ὅτι ἡνῶν μετὰ αὐτῶν ἡμερῶν πρὶν τῇ στήρσει, ὡς τῇ*

*Vide Not.
LXI.

Lib. ix.
cap. vii.

ἐκ τῆς ἀλεξάνδρειας νομισσόμενα πέντε : *Muletavit urbem, auferens frumenti quod pater eius in dies adsignauerat, super quattuor myriadas. Oēto enim myriades circiter antea dabantur, inuehebanturque ex urbi Alexandriā.* Dicit quidem ille σιτηρίων ἡμερίων, diurnum frumentum : sed exuberat ille modus in dies singulos, nec aliter sentit quàm de diuisione dumtaxat diurnā. At annua ipsa illatio, tanta : id est, *mille trecenti* in diem circiter modij, vix quattuordecim aut quindecim millibus hominum pascendis. Heu, quantum minuiemus ? atque idem in ipsa Romā veteri factum, Olympiodori locus (apud Photium, in Bibliothecā) attendenti ostendit. Excerptum ibi legitur : *Ἐν μὲν τῇ ὑπὸ γόθων ἀλώσει τῆς πόλεως, Ἀλβίνος ὁ τῆς πόλεως ἑπαρχος, ἔδωκε τῶν πέντε δακτυλιαίων, ἑκατὼς, μὴ ἑξακτὼς τὸ χορηγούμενον μέρος τοῦ δήμου, εἰς πλεῖθος ἔδωκε τῆς πόλεως ὅπσις διδόντος ἑκατὼς δὲ μὴ ἐν ἑκατὼς πενταχῶς ἀμύμονος χιλιάδας δακτυλιαίων :* *Post Gothorum inuasionem & direptionem Romanam, Albinus Præfectus urbis, iterum nunc eā instauratē, scripsit, Non sufficere populo modum qui inferretur, cum urbs iam in multitudinem largiter excreuisset. Scripsit autem, & in vnam diem statutum numerum quattuordecim millium.* Verba, quæ expressim de Frumento non habent, sed eò referenda esse, mecum censebit, qui examinabit. Ergo diurnus tunc modus (sub Honorio) *quattuordecim mille* modij : qui & ipse minuit aut periit cum imperio ipso Romano. Theodoricus tamen rex Gothorum (sanctus, ut in illā gente, laudandus) specimen aliquod veteris moris restituit : & in Ricobaldo quodam scriptum : *A Romanis cum gaudio susceptus est, quibus ille ad subsidium, tritici singulis annis cxx. millia modiorum concessit.* Sed quid ad ista eo ? ADMIRANDA mea non horum temporum : quin priorum etiam Principum æuo (circa Flauiorum imperium) panis distribui, non ipsum frumentum, cœpit : credo, quia lucrum aliquod ex eo fiscus captaret, & quo minore modo in plures largitio spargeretur. Is *Panis gradilis* dictus, quia in gradibus diuideretur, idem *Fiscalis*, quia ē publico & fisco. Commentarius Persij vetus, ad illud — *populi cribro decussata farina. Panem non delitiosius cribro discussum, sed plebeium de populi annonā, id est, Fiscalem dicit.* Eos panes bilibres fuisse, ex Vopisci Aureliano dicam. Nam *Aurelianus*, inquit, eo tempore quo proficiscebatur ad Orientem, bilibres coronas populo promisit, si victor rediret.

* *Modiorū opinor.*

ret.

ret. Et cùm aureas populus speraret, neque Aurelianus aut posset, aut vellet, coronas eum fecisse de Panibus, qui NVNC Siliginei appellantur, & singulis quibusque donasse. ita vt Siligineum suum COTTIDIE toto aeo suo vnusquisque reciperet, & POSTERIS SVIS dimitteret. E quibus inspectis planè affirmaueris, Bilibres, & in Capita sic datos fuisse. AVD. Quomodocunque Lipsi, tamen magna illa, & in magno modo (Seueri canon dicit) largitio, & mihi semper stupenda. LIPS. Quid si accumulo, & obsonium etiam addo? Nam idem Aurelianus (Vopisei item verba) & porcinam carnem populo Romano distribuit, quæ HODIEQVE diuiditur. Quando hodieque? ad tempora vsque Constantini. Simile in Oleo fuit, quod perpetuum populo dedit & instituit Imp. Seuerus. Vinum etiam, vt nequid deesset, Aurelianus statuerat, sed morte præreptus non fecit. Satis hæc mi Auditor, cetera in Electis meis vide.

CAP. XI.

*Impensa in Ludos carptim ostensa.*Lib. VI.
Instit.Serm.
LXXXI.

Sueton.

TRANSIMVS ad Arbitraria impendia: quæ trium item generum maximè fuerunt. In Ludos, Opera, Dona: In Ludos singulatim supersequar, aut exempla accumulem; scorsim Theatrum mihi instruendum sit, & noui aliquot sermones. Capita impendiorum dicam. de quibus vniuersè sic Lactantius: Quid dicendum est de iis, qui populari leuitate ducti, vel MAGNIS VRBIBVS suffecturas opes, exhibendis MVNERIBVS impendunt? Item Ambrosius: Magistratus in theatris, mimis, & athleticis, gladiatoribus, aliisque huiusmodi generibus hominum TOTVM PATRIMONIUM suum largitur & prodigit, vt vnus horæ fauorem vulgi acquirat. Merito damnant nostri Patres damnosam hanc insaniam, & quæ priuatos homines bonis per ludum exuit; Principes ipsos attenuat & delibat. Atque id discere cùm ex frequentia eorum potes, tum ex apparatu. Vnus Augustus fecisse ludos se dicit, suo nomine quater & vicies; pro aliis magistratibus, qui aut abessent, aut non sufficerent, ter & vicies. Ego vix arbitror, vllos ex istis Principalibus ludis minoris quingen-

quingentes, aut & milles festerio steterisse: quod Apparatus & Pompa facile persuadebunt. Nam ecce in ipso Theatro, Amphitheatro, aut Circo adornando qui sæpe sumptus? cum semper gratia aliqua & illicium nouitatis in ipsâ formâ quaereretur: & Nero (pro exemplo) *Theatrum totum, non Scenam eius tantum, auro illeuit & obtexit. Sed & quidquid illatum fuit, & omne instrumentum ac choraegium, aureum: itemque vela quæ superne contra solem obumbrabant, purpurea tota, & aureis stellis interstincta. Ex quo & dies ille Aureus appellatus.* Dio Cassius hoc in Nerone. & Plinius id ipsum ad significauit: *Nero Pompeij theatrum operuit auro, in vnum diem, quò Teridati regi Armenia ostenderet.* Quid Iulius Cæsar, ante Nerone, & nondum Princeps? *Js primus in Aedilicate, munere patris funebri, OMNI APPARATV arene ARGENTEO vsus est: serasque argenteis hastis laceßere, tum primum visum. Mox; quod etiam in MVNICIPIIS emulantur, C. Antonius ludos scenâ argenteâ fecit. Cæsar igitur hoc primus: sed non vltimus. & quod Plinius addidit, passim & in Coloniis ac Municipiis Argentæ iam scenæ. Ideo non possum, vt ratio- ris operæ aut magnificentia admirari, quod Plinius, vt tale, scripsit eodem isto loco: Item L. Murena, & Caius Princeps, in Circo pegma duxit, in quo fuere argenti pondo CXXIIII. Tu hoc Plini notabile duxisti? centum vigintiquattuor pondo argenti? quis ex equite, & penè dixerim plebe, tunc non insumerit? Lege * CXXIIII ∞: id est, centum vigintiquattuor millia: nec id pro Caio aliquo sit magnum, imò nec pro priuato nimium, quia argentum recipiebant, nec totum peribat: si tamen vellent. Plura eiusmodi ornamenta aut instructus erant, & quædam in libello nostro Amphitheatrali diximus: & vis nunc vnum & extremum furorem? Heliogabalus Imp. (ait Lampridius) fertur in Euripis vino plenis nauales Circenses exhibuisse. Tu cogita quantum vini profusum, fossis illis & Euripis in Circo ita co plenis, vt naues inter se concurrere, ac certare de velocitate possent. Quid iam dicam tot Gladiatorum millia, tot Fera- rum ex toto orbe quæsiturum? tot equorum nobilium? in vitâ actisque Principum assidua hæc legis. Addo huc Missilia & Sparsiones in populum, id est Tesseras ligucas cum notis rerum, aut interdum res ipsas, magno certamine diripiendas. Quæ item*

Lib. xxiiij.
cap. iiii.

Plin. ibid.

* Faciunt
1140000.
Philip.

L

velut

velut legitima iam erant in omnibus ludis, ad populum illi-
ciendum. Horum pretia & sumptus, ex Neronianis istis colli-
gantur, apud Suetonium: *Sparsa & populo missilia omnium rerum*
per OMNES DIES, singula cottidie millia anuum, cuiusque generis
multiplex penus, tessera frumentaria, vestis, aurum, argentum, gemme,
margareta, tabula picta, mancipia, iumenta, atque etiam mansueta fe-
ra: nouissimè, NAVES, INSVLAE, AGRI. Notetur hæc iactatio,
quanti ea, & quantarum rerum? Præter aurum, gemmas, mar-
garetas, *Insulas & totos Agros* dedit: *Insulas* nempe vrbanas, &
habitabiles domos. O res vix Suetonio fidissimo testi creden-
das! Sed accedit & Dio similia asserere: *Omnia, inquit, delica-*
tissima quæ homines comedunt (ad *Penum* Suctonij pertinet:) *omnia*
pretiosissima, equos, mancipia, effeda, aurum, argentum, variam vestem,
hæc dabat per symbola quædam & tesseras. Globulos enim paruos
inscriptos, ut quæque eorum erant, hos iaciebat in populum, &
reipsa mox dabatur, quod quisque eorum in tessera haberet. Neque
Nero hæc solus: de more fiebat, et si alius largius parciusque,
pro opibus, præberet. Titus sanè Vespasianus filius, item profu-
sissimè, in ludis quos per *centum dies*, dedicatione Amphithea-
tri sui, fecit. Dio Cassius de eo: *παρίχε δὲ τὰς καὶ ἐς ἀφάλειαν*
φροσιν αὐτοῖς σφαίρας ὃ ἐύλητα μὲν ἀνωθεν ἐς τὸ θέατρον ἱκνῆσθαι
σύμβολοι ἔχοντα, τὸ μὲν ἐδωδύμου πινὸς, τὸ δὲ ἐδῆτος, τὸ δὲ ἀργυρεῖ
σπείους, ἄλλα χρυσοῦ, ἵππων, ὑποζυγίων βοσκημάτων, ἀνδραπόδων, ἃ
ἀρπάζαντες τὰς ἑαυτῶν ἀπορίας αὐτῶν ἀπαιτοῦν, καὶ λαβεῖν τὸ
ἐπιχευόμενον: Dedit & quædam, vtilitatem, non solum volupta-
tem, spectantibus præbentia. Nam globulos ligneos quosdam de loco
superiore in theatrum iaciebat, qui symbolum haberent, hic alicuius
esculenti, ille vestis, alius argentei vasi, alius aurei, equorum, in-
mentorum, mancipiorum; quæ oportebat eos, qui rapuissent, ferre ad
Curatores ludorum, & ab eis accipere quamque rem inscriptam. Cre-
dis tu hæc per tot illos centenos dies fieri potuisse, sine impen-
sa bis terque millies Hs.? ego non opinor. & vbi sumptus ludo-
rum reliqui? Neque miror iam profectò Hadrianum, cùm in
adoptione Ceionij Commodi multa in populum profudisset
per similes ludos, & in militem: atque is Ceionius ægro corpo-
re, vitalis non videretur: sæpe dixisse, *Perdidimus quater millies*
HS. quod populo & militibus dedimus. Qui sunt ipsi nostri *decem*
milliones.

milliones. Sed dices, Principum virorum modò hæc fuisse. Eras. de Milone, hoc iam olim Cicero, tria patrimonía in has res ef-
fudisse: de Messalla quodam Vopiscus, cum stomacho ista nar-
rat: Legat hunc locum Junius Messalla, quem ego libere culpare audeo. la Carina.
Ille enim patrimonium suum scanicus dedit, heredibus abnegavit: ma-
tris tunicâ dedit mima, lacernam patris mimo: & rectè, si anic pallio
aurato atque purpurato, pro symmate tragædiæ vteretur. Jam quid Li-
neas petitas Aegypto loquar? quid Tyro & Sidone tenuitate perluci-
das, micantes purpurâ, plumandi difficultate pernobiles? Donati sunt
ab Atrebaticis birri petiti, donati birri Canusini, Africane opes, ut sca-
na non prius vise. Et hæc quidem iccirco ego in litteris misi, ut futuros
editores pudor tangeret, ne PATRIMONIA SVA, proscriptis legitimis
heredibus, mimis & balatromibus deputarent. Sed distinctissime
verò, & expressis summis, aliquid Olympiodorus: Οτι πρέβος
ὁ παῖς Ἀλεπίος, τὰς δὲ τῶν οἰκίᾳ φραυτέρας, δὲ αὐτὰς κεντελέεια χρυσοῦ ἀνά-
λωσε. Σύμμαχος δὲ ὁ λογογράφος, συναληκτικὸς ὢν ὅψι μετρίαν, τὴν παιδὸς
Συμμάχου τὴν φραυτέραν τολοῦντος, εἴκοσι κεντελέεια δαπάνησιν. Μαξι-
μος δὲ εἰς ὅψι δαπάνησιν, εἰς τὴν τὴν ὑπὸ φραυτέραν, πωσπαρόντα κεντελέεια κεν-
τηλέεια ἐπὶ δὲ ἡμέρας οἱ φραυτῆρες τὰς παινήρεκ ἐτίλοιν: Quod Probus,
*filius Ahyrij, cum ipse Præturam gereret, * duodecim centena pondo auri* * 110000.
absumpsit. Symmachus verò, ille orator (est noster, qui in parte ex- AUTOT.
stat) Senator VNVS E MEDIOCRIBVS, in filij Symmachi Præturam
** viginti centenarios effudit. At Maximus, scilicet è diuitibus, item in* * 200000.
*filij Præturam, * quadraginta. Edebant autem ludos Prætores, non* AUTOT.
nisi SEPTEM DIEBVS. Vide dies, vide sumptus: quanto imma- * 400000.
niter plus olim alij? quanto scilicet tunc resp. florétior, & maio- AUTOT.
res priuatim opes. Sed & inferiore illo æuo ipsi Consules (nam
*hæc de Prætoribus) opinor, largius. de quibus in * Codice Iu-* * Lib. XII.
stinianæ lex est, quæ spargendi vilitate (ita loquitur) sublata, eius Tit. De Co-
loco ad reparationem Aquæductuum, centena pondo auri præstari per sulsibus.
singulos consularius decernit. Atque id in imminutionem, & pro
beneficio. si igitur sola Sparfio (id est, missilia in populum) tan-
ti; quid reliqui omnes ludi, & eorum apparatus? Et de Lu-
*dis hæc quoque sufficiant in specimen: de * Operibus, in pro-* * Lib. III.
ximum sermonem differo & protollo. Ergo.

C. A. P. X I I.

Dona Principum effusa, & primò Iulij Caesaris.

DONA sequuntur, magnitudine suâ & frequentia non iam inter ADMIRANDA, sed STVPENDA. Siquis Midas fuisse fingatur, qui omnia tactu faciat aurea; defecerit iauurare, quantum isti sunt largiti. Per Principes aliquot lubet ire, & hoc ostendere: ordiarque à capite ipso, CAESARE IVLIO. De illo vniuersè ita Suetonius: *Nullum LARGITIONIS aut officiorum genus in QVEMQVAM, PVBLICE PRIVATIMQVE omisit. Vis magis partitè? Idem scriptor: Militibus singula interdum MANCIPIA vel PRAEDIA virutim dedit. Ecce. vbi vos Cuij aut Fabricij, qui ipsi Imperatores vix septena iugera habebatis? nunc milites aliquis capit ab isto donatore Prædia tota. Hæc & plura (mox dicenda) in militem: quid in Senatum & digniores? Idem iterum Suetonius: Parte magnâ Senatui gratuito, aut leni sanore, obstrictis, ex RELIQUO quoque ordinum genere vel inuitatos, vel sponte ad se commeantes, VBERRIMO CONGIARIO prosequabatur. Nec hic finis: extra urbem quoque & Italiam ea largitas se diffudit. & non minore studio (idem Suetonius) Reges atque Prævincias per ORBEM TERRARVM illiciebat: alijs captiuorum MILLIA dono offerens, alijs quò vellent, & quoties vellent, Auxilia submittens. Superque Italia, Galliarumque & Hispania, Asia quoque & Græcia potentissimas (siue placet, potissimas) urbes præcipuis OPERIBVS exornans. Quid tibi iste vir videtur? mihi, nil nisi nouus quidam Triptolemus; qui sublimi vectus curru, semina non frugum, sed liberalitatis suæ, per terrarum orbem spargit. Atque hæc, quò magis mirèrè, priuatus Cæsar fecit, & nondum in fastigio illo Principali. AVD. Affatim miror: & vnde Cæsari, nondum Cæsari, opum ista vis? LIPS. Magis mireris, si accogites, iam ab adolescentiâ profusum hunc fuisse, & grandi alieno ære oppressum. Plutarchus apertè; debuisse eum, PRIVSQVAM VLLVM MAGISTRATVM CAPERET, (nota. de valdè igitur iuuenemille trecenta talenta. Ea sunt nobis septingenta octoginta millia Philippicùm. Quid verò iam in ipsis magistratibus?*

inarc-

materies & caussa amplior largiendi. Itaque Appianus scribit, *euntem ex Præturâ in Hispaniam, creditoribus remittentibus, dixisse ioco: Millies sibi opus esse, VT NIHIL HABERET*: id est, vt solum æs alienum solueret, in suo nihil haberet. Ea reddunt vicies-quinques centena millia: nec ambige, neque doctissimum Budæum audi (nescio quâ causâ) minuentem. Græca palam sic volunt: *ὅτι πόρρο διὰ τὴν τοῦ πρῶτου πωρὰ δὸν*: & Drachmæ intellegende, ex Græcorum more. Ego verò amplius credo, auxisse etiam in Consulatu & deinceps ad Principatum; ve hominis huius ingenium erat, tantum vt daret quærentis. Sed unde, aiebas, habuit & reposuit? Non longè te duxero. Gallias nostras vide: iste fons, è quo hausit. Diuites tunc herelè Prouincias, sed quas fulmen istud afflauit & ambuslit. Nam quomodo se in iis gesserit, breuiter Suetonius: *In Gallia, sana templaque Deum, donis referta, expilauit; vrbes diripuit, sæpius ob prædam quàm ob delictum*. Denique è tot præliis, accessit ingens captiuorum multitudo, è quâ diuenditâ pecuniâ redemit. In solâ Galliâ decies centena millia virorum in acie cepit: quod Appianus ita tradidit, & *totidem occidit*: dico virorum & in acie: quid iam mulierum & puerorum? Nam nec his parcebant, inò vel vberissima ex eâ venditione præda. Has solas manubias si æstimas; accedes vel ad *triginta milliones*, & contractâ ac parçâ capitum æstimatione. Iam in ipsis opidis, & agris, quanta prædarum seges? omitto, tu cogitabis. Sed lubétne singulatiim inspicere viri dona? Ecce, instante ciuili motu, in Galliâ cum esset, *L. Paullum Consulem designatum, mille quingentis talentis flexit, ne contra se staret: Curionem, qui ære alieno obrutus, maiore etiam summa, vt pro se staret*. Illa tottalenta reddunt, *nongenta millia* Philippicûm: id est pene millionem, in virum vnum. Quid iam in Cutionem? amplius longè dedit, vt Appianus dixit (nam eius ea verba sci-to:) & nisi fallor, ipsum æs alienum eius totum exsoluit. Nec fallor, & Dionem clarè hoc ita memini scripssisse. Atqui *Lib. 21.* æs illud fuit *sexcenties* Hs. quod Valerius Maximus prodidit: quâ minus ergo dedit? Itaque Velleio numerale mendum inhæsit, cum de istâ re, *Curionem centies* Hs. scribit accepisse. Ille verò *sexcenties*: & ita hîc rescribe. Ea faciunt quindicies

centena millia Philippicū, quid nisi pluriū Senatorū cen-
sus? Nec largitiones eius aliæ in primum ordinem scriptæ ex-
stant: etsi fuerunt, quod in Suetonio audisti: & in magnos
illos semper magnæ. Sequuntur Milites, quibus vnice se de-
dit: atque id ipsum priuatus. Certè adhuc in Galliâ, cū Pom-
peius duas legiones, colore belli Parthici reuocaret; ipse vt ani-
mos sibi pigneraret, singulis abeuntibus *ducentas quinquaginta*
drachmas diuisit; quod Plutarchus, alijque prodiderunt: id
est, *viginti quinque* Philippicos nostros. Cogita iam duplum
in Centuriones, triplum quadruplumque in Præfectos, & Tri-
bunos: valdè ea largitio crescit. Sed quid in ipso iam bello ci-
uili? priuatim haud dubiè multa; communiter hæc largitio
fuit, Suetonio expressa. *Veteranis legionibus, præda nomine, in*
pedites singulos, super bina sestertia, quæ initio civilis tumultus nu-
merauerat, vicena millia nummum dedit. Rectè ita locus habet,
& in optimis libris: quid opus est argutari, aut interpolare?
Examinemus. *Veteranis legionibus*, inquit: non enim nouel-
lis alijs: etsi & hæ, credo, aliquid habuerunt. Veteranæ au-
tem illæ, *decem*. In *pedites singulos*, inquit: cur igitur equites
omittit? quia non opus: sicut nec Centuriones adiecit, quos
notum scilicet erat duplum accepisse, de more. Etsi de equi-
tibus hoc æuo, dubito: & olim quidem triplum etiam soliti
accipere: sed post Socios ciuitate donatos, palàm video nec
honorem nec præmia tanta equitibus fuisse, qui plerique iam è
Lib. VIII. Latinis. Pergit, *Super bina sestertia*: ea sunt *quinquaginta* nobis
Philippæi: dedit, inquit, *vicena millia nummum*. Ea sunt, ip-
si Philippici *quingenti*: atque ij viritim, & in gregarios milites
diuisi, cū duplum Centurionibus esset, Tribunis Præfe-
ctisq; alarum quadruplum. Proh fidem! (nam sæpe excla-
mo, & cogor) quæ hæc, præter stipendia, & alia lucella aut
raptus, largitio est? quanta in tam multos? Ne milites no-
stri audite, & exempla hæc aut cupite aut sperate. Vnde enim
Iulius, vnde Romanæ opes? A v d. Vnde & tibi animus sic
ista credendi, & affirmandi? Nam alij viri docti trepidant,
& in lectione commutant. L I P S. Nihil est. incogitantia
hoc facit (imperitiam nolo dicere) veterum & largitionum,
& diuitiarum: quibus alia exempla mox attestabuntur. Et-
si in

si in hac re satis Græci scriptorés, qui cum Tranquillo planissime in summâ concordant: Nam Dio breuiter, sed clarè, *militibus quinque millenas solidas Drachmas* datas scribit, Appianus fusiùs & distinctissimè: *Militibus à triumpho, superans etiâ ea quæ promiserat, legionarijs drachmas Atticas quinque mille, Ordinum ductoribus duplum, Tribunis & Alarum præfectis iterum duplum dedit.* Vñne aliquid apertius? & cur huic consensui repugnemus? Nota autem nec Appianum aliquid seorsum de Equitibus, vt nec Tranquillum, dixisse. Sed quæ hæc *Promissa* sunt, quæ Appianus signanter scribit *eum superasse?* Opinor esse, quod in pugnâ ad Pharsalum, *singulis millenas Drachmas* promiserat: iterumque, vt volentes in Africam sequerentur, *alteras millenas.* quod vtrumque in Appiano leges: Largiter igitur excessit, nisi quid in ipsâ Africâ aut alibi etiam promisit. A V D. Audésne in fasce dare has summas omnes, vt magis attendam? L I P S. Licet. Fuerunt legiones decem, sed veteranæ, & idè parùm plenæ. Sunt igitur *triginta millia militum*: & singulis *quingenti* Philippici: faciunt, *quindecim nostros milliones.* Vbi nunc Centuriones, Tribuni, Præfecti, atque ipsi Equites? Regum opes expensas dices in donatione hæc vnâ. Atqui an finis est? imò sub ipsum idem tempus, largitionem ad Populum extendit. & vt Suetonij verbis hoc quoque dicam, *Populo, præter frumenti denos modios, ac totidem olei libras, trecentos quoque nummos, quos pollicitus olim erat, viritim diuisit, ac centenos pro morâ.* A V D. Hic mihi vocem opus tollere, nec comprimò. Viritim toti populo tantum frumenti, olei, pecuniæ? L I P S. Moderor, ne clama: toti populo frumentati, nec vltra. Dio Cassius ita restrinxit: *τῷ ὄχλῳ τῷ σιτοδοτησίῳ*: id est, *Populo, qui frumentum acciperet.* Ergo tenuiorem populum intellegit: & semel nota, Suetonium hic atque aliàs *populi* voce (præter morem antiquum) plebeculam istam ieiunam, & hirudinem ætarij designare. Qui tamen ipse numerus grandis, & sub hoc tempus *trecenta viginti millia* erant, qui è publico pascerentur: quod antè dixi. Totus ergo ille populus accepit *quadringentos* nummos viritim: id est, *Minam*, vt Appianus expressit. Sunt Philippici *decem*: ergo in summam, *tres miliones ducenta millia.* Vbi olei deinde modus, vbi frumenti? Mi-

Audi-

Auditor, ad Ouidium eundem nobis est vt transformemur, & animos vetetes, pro veteri æuo, capiamus. Nostri homulli hodie, dicant mera mendacia me flere.

CAP. XIII.

Augusti Principis dona.

SED vnum etiam Iulium vidimus, quid tot Cæsares qui secuti? & vt alijs minimè, tamen in liberalitate consecuti, aut prægressi. AVD. Difficile creditur est. nam hic homo mihi videtur de se, quod olim Liuius Drusus posse dicere: *Nihil se cuiquam ad largiendum, præter calum & cænum, reliquisse.* L I P S. Non ita est: opes istæ Vectigalium, & quas diximus, inexhaustæ erant, & vt perennes quidam fontes fluebant. Itaque ad AVGVSTVM veniamus, qui non diuturnitate solum imperij, sed veteror vt liberalitate patrem superarit. Dona eius quædam ante imperium, alia in ipso sunt: & illa magis miranda. Primum *militibus, & Euocatis, quos contraxit metu Antonij, aditâ hereditate Iulianâ, dedit singulis quingenas Drachmas.* Ita ipse Appianus: interpres eius parum providè *sestertios* vertit. Is numerus Euocatorum, ad *dena millia* fuit: ergo *quingenta* hîc Philippæorum *millia*. Amplius. eodem pænè tempore, cum legiones *Quarta & Martia* ad se transissent ab Antonio, dedit singulis *totidem* illas *Drachmas*: iterumque cum in armis decurrissent, & speciem prælij peritè assimilassent, *alteras totidem*: quæ certè fuerunt ad dictam facile summam, & longè suprâ, si Equites & Centutiones (quod nec antè feci) suo more computentur. Iam verò in ipso primo Consulatu, cum signis à Mutinâ motis urbem intrauit, dedit qui se deduxerant, singulis *bis mille quingentas drachmas*, siue *ducentos quinquaginta* Philippæos: arque ex *octo* legiones fuerunt. Minimâ legionum frequentiâ, surgent *sex miliones*, & Equites ac Ductores omittentur. Vbi autem prædæ quas egit, aut spolia quæ cepit? adhuc nulla. Quò magis in ADMIRANDIS hæc donationes res, à priuato Octauiano, & solâ spe futuræ magnitudinis, susceptæ & perfectæ. Atque hîc notandum in vltimâ, transisse eam velut in legem; & solenne donacium hoc

habitu, quoties legiones postea Principem in urbem deduxissent. Certè Spartianus in Seuero tradit, *Miles per seditionem dena millia poposcisse à Senatu, exemplo eorum, qui Augustum Octavianum Romam deduxerant, tantumque acceperant.* O peritros historicos vel antiquarios, & in rem suam lecta aptantes ! Sed quarta etiam donatio à priuato, in quâ lingua mihi hæret. AVD. Quâne obscœna aut turpis ? LIPS. Non, sed quia immensa, aut certè immodica, & vereor refragatorem. AVD. Non me. ut ij qui de cælo tacti sunt, silent & stupent : sic iam pænè ego. perge. LIPS. In Philippenſi igitur prælio, vbi de Principatu actum vel Libertate, hic ipse Octavianus cum Antonio promiserunt viritum *quinque mille Drachmas.* AVD. Hoc illud erat ? at Cæsar iamante totidem, & docuisti. LIPS. Sed Cæsar *decem* legionibus tantum : isti *nouendecim*, quæ in pugnâ etant, & alijs *quadragesima*, quæ in præsidijs aut Italiâ sparsæ. Appianus quidem ita narrat, vel apud eum Antonius (oratione ad Asiaticos) sed addit : *attritas eas iam & minutas ad xxviii. redisse, quæ* (inquit) *cum suis additamentis efficiunt virorum supra centum septuaginta millia : præter* *EQVITES, & item ALIVM militem.* Quis iste *alius miles* ? opinor Auxilia, quæ haud longè infra legiones. Itaque qualis & quanta hæc summa conficiatur, ingenuè fateor, vix ego ausim promere : & scito esse supra *centum quinquaginta miliones.* Vbi estis qui Nouum orbem, & nouas in eo diuitias repperistis ? Huc ite, ostendent & effundent eas Duumviri isti vnicâ largitione. Atque hæc ille fecit ante Principatum : in ipso tenuit & cucurrit eundem liberalitatis cursum. AVD. At hîc mihi votum & cogitatio. LIPS. Prome. AVD. Si eo sæclo ego viuam, quid nisi miles sim ? ira omnes ad eos opes adfluunt & concurrunt. LIPS. Vera narras. & scito ab hoc militum tunc seminario, Senatorias & diuites plerasque familias ortas. Hæc præmia in ciuili bello ijs sunt : cum homines ut ad impetium veniant, imperium pænè ipsum donant. Quid donant ? perdunt volui dicere : & quomodo tot isti pecuniarum cumuli, sine apertâ pernicië prouincialium ciuiumque, colligi potuère ? Sanè id factum est : sed Pax postea, cū copiarum suo cornu, reposuit omnia & reparauit. Enimvero Augustus, ut cæperam dicere, in Principatu quo-

M

que

90 DE MAGNITVD. ROMANA
 que perliberalis. Lapidem Ancyranum lubet proponere, in quo
 aliquot donationes eius ordine exsculptæ.

- I. LIBRI. ROMANI. VIRITIM. CENOS. NVMERAVI. EX. TESTAMENTO. PATRIS. MEI.
- II. ET. NOMINE. MEO DRINGENOS. EX. BELLORVM. MANVBIIS. CONSVL. QVINTVM. DEDI.
- III. ITERVM. AVTEM. IN. CONSVLATV. DECIMO. EX. PATRIMONIO. MEO. BIS. QVADRINGENOS. CONGIARI. VIRITIM.
- IV. ITERVM. AERE. MERV. ET. CONSVL. VNDECIMVM. DVO-DECIM. FRUMENTATIONES. FRUMENTO. PRIVATIM. COLVMEIO. EMENSVS. SVM.
- V. ET. TRIBVNITIA. POTESTATE. DVODECIMVM. QVADRINGENOS. NVMMOS. TERTIVM. VIRITIM. DEDI. QVALI. MEA. CONGIARIA. FRUMENTI ... NVM. NVM-QVAM. MINVS. QVINQVAGINTA. ET DVCENTA SIA.
- VI. DVODEVIGINTESIMVM. CONSVL. TRECENTIS. ET. VIGINTI. MILLIVS. PLEBIS. VRBANAE. SEXAGENOS. DENARIOS. VIRITIM. DEDI.
- VII. ET. QVINIS. MILITVM. MEORVM. CONSVL. QVINTVM. EX. MANVBIIS. VIRITIM. MILLIA. NVMMVM. SINGVLA. DEDI. ACCEPERVNT. ID. TRIVMPHALE. CONGIARIVM. IN. COLONIAS. HOMINVM. CIRCITER. CENTVM. ET. VIGINTI. MILLIA.
- VIII. CONSVL. TERTIVMDECIMVM. SEXAGENOS. DENARIOS. PLEBI. QVAE. TVM. FRUMENTVM. PVBLICVM. ACCE..... DEDI. EA. MILLIA. HOMINVM. PAVLO. PLVRA. QVAM. DVCENTA. FVERVNT.

Vides, siue audis lapidem, vtinam peritè satis aut fideliter descriptum ! Insigne monumentum antiquitatis est, & historiz Augustæ quasi summarium. Sed multa in eo corrupta, & quædam lacera : percurram lucis, & alibi medicinz, causâ.

In

In primâ donatione est: LIBRI ROMANI. An id fuit, TRIB. P. ROMANI? id est, *Tribubus populi*. Res quidem eas tangit, & legauit Cæsar testamento viritum Romano populo, *trecentos septertios*, vt Suetonius scripsit; vt autem Dio, *centenos vicenos*, & adducit ipsum Augustum eius rei testem. Et scripserat hoc Augustus fortasse in Commentarijs rerum suarum: sed & hîc ita in Breuiario isto fuit. Explendum igitur, CENTENOS. VICENOS. Ij sunt, *tres Philippici* in singulos: si in totum populum, immensum est; si in frumentantes, magnum.

In II. *Quadringeni nummi* viritum dati, item in populum: qui sunt Philippici *decem*. Id factum in *quinto Consulatu* eius, vt hîc scribitur: id est, statim post Actiacam & Alexandrinam victoriam, sub triumphum. Dio Cassius ipsum notat in hoc anno, & in summâ consentit: sed auget acceptores, & non viros puberesque tantum, sed etiam pueros, *in gratiam Marcelli, sororis filij*, scribit adiectos. Hoc si fuit, vt fuit, quis non videt supra duplum ferè donationem crescere, & vt minimum fuisse ad *sexcenta millia* capientium? Fiunt in pecuniâ impensâ *sex milliones*.

In III. Consulatu decimo, scribit se item populo dedisse, congiarium *bis quadringenos*. An simul, vt *octingenos* dederit? an magis significat, bis se dedisse? sicut & paullo post, *tertium quadringenos*. Quæ iterationes valdè sunt liberalitati augendæ: & tu attendes.

In IV. Quid sit illud AERE. MERVI. quæro. An fuit, AERE. MEO. vt. pependitque à prioribus? opinor. Illud autem iam certò assequor, in Vndecimo consulatu datas *duodecim Frumentationes*: quas ita appellat, quæ singulis mensibus dari solebant. In caritate igitur annonæ, has extra ordinem, & de suo, vt scribit, addidit. Nam legendum inibi PRIVATIM. COEMPTO. vt dudum monui, cum lapidem hunc vulgaui.

In v. Tribunicia potestas duodecima, incidit in annum vrbis DCCXLI. cum peregrè & è Galliâ redijt. Tunc igitur plebi refouendæ & conciliandæ, distribuit ter vno anno *quadringenos*: id est, Philippicos *ter denos*, siue in vniuersum *triginta*. Verba aliquot in vitio, an sic emendanda? QVALI. MEQ. CONGIARIO. FRUMENTI. MODIVM. NVMQVAM. MINVS. QVINQVAGINTA.

ET. DVCENTA. MILLIA. vt adsignificet, tantum frumenti se quoque dedisse. An verius, FRUMENTANTIVM. NVM. NVMQVAM. MINVS. QVINQVAGINTA. ET. DVCENTA. MILLIA? vt dicat *numerus* (id valet NVM.) qui frumentum acciperent, & ex consequenti congiarium, tantum tunc fuisse. Sed postea alius numerus, dices: haud moueor, quia saepe id per recensum mutauit. Cogitetur tamen. Vir doctissimus & acutissimus legebat, QVINQVAGINTA. ET. DVCENTA. SESTER-
TIA. & referebat ad Suetonij hæc verba: *Congiaria populo frequenter dedit, sed diuersa ferè summe: modo quadringenos, modo trecentos, nonnumquam ducentos quinquagenosque nummos.* Sed refellit hoc ipse lapis statim, qui dicit bis datos *sexagenos denarios*: quos non nisi in *ducentos quadragenos* nummos resoluas. Quomodo ergo *numquam minus* dederit, vt hic sculptum? Sed & Dio in anno DCCXLVII. adnotat datos *Denarios sexaginta*.

*Sunt octo
decies cen-
tesima M.

In VI. sunt *sexageni denarii* in trecenta viginti millia capita: quæ ad duos milliones, * paullo ininus, se attollit.

In VII. tenebræ. videtur militaris donatio esse, sed ijs qui in colonias missi, aut mittendi.

In VIII. notetur numerus frumentantium, qui tunc fuit. Ista de Augusto sufficiant: etsi liberalitates eius plures ex facili dederim, vt ipse dare facilis, etiam per ludum & iocum. Cuiusmodi ista in Macrobio: *Omnibus qui secum pilâ lusissent, sestertia centena dari Caesar Augustus iusserat, soli Calio quinquagena.* Hic ille, *Quid ergo? inquit, ego vnâ manu ludo?* locus lepidus: sed donatio magna in ludicrâ istâ causâ, singulis bis mille quingenti Philippici. Iterum totidem Græculo cuidâ, pro carmine, & audaculo dictorio, factoque: sed tu factum ipsum nosce, aut potius recognosce. Græculus fuit, qui Cæsari carmen obtulerat, atq; ille acceperat, & nihil vltrâ. Græculo iterum paranti dare, præuenit, & carmen à se dedit; vt ostenderet talia & domi sibi nasci. Hic Græculus legere, mirari, & tandem manu in pauperem bulgam demissâ nummos, an denarios aliquot, Augusto offerre, cum dicto: *Si plus haberem Caesar, plus darem.* Exemplo ostendit & commonefecit, quid ille deberet: nec frustrâ. Nam statim Augustus delectatus libero & acuto facto, *sestertia centena* dari ei iussit: id est, *bis mille Philipp. & quingentos.*

CAP. XIII.

Aliorum Principum dona.

NON sit modus, si omnia Augusti tollam: omitto, & aliorum carptim aut saltuatim quædam tango. In **TIBERIO** pauca sunt, parcâ ille manu & restrictâ fuit: atque ita moriens in thesauris reliquit, * *viciessepties millies HS: quod Caligula, non toto vertente anno absumpsit*. Ita enim hoc Suetonius: sed in Dione paullo aliter: & ait, *quosdam dicere ter & vicies millies relictum; alios autem * ter & tricies*. Sanè pro meo sensu, posteriori parti accedam, qui satis iam iimbibi Romanas opes. Nec in tempore absumptæ à Caligulâ pecuniæ Dio dissentit à Suetonio, si sic legas: *οὐδὲ εἰς τὸ τρίτον ἔτος μισθὸν δὲ τῆς τριδισίας*: nec vel in tertiam anni partem quidquam Caligula ex his servavit. Quod sanè cum Tranquillo & veritate convenientius, quàm ut sit, *εἰς τὸ τρίτον ἔτος*, in tertium annum. Ille verò statim exhaustus & egens, atque ad rapinas se vertit. In **CLAUDIO**, notatur prima liberalitas in auspiciis imperij, cùm militibus *quinadena HS.* promissit. Ea sunt *trecenti septuaginta quinque Philippæi*: si tamen Suetoniana illa scriptio (ex eo sumpsi) est certa. Nam Iosepus adauget, & *vicena* promissâ ait, siue ut ipse numerat, *quina millia drachmarum*: qui sunt *quingenti Philippæi*: & addit, *omnibus ubique militibus idem promissum*. Quomodo hæc quidem donatio, superet omnes iam dictas, & fortasse dicendas. **NERO** sequitur: quid de eo dicam? qui, ut Suetonius ait, *diuitiarum & pecuniæ non alium fructum putabat, quàm profusionem*. Itaque nepotinos eius sumptus frustra colligam: In Suetonio atque aliis, patent: quædam addam quæ magni & laudabilis animi sunt visa. *Militi prætoriano* (in Dionis compendio) *ob causam aliquam iusserat centies HS. numerari*: id est, *ducenta quinquaginta millia Philippicùm*. Et cùm Agrippina mater, mirata improvidam fortasse liberalitatem, *iussisset totam eam pecuniam, ipso coram, in mensâ exponi & expandi*, ut sic vel assestu pænitentiam eliceret: ille magno animo, *iussit alterum tantum addi*, & Nesciebam, inquit, *tam exiguum me dedisse*. Egregia

* id est, sexaginta sex milliones, & quinquaginta M. Phil.
* Sunt octoginta & unus milliones.

vox : quam cur tu rides? A V D. Non ipsam, sed meam cupidinem : & ô si quis *hoc exiguum* mihi? L I P S. Auidus ô homines, nec accipies: hodie liberalitatis eius nec umbra manet. Hoc Nero in militem : sed quid in regij sanguinis Teridatem ? *quod vix ipsi Suetonio credibile videatur, octingenta nummorum millia diurna in eum erogauit, abeuntique super Hs. millies contulit.* Vt hoc & capias, & ponderes; scito Teridatem per *nouem menses* continuos Romæ, aut in finibus Romanis, fuisse: & toto eo tempore immunem habitum ab omni sumptu. Decreta igitur ci in diem *octingenta millia*: quæ sunt *viginti millia* Philippæorum. Numera in mensem: quid ea nisi *sexcenta millia*? In nouem menses: *quinque milliones quadringenta millia*. Iam abeunti datum, *millies Hs.* quasi in viaticum: quod iterum efficit *duos milliones & dimidium*. An potius in Suetonio, *bis millies* scribendum? augeatur altero tanto, & palàm Dionis compendium (numeri autem in Græcis magis veri) hoc suadet. Atque ista conspicua & signata liberalitas Neronis est: quid minores aliæ & sparæ, sed coalescentes in grandem summam? De quibus Tacitus: *Bis & vicies millies Hs. donationibus Nero effuderat*: & addit, Patres censuisse, vt repeterentur ab iis qui cepissent. Ea sunt *quingentaquinque milliones*, nisi calculus me fallit. quod & alibi vereor, & ignoscendum est in sermonis hoc cursu & calore. Adiungo NYMPHIDIUM, post Neronem, promissum: non Principis, sed pro Principe tamen factum. Ipse vt *Urbanum omnem militem & Prætorianum Galba adiungeret, promissit iis septem mille & quingentas drachmas viritum; reliquis extra urbem, mille ducentas quinquaginta*. In Plutarcho hoc ita leges, ingentem donationem, & qualis antea in hoc genere nec fuit. Nam priores illæ *Drachmæ* in Urbanos, faciunt nobis *septingentos quinquaginta Philippicos*: alteræ in Legionarios, *centum viginti quinque*. Quò hoc ascendat in plura quàm *viginti quinque millia* Urbanorum: in amplius *ducentena* Exterorum: vt Clases, & talia, omittam. Iure igitur Plutarchus exclamat & queritur, *plusquam Neronem hunc renatum, nec potuisse eam pecunie molem exstrui, nisi vt omne Romanum imperium attereretur aut euerteretur: præsertim post tot & tam recentes à Nerone ictus*. Infinitæ deinde sunt largitiones in militem, vel in populum: sed, nisi

* Latine
esset, Tri-
ginta ses-
tertia.
* Latine,
Quinta ses-
tertia.

memoria imponit, infrà iam dictas. Ideò nec pono, vnam *Seueri* Imp. tantum libo. Dionis compendium: *Celebrauit Decennalia imperij sui, & dedit populo qui frumentum solet accipere* (nota semper ferè de Populo fruementario) *itemque Pratorianis decem aureos. Quà in re se iactabat. reuera enim NEMO umquam antea tantum SIMVL dederat, effusumque hac donatione* ^{* Quingque millesies.} *bis milles HS.* Decem istos Aureos, scito Romanos fuisse: id est nostros *vinginti*, aut paullo amplius. Ita magna vis assurgit, & expressa est à Dionè summa: sed hæreo an satis ex vero additum, *numquam antea tantum* datum. Nam & Commodi Imperatoris superfluens donatio fuit, in Lampridio notata: *Congiarium dedit populo, singulis Denarios septingentos vicenos quinos.* Qui sunt Romani aurei *vigintinovem*: pænè triplum eius, quod Seuerus postea dedit. Nam quod vir doctus quidam hic rescribit *septuagenos quinos*, valdè est præter rem & Lampridij mentem. Sed scilicet Dionem scribere, *Simul numquam tantum* datum: id est, & Populo & Militibus. Alioqui & superiores aliquot donationes militares valdè excedunt. De Donis peregi, & simul de *Opibus publicis.*

CAP. XV.

De priuatorum aliquot opibus, & materia huius finis.

TRANSEO. ad *Prinatas opes*, quæ & ipsæ magnæ fuerunt, & per multos sparsæ. Quis nescit Senatores aut Senatorios plurimos fuisse, & plures longè Equites Romanos? Atqui primis illis, census sub Augusto fuit *Decies HS*: siue *vingtiquinque millia* Philippæorum. Istis, id est Equitibus, census *Quadringentorum*, quæ faciunt *decem millia* Philippæorum. Hic census, quem necessariò haberent: quàm multos autem, & pletosque omnes, putas excessisse? Ac lubet paullisper recensere hos diuites: inter quos quem prius, quàm Crassum illum cognomento *Diuitem*? Cicero aliique de eo, atque etiam in eum Cicero ista: *Multi audierunt ex te, cum diceres, Neminem diuitem esse,*
In Pandox.
nisi

nisi qui exercitum suis FRVCTIBVS alere posset. Ergo hoc proposito, numquam eris dives, antequàm tibi ex tuis POSSESSIO-
NIBVS tantum reficiatur, vt ex eo tueri sex legiones, & magna equitum ac peditum auxilia possis. Hæc vox Crassi fuit, opinor, negantis se Diuitem, etsi vulgò ita audiret: quia nemo sic dicendus, nisi cui tales opes. In Plinio hoc paullo contractius:

I ib. xxiiij.
cap. x.

M. Crassus negabat locupletem esse, nisi qui REDITV annuo tueri LEGIONEM posset. In agris suis HS. bis millies possedit, Quir-
tium post Sullam ditissimus. Qui locus inspectione, fortasse & correctione eget. Primum de Legione vnâ ait: quod Cicero palàm de pluribus (iunò & sex nominat) & item Græci de exerci-
tu tradunt. Itaque in Plinio quoque verius censeam, Legiones. Iam quod addit, bis millies in agris possedisse: quid ergo in aliis? in seruis, in pecuniâ, in vasis ac supellectile, denique in domi-
bus, quantum habuit? Sanè alterum tantum dixerit aliquis, ex communi tunc ratione & proportionem opum. Plutarchus scribit, solos architectos & fabros cum in seruis habuisse, ad quin-
gentos, quorum operam clocabat in vrbe ruinis vel incendiis obnoxia: quid deinde seruorum ad reliquos vsus, domi vel in agris? Hæc eò deduco, vt sollicitum & quatiàm lectionem Plinij receptam: & quia non arbitror in solis agris sic habuisse. Argumento ex Plutarcho, quod totus census eius, post Decumas

* 41.60000
Poli.

Herculi datas, & epulum frumentumque plebi, non fuerit nisi * se-
ptem millium & centum talentorum. Atqui longè hoc ab illo bis
millies abest in solis agris. Facit & ipse Plinius, qui paullo post subiicit, Multos postea se cognouisse, seruitute liberatos, opulentio-
res. Libertos autem intellegit, qui ad ter millies, aut circà, per-
uenerunt. Non insisto: dico, legendum mihi videri in Plinio,
nisi qui legiones tueri posset ex agris suis. Sestertium bis millies pos-
sedit. Vt vniuersæ opes eius tueriant bis millies, siue quinque mil-
lionum. Quod propemodum consonat cum illis talentorum
millibus, è Plutarcho recitatis: & Decimas Herculanæ si addis,
proximè accedit. Senecæ item locum huc subiungo: M. Cato
possidebat ipse quadragies HS. minus sine dubio quàm Crassus, plus
quàm Censorius Cato. Maiore spatio, si comparetur, proauum vice-
rat, quàm à Crasso vinceretur. Monco primò legendum, qua-
dringenties HS. quod certum est: deinde addo, ex hac compa-
ratio-

De vitâ
beatâ cap.
xxi.

ratione elucere, quòd haud multo vltra *bis milles* Crassus potuerit habere. Alioqui nimium intervallum sit inter Catonem Vticensem & ipsum: quod Seneca negat. AVD. At enim Lipsi, vis tu igitur Crassum ad teditum ex agris tantum respexisse? LIPS. Videtur. nam & Cicero scripsit, *nisi tibi ex POSSESSIONIBVS tuis tantum reficiatur*: & antè, *nisi qui exercitum FRVCTIBVS suis alere possit*. Ea verò ad agros spectant: & ipsa Plinij vox, *Neminem LOCUPLETEM esse*. Etsi haud nego, multos Romanorum magna latifundia habuisse: sed summa hæc exorbitet. Alioqui L. Domitius ille, successor in Galliam Cæsari destinatus, agris sanè abundare debuit, qui (leges in ipso Cæsare) Corfinij obsessus, ad animandos milites, *in concione* agros ex SVIS POSSESSIONIBVS pollicetur, *quaterna in singulos iugera, & pro rata Centurionibus Euocatisq.* At enim triginta cohortes ibi militum, id est duodecim circiter millia. Ea sunt igitur *quadragesimo octo millia iugerum*: quid iam in Centurionibus & Euocatis, quibus duplū debebatur? Lego & in Plinio: *Sex dominos semissem Africa possedisse sub Nerone, quos ille interfecerit*. Quid Seneca, de Pompeio (an Poppæo) quodam, sub Caligulâ? nam qui *Ptolomeum restitunt*, ab ipso mox refelluntur. Quid igitur de eo? *Panem & aquam desuisse, cum TOT FLUMINA possideret, in suo orientia, in suo cadentia*. Si hæc verâ, oportuit totas regiones possedisse. uti C. Antonius ille, collega Ciceronis in Consulatu, totam Cephalleniam insulam, velut proprium patrimonium habuit, atque ibi opidum etiam novum struxit: quod traditum ita Straboni. AVD. De Antonio, esto: nec magna ea insula. At de Poppæo, & TOT FLUMINIBVS, ex vero scriptum? LIPS. Ex vero. nec solus Poppæus talis, plures Seneca aggregat, epistolâ LXXXIX. ubi hos avaros communiter ita insequitur: *Quousque fines possessionum propagabitis? Ager VNI DOMINO qui POPVLVM cepit angustus est. Quousque arationes vestras porrigetis, ne PROVINCIARVM quidem satione contenti circumscribere pradiorum modum? ILLVSTRIVM FLVMINVM per pruinatum decursus, & AMNES MAGNI, magnarumque gentium termini, VSQVE AD OSTIVM A FONTE vestri sunt. Hoc quoque parum est. nisi latifundiis vestris maria cinxistis, nisi trans Hadrianum, & Ionium, & Ægaum vester vil-*

N

licus

I. Civil.

LXXVIII.

De Tranq.
cap. XX.

Lib. X.

lius regnet. Nisi IN SVLAE, ducum domicilia magnorum, inter
 VILISSIMA rerum numerentur. Quid ais? non hæc satis
 clara, satis certa sunt: nec illustant, sed augent quæ dixi? Si
 enim vnus aut alter talis, quid attinet vt publicum morbum
 carpere? Sed plures omnino fuerunt: & quidam etiam do-
 no hæc capiebant. AVD. Dono? id verò nullus crediderim.
 LIPS. Iterùm Seneca, De Beneficiis: *Beneficium est, donare re-
 giones, per quas MAGNA FLVMINA ET NAVIGABILIA de-
 currant.* Donarit autem eas Princeps, vel aliquis ille diues
 testamento. Sed ecce hi verè locupletes: & quorum fundos
 nec milui oberrauerint, vt ait poëta. Sed redeo ad vniuersè
 Diuites, inter quos L. Cornelius Balbus meritò locandus. qui
 Lib. XL viij. (vt Dio scripsit) *homines suæ ætatis Diuitiis & Magnitudine animi
 supergressus est, ad eò vt moriens populo Romano viritum legauerit de-
 narios viginti quinque, siue Aureum Romanum vnum.* Quid pu-
 temus nunc heredes, & legatarios habuisse? Seneca etiam no-
 ster, ille doctrinæ & sapientiæ, id est internorum bonorum,
 ita diues, quàm rarâ sorte & externorum fuit? Eum * *ter mil-
 lies HS. possedisse*, amicus illi Tacitus scripsit, & inimici cum
 multâ inuidiâ obiecerunt. AVD. Quidni Lipsi? & ille vir
 maximus, hoc vno titulo apud me minuit, quòd sic in opibus
 abundet. Philosophum hoc decuit? & quidem Romanum,
 qui facta sibi vindicant, magis quàm verba? LIPS. Miserum
 Senecam, vt video. quare? quòd non Virtus solùm ei, sed For-
 tuna fauerit: & in alio tamen aliquo hoc laudemus. Sed quia
 rara hæc coniunctio, præsertim in modesto & sapiente; & *bona
 mentis*, vt ille inquit, *soror est paupertas*: homines indignantur,
 liuent, Senecam equis & quadrigis incurrunt. At meo iudicio,
 ô virum hoc ipso magnum, quòd capere potuerit, quòd vti,
 quòd habere (vt vno verbo dicam) & non haberi! Quid,
 quòd nec eas suspexerit? inter media censuit, inter fluxa, & quæ
 si abirent, nihil auferrent, nisi semetipsas. Audi illum, ô Liuor,
 & file. Pone me, inquit, in opulentissimâ domo, vbi aurum argentum-
 quæ in promiscuo vsu sit. Non suspiciam me ob ista, quæ etiam si
 apud me, tamen extra me sunt. In Sublicium rursus pontem me trans-
 fer, & inter egentes abige: non id eò tamen me despiciam, quòd in illo-
 rum numero confideam, qui manum ad stipem porrigunt: Quid ergo
 est?

* 7500000
 Phil.

est? domum illam splendidam malo, quàm pontem. Hæc vera philosophia est: posse habere, posse carere; non cupere absentes, capere & præsentem: ijsdem uti benè, & bonis subleuandis. Sed quid euagor? diues Seneca, & nostro more *septuagies quinquescentena millia* possedit: plus meruit (audi & hoc Liuror:) & *multi nequaquam eius artibus pares plus habuerunt*, ut Nero ad eum dixit. Ecce *Cn. Lentulus Augur* (ait ipse Seneca) diuitiarum **MAXIMUM EXEMPLVM**, *antequam illum liberti pauperem facerent, quater millies Hs. suum vidit. Proprie dixi* (inquit) *nihil enim amplius, quàm vidit.* Hic stupor igitur possedit ipsos *decem milliones*, Regum aut certè Regulorum opes. Sed indicat Seneca, liberos & plus habuisse. Ac sanè de Pallante Tacitus scribit, *sestertij ter millies possessorem fuisse*: quod *quater millies*, me volente, Dionis Breuiarium in Nerone expressit. Et hoc ipsum de colliberto eius *Ælio Narcisso*, idem Dio in Claudio narrauit. Sed at ille hos beaui, inquit. Vis igitur & homines, non è Senatu vel aulâ? ecce è mediâ plebe vnum, è Plinio: *C. Asinio Gallo, C. Marcio Censorino Coss.* (id fuit sub Augusto) *C. Cecilius Claudius Isidorus* testamento suo edixit, *Quamuis multa civili bello perdidisset, tamen relinquere seruorum quattuor millia centum sedecim, iuga bouum tria millia sexcenta, reliqui pecoris ducenta quinquaginta millia, in numerato Hs. sexcenties.* Funerari se iussit *Hs. vndecim millibus.* Vide tu tot seruos, boues, pecudes, tantum numeratæ pecuniæ: & miror agros non expressos, quos tamen suspicor habuisse, itemque villas, & ædes. Sed ut sit, familiam illam solam seruorum vide: quis Principum habet? A v. d. Valdè quidem isti copiosi in seruis, quod & in Crasso notauit. Lips. Valdè. & Petronius ex more, si non ex vero, de Eumolpo suo facetissimâ narratiunculâ scripsit: *Familiam quidem tam magnam per agros Numidia sparsam habere, ut vel Carthaginem posset capere.* Certè aliquot millia esse debuerunt eorum, qui armis apti: sicut & historicâ fide Vopiscus de Procule tradit, *eo tempore quo sumpsit imperium, duo millia seruorum suorum armasse.* Quid Belisarius ille sub Iustiniano magnus? *duodecim millia puerorum* (ita loquuntur) habuisse propria, Ainoius, Regino, aliique testantur. Nam illud quod in Athenæo adfitmate scribitur, quale est? *Quisdam Romanorum ad DECEM aut VIGINTI*

Apud Tac.
xlii. An.

xli. Ann.

Lib. xxiij.
cap. x.

* Decies.
quinquies
centena mil-
lia Philip.

millia seruorum habuisse, nec ut QVÆSTVM ex iis facerent, sed ut affeclas aut subsequas eos modò haberent. Hoc de seruis, mihi ipsi timidè tardeque credendum, & tamen credendum. De aliis armentis, simile aliquid (etsi minus est) in Vopisco item lego, de villâ Valeriani priuatâ. in quâ quingenti serui, duo millia vaccarum, equæ mille, ouium decem millia, caprarum quindecim millia fuisse. Quæ mea mens, cùm ista cogito? vbi nostræ paupertinæ villæ, nec millesimis horum instructæ? Et communia hæc, certè non noua, in opibus, illo æuo: auctore Senecâ, quem audi, suo more, increpantem: O miserum, siquem deletat sui patrimonij liber magnus, & VASTA SPATIA terrarum colenda per vinctos, & IMMENSI greges pecorum per prouincias ac REGNA pascendi; & FAMILIA bellicosæ nationibus MAIOR; & AEDIFICIA priuata laxitatem vrbiũ magnarum vincentia. Hæc Seneca. ideoque pauca exempla talia aut scripta sunt; aut si scripta, ad nos perueniunt. Casu factum est, quod Cæsar prodiderit (& mihi casu incidit) T. Labienum Legatum suum in Galliis, opidum Cingulum constituisse in Piceno, & suâ pecuniâ exadificasse. Vide in homine priuato opes & animum Principis, qui eas in tota opida struenda conuertit: quod & medici quidam apud Plinium fecere. Quid autem, quod etiam inferiore æuo, rebus & imperio labentibus, magnæ istæ opes? Olympiodori hæc excerpta audi: Ὅτι πολλοὶ οἴκοι ῥωμαίων προσόδους καὶ ἐνιαυτὸν ἰδίχοντες ὅσοι κτημάτων ἠντῆς, ἀνὰ τριακοντα ἔτη τοῦ κτηνόμελου, καὶ τὸ σίτου καὶ τῶ οἴνου, καὶ ἡλὶ ἀλλαν ἀπάντων εἰδὼν. ἀεὶς* τέκτον συνίστην, εἰ δὴ ἀποδοῦντο, τὸ εἰσπραξιμένου ἔτησιν. ἡλὶ δὲ μετὰ τοὺς πρώτους ἡλὶ διδόντες οἴκων τῆς ῥώμης, πεντακάλυκα, & δέκα κεντωναλεῶν ἢ πρόσθεν τοῦ λω: Multa Romanorum domus (id est, earum domini) in ANNO REDITV accipiebant è possessionibus suis, ad* quadraginta centenarios auri: idque absque frumento, vino, & aliis speciebus, quæ si venderentur, facile trientem æquarent illati auri. Secundaria autem domus, quindecim centenarios aut decem recipiebant. Hæc ille, sub Honorij & Arcadij æuum: quàm defectâ iam Româ, & per illam Nouam imminutâ? Atqui tot illi Centenarij (centum libræ auri in singulis) reddunt quadringenta nobis aureorum millia: & vbi frumentum, & reliqua? Atque etiam redditus tantum computat,

De Benef.
lib. vii.
cap. x.

i. Civil.

* Verro
Trientem:
an aliquis
Triplum
autilit?

* 400000.
aureorum.

tat, non seruos & alia multa, quæ sine fructu. Addam distinctè
 & vnum exemplum, in quo desino. Capitolinus de Gordia-
 no, adhuc priuato: *Ditissimus ac potentissimus, in provinciis tan-
 tum terrarum habens, quantum nemo priuatus. Quæsturam magnifi-
 centissimè gessit. Ædilitatis suæ tempore, duodecim populo Romano
 munera, id est per singulos menses singula DE SVO exhibuit. ita
 vt gladiatorum nonnumquam quingena paria exhiberet, numquam
 minus centenis quinquagenis. Feras Lybicas vnâ die centum exhi-
 buit, vrsos vnâ die mille: & plura deinde animalium nomina-
 tim: quæ omnia POPULO RAPIENDA concessit. Amplius
 de co, auctore Cordo: In OMNIBVS ciuitatibus Campaniæ,
 Etruriæ, Vmbriæ, Flaminie, Piceni, DE PROPRIO illum per
 QVATRIDVVM ludos scenicos & Iuuenalia edidisse: Qui benè
 hæc tollit singula & pensitat, quique scit quid sit ludos olim
 edere: nescio quam trutinam reperiet ad tot illa ponderanda
 aut æstimanda. Diducere mihi non placet, placet abiungere:
 & *Opes Romanas publicè priuatimque satis videor ostendisse.*
 Tu abi, cæna, dormi.*

I. L I P S I
 DE MAGNITVDINE
 R O M A N A
 LIBER III.

CAPVT I.

*Ad Opera Romana transitum, & primò de lignis
 aut temporariis dictum.*



V D. Malè mihi hac nocte fuit. LIPS. Quid ita? AVD. Quia herè nimium benè. Suaues illi sermones animo inhæserunt, & per cerebri huius spatium incerrantes, verè dico, ademerunt mihi somnum. LIPS. Aliter ego dixeram: & meministin, vltimi mei, *Dormi*? Atqui cautio erit ne sic in posterum: mitemus potiùs, aut suspendemus, hos sermones. AVD. Quin tu verbum hoc suspende: nam meruit. Itàne sermones hos tollas, in quibus vnica mihi spes solatij? nam ne nescias, vt ij qui à scorpijs sunt ièti, ab iisdem remediùm habent: sic ego nunc affectus. Ad te propero, qui pupugisti. LIPS. Ad me? non ego Scorpis, sed Aspis: aurem claudio ad has cantilenas. AVD. Benè est, pungat me & hæc aspis, vt dormiam: & suauis veneno infundat somnum. L I P S. Age, age, in edebor: sed nò, vt censes, suauiter mi homo: ego verò vt fastidiètes quosdam ægros medici, ad exercitia & OPERA te ducam. Ecce enim ea ordine sequuntur. Duplicia autem Romana istæ Opera, *Temporaria* & *Diuturna*. Illa, quæ subito & in breue tempus aliquod excitabantur, è terrâ aut ligno plerumque: ista, quæ in longum, & mansura, è latere, lapide, & materie firmiore. *Temporaria*, duplicia iterùm video, *In Militiâ*, & *Extra eam*: atque vtræque mereri iustam admirationem. Nam
 siue

siue militiam videas; quis *Fossas, Vallos, Aggeres, & talia* terrea; irerumque materialia, *Turres, Testudines, Musculos, Vineas*, legit, tam multa, tam crebra; & aut industriam, aut vires hæc pattantium, non æstimat & admiratur? Siue extra eam quædam, in voluptatem aut splendorem structa; quomodo idem affectus non insinuet animo vel irrumpat? Er *Militaria* quidem mitto, * aliàs mihi explicata: pauca ex ciuilibus tangam. Quo in genere ludicra præcipuè fuere: vt *Theatra, Amphitheatra, Circi*, & magnæ eiusmodi moles, structæ sæpe in paucos dies, & pænè vt deijcerentur. Duo exempla in Plinio, etiam cum eius, qui tam multa ADMIRANDA viderat aut legerat, nimiam admiratione. *M. Scaurus*, inquit, *fecit in Ædilitate suâ opus omnium MAXIMUM, QUAE VMQVAM FVERE HVMANA MANV FACTA, non temporariâ morâ, verum etiam æternitatis destinatione. Theatrum hoc fuit. Scena ei triplex, in altitudinem CCCLX. columnarum. Ima pars scena è marmore fuit, media è vitro, inaudito etiam postea genere luxuria. Summa tabulis inauratis columna, vt diximus, imæ duodequadragenium pedum. Signa ærea inter columnas, vt indicauimus, fuerunt tria millia numero. Cæue ipsa cepit hominum LXXX. millia, cum Pompeiani theatri, toties multiplicatâ vrbe, tantoque maiore populo, sufficiat largè XL. millibus. Sed & reliquus apparatus tantus, Attalicæ veste, tabulis pictis, ceteroque choragio fuit, vt in Tusculanam villam reportatis quæ superfuerant cottidiani vsus deliciis, incensâ villâ ab iratis seruis, concremaretur ad HS. millies. Quid est? frigens, nec excitatis? AVD. Nihil. ipse Plinius metepesecit, cum scripsit, non temporariâ morâ, sed æternitatis destinatione factum. Metepesecit, te refellit, qui inter Temporaria hoc refert. LIPS. Tene tam laxè Plinium capere? præuidebam, & metuebam. Sed hoc ille dictum voluit, istud Temporarium, eminuissè etiam inter firma illa, & quæ æternitatis spe facta. Non aliud sanè dixit: & ecce alibi eius verba. In*

M. Scauri ædilitate, tria millia signorum in scenâ tantum fuere, temporariâ theatro. Audin, temporario? Iterumque alibi: Trecentas sexaginta columnas M. Scauri ædilitate ad scenam theatri temporarij & vix vno mense futuri in vsu, viderunt portari silentio legum. Quos locos libentiùs adfero, quia Plinius eosdem adspexit, cum hæc scripsit: vt diximus: & vt indicauimus: nempe hisipsis locis. Sed quod hîc etiam est: Ima pars scenæ è marmore.) explicat

* In ipsâ
Militiâ, &
Mechanicâ.

Lib. xxxiiij
cap. vii.

Lib. xxxv.
cap. ii.

cat ideam suprà, in cap. VI. *Marmoreos parietes habuit scena M. Scauri, non facile dixerim scētos, an solidis glebis politos, sicuti est hodie Iouis Tonantis aedes in Capitolio. nondum enim scēti marmoris vestigium erat in Italiâ. Vltimis item verbis, concremarctur ad HS. millies:*) è manuscriptis aliquis mallet, ad [•] bis millies: nec nimium sit pro reliquo luxu. Alias operis partes tu per te, & otiosè, si voles, inspicere & adstupescere: ego alterum exemplum, ex eodem Plinio, qui dictis iam subnectit. *Aufert animum, & à destinato itinere digredi cogit contemplatio tam prodigæ mentis, aliamque connecti insaniam è ligno. C. Curio, qui bello civili in Casarianis partibus obiit, funebri patris munere, cum opibus apparatusque non posset superare Scaurum (unde enim illi vitricus Sulla, & Metella mater, 'proscriptionum scētrix?') cùm iam ne ipse quidem Scaurus sibi comparari posset, quando hoc certè incendiū illius premium habuit, conuēctis ex orbe terrarum rebus, ut nemo postea par esset insanie illi. Ingenio ergo utendum fuit: operæ pretium est scire quid inuenerit, & gaudere moribus nostris, ac nostro modo nos vocare maiores. Theatra duo iuxta fecit amplissima è ligno, cardinum singulorum versatili suspensa libramento: in quibus utriusque antemeridiano ludorum spectaculo edito, inter sese auersis, ne inimicem obstreperent scenæ, & repentè circumactis, ut contrà starent; postremo iam die, discedentibus tabulis, & cornibus inter se coeuntibus, faciebat Amphitheatrum, & gladiatorum spectacula edebat, ipsum magis auctoratum populum Romanum circumferens. Quid enim miretur quisque in hoc primum? inuentorem, an inuentum? artificem, an auctorem? ausum aliquem hoc excogitare, an suscipere? parère, an iubere? Super omnia erit populi furor, sedere ausi tam in fidâ stabilique sede. Quæ vilitas animarum ista? aut quæ querela de Cannis? quantum mali potuit accidere? Ecce populus Romanus uniuersus, velut duobus nauigijs impositus, binis cardinibus sustinetur, & seipsum depugnantem spectat, periturus momento aliquo, luxatis machinis. Diserte ista Plinius, & culpans simul ac laudans. Quid autem nos? Legimus, intelligimus, vix credimus (de meo sensu hîc fateor:) & qui quanti que illi cardines singuli, qui tota theatra sustinerent, verterent, iungerent, diiungerentque? De me, parum est: sed coeant ipsi artifices nostri & architectones, laborabunt in re non dicam conficiendâ, sed*

* 1000000.
Phil.

sed exputandâ. Plura huius generis passim : sed in circumfusâ rerum copiâ, excerptimus pauca & eligimus, cum iudicio, ut possum. A V D. Hic non adhibes, quod cum pace tuâ dicam. L I P S. Quid iam ? A V D. Nam ars & ordo ita præcipit, in dicendo narrandoque ascendere, & ut ille ait, *ex fumo flammam, non ex flammâ dare fumum*. At tu culmina operum dixisti, & minora haud dubiè dabis. L I P S. Minora ? aliter dicces, cum illa *Perpetua* & firma audies : quid si & nunc aliter in his Temporarijs ? Caij Caligulæ pons nescio an ingenio, mole certè & magnitudine vincit, sed & insanâ illâ ambitione siue periculi, siue nouitatis. Struxit eum in ipso mari, nauibus impositum, magnitudine trium milliarium & quadrantis : id est, toto illo spatio, quantum est à Putcolis ad Baulos. Per hunc, triumphantis ritu, cum Senatu militibusque incescit, spectante toto populo : in eodem epulatus, noctem etiam peruigilem egit, inter lasciuias & ludos. Addo autem *in paucis diebus* (nam & sic narrant) pontem hunc totum structum : unde tam subito nauibus, armamentis, trabibus, omni aliâ materiâ conuectâ ? Immensum opus perpendenti, sed cui laudem vanitas detrahit. nam quo fine structum, nisi ut destrueretur ? Simile in *Caracallâ*, quem alterum *Caligulam* licet dicere. Is autem non suis solum, sed alienis opibus proteruè abusus. cum, ut Dio scribit, *adigeret homines Senatorij ordinis, quoties Româ egrederetur, domos & praetoria varia struere, item diversoria splendida : etsi in plerisque non solum non acturus haesurusve erat, sed nec ea visurus. Amplius, ubicumque hiematurus erat, aut etiam putabatur hiematurus, cogebantur amphitheatra & circos struere, nec in sumptum quicquam ab eo capientes : & ea ipsa mox diruenda*. Quis cum hæc legit, siue audit, non admiratur opes & splendorem Senatorum, qui patrare hæc poterant ? non item detestatur illius insaniam, qui iubebat ? Olim in populi totius voluptates, Theatra & Circi structi : nunc in vnius imaginarium vsum. Nam nec vidit hæc omnia sæpe, ut Dio dixit.

C A P. I L.

Diuturna opera, & caput omnium Roma. De situ eius, & in primis de magnitudine indagatum.

SED à damnosis istis & *Temporariis* ad stabilia & vtilia veniamus, & quæ *Perpetua* dixi. In hoc genere multa sunt Romanæ magnificentiæ, nec in vrbe solùm aut ipsâ Italiâ, sed per terrarum orbem sparsa. Licet dicere. diuino munere Romanos datos, ad quidquid rude, expoliendum; ad quidquid infectum, faciendum; & loca hominesque, elegantiam aut artibus, passim exornandos. Quot *Opida* noua structa? vetera ampliata, aut reparata? in ijs *Templa*, *Basilicæ*, *Fora*, *Porticue*, *Aqueductus*, *Vie*, *Theatra*, *Circi*: & plura, quæ aut vsum haberent, aut amœnitatem. Quid iam *Prinate* structuræ, vt *Domus* aut *Ville*? omnia splendida, ab ingenio simul & pretio commendanda. Atque ego hîc hæreo. **AVD.** Quid tibi est? **LIPS.** Sine. **AVD.** Non pergis? **LIPS.** Mane inquam. **AVD.** In capite viæ sistimus? **LIPS.** In capite. immensa & vaga se aperit, nec satis scio quâ limitem eam aut stringam. Poëtæ animi causâ solent dicere,

Vnde tamen cæpti iam surgat carminis ordo? ego ex vero: & incertus animi fector, vbi ordiar desinamque. Nam si vel singularia tantùm ostendenda sunt; per omnes prouincias, vrbes, agros eundem est: vbique enim tale fuit. Infinita, inquam, ista sunt, & cum poëtâ principe,

* quos folia
aut flores
in vere vi-
rescunt,
Aut quos
nisi scaturus
desurgens
examina
botanice.

* ——— ὅσα τε φύλλα καὶ αἵθια γήιν' ὄρη,

Ἡ γὰρ μέγαν ἀπείραν ἔθνα πολλά.

Sed cogitanti hoc sedet, solam *Romam* tibi ostendere, omnium operum opus, vt sic appellem: & in quâ solâ fuit, quidquid vbi-que fuit. Ipsam si in parte nosti (totam ne speres): etiam illa prouincialia noueris, quæ pleraque facta ad hoc exemplar. Nam & colonix Capitolia sua, *Fora*, *Basilicas*, *Theatra*, & talia, habebant ad vrbis domine & parentis suæ ritum. *Roma* igitur faue, & te ostende: & paullisper è ruinis tuis, si fas est, veterem vul-
tum

tum attolle. Si tum tuum primum video, & laudo: aut potius pro me Camillus ille apud Liuium, qui te bis condidit, & dum Gallis eripuit, & dum tibi ciues retinuit & firmavit. Nam absque eo abibant, & Veij iam Roma erant. Ille igitur: *Non sine causâ Dî hominesque hunc Urbis condende locum elegerunt. saluberrimos colles; flumen opportunum, quo ex mediterraneis locis fruges deuehantur, quo maritimi conuentus accipiantur, mare vicinum ad commoditates, nec expositum nimîa propinquitate ad pericula classium exterarum; regionum Italie medium.* Videamus, Auditor, paullisper horum singula: & iuuabit me recitatio, & quasi in Româ iterum silet. A V D. Bonâ veniâ, quot iam anni ex quo lustrasti? L I P S. Ipsi vigintiseptem, cum discessi: sed animum non auelli, & antiquitas amabilis, sed & religio venerabilis sæpe eò vocant. Quod ergo dicebam, Camilli ruminemur. *Saluberrimos colles.*) Hodie vix ita sunt: sed causa, solitudo & desertio; tum & auræ è vicinis paludibus vel æstuarijs, & quas alij indagent. *Flumen opportunum.*) Tiberis ille pater, qui urbem secat: *latus circa eam, vt Dionysius inonuit, quatuor iugera, (siue pedes c c c c:) profundus sic, vt maximas naues suscipiat, & portet.* Addit & *Mare vicinum.*) nam distat xvi. millibus passuum, vt Plinius & Antoninus metiuntur; siue, quod idem est, *centum viginti stadiis*, vt Dionysius. Non ergo Strabonem audies, qui *centum nonaginta* ea computat: sed numerorum & librarij sui errore. In Appiano an error talis, qui non nisi *centum* stadia computat? Nam verba Censorini Consulis sunt, suadentis siue iubentis Carthaginienfes, dirutâ vrbe suâ, à mari abire: *A mari iubemus non nisi Lxxx. stadia vos recedere, cum nos ipsi ab eo distemus stadiis centum.* Ego tamen hoc non mutem, & verè dictum censeam: sed aspectu latæ & magnæ illius Romæ, quæ extra prima mœnia (mox dicam) in orbem se diffundebat. Ab eâ ille computat: etsi fortasse parùm adhuc verè aut decorè in Censorini personâ. Sed æuum suum, vt fit, aspexit. Claudit Camillus, *Italie medium esse.*) Ita, in longitudine. nam latitudinem si spectas, finem tenet. Hoc verius, quàm quod Vitruuius etiam *mundi mediam Roman fecit: nec hoc nobis persuadebit, nisi sui fortasse & Romani mundi.* Hæc Camillus: sed Rutilius Gallicanus, cuius Itineta-

Lib. v.
cap. 1.

rium exstat, ab infimo æuo non infini carminis, hoc quoque in eâ miratur, quòd *munitissimo loco* sita, nec Alpibus solùm ab omni vi subitâ, sed Apennino defensa.

*Si factum certâ mundum ratione fatemur,
Consiliumque Dei machina tanta fuit;
Excubis Latus prætexuit Apenninum,
Claustraque montanis vix adenda viis.
Inuidiam timuit Natura, parumque putauit
Arctois Alpes opposuisse minis.
Sicut vallauit multis vitalia membra,
Nec semel inclusit quæ pretiosa tulit:
Jam tum multiplici meruit munimine cingi,
Sollicitosque habuit Roma futura Deos.*

Ista Rutilius pulchrè: sed nos à Situ *Formam* videamus. Nec veterem illam reuoco, *Quadratam*, & qualis sub Romulo fuit: perfectam & plenam considerasse sit satis. quæ rotunda propemodum fuit (etsi haud iustè ramen) & septem suos colles amplexa, grandem ambitum fecit. Quem vtinam firmiter metiri tibi possim! ah, ah. AVD. Quid suspiras? etiam iterùm? LIPS. Iterumque, & ab imo pectore. Ah, cur non Romæ nunc paucos dies sum? cur non obambulo, video, metior? cur non cum viris doctis inibi confero? firmitus fortasse certiusque definirem. Sed vel sic conabor. AVD. Ego in suspirio tuo rideo. Nam cur voves, quod potes, imò quòd impelleris, aut inuitaris? nōne Itali, & ipsa Roma, hoc faciunt? LIPS. Faciunt, & gratiam pro iudicio vel affectu debeo: sed quid dicam? Fatum meum primò me tenuit: mox & Rex: illud occulto decreto, hic apertâ benignitate. Ad summam, video Belgæ mihi in Belgis moriendum: etsi de reuiscendâ eâ obiter non despero. Sed de nostro ambitu. scribunt veteres, Seruium Tullium regem, ad quinque colles iam inclusos vrbi, duos addidisse *Viminalem* & *Esquilinum*, & talem tantamque deinceps fuisse Romam.

Lib. III.

Dionysius in eâ re apertè: *Vltimus verò neque nunc processit vrbis ambitus, fato aut numine, vt aiunt, non permittente.* Neque nunc, inquit: quando? Augusti æuo, quo ipse scripsit. Sed ille ipse ambitus igitur quantus? idem ita docere voluit, dum subiicit: *Quòd si quis metiri ambitum eius voluerit, conferat*

cum Athenarum urbe, nec multo maior apparebit. Quod idem & alibi iteravit. Voluit, inquam, docere: vix nos docuit, sed suos sanè Græcos, qui Athenas norant. Nos quid? & de huius ambitu quæramus. Lego quidem in Dione Chrysostomo, *Circuitum Athenarum, cum Pyraeo & Longis muris, fuisse ducentorum circiter stadiorum*: quæ nobis sint vigintiquinque milliaria: sed an ea inclusa Athenis suis Dionysius in hac collatione voluerit, hæremus. Tamen & ex Plutarcho simplicius colligas Athenarum ambitum, qui (in Niciâ) de *Syracusarum* magnitudine differens, addit, *urbem Athenis non angustiores*. Quantæ illæ igitur Syracusæ? *Centum octoginta stadiorum*, scripsit Strabo: atque ita haud longè à Dione Chrysostomo abimus; sed nec à Plinio, de ipsâ Româ, cuius locus innox videndus. **AVD.** Quid per ambages colligis? res hodieque liquet. & muri illi antiqui Romani ambitum habent non nisi *XIIII. aut XV. milliarium*, ut notant qui dimensi. Quid ergo ambigis? **LIPS.** Hos istos, veteres non fuisse. Multa sunt, quæ arguunt: sed ipsa maximè forma sic enormis, & alibi sinuans introrsus, alibi protrahens extrorsus: prorsus, ut non à prisca illâ accuratione & elegantia, sed à novitiâ aliquâ necessitate impositum & subitum opus videatur. Neque ambigendum est, ut innox dicam. Sed de veteri igitur ambitu, etiam Plinij locum, ut dixi, videamus, qui ex professo describit: *MOENIA eius collegere AMBITV, Imperatoribus Censoribusque Vespasianis, passuum XIIII. millia ducenta. Complexa montes septem, ipsa diuiditur in Regiones XIIII. compita earum CCLXV. Eiusdem spatij mensurâ currente à Milliario, in capite fori Romani statuto, ad singulas portas, efficit passuum per directum xxx. millia, DCC. LXV. Ad extrema verò telorum cum castris Pratorijs, ab eodem Milliario, per vicos omnium viarum, mensura colligit paullo ampliùs Lxx. millia passuum.* Rem totam hîc habeas, si verba hæc aut tenebras suas, aut & vitia, non haberent. Inspiciamus. *Mœnia ambitu colligere facit passuum XIIII. millia.* Sanè hoc sit pro hodiernæ Romæ modo, si modò lectio firma: quam & prisca libri sollicitant, *xxx. millia* scribentes; & Leander, atque alij superioris ætatis, qui *xx. millia* legerunt, & defenderunt. Pergit, *Eiusdem spatij mensurâ currente à Milliario.*) Intellego idem spatium, totum illum ambitum, & co-

*De quâ
Dio, Tacitus,
& scilicet

inclusum. Hoc, inquit, spatium si metiris: unde? à *Milliario*: & intellegit *Columnam* illam *Auream* in foro Romano staturam, in quam *Italia omnes viæ finiunt*, vt ait Plutarchus. Augusti hoc institutum fuit, qui & posuit *Columnam*, & ab eâ voluit currere mensuras. Pro hoc igitur more Plinius metitur, non à portâ ad portam (vt video quosdam suspicari) sed palâm à *Miliario*, quod quasi in vrbe mediâ, ad singulas portas. Sed numeri eius manifestò falsi sunt. Si xxx. millia ad quamque portam: ergo in totâ diametro LX. sunt: ergo in ambitu, *centum octoginta*. quo quid absurdius? Et simile erit, etsi minus, si à portâ ad portam xxx. sint, vti voluit. nam tunc certè triplicatâ diametro, vt solet, exsurgent milliaria in ambitu *nonaginta*: an ipsis fatendum, aut nobis credendum? Iam in vltimâ mensiōe, *ad extrema teletorum*, inquit, *ab eodem Milliario, LXX. millia passuum*. Id quoque qui potest? crescent supra modum hæc in ambitu, nec video excusanda. Vt mihi nunc videtur (meliora auidè semper audiam, capiam, vel potius arripiam:) sed vt mihi nunc, Plinij numeri isti corrupti sunt, & sic reformandi. *Maxima collegere ambitu passuum xxiiii. millia*. Hoc primum pono, tantam fuisse Romam: aut si placet, *xxii. parum in vno alteroque milliari est*. Vnde doceo? ex Olympiodori quibusdam Excerptis Græcis: in quibus ad verbum est, *Romæ vrbis murus mensuratus ab Ammone geometrà, quo tempore Gothi primam inuasionem fecere, habebat spatium vnus & viginti miliarium*. Iste vno milliario minus, quod alius addit: & Martinus Polonus, qui Chronicon scripsit: *In circuitu*, inquit, *Romæ sunt milliaria vigintiduo, præter Transiberim & Leoninam ciuitatem, cum quibus dicitur habere quadraginta duo millia*. Vnde hæc habes Martine? ex aliquo veterum: nam pro tuo æuo, vtrumque hoc planè est falsum. At pro veterum, & verbis Plinij, planissimè verum. Pro verbis, dico, Plinij corrigendis, & porrò videamus. Nam altera mensura erat, à *Milliario ad portas xxx. millia*. Ego dico scribenda ∞ ∞ ∞: id est, *tria millia*. Et quis nescit ex ignorantia harum notarum sæpe, cum in Plinio, tum Liuiο, & alibi, peccatum? Nam putarunt *Denarias* notas esse: & inde nata illa *millia xxx*. Atqui aliter est; & sic si emendas, quanta proportio & consensus? Roma habet in ambitu *xxiiii. millia*: à milliario ad

ad

ad portam, tria milliaria & passus septingentos sexagintaquinque: ergo in plenâ diametro, septem millia quingentos triginta: hanc triplica, nōne xxii. & semis in ambitu redduntur? At Plinius neglexit aut insuper habuit de dimidio, & rotundè xxii. aut xxiii. dixit. Simile in mensurâ vltimâ, quæ ad extrema testorum colligit Lxx. millia. Tu verò fac septem millia: & rem factam habes. Dupliciter enim metitur. à milliario primū in ad ipsos muros portasque: deinde ab eodem, ad extrema testa. Quare hoc? liquet enim Romam, quasi duplicem fuisse: & clausam muris; & alteram non clausam, quæ tamen in orbe circumiecta esset, & continentibus ædificiis instructa. Vtramque igitur dimensus, dicit hanc vltimam in semidiametro septem milliaria habere: duplica, sunt quattuordecim: triplica, erit ambitus iustissimè, quadraginta duorum. Et nōne hoc ipsum est igitur, quod Martinus dicebat? Addo probationem huic numero alteram, ex Vopisco. Is de Aureliano Principe: Muros vrbs Romæ sic ampliavit, vt quinquaginta PROPE millia murorum eius ambitus teneant. Quod tamen Zosimus Probo Imperatori perfectum opus adscribit. Si igitur tunc quinquaginta propemodum (nam id notat:) ergo iamantè facillè ambitus ille ædium extrimarum, quadraginta duorum: quia muri noui longius etiam paullò ab ædibus remoti. Ego in hac re nihil incerti vel infirmi video, nisi quòd libido quibusdam est dissentienti. Sed ò boni, an adeò tale nihil alibi? Ecce, in ipsâ Italiâ vrbs Locrorum (nec ea inter has maximas) duodecim millia in ambitu habuit, quod Liuius scripsit. Capuam superasse, non mihi videtur ambigendum. Quid Carthaginem illam, Romæ æmulam? xxii. millia passuum circumdedit, vt manuscripti Orosiani codices præferunt; siue xxiiii. vt Epiroma Liuiana. Ipsa Constantinopolis olim xxii. vt hac quoque parte compar matri suæ esset. Denique ad Tataros & Sinenses si abeunt, hodie reperient exempla. Desino, & satis firmasse videor: nisi quòd opponi nobis possunt (nihil enim dissimulabo, & ipse subiiciam) duo. Prius, quòd *Milliarium* non videtur iustè fuisse in vrbe mediâ, atque ita mensuratio faller. Nam fuit in capite, vt Plinius ait, *fori Romani*: atqui ab eo ad Tiberim, non par reliquæ vrbi spatium videtur, & maximè quòd

quòd ibi *Campus Martius*, omnium consensu, extra urbem. Respondeo. vt nunc quidem Roma est, non planè inedium illic esse fortasse (metiar, si illic sim : nunc tabulis credo:) sed olim videtur fuisse. Sanè Victor, & Notitia Imperij, in foro ipso Romano, nec longè à *Milliario*, *Vmbilicum urbis* ponunt. Sed esto tamen non exactè in medio : quid refert? non sic *metropoli* omnia, & ad lineam regulamque veteres metiuntur. Non mouet me de *Campo Martio*, quem fateor extra pomerium habitum, & intra mœnia tamen fuisse. Nónne idem in *Auentino*? qui vsque ad Claudij tempora, in pomerio habitus non fuit, & tamen à Regum tempore urbi inclusus. Et campus quidem Martius etsi olim non erat, tamen Iulius Cæsar (quod Cicero ad Atticum scribit) destinabat eum includere: quî scio an non Augustus fecerit? nam & is pomerium protulit: an denique non Nero? quem ego præcipuè puto in totâ Româ mutasse & innouasse. Et ab eo sanè facies & forma est, quam Plinius descripsit. Alterum, quod obijci potest. Olympiodorum non nisi *viginti & vnum* milliaria attribueret sub Honorio, cùm Roma capta fuit: vbi ergo illa *quadraginta duo* nostra, vel Aureliani *quinquaginta*? Respondeo, fuisse, & desisse. Nam ecce cùm Constantinus sedem imperij transtulit, & vnâ secum tot nobiles familias abduxit, frumenti etiam trientem abstraxit, denique seipsum & Aulam: nónne probabile est, Romam iterum valdè minuisse? idque in extremis & longinquis maximè, vt solet: atque ita reditum, collapsis aut disiectis Aureliani muris, ad veterem ambitum & modum. Alioqui & alterum mihi argumentum non inualidum pro tanto ambitu est, ex ipso Victore & Rufo, qui *Regiones urbis* singillatim dimetiuntur. Sunt igitur quædam, vt illa *Auentini*, quæ habent in ambitu *xxxiii. millia. cccc. lxxxviii. pedes*: nónne ea reddunt *sex milliaria* amplius & *semissem*? Quid in reliquis illis *xiii*? in quibus vna item aliqua *xxx. millia pedum* habet, aliæ ferè *xvi. xv. xii*: & minima omnium *xi*. Profectò ex his iunctis ingens ambitus exsurgit, & (computa si lubet) propemodum ille noster. Sed tertio aliquis dixerit, quod tu antea, muros hodiernos contra nos esse. Sunt. tu veteres eos potes credere? & ita nescis toties dirutam, incensam, vasta-

vastatam : iterumque instauratam & refectam esse? Noli arbitrari quòd in iisdem vestigiis. nam quâ spe eiusdem frequentiae, aut felicitatis? Imò Honorius contraxit, post Belisarius, Narfes, denique & Pontifices Romani. è quibus *Hadrianus primus* (vt Blondus tradit) *muros eos, qui nunc exstant, centenis aureorum millibus è Thuscâ contractis, exstruxit.* Sed hæc apud alios leges: ego sententiam meam sine fuco liberè, & item sine pertinaciâ (quod profiteor) dixi. Hic autem sistit me & percutit miserans quædam cogitatio. Ego te Roma illa vetus, & speciosa super omnes usquam aut vmquam vrbes, non solum non video, sed etiam quæ fueris, quæro? Quæ fueris? imò & vbi fueris: & quî scio, an non & aliquando, vtrum fueris quaeretur? Non magis hoc mirum, si sæcla plura current, quàm nunc de Thebis Ægyptiis aut Troiâ dubitari. Nam habet hoc ætas, vt formam primò tollat, tum rem, tum famam & nomen. O spes & res humanæ, quid estis? quò itis? huc flectite. En potens & superba illa Roma, quæ VRBS AETERNA audiebat; quæ VICTVRA CVM SAECVLIS; quæ DEORVM OPVS ET CVRA, tota periit, condita in ruinis suis iacet, & laboramus cruere, & adstruere magnitudini eius fidem.

CAP. III.

*Magnitudo Suburbiorum Roma, & hominum
in totâ Româ multitudo.*

SEd philosophandi alibi sit locus: curramus nunc institutum cursum. Romam igitur duplicem habemus, veteri ambitu, & nouo: est & tertia quædam sine ambitu, & quæ in suburbiis procurrit. Ea quoque ingens, & Plinij imagine ostendenda: qui ait, *exspatiantia tella multas addidisse vrbes.* Plures, inquam, sunt vrbes, & tot quot suburbia ipsa. Quæ Tybur, Oriculum, Ariciam, atque aliò excurrabant, sed maximè Ostiam & mare versus: Illuc vel ad xv. aut circiter milliaria procedebant: & fidem huic assertioni Neronis consilium ac destinatio faciat. cui ab hac causâ visum, *Ostiam tenuis* (ait Suetonius) *mania premouere, atque inde fossâ mare veteri vrbi inducere:* cû non effecit.

De hac magnitudine iam suo auctore Dionysius : *Omnia loca circa urbem habitata, sine manibus esse, in quæ si quis intuens MAGNITVDINEM ROMÆ exquirere velit, frustra eum fore, & basurum ubi desinat vrbs, ubi incipiat. Ad eò suburbana, inquit, ipsi vrbi adherent & innexa sunt, & speciem IMMENSÆ LONGITVDINIS exhibent spectanti.* Atque cā mente alibi scripsit, *nullam urbium Græcarum siue Barbararum, vel spatij habitati amplitudine, vel imperij, tantam fuisse.* At maior etiam maiorque post illum, & Aristides Rhetor (sub Hadriano vixit, cū vrbs in summo flore) comparat eam non ineptè cum Homericā niue: *quæ excelsorum montium iuga operit, & agros item ac pingua virorum culta.* & addit : *Descendit etiam & porrigitur AD MARE ipsum, ubi commune est emporium, & omnium è terris gignentium distributio.* Atque idem haud vanā *μεγαλουργία* : *Tantam Romam esse, vt in quacumque parte quis constiterit, nihil impediat & in mediâ eum esse.* Quem locum hæc talia habeant, nisi in magnitudine istâ adstruētā? At tu vultu renides, & fortasse animo dissentis. AVD. Etiam verbis, si licet. LIPS. Licet verò, atque ad eò inuito. AVD. Nam quæ tu sic extollis & producis, Ostiam, Tybur, aliò, hæc omnia ego atque alius dixerit, non habitata ædificia, aut vrbs partes, sed Villas, Prætoria, & voluptarias eiusmodi domos fuisse. LIPS. Sanè alius hoc iam dixit: memini: sed quem reiicit, præter dicta, multitudo infinita hominum, quæ in vrbe hac totâ fuit. Opportunè enim & hoc argumentum addam pro magnâ meâ Româ. Possumusne igitur satis certò eam multitudinem colligere & adfirmare? possumus è vestigiis scriptorum, quæ sagaciter ibo indagatum. Ex lapide Augusti, sæpe iam nominato, itemque è Sætonio constat, *trecenta viginti millia* aliquando fuisse plebis vrbanæ: plebis dico tenuioris, & quæ è publico victitaret: imò suprâ. Considera, & institue ratiocinium: si tanta multitudo inopum istorum, quanta iam etiam diuitem? Quot illi Senatores aut Senatorij, quot equites, & ex ipsâ plebe honesti? Vñ illos quoque *trecenta millia* fuisse? age, sunt vel *ducenta* tantum: quid conficitur? pueros feminasque addendas: & quo numero? profectò duplo triploque (si non vltâ) superarunt: & ita vbique gentium aut urbium obseruamus. Si placet igitur, consumma: habemus iam nunc

iam nunc in nostrâ Româ (vix audeo dicere) *duos hominum mil-
liones*. Quid tamen trepido? verum fortiter dicendum est, &
plura etiam addenda. A V D. Plura? at vereor ne iam nunc ex-
tra veri metas iueris, certè opinionis. L I P S. Plura inquam, &
vide. Nónne probabile est totidem seruos Romæ, quot libe-
ros fuisse? A V D. Socratis instituto mecum agis, & interrogan-
do inducis. Sed ego circumnueniri metuo, tu tibi responde.
L I P S. Fiat. dico totidem, dico plures. Nam tenuium quo-
tusquisque fuit (vt nunc mores) cui non vnus alterve seruulus?
At diuites illi agmina eorum, * *agmina dico (& sic Ammia-
nus loquitur) post se trahebant*. Vnus Pedanius Costa in Tacito,
quadringentos seruos sub recto suo & domi habuit, cum ab vno
eorum est interfectus. Seneca Romanis suis obiicit *seruorum
turbam, quæ quamuis magnam domum angustet*. Et crede mihi ne-
mo diuitum istorum aut lautorum fuit, cui minus centenis
aut ducenis: qui in varia sua officia aut munia diuisi. Sed quid
ambio, aut argumenta colligo? cape certum & fidei notum te-
stem, iterum Senecam, de suo æuo: *Dicta est aliquando sententia
in Senatu, vt seruos à liberis cultus distingueret*. Deinde apparuit,
quantum periculum immineret, si serui nostri numerare nos cepissent.
Quid clarius dici potest, seruos plures liberis fuisse? Nec sic ra-
men omnes habemus: adde. A V D. Abeo. L I P S. Quid tibi est?
A V D. Nam tres aut quattuor milliones mihi iam strewis, quan-
tum nec in prouinciis quibusdam aut regnis. Quis hæc ferat?
L I P S. Si ferre non vis, deijce: per me licet. Tamè rem tuam iam
sum dicturus. A V D. Rem incam? L I P S. Tuam. peregrinos tra-
duco Romam. A V D. Hem, hem maneo, ô siste me illuc. L I P S.
Ecce. dico Peregrinos ex toto orbe Romam olim venisse, alios
negotij sui causâ, alios publici, multos & mansionis. Ita semper
ea vrbs referta iis, cum hi inirent, alij exirent: atque ipsa, vt
mare, admitteret, emitteret, nec cresceret minueretve. Itaque
Aristides Româ dicit esse, *velut COMMUNE TOTIVS TERRÆ
OPIDVM*. Item, *omnes gentes, quasi vicatim diuisas, ad hanc suam
arcem conuenire: quæ nunquam vlli se negat, sed vt terræ solum fert
omnes, sic hæc OMNES HOMINES capit*. Athenæus quoq; cum eo:
apud quem ORBIS POPVLVS Romani dicuntur, ab hac causâ:
ipsa VIDS, ORBIS COMPENDIVM ET EPITOME: quæ Polemonis

* Vide su-
pra lib. II.
cap. xv.

De hac magnitudine iam suo aëo Dionysius : *Omnia loca circa urbem habitata sine moribus esse . in qua si quis intuens MAGNITVDINEM ROMAE exquirere velit , frustra cum fore , & hasurum ubi desinat vrbs , ubi incipiat . Adèd suburbana , inquit , ipsi vrbi adhaerent & innexa sunt , & speciem IMMENSÆ LONGITVDINIS exhibent spectanti .* Atque cā mente alibi scripsit , nullam urbium Græcarum siue Barbararum , vel spatij habitati amplitudine , vel imperij , tantam fuisse . At maior etiam maiorque post illum . & Aristides Rhetor (sub Hadriano vixit , cū vrbs in summo flore) comparat eam non ineptè cum Homericā niue : *quæ excelsorum montium iuga operit , & agros item ac pingua virorum culta .* & addit : *Descendit etiam & porrigitur AD MARE ipsum , ubi commune est emporium , & omnium è terrâ gignentium distributio .* Atque idem haud vanā magnitudinem : *Tantam Romanam esse , vt in quacumque parte quis constiterit , nihil impediat & in mediâ eum esse .* Quem locum hæc talia habeant , nisi in magnitudine istâ aditructâ ? At tu vultu renides , & fortasse animo dissentis .

AVD. Etiam verbis , si licet . LIPS. Licet verò , atque adèd inuito . AVD. Nam quæ tu sic extollis & producis , Ostiam , Tybur , aliò ; hæc omnia ego atque alius dixerit , non habitata ædificia , aut vrbs partes , sed Villas , Prætoria , & voluptarias eiusmodi domos fuisse . LIPS. Sanè alius hoc iam dixit : meministi : sed quem reiicit , præter dicta , multitudo infinita hominum , quæ in vrbe hac totâ fuit . Opportunè enim & hoc argumentum addam pro magnâ meâ Româ . Possumusne igitur satis certò eam multitudinem colligere & adfirmare ? possumus è vestigiis scriptorum , quæ sagaciter ibo indagatum . Ex lapide Augusti , sæpe iam nominato , itemque è Suetonio constat , *trecenta viginti millia* aliquando fuisse plebis vrbane : plebis dico tenuioris , & quæ è publico victitaret : imò suprà . Considera , & insitue ratiocinium : si tanta multitudo inopum istorum , quanta iam etiam diuitum ? Quot illi Senatores aut Senatorij , quot equites , & ex ipsâ plebe honesti ? Visne illos quoque *trecenta millia* fuisse ? age , sunt vel *ducenta* tantum : quid conficitur ? pueros feminasque addendas : & quo numero ? profectò duplo triploque (si non vltra) superarunt : & ita vbique gentium aut urbium obseruamus . Si placet igitur , consumina : habemus iam nunc

iam nunc in nostrâ Româ (vix audeo dicere) *duos hominum mil-
liones*. Quid ramen trepido? verum fortiter dicendum est, &
plura etiam addenda. A V D. Plura? at vereor ne iam nunc ex-
tra veri metas iueris, certè opinionis. L I P S. Plura inquam, &
vide. Nónne probabile est totidem seruos Romæ, quor libe-
ros fuisse? A V D. Socratis instituto mecum agis, & interrogan-
do inducis. Sed ego circumueniri metuo, tu tibi responde.
L I P S. Fiat. dico totidem, dico plures. Nam tenuium quo-
tusquisque fuit (vt nunc mores) cui non vnus altèrve seruulus?
At diuites illi agmina eorum, * *agmina dico (& sic Ammia-
nus loquitur) post se trahebant*. Vnus Pedanius Costa in Tacito,
*quadringentos seruos sub tecto suo & domi habuit, cum ab vno
eorum est interfectus*. Seneca Romanis suis obiicit *seruorum
turbam, quæ quamuis magnam domum angustet*. Et crede mihi ne-
mo diuitum istorum aut lautorum fuit, cui minus centenis
aut ducenis: qui in varia sua officia aut munia diuisi. Sed quid
ambio, aut argumenta colligo? cape certum & fidei notum re-
stem, iterum Senecam, de suo aëro: *Dicta est aliquando sententia
in Senatu, vt seruos à liberis culens distingueret*. Deinde apparuit,
quantum periculum immineret; si serui nostri numerare nos cepissent.
Quid clarius dici potest, seruos plures liberis fuisse? Nec sic ra-
men omnes habemus: adde. A V D. Abeo. L I P S. Quid tibi est?
A V D. Nam tres aut quattuor milliones mihi iam struis, quan-
tum nec in prouinciis quibusdam aut regnis. Quis hæc fectat?
L I P S. Si ferre non vis, deijce: per me licet. Tamè rem tuam iam
sum dicturus. A V D. Rem meam? L I P S. Tuam. peregrinos tra-
duco Romam. A V D. Hem, hem inanco, ô siste me illuc. L I P S.
Ecce. dico Peregrinos ex toto orbe Romam olim venisse, alios
negotij sui causâ, alios publici, multos & mansionis. Ita semper
ea vrbs referta iis, cum hi inirent, alij exirent: atque ipsa, vt
mare, admitteret, emitteret, nec cresceret minueretve. Itaque
Aristides Româ dicit esse, *velut COMMUNE TOTIVS TERRAE
OPIDVM*. Item, *omnes gentes, quasi vicatim diuisas, ad hanc suam
arcem conuenire: quæ nunquam vlli se negat. sed vt terra solum fert
omnes, sic hæc OMNES HOMINES capit*. Athenæus quoq; cum eo:
apud quem ORBIS POPVLVS Romani dicuntur, ab hac causâ:
ipsa VRBS, ORBIS COMPENDIVM ET EPITOME: quæ Polemonis

* Vide su-
pra lib. 11.
cap. 25.

Sophistę, apud Galenum, vox & elogium fuit. Eadem *vrbs vr-
bium*: quia *videre in eā est omnes vrbes collocatas*. deinde addit :
*Deficiat non vnus dies, sed quotquot habet annus, si quis adnumerare
conetur OMNES VRBES IN CAELESTI istā vrbe positas: idque
ob nimiam copiam. Nam & TOTAE NATIONES illic simul &
conferim habitant: vt Cappadocum, Scytharum, Ponticorum, &
aliarum complures. At tu iterum renides. AVD. Et renitor quo-
que. an Græcis his credam, & sic oratorię loquentibus? Dies
deficiat & annus numerantem: item, Tota nationes habitant: &
ista, quæ tu scis dici in speciem, in re non esse. L I P S. In re non
esse? audi, audi: quoniam Græcis parum apud te est fidei (etsi
in hac re Romanā & exterā debebat) audi, inquam, Romanum
igitur testem, & eum Romanā fide ac candore. Is est Seneca
noster, qui sic ad Heluiam matrem: *Aspice hanc frequentiam,
cui vix vrbs IMMENSÆ TECTA sufficiunt: MAXIMA PARS
illius turbæ patriā caret, ex municipiis, ex coloniis suis, ex TOTO de-
nique ORBE TERRARVM confluxerunt. Quid ea verba tibi
videntur? vrbs immensa tecta vix capere incolas: item, maximam
illorum partem, exteros esse: denique ex toto orbe eò concurriri. Et
ista mox iterat: ac postquā causas recensuit passim veniendi
varias (lege, & iucunda sunt:) addit: NVLLVM non HOMI-
NVM genus concurrir in Urbem, & virtutibus & vitis magna
præmia ponentem. Iube hos omnes ad nomen citari, & Unde domo
quisque sit, quare: videbis MAIOREM PARTEM esse, quæ relictis
sedibus suis venerit in MAXIMAM quidem ac PVLCHERRIMAM
urbem, non tamen suam. Quid Lucanus? nōne Romam asserit,
—populis, viciisque frequentem**

Gentibus, & GENERIS, cōcāt si turba, CAPACEM

HVMANI?

Totum orbem hīc includi potuisse ait: & quid potest clarius
pro multitudine, siue & magnitudine nostrā dici? Idem poëta
—mundi face repletam Romam scribit: ad tot scilicet illas natio-
nes aspiciens (ex Athenæo audisti) quæ incolebant: totæ in cer-
tis partibus aut regionibus etiam collocatæ. Ita Iudæi trans
Tiberim, alij alibi: atque etiam cœtus & concilia sua habue-
runt. Suetonius indicat in Iulij funere: *In summo publico luctu,
exterarum gentium multitudo, suo quæque more, luctuata est. Vt iam
igitur*

igitur hoc claudam & definiam, putâsne & Seruos & Peregrinos minus *duobus millionibus* fecisse? Ita in vniuersum sint *quatuor* Romæ, & circa eam: nec mitius aut contractius, vt scripta veterum sunt, ego possum. Suspensum te animi video: & ego ipse pænè fluctuo: sed validi illi ventri Auctoritatum nauum nostram huc impellunt, *sistamus* & in anchoris firmemus. A v d. Non sanè id potest. nondum in tranquillo es, ne puta. Mihi quoque adspirant venti, & ecce ab Oriente. Alexandria illa sic celebris, sic maxima, sic omnium confessione post Romam secunda, non nisi *trecenta millia* habuit *liberorum capitum*: quod Diodorus tamen quasi pro re magnâ posuit, & adfirmavit. Atquin ea nec multo Româ ipsâ minor. LIPS. Respondeo, Alexandriam longè Româ illâ triplici dictâ minorem esse: & cuius ambitus ex Plinij dimensione, non nisi *quindecim miliarium* esset. Nostra igitur maior: & ipsum hoc de Alexandriâ, contra vulgatam opinionem valeat, de Româ sic paruâ. At verò de incolis, quòd paucos eos facere Diodorus videtur: videsis, & inquire. *De liberis capitibus* dumtaxat definiuit: vbi serui igitur? vbi etiam exteri & aduentores, qui in tali negotiosâ vrbe sanè multi? Hæc attendenda sunt, sed istud maximè. quod Diodorus de suo æuo scripsit, id est Ptolomæi penultimi, & Romanæ adhuc libertatis. Atqui tunc Alexandria nondum in flore illo & culmine, ad quod sub Principibus demum peruenit. Quid autem de *trecentis millibus* magnum sit, cum Cæsarea Cappadociæ (nec ea inter vrbes principes) *quadringenta millia* incolarum habuerit? Zonaræ hoc ita proditum, vt testem etiam aduocem: & hunc ipsum numerum, aut circa, Parisiorum nostra Lutetia in censum deferebat, ante vltimas istas turbas. Quid, quod Diogenes Laërtius in Empedocle prodidit, *Agrigentum Sicilia olim octingenta millia hominum inhabitasse*? Plura eiusmodi exempla sunt: sed hodie, nonne *Cairum* in Ægypto scribitur ad *septem miliones* hominum habere? & *Quintæ* illud famosum, ad *sedecies centena millia* (stupeſco) familiarum? Præ quibus nostra illa frequēs Roma decreſcat, & dum fidem adstruo, perdam admirationem. A v d. Non apud me, stupeo. & ecce hodierna Roma, quàm relinquitur & abest? LIPS. Nulla comparatio: si frons est, omitte. Paullus Iouius

pro magno scripsit, *Leonis Decimi temperibus, cum omnia infelici
 vbertate & pace, censa Roma octogintaquinque millia civium &
 inquilinorum: at verò, post cladem sub Clemente Septimo acceptam,
 iterum censu inito, vix ad trigintaduo millia peruentum.* Quid ver-
 bis hic opus est? vnus pænè veteris Romæ vicus sit tam fre-
 quens. Nec mirum est. nam ista hodierna, præcipuos illos
 colles & valles etiam, vacua habet & deserta. **AVD.** Optimè.
 is sponte, quò ducebam. Nam nōne & tua vetus *compluria ha-*
bet illa vacua? Vbique obuia templa, porticus, basilicæ, thea-
 tra, circi, fora, balneæ, thermæ, cetera publica: quæ vel magnam
 partem, si non inaximam, vrbis occuparunt. Descede aut re-
 siste, si potes, huic etiam vento. **LIPS.** Resisto, plenis velis,
 prorâ obuersâ. Nam ista quæ tu vacua perperam putas, ego
 aio plenissima fuisse. Balneas & Thermas nominasti: quid? an
 non in ijs multitudo curantium, ministrantium, ad obseruan-
 dum, purgandum; aquam aggerendam; lauandum etiam, fri-
 candum, vngendum, si quis seruum non habuisset? Templa au-
 tem, Basilicæ, Fora, suos custodes & ædituos habebât, satis gran-
 di sanè numero, ob sacrificia, ob ornatum, & tutelam. Et pas-
 sim curatores, & serui item publici, in publicis istis locis. Sed
 duo etiam ego omisi, valdè ad frequentiam vrbis, Milites, &
 Palatinos. Milites tot illi, in præsidio Principis aut vrbis erant:
 ijs sui calones, & honestioribus serui plures: sciro certò vel ad
centena millia excreuisse. At Palatinos dico, totam Principis au-
 lam: in quâ quot officia aut ministeria fuisse dicemus? Lapidés
 antiquos inspicere: dicent in parte, & suggerent materiem tibi co-
 gitandi. Est & tertium, sed verecundè vix dico. Meretrices &
 scorta vtriusque sexus (proh pudor! sed res ita fuit) ingentem
 numerum reddiderunt, vt in vrbe quam multi cælibes, multi
 exteri sine vxoribus, inhabitarent aut frequerarent. Quid iam
 gladiatores, venatores, scænici, quadrigarij, xyfici? multa mil-
 lia fuerunt. & ad summam, mi Auditor, desine reflare amplius
 & opponere; aut, vides, longiùs longiusque res hæc ibit. **AVD.**
Quiesco tuâ causâ, & credò (vt sic dicam) nec credens. Tamen
 vnum etiam quæsierim: si tot illic millena millia, vnde ijs ci-
 bus? **LIPS.** Hoc meritò & quæris, & ego decidam, sed paucis Se-
 necæ verbis. *Cogitate, inquit, hanc civitatem, in quâ tui ba per la-*
tissima

tissima itinera, sine intermissione defluens, eliditur; in quâ consumitur, QUIDQV D TERRIS OMNIBVS aratur. Orbis, inquam, pænè totus hanc suam metropolim adibat, & alebat: quid ambigis alimenta suffecisse? Imò repete quæ suprà dixi, de Frumentatione: & nunc Aristidis hæc audi. *Mare per medium vestrum imperium porrigitur, cui vndique ample regiones adiacent, necessaria pleraque vobis subministrantes. Nam ex OMNI TERRA MARIQVE, quidquid vel anni tempora gignunt, vel regiones singule, flumini, lacus, artesq; item & ingenia tum Græcorum tum Barbarorum proferunt, ID OMNE ad vos defertur. Itaque si quis talia omnia videre desiderat, is vel per totum orbem peregrinetur necesse est, vel in vestra istâ urbe versetur. Quidquid enim apud alios vel crevit, vel conficitur, hic affluit & abundat. Tot autem & tantæ onerariæ naues singulis anni temporibus appelluntur, vt vrbs COMMVNIS QVAEDAM ORBIS OFFICINA videatur. Ecce, merces vndique habes, copias vndique, frumenta, fructus. Nec plura opus de alimentis: addamne duo argumenta etiam multitudinis, atque vnum ex ijs iocosum? Lampridius scribit, Heliogabalum seruis imperasse vt omnes araneas colligerent in vrbe: atque eos collegisse ad decem millia pondo. additque Heliogabalum subiecisse, *Vel hinc intelligendum QVAM MAGNA ROMA esset. Verum est: & quot domorum angulos excuti oportuit, ad hoc pondus? & quidem domorum per omnes angulos ferè habitatarum? Alterum argumentum triste, & à peste. In Eusebij Chronico traditur sub Vespasiano (etsi verius Tito) Ingentem Romæ luem factam, ita vt PER MVLTOS DIES in ephemeridem decem millia mortuorum reserrentur. Decem millia nempe in dies singulos: nec nimium pro Româ: quando in Cairo etiam lego, ad xx. ∞. hominum in dies assumpta. Itaque & in Suetonij Nerone quod vulgò legitur: *Accesserunt tantis ex Principe malis & fortuita quedam. pestilentia vnius Autumni quâ xxx. suorum millia in rationem Libitina venerunt*: id falsum prauumque mihi est. Quid enim in magnâ illâ Româ magni, cum in nostris opidis ea sint exempla? Omnino rescribendum, *trecenta millia*: & interpretes debebant aduertisse. Concludo, & monco, per hanc frequentiam Romæ factum, vt paullatim Italia pænè deserta esset; cum plerique eò confluerent, ob frumentationes, ludos, & alios**

vñus

*notis vñis
vñis iñ
pñis

CA. XXXII.

vfus aut voluptates. Varro iam suo æuo conqueritur, *plerosque ex agris in urbem correpsisse, & maluisse manus in theatro mouere, quàm in aratro.* Quod maximè fuit, post Frumentationes sic largiter & firmiter institutas: cñs Lucanus caussam in ciuile bellum conijcit: quasi ab eo stirps Italiæ sic accisa. Sed de solitudine quidem, eadem canit:

— *videmus*

Tot vacuas vrbes. generis quò turba redacta est

Humani? toto populi qui nascimur orbe,

Nec muros implere viris, nec possumus agros:

VRBS NOS VNA capit.

Quod postreimum epiphonema sanè eximium, pro eximiâ nostrâ Româ.

C A P. IIIL

De adificiis vrbis Roma communiter, & eorum altitudo.

ET Roma quidem tanta & tam frequens fuit: inimus nunc ipsam, & perambulamus, & lustramus? AVD. O si quis Deus olim hoc mihi dedisset! ô si quis nunc quoque vel per somnium in eâ sistat! LIP S. Ego is ero, confide. somnia dicam, & umbras, præut ipsa res & pulchritudo fuit. Periti viri est, mihi crede, non dicam describere, sed capere & credere qualis & quanta ea Roma fuit. Conabor, & minutula dicam: & vel sic fidem fortasse non inueniam. quid refert? aëri & herbis meis hæc sim locutus. Tria in vrbe miranda canit Claudianus:

Quà nihil in terris complectitur ALTIVS aër,

Cuius nec SPATIVM visus, nec corda DECOREM,

Nec laudem vox vlla capit.

Altitudinem ecce laudat, *Spatium*, & *Decorem*. De *Spatio* dictum, duo alia exsequamur. Quæ est *altitudo*: siue in collibus ipsis ædificatio, pulchrâ speciei; siue singillatim in operibus ipsis. Quod ad colles, quomodo non bellum, videre eos publicis priuatîsq; ædibus infessos, gradatim declinantes; & velut superas quâdam

- dam vrbes, vrbi inferæ imminentes? Omnino fuit ea facies: & pulchrè expressit Aristides. *Nec verò, inquit, superficiem solum soli occupat, sed longè supra exemplum in aëra altissimè ascendit. Et sicut vir aliquis, qui robore & magnitudine excellit, alios quoque in se sublato ferre gaudeat: ita & hac non quiescit, nisi & alias aequales sibi superimpositas vrbes, alteram super alteram ferat: quod nominis eius fert ratio, totumque hoc quod hic videmus, robur & valentia est.* *Adèd ut si quis eam diligenter vellet evolvere & diducere, & quæ nunc in sublimi sunt vrbes, aliam iuxta aliam humi collocare, quidquid Italia reliquum est, id impletum mihi iri videtur: imò futura, vna aliqua vrbs ad Ionium vsque sinum.* Bellè & *ποικίλως*, non nego, attollit: sed hæ figuræ originem à re habent, nec quisquam putet elationes istas, nisi cum causâ & basi esse. Itaque & Plinius, verus & severus talium, cum de magnitudine dixisset: quò, inquit, si quis ALTITVDINEM *teclorum actat*, dignam profectò estimationem concipiat, fateaturque NVLLIVS VRBIS MAGNITVDINEM IN TOTO ORBE potuisse ei comparari. Quæ altitudo tamen in templis, aut publicis, fateor, maximè: vt in Rutilio, ad Romam:

Exaudi genetrix hominum, genetrixque deorum,

Non procul à calo per tua templa sumus.

Significat altissimè in aërem ea surrexisse: & quidni, cum collibus etiam sæpe imposita? Ceteræ ædes, non communiter sic altæ, nec humiles tamen fuerunt. Nam Augustus Princeps, cum ambitionem in ædificando videret atque altè attollendo, eamque cum discrimine & periculo ruinæ; siue etiam, quia aërem interciperent, & nimis inumbrarent: coercuit, vt in Strabone scriptum est, & *septuaginta pedes* definiuit in modo ædificiorum. Nero hoc ipsum postea secutus, cum ab incendio Romam instauraret, *cohibuit* (vt Tacitus ait) *altitudinem ædificiorum*. Sed modum non expressit noster: fueritque vel ille Augusti, quem oblitteratum, vt solet, iam reuocauit; siue is qui Traiano postea adscribitur à Victore, *pedum sexaginta*. Sed de priore ego malim. Dices. ergone tam miranda hæc altitudo? & nonne hodie magis educimus? Interdum, non nego: sed nec sic communiter: & hoc quoque cogita, multas ædes, & in primis omnes publicas, extra legem hanc fuisse. Quid, si autem & diuites

illi

Q

illi nobiles quæ neglexerint? ego arbitror, siue gratiâ impetratâ, siue & eâ neglectâ. Et titulus sanè fuit. quia lex in futuras nouas ædes cauebat, structas non diruebat, & fas easdem sic reparare. Quidquid tamen sit, si vulgò ædes omnes *septuagenium* pedum, satis conspicua ea altitudo: præsertim vbi tecta compluuiata, aut testudinata, quod sæpe. Nostra hæc pectinata, & in angustum surgentia, aliquid de dignitate minuunt, sed & capacitatem tollunt. In tali autem illâ altitudine, quid minus quàm quaterna aut quina canacula? quorum frequentia studebant.

Lib. 11.

Vitruuius: *In eâ autem maiestate vrbis, & ciuium infinita frequentia, innumerabiles habitationes opus fuit explicare. Ergo cum recipere non posset area plana tantam multitudinem ad habitandum in vrbe, ad auxilium altitudinis ædificiorum res ipsa cõgît deuenire. Itaque pilis lapideis, structuris testaceis, parietibus cementsijs, altitudines exstructæ, contignationibus crebris coactæ, & canaculorum summas utilitates perficiunt, & despectationes. Sed hæc de ædificijs nunc non exsequor: & satis de Altitudine libasse.*

CAP. V.

Decor & ornatus ædificiorum. Excerpta quadam, & primò de templo Capitolino exactiùs dictum.

AD Decorem transco, qui varius, in mole, in materiâ, in artificio, in symmetriâ, & siquid aliud elegantia aut peritia amat. In hac quoque parte, quin vrbs omnes orbis vrbes superauerit, nemo dubitet. nam & fidi auctores dicunt, & opes atq; ambitio Romana facillè persuadent: Quidquid artificum insigniorum Græcia aut Asia habuit, Romam euocabantur, aut vltro veniebant. quippe hîc præmia: & quidam ex ijs, quibus (vt Taciti verba vsurpem) ingenium & audacia erat, etiam qua natura denegauisset, per artem tentare. Sed primus aut præcipuus Decoris huius auctor Augustus, qui urbem, vt Suetonius ait, *neque pro maiestate imperij ornatam, & inundationibus incendijsque obnoxiam, excoluit aded, vt iure sit gloriatus, Marmoream se relinquere, quam lateritiâ accepisset. Alter ab eo, Nero Imperator. qui ambi-*

ambitione impulsus urbem incendit, ut nouam melioremque repararet. *Videbatur enim*, ait Tacitus, *condenda urbis noue, & cognomento suo appellanda, gloriam querere*. Itaque eius iussu, *urbis domus, non ut post Gallica incendia, nullâ distinctione, nec passim erecta, sed DIMENSIS VICORVM ORDINIBVS ET LATIS VIARVM SPATIIS, cohibita adificiorum altitudine, ac patefactis arcibus, additisque PORTICIBVS quæ frontem insularum tegerent*. Eaque porticus Nero sua pecunia exstructurum pollicitus est. Vides ibi quædam præclara & optanda in urbe, Ordines vicorum, Latitudines viarum, Porticus protegentes. Ut non temerè idem Tacitus *TANTAM resurgentis urbis PVLCHRITVDINEM* miretur, & scripto consignet. Quod tunc quidem publicè, sed & priuatim in omni incendio factum Seneca adnotauit: *Tirragenes, felicitati urbis inimicus aiebat, Romæ sibi incendia ob hoc vnum dolori esse, quòd sciret meliora resurrectura quàm arsisset*. Et sanè ita fuit, præsertim ad Traianum vsque; cum ab illo, & à Deo, culmen fuisse videtur pulchritudini urbanæ. AVD. Ain, tu, à Traiano? Constantino hanc laudem Nazarius tribuit, in Oratione ad ipsum: *Celeberrima quæque urbis nouis operibus enitescunt, nec obsoleta modò per vetustatem rediuiuo cultu insigniuntur, sed illa ipsa quæ ANTEHAC MAGNIFICENTISSIMA putabantur, NVNC AVRI LVCE fulgentia, INDECORAM MAIORVM PARCIMONIAM prodiderunt*. Vides quanto anteferat hæc noua, aut nouata, omnibus antiquis. LIPS. Ita, sed nempe apud Constantinum. Fidem autem laudationibus istis qui fideliter constare putat, ignarus est oratorij moris. Struxisse & instaurasse quædam illum Principem, lubens credo; quod ad veterem artem aut splendorem, da veniam, hodie non credam. Sed nos *Decorem* nostrum videamus, quem Plinius communiter sic dilaudat: *Ad urbis nostræ miracula transire conuenit, & sic quoque TERRARVM ORBEM VICTVM ostendere. quod accidisse toties penè, quot referentur miracula, apparebit. Vniuersitate verò acervata, & in quemdam vnum cumulum collecta, non alia MAGNITUDO exsurget, quàm si MVNDVS ALIVS QUIDAM in vno loco narretur*. Notentur ea & ad Decorem, & ad Magnitudinem malè controuersam. Sed & Cassiodorus vero & magno ore, de istâ urbe: *Ferunt prisca seculi narratores, fabricarum*

Lib. XXVI.

Lib. VII.

septem tantum terris attributa miracula. Ephesi *Dianæ templum*, regis Mausoli pulcherrimum monumentum, Rhodi Solis æneum signum, quod Colossus vocatur, Iouis Olympici simulacrum, quod Phidias formauit; Cyri Medorum regis domum, quam Memnon fabricauit, Babylonæ muros, quos Semiramis construxit; Pyramides in Ægypto. Sed quis illa ulterius præcipua putabit, cum in vnâ vrbe tot stupenda conspexerit? Habuerunt honores, quia præcesserunt tempore: & in rudi sæculo quidquid emerisset nouum, per ora hominum iure ferebatur eximium. Nunc autem potest esse veridicum, si VNIVERSA ROMA dicatur esse MIRACVLVM. Ecce consona vtriusque iudicia, sed & voces: & Romam totam, ac per partes, *Miraculum* esse, & inter prima mundi spectacula, iure censent. Vis autem paullò distinctiùs membra pulcherrimi huius corporis videamus? AVD. Te hoc quærere? non volo, sed auco, sed ardeo, vt vero verbo dicam. LIPS. Atqui ne nimis ardesce. nam ego non flumine te perfundam, sed leuiter aliquid aspergam è summis aquis. Tu te ingurgitabis, si voles, postea: viam designabo & præibo. Ego autem? an ducem potiùs alium quæram ex ipsâ antiquitate, qui ostendat? Esto Annianus, qui Constantij ingressum in vrbein Romam describens, ipsum intuentem & mirantem præcipua operum facit, atque ait: Proinde Romam ingressus, imperij virtutumque omnium larem, cum venisset ad RO-
STRA, perspectissimum prisca potentia FORVM obstupuit: perque omne latus, quò se oculi contulissent, MIRACVLORVM DENSITATE præstriclus, allocutus nobilitatem in CVRIA, populumque pro tribunali, in PALATIVM receptus fauore multiplici, letitiâ fruebatur optatâ. Deinde intra septem montium culmina, per accliuitates planiciemque posita vrbis membra collustrans, & suburbana; quidquid erat primum, id eminere inter alia cuncta sperabat: IOVIS TARPEII delubra, quantum terrena diuinis præcellunt; LAVACRA in modum prouinciarum exstructa; AMPHITHEATRI molem solidatam Lapidis Tyburtini compage; PANTHEON velut regionem teretem spaciôsâ celsitudine fornicatam; elatosque vertice scansilis SVGGESTVS consulum, & priorum Principum imitamenta portantes, & VRBIS templum, FORVMQUE PACIS, & POMPEII THEATRVM, & ODAEVM, & STADIVM, aliaque inter hac DECORA vrbis eternæ. En habes, qui digitum intendat, & ducat: tu sequere, & ardorem

dorem (ita loquebaris) restringuc. AvD. Iam risui & ioco me habes palam. LIPS. Egone? AvD. Tu, tu, & si noctua sum, sepius cantem. Nam nomenclatorem mihi das locorum, & paucorum quidem: ubi designator, enarrator, interpres? LIPS. Adest: ego pro copiâ & scientiâ aliquid dicam, sed nec ordine quidem Ammiani. Nam etsi præcipua ille tetigit; non placet tamen ordini à *Foro* aut *Rostris*, sed potius à *Templis*. Diuina, à quibus rerum hominumque ortus, præeant, & totum hoc pulchritudinis agmen ipsa ducant. Nominat ille quattuor templa, *Iouis Tarpeij*, *Panthéon*, *Vrbis*, *Paciis*. Quàm pauca è multis? nam primum hoc monco, *quadringenta vigintiquattuor templa Romæ fuisse*, quod in Notitiâ imperij proditum leges. Noli ambigere, quin pleraque ex his magnifica, & aliter atque aliter structa, vel instructa: sed Ammianus satis habuit, dignitate vel opere prima eorum dare. Itaque à *Tarpeio* exorsus est, siue *Capitolino*: non quia pulcherrimum fortasse, sed quia primum, & Dei principis; itemque quia multâ substructionum mole, & opibus ac tempore pleraque præibar. Alioqui Plinius, ubi magnifica operum recenser, hoc omittit: inò idem quasi irridet veteres, quòd *Aggeris vastum spatium, & Capitolij insanas substructiones mirabantur*. Sed id non càm mente dictum, quàm videri possit, non, inquam, deminuit aut abiicit Capitolij ipsum opus; sed substructiones tangit, quas L. Tarquinius Priscus magnas, & *insanas*, ut ipse loquitur, circum collem fecit: dum prærupta eius adæquat, ab imo solo ingentibus lapidibus muro educto suffulcit, complanat denique in vertice, & fundamentis parat. Hæc Plinius tangit, & Dionysius clarè exsequitur: quem vide. Alioqui ipsum opus & ædificium non miratur mirabile visum: quò id possit? cùm semper inter eximia fuerit, & vrbis prima. Præter Ammianum in verbis dictis, etiam Cassiodorus sic attollit: *Capitolia celsa conscendere, hoc est ingenia humana superata vidisse*. Et resanè dicit & facies, quam etsi tenuiter, lineis aliquot adumbrabo. Mons *Saturnius* primò dictus fuit, in quo hæc ædes, tum *Tarpeius*, & mox *Capitolinus*, à capite hominis (cui viuo *Toli* nomen fuisse Arnobius tradidit) inuento, dum fundamenta moliantur. Sed hæc nota, non vulgo nimis illud, duplex *Capitolium*.

Lib. xxivj.

tolium fuisse, Vetus & Nouum. Illud in Regione sexta *Circi Flaminij* Victor & Notitia Imperij locant, istud in Regione octaua *Fori Romani*. Valerius illud intellexit cerro, cum inter sacerrima & vetustissima loca, adiurans nominat: *Per Romuli casam, perque VETERIS Capitoliij humilia tecta, & aternos Veste ignes.* Ait *Vetus*, ait *humili tecto*: quod vltimum nullo modo in *Nouum* & sublime illud conuenire potest. Puto & Martialem hæc distinguere, cum in hominem ludit plurifariam habitantem:

Esquilis domus est, domus est tibi colle Diana,

Et tua Patricius culmina vicus habet.

Hinc vidua Cybeles, illinc sacraria Veste,

Inde NOVVM, VETEREM prospicis inde Iouem.

Cerni ab eo vtrumque Capitolum vult: *Vetus* è colle Auentino siue Dianæ, *Nouum* ex Esquilis & Vico patricio. Et si fortasse *Nouum Iouem* Domitianum suum vocat, eiusque Palatium intellegit. Sed Varro de vtroque apertius: *Capitolum Vetus*, quod ibi *Sacellum Iouis, Junonis, Minerue: & id antiquius, quam ædis que in Capitolio facta.* Ecce, dicit illud *Vetus*, æuo prius esse quam hoc *Nouum*, & ostendit in alio item loco fuisse. Sed dices, si prius, si alibi: vnde *Capitolum*? nam vox ea non conuenit, cum nec mons tunc nomē illud habuerit, nec ipsum illud templum in monte. Respondeo, Varronem hoc occupasse & soluisse lectori vigilantī. Nam idē, inquit, *Capitolum* non auctor aut conditor, sed posteritas dixit; quia vt in nouo & nobili illo Capitolio, tres illi dii Præsides item colebantur. A similitudine igitur & hoc *Capitolum* est dictum, sed cum discrimine, *Vetus*. Quæras ampliùs, quis autem condidit? & hoc dicam, suggerente Cassiodoro. Nam ille in Chthonico, Numæ rebus: *Capitolum quoque à fundamentis construxit.* Ignaro lectori tenebræ sint, & falli Cassiodorum arguat. quis enim vniquam prodidit Numam auctorem Capitoliij? Et sanè distinguere debebat, & addere, *Vetus*. Ita enim est: ille auctor illius, vnde unde hoc hauserit Cassiodorus, sicut *Novi*, Tarquinius Priscus. Is complanato, vt dixi, monte, struere cœpit, ex voto quod voverat bello Sabino: idq; opido Apiolis capto, vt Plinius ex Antiate refert, è manubijs & prædâ. Sed fato præuenus, absolendum nepoti L. Tarquinio Superbo reliquit, regum vltimo: et si Seruium

Lib. III.
cap. III.

Lib. III.
cap. V.

Scruium quoque Tullium aliquid addidisse, sociorum studio adiutum, Tacitus (sed solus, opinor) dixit. Præcipuus tamen auctor operis Superbus, qui, ut Liuius inquit, *Suessi Pometiæ è Volscis captâ, diuenditâ prædâ, cum quadraginta talenta argenti aurique recepiisset, concepit animo eam AMPLITVDINEM Jouis templi, quæ digna deum hominumque rege, quæ Romano imperio, quæ ipsius etiam loci maiestate esset.* Scribit quadraginta talenta: quæ nobis *xxiiii. milia* Philippæorum essent: sed an non quadringenta rescribendum, aliquis ex Dionysio iure controuertat? Nam ille, ut in re non dubiâ: *tantum prædæ, inquit, repperit, ut quinque minæ argenti obuenerint singulis militibus, decima autem diis sacra fuerint non minus * quadringenta talenta.* Ea essent, ducenta quadraginta millia Philippæorum: pecunia, haud nego, satis grandis, præsertim è solis decimis: sed res Italiæ & Latij tunc vberes & florentes (quod & alibi videre est) hoc persuadent; tum & ipsum opus eâ amplitudine institutum, quam Liuius deprædicat, & quam exiguâ summâ nemo fabricetur. Nec tamen vel Tarquinius supremam manum imposuit: & gloria operis (ait Tacitus) *libertati reseruata.* *Pulsis regibus, Horatius Puluillus Consul dedicauit, eâ* * In Plutarcho sũma eadem. *MAGNIFICENTIA, quam immensæ postea populi Romani opes ornarent potius, quàm auerent.* Vides & à Tacito laudari, & consummatum hoc opus Puluillo adscribi. Quid igitur est, quod in Liuiio, multis annis post lego, in Tribunorum militarium imperio? *Eodem anno, ne priuatorum tantum operibus vrbs cresceret, Ca-* lib. vi. *pitolium quoque saxo quadrato substructum est, opus VEL IN HAC MAGNIFICENTIA VRBIS CONSPICIENDVM.* Hoc narrat, post Romam à Gallis captam, & cum ea instaurata à ciuibus fuit. Ergone tunc deniq; Capitolium saxo quadrato structum? nego de ipso ædificio, fateor de monte. Itaque attende, *substructum* dicit, non *extructum*. Est illud ipsum opus, de quo prædixi, L. Tarquinij: quod tamen rudi lapide factum, nunc mutarunt, & secto quadratoque splendidius confecerunt. Igitur Pliniana illa, de quibus item antea, magis fuerit ad hoc posterius opus referri: & istæ sunt *insane ille substruções*, è quarum ruinis vastos lapides erutos patrum etiam ætas vidit. Sed ipsum Tarquinij Capitolium quale fuit? Describit his ferè verbis Dionysius: *Situm est in altâ crepidine, habetque in ambitu octo iugera: sic ut* laserq

latera singula ducentorum serè pedum sint, exigua latitudinis & longitudinis differentiâ, nisi quòd ista illam vincit vix pedibus quindenis. Quâ parte frons eius meridiem spectat, triplici columnarum ordine circumcingitur; ab aliis lateribus, duplici. In ipso sunt tres cellæ, ex ordine, à lateribus communione parietum clausæ. Media est Jouis, vtrîque altera Iunonis, altera Minervæ, sub eodem laqueari eodemque tecto. Ita Dionysius: & verba, si placet, examinemus. Octo ingerum ambitu fuisse dicit: id est pedum oblongentorum: sed sic ut quadrum esset, imò pænè quadratum, nisi quòd longitudo quindecim pedibus superaret. Fuit egregia capacitas, si consideras, & aptâ proportionem. Ait, frontem ad meridiem spectasse: id est Forum Romanum & Palatium versus, frequentissimam vrbis partem. Ergo ab eâ quoque parte centum gradus, quibus (ut Tacitus, atque alij) superbè adibatur. Quos tamen continuos fuisse non arbitror, & retractiones suas habuisse, ut Vitruvius appellat: id est, arcolas, ubi fessi pedem figerent, & respirarent. quas post singulos septem aut novem graduum ordines solere interponi, architecti notarunt. Gradus autem isti haud dubiè ad maiestatem: eoque & in aliis templis, etsi pauciores, soliti usurpari. Sed ibi ratio, hîc necessitas & locus editior voluerunt. Addit columnarum triplicem ordinem: quas L. Sullam Athenis aduexisse, è templo Iouis Olympij, Plinius nos docet. Atque eas Dionysij tempore ipsas existisse, faciliè arbitror: post incendium, à Vespasiano mutatas, verbum Plinij dat suspicari. Quàm multæ eæ fuerint, haud dixerim: quia varia proportio in collocandis, de quâ Vitruvius videndus. An tamen eiusdem locus non huc facit? Lib. III. cap. III. Format *Pycnostylos*, *Systylos*, *Diastylos*, *Aræostylos*, *Eustylos* ædium species: iis enim Græcis vocibus utuntur: & in *Aræostylis*, inquit, nec marmoreis nec lapideis epistylis uti datur, sed imponendæ sunt trabes de materiâ perpetuæ: & ipsarum ædium species sunt *baryæ*, *barycephalæ*, humiles, latæ, ornantque signis fistulibus, aut arcibus inauratis fastigia earum, Tuscanico more. uti est ad Circum maximum Cereris, & Herculis, Pompeiani item Capitolij. Sanè Pompeianum Capitolium nemo legit, opinor; nec ipse Pompeius manum admouit, aut potuit: nisi quis accipit de Capitolio, quod Pompeiis fuerit Campaniæ opido. Nam & coloniæ, uti scimus, Capitolia sua habe-

Lib. XXXV.
cap. VI.

habebant. Sed tamen, quia utitur hîc Romanis exemplis (vide alia :) non displiceat distingui, *Herculis Pompeiani, item Capitolij.* Itaque Capitolium fuerit inter *Araostyla*, id est raris columnis distincta. Pergit Dionysius, *tres in ipso cellas esse*, siue ut ipse appellat *ἑσυχῆς*. Ea res nota est, & versus Ausonij,

Trina in Tarpeio fulgent consortia templo.

Quod imitabantur item in coloniis : coque Arnobius scripsit: *Nonne vides in Capitolis omnibus virginales esse species Minerarum?* duos alios deos ibi omittit. An autem non alij dij in Capitolio? non quidem in isto templo; excipio Iuuentutem, & Terminum: qui cedere scilicet noluerunt exaugurantibus. Ita-

que eorum ara (ait alibi Dionysius) continentur templi ambitu, atque una in vestibulo cellæ Minervæ est, altera in ipsâ cellâ iuxta pulvinar.

Quod igitur in Tertulliano legitur: *Capitolium omnium demonum templum est.* itemque in P. Victore: *Capitolium, ubi omnium Deorum simulacra celebrantur.* in Cicrone: *Deorum domicilium:* ea in-

quam omnia, de ipso monte capienda sunt, qui passim & penè totus deorum aris, statuis, templis inessus: quod facile tibi inter legendum obseruitare. Sed dixerat etiam Dionysius, *cellas istas à lateribus communi pariete clausas.* Quid hoc est? ut nullum discrimen aut interpositio parietum fuerit? imò opinor fuisse,

aut certè columnarum, & sacelli atque ædiculæ speciem singulas habuisse. Nam ita ipse Dionysius, *περὶ τῆς ἀδελφῆς* (in verbis, quæ iam verti) *vestibulum adis Minervæ*, & ut sic dicam *protemplum*. Ita & Liuius: *Quadrige inaurata posita in Capitolio, in cellâ Iouis, supra fastigium ædiculæ.* Plinius verò & *Delubrum* dixit: *Proserpina tabula fuit in Capitolio, in Minervæ delubra, supra ædiculam Iuuentutis.* Distinctio igitur: sed mens Dionysij, tres ipsas tamen cellas communi totius templi pariete clausas. Nisi quis etiam censet, *Ædiculas* istas fuisse non nisi caua quædam in ipso pariete, ad statuas illocandas: quod in Panthéo videmus: quibus non accedam. Ista ex Dionysio: an & à me aliquid addo? faciam, si priùs distinxero inter Capitolia, quæ quattuor in hoc ipso loco, ex ordine, fuêre. Nam primum illud Tarquiniorum, bello civili Sullano, incendio periit, negligentia custodum. Alterum ipse Sulla instruxit. sed nō dedicauit: quod unum

Felicitati suæ desuisse, ipse apud Plinium fatetur, & Tacitus adno-

R

tauit.

* Hefych.
Συκὴ, ἡ-
δὲ τὰς
τῶν θεῶν
ἱστῶν.

Lib. II.

De Spe-
tac.

tauit. *Lutatij Catuli nomen*, ait Tacitus, *inter tanta Caesarum opera, usq; ad Vitellium mansit*. Et si Dio tamen scribit, *Cæsari Iulio, inter alia honorum, decretum à Senatu : vt nomen eius Capitolio inscriberetur, deleto Catuli: idq; cum admisisse*. Sed Taciti assertio firmitior, mihi quidem, fideliorq;. Tertium fuit à Vespasiano. nam illud Catuli arsit ciuili iterum bello Vitelliano: atque iste reparauit iisdem vestigiis, sed & dedicauit. Dedicauit inquam, & Plutarcho scribenti hoc accredo: inagis quàm Victori, qui Domitiano tribuit: *Multa, inquit, opera inchoata per patrem, vel fratris studio, atque inprimis Capitolium, absoluit*. Nō vinces hoc, ô Victor. Vespasianus absoluit, dedicauit: sed à morte eius, sub Tito, statim arsit (Suetonius, & Dio in Tito:) atq; ita quartum Domitianus instaurauit. Habes igitur quaterna Capitolia, sed in eodem loco reposita semper, & innouata. Tacitus & Dionysius quoque, id notarunt: sed verba illius: *Iisdem rursus vestigiis situm est, postquam interiecto CCCCXXV. annorum spatio, L Scipione, C. Norbano Coss. flagrauerat*. Hoc de Sullano: de Vespasiani, idem: *Passim iniecta fundamentis argenti auriq; stipēs, & metallorum primitiæ nullis fornacibus victæ. Prædicere haruspices, ne temeraretur opus saxo aurove in aliud destinato*. ALTITVDO ædibus adiecta. id SOLVM religio annuere, & prioris templi magnificentie defuisse creditum, quanta vis hominum retinenda erat. Noto obiter religionem Romanorum, qui liberaliter contulerunt ad opus faciendum, stipibus coniectis. Ille enim finis. sicut & in Cicerone scriptum de illo Sullano: *id Capitolium publicè coactis fabris, operisque imperatis, GRATIS exedificatum atq; effectum esse, ita vt ex arario nihil darent*. Quod equidem miror satis, sed quinto in Verrem ita scripsit. AVD. Religiosum sæculum, præ nostro. sed quæ aut quanta illa multitudo hominum est, quam Tacitus retineri vult? LIPS. Haud difficilis collectu. Si enim latera pedum ducentorum, reddentur fientque in arca pedes quadraginta millia. Da singulis insistentibus pedes quaternos (sufficiunt, cum militi in acie locato & armato Polybius det non nisi senos) da inquam quaternos: nōne vides decem millia potuisse retineri? Sed tolle aliquid, si vis, in columnas & alium apparatus: largiter tamē supererit pro octo millibus. AVD. Hem! magna capacitas, & rara talia nostra templa. LIPS. Scmel omitte de nostris: vincimur, si comparatur.

ramur. Et tamen de mole aut magnitudine, tale aliquid esse potest, aut & excedere de arte, in arte, ornatu quî potest? Sed Tacitus *Altitudinem* adiectam, super priorem, disertè scribit: quæ fuit? haud diuino: pro symmetriâ latitudinis oportet ingentem fuisse. Et Silius ita indicat, apud quem Iupiter prædicat de illo Domitiani:

Aurea Tarpeia ponet Capitolia rupe,

Et iunget nostro templorum CULMINA CAELO.

In cælum educit: sicut & Tertullianus, Apologetico: *Nam etsi à Numâ concepta religio est, nondum tamen aut simulacris aut templis res diuina apud Romanos constabat: & nulla CAPITOLIA CAELO CERTANTIA, sed temeraria de cespite altaria, & vasa adhuc Samia, & Deus ipse nusquam.* AVD. Et tu hæc tecitas Lipsi? LIPS. Quid ni recitem? AVD. Et attendis? LIPS. Quidni? AVD. Atqui euerunt paulo ante à te dicta, de Capitolio Numæ. Nam quomodo illud sit, & cum tribus suis diis; si tunc nulla templa, si nullæ statuæ? LIPS. Benè obseruasti, & de industriâ plura illa verba (vide quàm fallere voluerim) adduxi. Adduxi, ut expedirem: & ecce. Non negat vlla Capitolia fuisse, sed illa alta & *cælo certantia*: nostra humilia cur destruat? Nam ut dein statuas nondum fuisse (quod alibi & Varro tradidit:) tamen de templis idem dicere anceps sit, & Liuius, Dionysius, Plutarchus refellant. qui deserte *Termino, Fidei, Vestæ* templa à Numâ posita adfirmant. Et verò si priuatæ domus, si curiæ publicæ; cur non & ea diis essent? ratio videtur velle, præsertim apud homines cultui deorum sic addictos. Sed de altitudine certiora non habeo: quæ minima esse potuit, fuit *pedum ducentorum*: sicut in Panthéo Agrippæ, par item latitudo & altitudo. AVD. Heus tu, in loco Taciti etiam me tenuit, quod ait *altitudinē adiectam*: & debuisse, quò tanta *vis hominum retineretur*. Quid ergo altitudo facit ad laxandum locum? non intellego, nisi si porticus aut inædificationes superiores aliquæ, ut hodie in quibusdā templis. LIPS. Apage, nihil disforme in vniformi isto opere: sed Taciti mens, iuuissè & decussissè altitudinem ubi multitudo, ut aer laxior ac liberior, ad respirandum, ad refrigerandum. Alioqui, ubi ætatio & compressio, scimus quàm subito animo male fiat. Quod tamen ad Porticus, non in ipso templo, sed circa

R 2

fuisse,

fuisse, pro communi structurâ, facile credam: & Tacitus indicium facit. Sed ab ædificiis iam ad Ornatum pergo: qui tamen varius in vario isto opere. Quis in Tarquinij? aliquid è Liviò haurire est sparsim. vt libro x. *Fæneratores aliquot mulctati, & ex eo quod in publicum redactum est, ÆNEA in Capitolio LIMINA, & trium MENSARVM ARGENTEA VASA in cellâ Jouis, Jovemque in CVLMINE cum QVADRIGIS Ædiles posuerunt.* Iterum libro XXIX. *Quadrigæ AVREAE eo anno in Capitolio posite ab Ædilibus.* Et libro XXXV. *Ædiles multos pecuarios damnarunt. ex eâ pecuniâ clypea inaurata in fastigio Jouis ædis posuerunt.* Denique libro XXXVIII. *Sciuges in Capitolio AVRATI ab Cn. Cornelio positi: Cõsulem dedisse, inscriptum est. Et duodecim clypea arata, (lego aurata, ab Ædilibus sunt posita ex pecuniâ quâ frumentarios damnarunt ob ammoniam compressam.*

Lib. XXXIIJ. *& duo item signa aurata.* Hæc ex Liviò: istud è Plinio, post Carthaginem eversam, *laquearia in Capitolio inaurata esse: id est, totum illud internum cælum & camerationem.* Nec plura, dici quidem digna, notavi. Quid verò in Catuli: omnia haud dubiè, in istis iam opibus, opulentiora: illud notabile reperio, *quod sua ætas* (Plinij verba) *variè de Catulo existimauerit, quod TEGVLAS Capitolij AEREAS INAVRASSET primus.* De quibus & in Senecâ patre: *Fastigiatis supra tectis, auro puro fulgens, prælucet Capitolium.* Sanè hoc magnificum & verè splendidum fuit: & quis ille fulgor, Sole irradiante? Fuit & ad firmitatem aptum æs, & contra æruginem aut rubiginem valuit inductum aurum. Cetera donorum & ornamentorum varia, *Corona aurea, Victoria aurea, Candelabra, vasa, & quæ tu tibi subiicias: sed quod ex Dione omnino obseruandum, omnibus his detractis, ex Ægyptiaca prædâ alia victor Augustus reposuit: detractis ex Sc.* & *vt tam multis his novis & melioribus locus fieret.* Et si quædam veterum retenta, non ambigo: sed ordine & iudicio Augusti disposita, vt apta & concors tota facies esset. Id verò ipsum tempus fuit, quo *vnâ donatione in cellam Jouis Capitolini contulit* XVI. millia pondo auri, & *quingentis HS. in gemmis:* quod in Suetonio leges. In cellam dico Iouis, quid censes in duas alias? nam & eas dona sua accepisse Dio disertim dicit. Et vel ex eo disce opes & ornatum Capitolinû: qui quàm ingès & ADMIRANDVS fuit, si vnus modò Principis, & vno tempore, tot dona? Pleraque tamen horum perière incendiis,

* 1600000
Philip.
* 1250000
Philip.

diis, ut opinor: & videamus ultimum Domitiani. In eo columnas Pentelicas fuisse, quæ Athenis aduectæ item essent (ut & illæ Sullanæ) Plutarchus in Poplicolâ scribit: cum hoc iudicio, quod pulchriores Athenis visa sibi essent, quoniam Romæ dum nimis secant & poliunt, nitorem addidissent, symmetriam detraxissent. Cetera quæ & quanta, ex eiusdem Plutarchi verbis suspicemur: qui ait in solam inaurationem, privatum omnem modum excedentes opes impensas, nempe supra duodecim millia talentorum. Ea sunt nobis septuagies bis centena millia Philippæorum; sine septem milliones, & quod excedit. AVD. Huius verberas me. LIPS. Semper tiro? mirum te vivere. AVD. Quid iam? LIPS. Nam assidue vulnera accipis, & oportebat iam confectum. AVD. Tua hasta Pelias est, & vulnerat & sanat: perge. LIPS. Tanti igitur inauratio: quæ fuit non in Lacunaribus solum, sed in Tegulis æreis, ut illo Catuli. de quibus Epigramma Græcum in Anthologiâ, ubi *Æream domum in Palatio Byzantino* laudat:

Εἴς τιν' ἀρεστήεστι χάρις καπιτωλίδος ἀυλῆς,

Εἰ & χαλκείων ὀρέφων ἀμαρύματα πέμπεις:

Cede etiam melioribus ô Tarpeia rupes,

Etsi ex aratis iacis aurea fulmina testis.

Et Procopius adnotavit, *Gizerichum regem Vandalorum, cum alia decora Romana secum in Africam vexisse, tum & partem tegularum Iouis Capitolini inauratarum dimidiam.* Nec testâ modò inaurata, sed ipsæ Fores auratæ, & crassis laminis obductæ: quæ mansêre ad Honorij Imp. ævum. Tunc in pecuniæ inopiâ, Stilicho mandasse perhibetur (scribit Zosimus.) ut fores in Capisolio Romano, quæ auro MAGNIPONDERIS erant obductæ, laminis iis spoliarentur. Cum autem qui hoc facere iussierant, id agerent; in parte forium scriptum reppererunt, INFELICI REGI SERVANTVR. Quod euentus docuit. nam Stilicho paullo post infelicitè periiit. Ita Zosimus: nec velim nimis te, ut singularia, hæc mirari: puto in pluribus templis fuisse. Poëtæ sanè aurea templa non semel appellant: & auctor libelli De causis corruptæ eloquentiæ: *Quid enim si infirmiora horum temporum templa credas, quia non rudi cemento, & informibus tegulis exstruuntur; sed marmore nitent, & auro radiantur?* Marmore in parietibus, auro in lacunatibus & testis. Ideò Micantia Rutilianus dixit:

R 3

Confun-

*Confunduntque vagos delubra micantia visus,
Ipsos crediderim sic habitare deos.*

Et de Templis in eâ laudatiunculâ concludam.

C A P. V I.

Item de templo Panthei, Urbis, & Pacis.

AV D. Ego aperiam, & laxabo. Nam quid me tam fluxâ memoriâ censes, vt oblitus sim Ammianum plura laudasse? & nominatim *Panthéon, Urbis, Pacis*. Dic de singulis, nec excide tuâ lincâ, quam ipse duxisti. L I P S. Sed ex vno illo specimine, facile de alijs iudicare. Tamen fidei meæ causâ, cape. *Panthéon* ab Agrippâ genero Augusti structum fuit, & opus notum est, hodieque (etsi ornamentis omnibus spoliatum) ipsum corpus exstat. Struxit in tertio Consulatu suo, quod inscriptio frontis indicat: sed perfecit biennio post & dedicauit, anno urbis DCCXXIX. vt est in Dione. Quæ causâ nominis, ipse Dio dubitat, & scribit: *Panthéon sic fortasse dicitur, quia plures deorum imagines in simulacris Veneris & Martis completeretur; vel vt ego censeo, à formâ illâ deuexæ rotunditatis, & quia calum referret*. Prior explicatio pluribus placita, etsi non ipsi Dioni: & lego in Glossis illis priscis, *πᾶν θεῶν, omnium deorum*. Sed & Athenis, atque alibi, *τὸ κοινὸν τῶν θεῶν ἱερὸν* fuisse, *commune Deorum templum*, ex Pausaniâ disco. Cui & origo esse apud Romanos potuit, ex communi deorum sacro: de quo Festus. *Pandicularis*, inquit, *dies dicebatur, idem & Communicarius, in quo omnibus diis communiter sacrificabatur*. Sed Dio tamen aliter: & mouit cum, credo, quod pauca & certæ in eo statuerent, neque dijs communiter positæ. Fuit enim *Martis*, * *Veneris*, & *Cæsaris Iulij*: ipsius Augusti in vestibulo cum suâ posuit Agrippa. Ita Dio. quem miror *fomis* omisisse: cum Plinius scribat, *Panthéon Ioui Vitori ab Agrippâ factum*. Itaque ille præcipuus, & præses ibi Deus, fuisse videtur: sed & plures alij, eoque nomine haud malè *Panthéon*, etsi Dio à cæli formâ magis petit; quoniam id scilicet recepraculum & sedes Deorum. Lego autem & *Pantheus* & *Panthea*, pro ipsis Dijs: sed

* In cuius
auribus se-
dus famo-
sus ille vno
Cleopatra.
Plin. lib.
xxv.

sed aliâ significatione, itemque scripturâ; nec aliud est, quam *omnino Deus*, aut *Dea*. Idem Dio scribit, sororem Caligulæ *Drusillam consecratam ab eo, & ab omnibus Pantheam dictam*. In lapide item veteri exstat: *DIVO. PANTHEO. EX. V.* Sed de nomine satis: in re ipsâ etiam quid me diffundam? nisi si lingua potest in istis, quod non oculus: atque ecce Romæ exstat, & imagines circumferuntur. *AVD.* Ita est. sed de ornatu qui periit, ecquid habes? *LIPs.* Pauca. sed tamen hoc inter *pulcherrima operum* Plinius recensuit: quid mirum vel ab ipso isto corpore, sed spoliato & nudo? Nam artificium & symmetria per omnes partes maximas, minimas, in eo mirabilis; decor, ordo, deuinctio singularis; vt Sebastianus Serlius, vir peritissimus talium, habendum censeat hoc velut vnicum exemplar consummatæ Architecturæ. Latitudo atque altitudo par est, pedum *CXLIII*. Amisit de specie, quod rudera locum sustulerunt, & gradibus in templum nunc descenditur: atqui antea ascendebaratur. Tectum & ipsum æreis tegulis, quæ prægrandes aliquot in fornice repertæ: nec dubitandum & has auratas fuisse. Abstulit eas tegulas Constantinus Heraclij filius, vt pleaque alia ornamenta Romæ reliqua: auexit in Siciliam, & Sacerani inuadentes omnia auferunt, in Ægyptum auhentes. Plura super hoc templo haud dixerim; & omnia membra eius descripsit & mensus est Serlius, quem fas videre. Admoneo exultum fuisse, magno illo incendio sub Tito, cum & Capitolium tertio arsit. Id ita in Dionis compendio scriptum: & refecit Domitianus. de quo Cassiodorus capiendus in Consulatu eius *IX*. *Insignissima Romæ facta sunt, Forum Traiani, Therme Traiani, Meta sudans, & Panthéon*. Sed nec diu post, Traiani anno *XIII*. (quod in Eusebij Chronico est) fulmine ictum conflagrauit: & ab Hadriano restitutum, Spartianus dixit in eius vitâ. Itaque non soli ij restituerunt, qui in fronte operis hodieque insculpti leguntur, *L. Septimius Severus, & M. Aurelius Antoninus*: sed iam dicti. Mutauit & transijt in melioris templi vsum, & à Venere ad nostram Virginem, faciente Bonifacio quarto Pontifice, sub annum Christi *DCVII*. Is petiit *Phocam*, ait Regino, *vt in veteri fano, quod Panthéon vocabatur, & à Domitiano fuerat exstructum,*
Eccle-

Ecclesiam sibi facere liceret, quod annuit Imperator. Ista de Romano Panthéo. sed reperio & in prouinciis alibi, ad hoc exemplum. Sozomenus certè in pago Betheliâ (vnde ipse oriundus) ditionis Gazensium, Panthéon fuisse ait, antiquum & apparatus templum, quod in cliuo manifestò, velut in arce situm, totum pagum despectabat: arque addit arbitrari se Syricâ voce Betheliam inde dictam, quod Græcè *πᾶσι θεῶν* sonat, siue *θεῶν οἰκητήριον*, deorum domicilium. Ita ille scriptor Ecclef. Hist. lib. v. cap. xiiii. Sed transco iam & lustro obiter templum VRBIS. Quod istud est? inquires. nempe *Domina vrbs*, illius *Æternæ*, & *Celestis*. O infamiam! ædificijs & inanimato corpori non vitam solùm attribuere, sed numen! Atqui fecerunt, & vrbs hæc, in quâ sedes tanti imperij, tamquam in eâ potentia & diuinitas, sic culta. Prudentius meritò irridet:

— colitur nam sanguine & ipsa

Mare Dea, NOMEN QVE loci, cen NVMEN, adorant.

xxi. Hist.
* Circa an-
num vrbs
dLviii.

Inuentio & adulatio à Græcis Asiaticis est: apud quos Sinyrnai (quod ipsi gloriantur, & Romanis impurant, apud Tacitum) *primum templum VRBIS ROMAE statuerunt.* Nec defuerunt alij sequi exemplum: statimque Alabandenses in suâ vrbe struxere. Quo fine? vt propitiam sibi non Vrbeim, sed Vrbis incolas & rectores haberent. Itaque nolunt eos hoc nescire; & in Liuiio, apud Senatum *Alabandenses templum ROMAE se fecisse commemorant*, & ludos anniuersarios instituisse ei *Diua*. Eriamne ludos? ira sanè, & isti sunt pulcherrimi, quos vel nunc in Senatu edunt. Quàm credis risisse quosdam Patrum, in his ineptis & verè Græcanicis adulationibus? ego haud minùs censeo, quàm cum Prusias rex ab illâ Asiâ, veniret ad curiam raso capite, & pilleatus, limen curiæ oscularetur, adoraret Senatum, & *Liberum* se clamaret *populi Romani*. Ita igitur initium, sed in prouincijs. imò nec sub Principibus statim *Roma*, in ipsâ Româ, templum. Lego in Hadriani rebus: *Ædem Bonæ deæ transfudit, & Colossum stantem atque suspensum, per Demetrium architectum, de eo loco in quo NVNC templum VRBIS est, ingenti molimine, ita ut operi xxiiii. elephantes exhiberet.* Ait, Colossus stetit in loco vbi nunc Vrbis templum: non ergo tunc adhuc erat. Sed ille ipse tamen Princeps fecit: imò hanc causam arbitramur translati Colossi.

Colossi. In Dionis compendio est: *Hadrianum struxisse Veneris & Roma templum, atque eius designationem & diagramma missum ab eo ad Apollodorum insigne architectum (cui tunc offensior erat) ut ostenderet & absque eo INSIGNE OPVS posse perfici. quæ sinit-que ecquid placeret structura? Ille verò liberè respondit, & de Templo, quòd sublimius & magis cauum capaxque fieri debuisset: uti & in viam Sacram conspectus ex alto emereret, & in cauum Machinas acciperet, quæ in occulto ibi compactæ, subitò & ex improvviso in Theatrum induci possent.* Hæc ita in Græco. nam interpres, quod mirere, solum *Veneris templum* posuit, *Roma* omisit. Atqui iunctæ deæ fuere: & sic Notitia imperij, *Templum Veneris & Roma* nominat. Prudentius:

Atque Urbis Venerisque pari se culmine tollunt

Templa, simul geminis adolentur thura deabus.

Nec ineptè Venus iuncta, Æneadum mater, cum suâ prole. Vbi fuerit, ex Dione licet conijcere, qui *Via Sacra* adiungit: & Notitia in *Regione templi Pacis* ponit. Claudius in monte *Palatino*. Nam de illo capiendum est, cum in laudibus Stiliconis facit *Provincias venisse, & adisse supplices ipsam Romam:*

Conveniunt ad tellus Deæ, quæ candida lucent

Monte Palatino.

Lib. II.

Crederem igitur ad radices montis fuisse, circa autem Comitio: & in diuisione tamen urbis accensitum *Regioni Pacis*. De *Machinis* autem, quod in Dione est, ad *Pegmata* pertinet: de quibus in Amphitheatro olim scripsimus: & videntur in templis opportunis disposita, composita occultè (quod admirabiliora ex inopinato essent) & sub tempus educta. Sed sequitur nunc *Templum ipsius PACIS*. AVD. Paullisper mane. & nonne *Genij publici* templum etiam lego? LIPS. Legis, sed distinctum ab isto urbis: & hoc verecundiùs paullò & minùs insolenter excogitatum. Nam *Genium* locis, regionibus, ciuitatibus tribui, satis est frequens & notum. Itaque in Dione *ναὸς τοῦ γένου τοῦ δήμου, templum Genij populi*, aliquoties nominatur: sed diu antè *Urbis*, & quidem ab anno DCCXLI. ante Principatum Augusti. Sed & Antiochiæ; Alexandriæ, atque alibi *Templum Genij* leges. AVD. Amplius etiam, ruminor Spartiani verba de Hadriano: qui *Bona dea eadem transtulit, & Colossum*. Sed quæ ista adis translatio? si

S

com-

communis, vt alibi dirutam poneret; quid miri aut narrandi est? siquid ab arte aut nouum latet, me doce. LIPS. Nescio. sed ædes totas transferri, mihi nouum non est, & in Batauis vidi factum. Quid, quod Tiberij æuo architectus fuit, qui *maximam porticum iacentem & inclinatam, land & centonibus circumdatam* (credo, ne videri artificium posset) *funibus & machinis, multorumque hominum manibus admotis, in pristinum restituit, firmam & re-ctam*? Quod Tiberius alijque nimis mirati sunt: etsi ille inuidiâ motus, nec nomen quidem eius Actis inferi sit passus. Quod ad *Colossum* autem, nonne Roma nuper in Obeliscis simile vidit? Sed hoc hîc notabile, quod iste architectus, nec inclinauit eum quidem, sed *stantem*, vt ait, transtulit & *suspensum*. At tu extra oleas me ducis: *Pacem* autem ego iam afferebam, tu distulisti. AVD. Egone illam? ô vbi es, non Dea quidem, sed summum à Deo bonum! Veni, veni, reuise miseros Belgas, tot iam lustra ciuilibus exterisque bellis iactatos. LIPS. Iam venit, cõfide: sed Iuno aliqua eam ducit aut præit. Hanc Vespasianus Romæ consecrauit, inagnâ spe & animo mansuram, post ciuilia tunc quoque bella. Id opus à Claudio incohatum aliqui tradunt: sed abnuat Suetonius, & *Fecit NOVA opera Vespasianus*, inquit, *templum Pacis, foro proximum*. Habes & locum: ac nûc vestigia extant, & ex ijs operis ipsius forma. Grande fuit, & longitudo trecentos pedes attingit, latitudo *ducentos*: igitur supra Capitolium ipsum. Hac causâ meritò Herodianus id appellat *μᾶζον καὶ ἀλλοτρὶς τοῦ ἐκ τῆς πόλεως ἔργον*: MAXIMUM & pulcherrimum omnium in urbe operum. Additque: *ditissimum* item fuisse, ornamentis auri & argenti ex-cultum. Fecisse id sub initia imperij, & post triumphum, ex Iosepho discas: cuius verba lubet dare, ad vniuersam eius notificationem. Libro VII. Excidij ait: *Post triumphos, & firmam imperij constitutionem, statuit templum facere Paci: fecitque citò admodum, & pulchrius meliusque omni opinione perfecit. Magnus enim opibus in hanc rem vsus, & priscorum etiam praelara omnia adhibens, picturis & statuis pulcherrimis adornauit. OMNIA enim in hoc templum collata & disposita sunt, ob quæ homines, videndi cupiditate, antea per TOTVM ORBEM vagabantur. Posuit & hic è Iudearum templo vasa aurea, in ijs sibi placens: etsi Legem ipsorum, & vela tabernaculi aurea, in Regiâ suâ posuerit, ibi custodienda. Hæc Iosephus;*
& Pli-

& Plinius conforiat, qui passim pulcherrima aut rarissima operum adnotat fuisse in templo Pacis. Vno etiam loco scribit: *Ex omnibus que rettuli, clarissima queque in Urbe iam sunt, dicata Vespasiano Principe in templo Pacis, aliisque eius operibus, violentiâ Neronis in urbem conuecta, & in sellarijs domus aurea disposita.* Quod magis impressiusque refero, ut tristius damnum cognoscatur, quod factum est templi huius incendio sub Commodò. Tunc enim, ut Herodianus refert, leui terræ motu præuio, siue ictu fulminis, siue igne è terrâ exspirante, subito & improviso totum conflagrauit, itemque Porticus, & rotus eius ambitus: malo sanè augurio, ut tunc Romani haud vanè interpretabantur, perijsse sibi Pacein. Inter adiecta autem vel circumiecta, perijt & Bibliotheca quæ in ambitu eius templi erat: cuius in A. Gellio memoria exstat.

Lib. xxxiiiij
cap. viij.

CAP. VII.

Fora Romana descripta, & distinctè Romanum, Iulium, Augustum, Transitorium, Vlpium.

DE Templis peregrinus: ex eodem Ammiano *Fora* nunc excerpo. Quid opus est? inquires. aut quid magni operis in apertâ planicie? Hoc enim, pro nostris moribus hodie, tu aut alius dixerit: quia hæc *Fora* parùm, aut nihil, ornati profectò habent. Area tantùm est, & ædificia cingunt, alta, humilia, splendida, vilia; denique ut priuatorum solent. Quàm aliud in Romanis Foris, sed & Græcis? de quibus Vitruuium licet audire: *Græci in quadrato AMPLISSIMIS & DV-* Lib. v. c. r.
PLICIBVS PORTICIBVS fora constituunt, CREBRIS QVE COLUMNIS, & lapideis aut marmoreis epistylis adornant, & supra AMBVLATIONES in contignationibus faciunt. Atque hæc ipsa, ut addit, Romani; nisi quòd non quadrata æqualiter, sed oblonga magis faciunt, nec nisi tertiâ latitudinis parte. Sed nec columnas tam crebras interponunt: & (ut ego hoc addam) Romæ etiam magnis circumpositis ædificijs, ut *Templis, Basilicis, Chalcidicis*, magis ornabant. Ut tamen formam aliquam capias, ambitus ipse Fori porticibus

claudebatur, vijs relictis & spatijs ad intrandum: exteriùs dein-
de, Tempia, & quæ dixi circumponebantur, & latè super Por-
ticus illas eminebant. In paruo exemplo, nonne *Bursam*, vt vo-
cant, Antuerpiensium vidisti? fac maiorem, & oblongam esse:
habet (quod ad Porticus attinet) imaginem prisca alicuius Fo-
ri. Sed membra singula iam videamus. Ait Vitruuius, *duplices*
Porticus fuisse: in altitudinem, aut latitudinem? vtrumque po-
tuit: sed credo magis in latitudinem fuisse, vt latius inambula-
retur. Tamen nec de illâ nego, cum satis clarè addat, & præci-
piat: vt superiores columnæ, quartâ parte minores, quàm inferiores
constituantur: propterea, quòd oneri ferûdo, quæ sunt inferiora, firmio-
ra debet esse, quàm superiora. Ergo & duplex columnatio in altum
solita vsurpari: sed in latum sæpissimè, atque adeò triplex, qua-
druplex, quintuplexque: quàm pulchrâ tot columnarum serie,
& superbâ facie? Capitolinus in Galieno scribit: quòd is *Porti-
cum* *Flaminiam*, vsque ad *Pontem Muluium* parauerat ducere, vt te-
trastiche fieret, aut etiam pentastiche. Intellegit quaternos aut quinos
istos ordines: qui tamen rari haud dubiè erant. Iam super istas
Porticus, Ambulationes erant: quod ipsum in Antuerpiensi
Bursâ. At reliqua iam, quàm imaginem hodiernam admittunt,
Basilicæ & *Templa*? nullam. Quid *statuæ*, & interior ille ornatus?
nullam. Talia igitur Fora, vt communiter hoc præmiserim: ve-
niamus ad ea magis singillatim. Fora duorum generum Ro-
mæ: & in vniuersum xvii. numerant descriptores Vrbis. Erant
Ciuilia, erant *Vanalia*: illa, in quibus res & lites agebantur; hæc,
in quibus merces aut species certæ vanales. vt *Suarium Forum*,
Piscatorium, *Pistorium*, *Boarium*, *Holitorium*, & talia. In vtrisque
& cœtus, ac circuli, ac sermones hominum erant, vt solet in va-
cuis: sed magis in Ciuilibus illis. quæ scito olim fuisse tria, Ro-
manum, Iulium, Augustum. Seneca ad hunc numerum: *Infirmitati-
nes, furta, fraudes, quibus trina non sufficiunt fora*. Martialis:

Atque erit in triplici par mihi nemo foro.

Ersi idem Martialis quartum etiam vidit. Nam Domitianus
Imp. incohauit *Forum*, quod *Transitorium* vocabant, & postea
Nerua absoluit, ab eo *Nervæ* etiam dictum. Quintum denique
addidit *Traianus*, ab ipso sic appellatum. Luber breuiter lustra-
re singula, & quædam in iis, leui oculorum iniectu, præcipua
obser-

obseruare. ROMANVM igitur est, quod *Vetus* appellant, ad spectu ad hæc posteriora; itemque *Magnum*, quia, vt videtur, spatium superauit. Id à Romulo institutum, inter Capitolinum & Palatinum montes, ad huius finem: sic vt templa Capitolina ei imminerent, Palatij variæ structuræ, & varia in ambitu templa. Sed hæc postea fuere: Romuli æuo, simplex planities; L. Tarquinius Priscus postea exornauit, & *Tabernis ac Porticibus* cinxit. Alij deinde tā multa & varia (quia quisq; opus suum in conspiciendā maximè & celebri parte exstare cupiebat) addiderunt: vt multæ & curiosæ curæ sit singillatim recensere. & iam Antiquarij nostri in parte maximā fecere. Strabonis hoc audi. qui vbi *Campum Martium* valde laudasset, addidit, *Quæ omnia si quis videret, dicat censeatque reliquam urbem, non nisi additamentum campi huius esse. At idem si in FORVM VETVS* deinde progressus, alia aliis hærentia & cōsequentia videat, *Basilicas, Porticus, Templum Capitolium ipsum, & in eo templa; tum Palatium, & Livia Ambulacra*: is faciliè priorum obliuiscatur, & omnium quæ viderat extra urbem. Sed & Statius quædam recensuit, in Equo Domitiani. Ille enim ex ære colossū illum, & se infessorem constituit in hoc Foro, narratque & laudat poëta in primo suo carmine:

Quæ super imposito moles gemmata colosso

Stat Latium complexa forum?

Nam *Latium Forum*, hoc nostrum Romanum est: sed quæ *moles gemmata*? nam geminas & lapides in ære isto fuisse, nugæ. An igitur, nitida & splendens? vt idem alibi, — *nitidis gemmantia saxa Balnea*: & alij, *gemmales alas pauonis*. Et si alia in his causis & aspectus, & quod olim diuinaui, in libro scripto etiam reperi, *geminata*. Omnino geminata & duplex illa moles, ipsa crepido siue basis altior; tum vir cum equo impositus super eam. Verba qui pensitatè examinat, assentietur. Sed reliqua etiam carmina poëtæ notanda antiquariis, ad sedem certam aliquot hîc ædificiorum. Nam ait:

Par operi sedes. hinc obuia limina pandit,

Qui fessus bellis, adscita munere prolis,

Primus iter nostris ostendit in æthera Diuis.

At laterum passus, hinc Julia templa tuentur,

Illinc belligeri sublimis Regia Paulli,

Terga pater, blandoque videt Concordia vultu.

A fronte facit fuisse *Limina Julia*. nam de Iulio Cæsare hæc capienda quis ambiget, cum à prole adoptiuâ consecratum, primum Cæsarium, dicat? Et est ipsum templum Iulij, nisi fallor. A latere deinde *Basilica Iulia*, quam Festus ad Seruiliū lacum ponit. Nam quod vulgò legitur, & ego recitavi, *Julia templa* in Statio: ex meo scripto codice, omnino verius, *Julia testæ*. Enimuerò hæc *Ædes Iulij* in medio circiter Foro fuit: quod etiam factum in aliis Foris, & vt medium aliquod templum decorè esset, mox discēs. Adiungo IVLIVM FORVM, quod C. Cæsar, etiam priuatus, & Proconsul adhuc Galliæ concepit, atque adeò cœpit. Nam locum & aream emit, ac purgauit. magno sanè, & Suetonius dignum notari putauit ipsum pretium: *Forum*, inquit, *de manubiis incohātū, cuius area super HS. millies constitisset*. Ea sumina est nobis (repeto, etsi meminisse te æstimationes iam oportuit) *vicies quinquies centenū millium*. Tantūmne in solam aream? inquires. Tantum. nec mouet, quod viri docti, sed trepidi in talibus, diffidunt & mutare aut minuere vellent: saluntur. Quid? Plinio non erit etiam fides, in eādem re sic numeranti? *Pyramides regum miramur opera, cum solum tantum foro extruēdo HS. millies Cæsar Dilator emerit*. Nōne ipsā narratione & comparatione ostēdit ingentem aliquam, nec in simili re triam summam? ostendit. nec mirum, cum ædes plures in vrbe intīmā emerit, disiccerit, ad aream purgandam. Ne diffidamus igitur, sed faucamus magno huic Cæsari, qui & antequā tantus, concepit hæc magna. Imò verò *Dilator* tunc erat, dices: ergo iam Princeps. Nego fuisse. nec Plinij ea mens est, qui addidit quidē illum titulum, sed vt hominem designaret & discerneret, non vt emptionis tēpus. Credamus Suetonio, palām hoc inter Gallicanæ liberalitatis exempla referenti. Tunc igitur emit; sed bellis impeditus aut tardatus, non nisi post bellum Africum perfecit. Appianus: *Cæsar post triumphos, Veneri Genetrici templum struxit, quod vouerat in prælio Pharsalico: & aream circum templum addidit, ibique voluit Romanis Forum esse. non id quidem rerum ventalium, sed ad LITES aut negotia conuenientium, sicut & Persis forum erat quoddam vel iuris petendi dicendique caussum, vel & discendi*. Dio Cassius de eodem sub idem tempus narrat:

Cæsar

Cæsar forum, quod ab ipso dictum est, exstruxit. quod PVL-CHRIVS ROMANO est, etsi dignitas illius auxit ex isto, factumque ut MAGNUM diceretur. Atque hoc Forum, unâ cum eade Veneris Genetricis, auctoris sui generis, dedicavit. Nota in eius verbis, pulchrius Romano fuisse: quod equidem credo, vel quia à Cæsare, vel quia posteriora opera prioribus ferè antecellunt. Quod tamen ex Ammiano vix dixeris: qui Iulium hoc silet, Romanum extollit: & prisca potentia forum appellavit, & Constantij oculos in eo, miraculorum densitate, præstrictos. Fuit autem hoc Iulium haud longè nimis à Romano, post templa Pacis & Faustine. Transeo ad AVGVSTI FORVM: quod nominatim Plinius inter maxima operum collocauit. Profectò gradatim scandimus, & meliora ac maiora in his damus. De isto Suetonius: Forum cum eade Martis Vltoris struxit. Causa exstruendi, hominum & iudiciorum multitudo, quæ videbatur, non sufficientibus duobus, etiam tertio indigere. Ergo Mars hîc Vltor in medio, ut antè Iulius, aut Venus. Ovidius Bisultorem cognominat: quia & ob vindictam patris necem hoc cognomen Augustus imposuit; & ob Crassianam cladem, signis à Partho receptis. Porticus in eo, de more, ad latera: sed hoc in iis singulare, & ab Augusti inuento. quòd in alterâ, ordine omnes Latini reges à capite & principe Æneâ essent; in alterâ, Romani Reges, aut Duces clari, à Romulo ipso. Ovidius de Marte illo:

Aug. cap.
XXII.

v. Fast.

Hinc videt ÆNEAN oneratum pondere caro,

Et tot IVLAE AE nobilitatis avos.

Hinc videt ILIADEN, humero Ducis arma ferentem,

Claraque dispositis ACTA subesse viris.

*Tropæo-
phorū, spo-
liis Acro-
nis onustū.

Aug. cap.
XXII.

Ille ab utroque igitur latere hæc videbat: & de hac re Suetonius. Proximum à Diis immortalibus honorem memoria Ducum præstitit, qui imperium populi Romani ex minimo maximum reddidissent: & STATVAS OMNIUM, triumphali effigie, in VTRAQUE fori sui PORTICV dedicavit. Nam et si Romanos Duces modò nominat, sanè & illos intellegi Latinos par est, & poëta iubet: inter eos & ipse Augustus locum habuit, atque eius Tituli & ACTA. Velleius: *Diuis Augustus, præter Hispanias aliasque gentes, quarum TITVLIS FORVM eius prænitet.* Ergo illuc sub quoque viro aut statuâ, suæ res gestæ breuiter & Index; quod ACTA poëta dixit. Atque

iste

istæ nouæ statux: quot deinde veteres, & prisca raræque artis?
 In Arcad. Pausanias prodidit, *Minervæ Alæ signum, ex eboze totum, in
 aditu Fori Augusti stetit*: additque in eâ occasione, & ipsum, &
 reliquos Principes, pleraque ornamentorum talium vndique auexis-
 se, & ad opera sua ornanda traduxisse. Situm autem hoc forum,
 supra ipsum Romanum, ad latus Capitolij, post ædem hodie
Diæ Martiæ. Quartum iam est, *Nervæ*. quod Domitianus
 incolavit, iste pertecit & agnominavit. Suetonius in Domi-
 tiano: *Novam ædem in Capitolio excitavit Jovi custodi;* & Forum,
 quod nunc *Nervæ* vocatur. Quomodo igitur tunc? *Transitorium*,
 ut opinor. Nam sic Lampridius, in Alexandro: *Statuas co-
 lossas, vel pedestres nudas, vel equestres, Divis Imperatoribus in
 Foro Divi Nervæ, quod TRANSITORIVM dicitur, locavit: omni-
 bus cum Titulis & Columnis AEREIS, quæ gestorum ordinem cõtine-
 rent. exemplo Augusti, qui summorum virorum statuas, in foro suo,
 è MARMORE collocavit, additis GESTIS. Locus & ad ista, &
 priora, notabilis. videsque imitari Augustum in ornando hoc
 Foro Alexandrum voluisse: quid imitari? vincere volui dicere.
 & cum ille statuas non nisi è marmore fecisset, iste ex ære, cum
 titulis etiam & columnis. Quæ autem istæ columnæ? an qui-
 bus, loco basium, insisterent, & Acta inscripta essent? an &
 alias intellegit, quæ seorsum Porticus sustinerent? Non de
 nihilo ambigo, quoniam in Pausaniâ lego, de quibusdam ædifi-
 ciis ex ære solido, differente: lego, inquam, fuisse talia, ut Miner-
 væ templum Spartæ, quod *Chalcicæcon* idèò dicitur, atque item
 alibi. Sed tum addit in fidem, præsentaneum & sui ævi exem-
 plum, καὶ ῥωμαίοις, inquit, ἡ ἀγορὴ μεγάλου Ἰννα, καὶ κατὰ πολὺν τῆς ἀλ-
 λης, θαῦμα ἔσται, παρίστανται τὸν ὄψιν χαλκῶν: Romanis Forum, quod
 & magnitudine & alio apparatu omni instar miraculi est, exhibet te-
 ctum & camerationem æream. Quod istud Forum tecto æreo, vel-
 lem nominasset. nunc suspicari tamen fas est, de isto Nervæ
 capiendum: nisi de alio ædificio, quod *Chalcidicum* appella-
 bant, quodque Foris solet adiungi. Nam de tecto suspicari,
 æreis saltem tegulis, nihil est: nec hoc inter rara aut suspicienda.
 Istud portò fuit situm, inter Capitolinum & Quirinalè colles:
 dictumque idèò *Transitorium*, quòd per id in alia opportunè,
 velut transitus esset. An & quia lani in eo templum? quod quat-*

tuor

tuor portarum ibi fuisse Seruius tradidit: & Martialis libro x. de eo capiendus:

PERVIVS exiguos habitabas antè penates,
 Plurima quàm medium Roma terebat iter:
 Nunc tua Casaxeis cinguntur limina donis,
 Et fora tot numeras lane quot ora geris.

Dicit in angusto olim, quadrifariam peruium, hunc Ianum fuisse; nunc in foro Neruæ, cingi porticibus, & quæ alia ipse struxit: sed & ab eo iter & adspectus ad alia fora esse. AvD. Vide Lipsi. non enim Jani in medio foro templum, sed Mineruæ fuit. Nam ita Victor clarè: *Nerua imperio se abdicavit, dedicato prius Foro, quod appellatur Peruium: quo ades Mineruæ eminentior consurgit, & magnificentior.* Lips. Siftis, & pænè retroâgis me profectò. An igitur ad latus alibi Jani illud templum? an hoc Mineruæ potiùs non in ipso medio? Nam & Statius in Siluis, de Domitiano ita scripsit:

Sed qui limina bellicosa Iani
 Justis legibus & foro coronat.

Coronat, inquit: ergo cinxit. Tamen quia Minerua etiam ibi, familiare Principi numen, forum ipsum *Palladium* item dixerè. vt Martialis:

Limina post Pacis, Palladiumque forum.

Sed nos pergamus ad Quintum Foru, VLPIVM siue Traiani. Quis fecit: ipse Traianus: nec dabo hoc Cassiodoro, Domitianum vel cœpisse. Nam is quidè in Domitiani ix. consulatu, facit eum excitasse opera, *Foru Traiani, & Therma Traiani*, voluit Neruæ dicere: & iam à nobis demonstratum. Quale autè hoc fuit? Ammianus paucis verbis dixerit, clamitans SINGVLAREM sub omni cœlo STRUCTVRAM. Quid ampliùs? etiã NVMINVM ASSENSIONE MIRABILEM. Deus bone! an & cœlites terrestria hæc mirentur: etiam timeant fortasse. nam addit, GYGANTAEOS contextus fuisse, nec relatu effabiles, nec rursus mortalibus appetendos. Satis ostendit victa hoc opere, omnia illa quæ inuicta antea habebamus. Quid autem Cassiodorus? consentit. & *Traiani forum*, inquit, vel SVB ASSIDVITATE videre, miraculum est. Nihil potest efficacius dici aut concipi ad elegantiam, & raritatem: quæ rara scilicet & elegans esset, etiam in assiduo aspectu. Hæc commu-

* Id est, imitandos, aut tentandos.

T

niter

Lib. XIII.
cap. XIII.

niter adferre possum: quid per partes? *Apollodorum* architectum fuisse, summum in arte virum, & quem Hadrianus postea, liuore quodam ductus, occidit. Porticus & columnas fuisse, satis scitum est: & puto in altum plures. vnde enim alioqui *giganteos contextus* Ammianus diceret? Et sanè altitudo *Columnæ*, quæ in medio sita fuit, hodieq; appâret, est pedum CXXVIII: cum inscriptione, TANTAE. ALTITVDINIS. MONTEM. ET. LOCVM. TANTIS. OPERIBVS. ESSE. EGESTVM. Credo aut tam altas igitur, aut non longè infra, Porticus ipsas fuisse. In quarum fastigiis simulacra equorum, & signorum inilitarium. de quibus Agellius: *In fastigijs fori Traiani SIMVLACRA sunt sita, CIRCVM VNDIQUE, INAVRATA equorum, ac signorum inilitarium: subscriptumque est, Ex manubijs.* Nota hæc omnia inaurata fuisse: & probabiliter etiam Statuas quæ subter Porticus collocatæ. Quas M. Antoninus numero auxit: *qui nobilibus viris (in Capitolino) bello Germanico defunctis, statuas in Foro Vlpio collocauit.* Ibidem & Templum, & Equum aneum fuisse, Victor ostendit; & circum Bibliothecam, alij. Sed de Equo etiam Ammianus. cum scribit attonitum Constantium habuisse, omni spe huiusmodi quidquam conandi depulsâ: *Traiani tamen EQVVM solum, in atrij medio locatum, qui ipsum Principem vehebat, imitari se velle dicebat. Cui propè astans regalis Hormisdas, respondit gestu gentili, ANTE, inquit, IMPERATOR STABVLVM TALE CONDI IVBETO, SI VALES.* Liberè hoc Hormisdas, & verè. quid autem posteri manibus tale aliquid conderent? vereor vt nos, & nostri architecti, vix mente.

C A P. V I I I.

De Balneis Thermisq; & breuiter de Rostris.

AVD. Profectò, Lipsi, oculos mihi aperis ad hæc suspicienda: quæ ego non in magno antea habebam. LIPS. Fortasse nec ea quæ de *Lauacris*, id est Balneis aut Thermis Ammianus adiunxit. AVD. Haud nego. magna fuisse, hoc rustæ me docent; ornata valdè aut magnifica, nondum agnosco. LIPS. Licet per me breuiter. Et de magnitudine quidem, nonne ea ipsa miranda

randa in tot partium ædificio & membrorum? Ammianus ad eam, puto, respicit, cùm scribit *Lauacra in modum prouinciarum exstructa*: & quasi quæ non vides, sed regiones totas æmularentur. Satis audax elatumq; dictum, fateor: sed causam habuit. & Cassiodorus item signatè laudat & suggerit MIRABILEM MAGNITVDINEM THERMARVM. Et vidisti illas parietinas hodie Antonini Thermarum, aut magis Diocletiani? mira laxitas; & hæc Olympiodori dicent. Ἦσαι δὲ, inquit, λουτρὰ δὲ δημοσία παρμα-
 γλῆναι αἱ δὲ Ἀντωνιανὰ ἐκ περικλυμένων, εἰς χρεῖαν τοῦ λαοῦ κτιστὰ καὶ ἐδωκεν εἶχον
 ὁ βασιλεὺς χιλίας ἑκατοσίας, ἐκ μαρμάρου καὶ ποικιλοσμίνας ἔσεν, αἱ δὲ Διο-
 κλητιανὰ, ἐν τοῖς δημόσιαις. Erant lauacra publica INGENTIA, sicut An-
 toniniana Therma dicta, in vsum lauantium SELLAS habebant mille
 sexcentas, è polito marmore factas. Diocletiani autem circiter BIS
 TANTVM. Audin' tu? Diocletiani habuerint Sellas (alij * Solia * Vide No-
 maluerunt reddere) ter mille ducentas: quid nisi igitur tot perso-
 næ inibi simul lauari potuere? Vbi iam reliquum Therman-
 rum corpus? Cellæ, Solia, Piscinæ? Vbi capaces & longæ il-
 læ Porticus, Xysti, Nemora, Sphæristeria, & reliquæ partes? Certè Ammianum iam capio & admitto, in tot ædificiis &
 varietatibus, cum Prouinciis comparantem. Ipsum etiam Flau-
 uium Blondum, qui fortiter asseruit, nec QUATTVOR MAXI-
 MA ITALIAE PALATIA, simul iuncta, posse illas vnas Diocle-
 tiani adæquare. Ecce igitur magnitudinem: & distinctè in par-
 tibus quædam, * Sidonij epistola tibi dicet (lege, si lubido * Lib. 11.
 est) & Hieronymi Mercurialis, eruditi amici nostri, scripta, * 11.
 Gymnasticæ artis. De splendore porro & paraturâ earum, audi
 hæc Senecæ: Pauper sibi videtur ac sordidus, nisi parietes magnis
 ac pretiosis ORBIBVS resulserint: nisi ALEXANDRINA marmora
 NVMIDICIS crustis distincta sint: nisi illis vndique, & in PICTV-
 RAE modum variata CIRCVMELITIO pratexatur: nisi VITRO
 condatur camera: nisi PARIVS & THASIVS lapis, quondam ra-
 rum in aliquo templo spectaculum, Piscinas nostras circumdederit: ni-
 si aquam ARGENTEA epitonia fuderint. Et adhuc plebeias fistulas
 loquor: quid cùm ad balnea libertinorum peruenero? quantum STA-
 TVARVM, quantum COLUMNARVM est, nihil sustinentiū, sed in or-
 namentum positarum, & impense causâ: quantum AQVARVM per
 gradus cum fragore labentium? Eò deliciarum venimus, vt nisi GEM-

MAS *calcare nolimus*. Ea verò Senecæ increpatio aut delineatio, quàm clarè sub oculos dat & ponit, non Balneas aliquas, sed Principum dixeris Aulas? Et quædam ex istis Statius, in Balneo Etrusci:

*Nil ibi plebeium, nusquam Temesæa notabis
Æra, sed ARGENTO felix propellitur vnda,
ARGENTOQ. cadit, Labris quæ nitentibus instat
Delitias mirata suas.*

Significat fistulas & canales argenteos fuisse, ipsa etiam Labra. Idem de Vitro:

*Effulgent camere, vario fastigia vitro
In species animos quæ nitent.*

Lib. xxxij.
cap. xii.
* *Fistulas
intellegit.*

Quid autem Plinius narrat & culpat cum Senecâ: Jam verò *pa-*
dagogia ad transitum virilitatis * *custodiantur argento, semine lauen-*
tur, & nisi ARGENTEA solia fastidiant, eademq. materia & probris
seruiat, & cibis. Videret hæc Fabricius, & STRATAS ARGENTO
mulierû balneas, ita vt vestigio locus non sit cum viris lauantium. Sed
de argëto parùm est: nōne & de geminis substratis Seneca di-
xit? Quòd si igitur Priuata hæc ita culta: credo equidem &
Principes in suis, quæ publicabant, parcos aut sordidos nō fuis-
se. Eiusmodi *Publica & Gratuita* balnea, duodecim P. Victor ag-
noscit Romæ fuisse: omitto alia *Publica*, quæ *Meritoria* licet ag-
nominare. Nam paruo ere, & *Quadrante*, ad ea lautum ibant.
Quid, quod Plinius scribit *M. Agrippam in Ædilitate suâ, gratuita*

Lib. xxxvi.

præbuisse balnea centum septuaginta? atque addit Plinius: *quæ nunc*
Romæ ad INFINITVM auxere numerum. AVD. Hem! tot igitur &
Priuata & Publica balnea? & quo fine? LIPS. Quæris? ad equi-
tandum scilicet. & quis nescit, quòd ad lauandum? AVD. Ne sic
increpa, ego hoc rogatum volebam, cur tam multa, & an tam
assidua lauatō? LIPS. Assidua. & cottidie, de more, lauabant
ituri iam ad cænâ. Artemidorus scripsit; *Balneum nihil aliud suo*
uero fuisse, quàm TRANSITVM ad cænâ. Itaque qui sæpius etiam
cibum capiebant, sæpius lauabant. Commodus Imp. notatur
septies aut octies in die lauisse. Etiam inter Christianos, Sisinnius
quidam Episcopus *bis in die*: non sine suspitione intemperantiæ
& voluptatum. Sed ille diçterio culpantes illudit, rogatusque
Cur Episcopus cùm esset, bis lauaret? Quia ter, inquit, non possum. Si-
gnificabat

gnificabat bis se comedere, bis igitur lauare; tertio non ferre valetudinem. A v d. Noua hæc nobis. L I P s. Noua, qui desijimus hunc morem: nescio an rectè, quòd totum. Credam valetudini & vitæ profuturum, si in parte seruassemus, & cum modo: quem ingestum vetus Epigramma voluit, alibi in lapide sculptum.

* B. V. V. *corrumperunt corpora nostra,*
Conseruant eadem B. V. V.

* *Balnea,*
Vina, Ve-
num.

Tria intellegit, quæ modicè habenda; aut cum damno habenda, vel non habenda. Sed Ammiano duce satis vidimus: abeamus. A v d. Maneamus. quid tu nescis, aut dissimulas, de *Theatro*, *Amphitheatro*, *Odio*, *Stadio*, *Suggestu consulari*? L I P s. Scio, & memini: sed hæc per te satis te opinor scire. De *Amphitheatro* quidem scorsim libellum ego olim scripsi: idem in *Theatro* & *Circo* sit, si coner. Libri, inquam, res: quæso nunc omitte. Nec in *Odio* aut *Stadio* multa dicenda: atque illud Plutarchus in Pericetibi describet, ad *Musica certamina spectanda structum fuisse*, *interiore formâ sedilibus instructâ, & multis columnis: tecto declinâ, & ad imaginem atque instar tabernaculi regis Persarum.* A v d. Non ausim vltra te ducere. L I P s. Nec debes, fatigor. A v d. Tamen de *Suggestu* tria verba. L I P s. *Rostrâ* intellegi arbitror; sed ea quæ *Iulia* dicebant, siue *Noua*. Nam *Vetera* illa non in tanto nunc honore, vel vsu. Sed cur *Suggestum* ea dicit: à formâ, quam ostendit per gradus surrexisse cum dicit *vertice scansili fuisse*. Dicit & *imitamenta priorum Principum portasse*: id est vultus & statuas eorum. quas equidem arbitror in gradibus, ad extrema latera, dispositas in ordine fuisse. Eorum basim, siue ima, ornata *rostris nauium, ex Actiacâ victoriâ*, Dio Cassius me do- Lib. 11.
 cuit: & inde igitur *Rostrorum* nomen. A v d. Sed *Consulatum suggestum* cur appellat Ammianus? L I P s. Quia initio magistratus eò conscendere solent, & populum salutare: eodem iterum, cum deponerent magistratum. Mos ab antiquo mansit: qui & adire, & orare illic ac gratias agere populo solent, pro honore. Sed inferiori & Principum æuo, nihil factum, nisi vt conscenderent, salutarerent; itemque iurarent, aut eiurarent. Plinius de Traiano: *Iam toties procedere in Rostrâ, hic suscipere, hic ponere magistratus, quàm dignum te fuit?* Præiuit etiam: *In Rostris,*

T 3

simili

simili religione, legibus te subiecisti: iurasti in legem, attendentibus Dijs. Denique Claudianus de Stilicone Consule, inter sollemnia ponit:

Circumsusa tua conscendant Rostra curules.

Ergo & sedisse illuc in Sellâ curuli videntur, & sic se ostendisse, quasi auspicij causâ.

C A P. I X.

De Statuis, & earum custodelâ.

AV D. Ah, quàm iuuant me hi aspectus! quàm dolco ab Amimiano ductore, aut te doctore, deseri! L I P S. Vide benignitatem, da manum, porrò vel solus ego ducam. AV D. O hominem & verba mellea! non voluptatem meam te dicam, sed salutem. perge sic iuuare. L I P S. Vnum etiam in his omnibus operibus locisque monendum, de *Statuis*: quarum incredibilis *multitudo, pretium, speciesque*. Nullum publicum opus, quodcumque nomines; nullus adeò locus publicus aut vacuus, ubi non hæc ornamenta. Et credo equidem nihil magis in totâ vrbe ADMIRANDVM elegantioribus ingenijs fuisse. Earum originem & augmentum breuiter in Cassiodoro habes: *Statuas primum Tusci in Italiâ inuenisse referuntur, quas amplexa posteritas, panè PAREM POPVLVM vrbi dedit, quàm Natura procreauit*. Ludit in verbo eleganter: nec minore copiâ factos ab arte illos homines in vrbe fuisse vult, quàm istos à naturâ. Ludit in verbo, in te seriò dicit. & P. ViCTOR in fine Descriptionis suæ claudit, TABVLAE ET SIGNA SINE NUMERO. Planè sine numero. atque ego tibi de *Tabulis* etiâ oblitus eram dicere, sed hic monitor suggestit: quas scito magnorum illorum artificum fuisse, & ob quarum vnâ alteramque, vel Romanam philocali & elegantes illi venirent. Iam de *Precio* statuarum, quod tetigi, quis non vel è materie cernat? Omitto marmoreas illas & æreas infinitas: dico *Argenteas, Aureas, Eburneas* fuisse. Et argenteæ quidem sub Augusto maximè increbuerunt, Plinio & Suetonio notatum: sed ille moderatus est, & suas conflauit: non ita alij Principes, & nominatim Domitianus.

Lib. VII.

Cap. 13.

tianus. qui superbo arbitrio (Suetonius scripsit) *statuas sibi in Capitolio, non nisi aureas argenteasque poni permisit, ac ponderis certis.* Nota materiem, nota pondus: & ex solido utroque igitur metallo fuisse. Fortasse autem pondus in his Statianis verbis expressum:

Da CAPITOLINIS aeternum sedibus aurum,

Quo niteant sacri CENTENO pondere vultus.

Statuam Domitiani consecrari poniq; vult in Capitolio, & eam non minus *centum pondo*. In Capitolio, inquam. nam & hunc locum facerrimum profanus Princeps statuis suis sedem elige-
 gebat. Plinius in Laudatione Traiani: *Itaque tuam statuam in vestibulo Iouis Opt. Max. vnam alteramve, & hanc aream, cernimus: at paullo ante ADITVS omnes, omnes GRADVS, totaque AREA, hinc AVRO, hinc ARGENTO relucebat, seu potius polluebatur, cum incesti Principis statuis permixta Deorum simulacra sorderent.* Quod autem ad illud pondus, alia etiam grauiore, ne dubita. atque adeo Commodus Imp. *statuam mille librarum auream habuit, cum tauro & vacca, quasi urbis conditor*: quod in Dionis compendio est scriptum. Itaque nec pro magno: ut vero satis habeam, quod est in Trebellij Claudio: *Populus Romanus, sumptu suo, in Capitolio ante Iouis Opt. Max. templum, statuam auream decem pondo collocavit.* Quid? Principi suo totus populus, & in tali loco, tantillam statuam ponat? Scribe, scribe, *∞. pondo*: id est mille, & hinc quoque nota, *millenariam* notam in *Denariam* mutasse. Eide-
 dem Principi (idem Trebellius notat) *in Rostris posita columna est, & palmata statua superfixa, librarum argenti mille quingentarum.* Disce & hinc pondus grande in utroque meliore metallo: quod crebrum omnino fuit, & crebrius etiam misceri, & æs vel argentum inaurari. Ammianus de vulgo Romanorum nobilium: *Ex his quidam aternitati se commendari posse per Statuas* Lib. xvi.
assimantes, eas ardenter adflectant, atq; AVRO curant IMBRACEA- RI. quod Acilio Glabrioni delatum est primo. Inauratas intellegit, quod aliquoties in lapidum titulis expressum legi, *SVB. AVRO. STATVAM. PONI.* In eodem Ammiano, vides studium in eâ re Romanorum. quod & ante illum Dio aperuit, & simul repressum ostendit. *Urbs, inquit, statuis implebatur. quia licebat* Lib. vii.
cuique passim in Tabulâ, Ære, Marmore, se publicare. quod Claudius Imp.

Imp. vetuit, & pleraque iam positas loco mouit, & aliud transtulit, edixitque ne quis in posterum PRIVATVS poneret, nisi Senatus permissu: excepto, siquid OPVS PVBLICVM faceret, reficeretve. Coërcere igitur Princeps ille voluit, quia nimia iam copia: & urbem, vias, vicos, non ornabant, sed stipabant & arctabant. Atqui exceptio quam ponit, & permissio item à Senatu, fræna iterum laxant: & in vrbe qui non potuit, is se in villis aut agris publicabat. Ad summâ, mi Auditor, hæc vna res ad Opes item est Romanas ostendendas: & maximè si varias species Statuarum cogitas, *Colossas* quasdam, *Curules, Equestres, Pedestres*, & habitu variante & diuerso. Quid quod equorum, leonum, sphyn gum, & variorum animalium? vt *Obeliscos*, & hæc talia omittam. A v d. At enim mihi hîc cogitatio, & pænè cupiditas. L I P s. Quæ? A v d. Improbula. nam cur non fas è statuis illis aureis argenteisque Deorum vel Principum, aliquid transeuntem abradere, vel rescare? L I P s. Nefas homo, nefas. Tu è statuis Principum? capite luisse violata illa sacra. Sed nec Priuatorum licuit. A v d. Nam quis sciisset, aut dixisset? de nocte. L I P s. Disce, imperitus es, custodiam & cautelam antiquam. Miles in vrbe excubabat, *Vrbani* ille & *Vigilum* ad templa, ad loca item publica: sed præterea certus etiam Præfectus huic Statuarum custodiæ, & qui militem haberet. Vocarunt id officij, *Comitiuam Romanam*. & Formula eius hæc in Cassiodoro legitur:

Lib. vii. *Si clausis domibus insidiari solet nequissimum votum, quanto magis in Romanâ ciuitate videtur illici, qui in PLATEIS pretiosum reperit, quod possit auferri? Nam quidam POPVLVS COPIOSISSIMVS STATVARVM, greges etiam abundantissimi EQVORVM, tali sunt cauteli seruandi, quali & curâ videntur affixi. Tum verò addit: Quare per indictionem illam COMITIVAE ROMANAE tibi concedimus dignitatem. Officium tuum, & MILITES consuetos, noctibus potiùs inuigilare compelle: in die autem ciuitas seipsa custodit. Atque hic est qui Comes Romanus appellatus, quia Romam, & eius opera, seruabat.*

CAP. X.

De Viarum magnis operibus, & nominatim de Appiâ.

AN & longiùs etiam eo? nec Romam solùm, sed quẽdam circa eam, ostendo? faciam, vt inter tantas Opes & animos, me quoque largum fieri videas & benignum. Tria occurrunt, præter Ammiano dicta, vel maxime ADMIRANDA, *Via, Aquæductus, Cloaca.* AVD. Non sustineo me, nec reprimò: tu Cloacas nobis inter magnifica, & sordes has inter illos splendoros? Hoc verè est, quod poëta dixit: *-stellis nebulam spargere cædidis.* LIPS. Non sic dices, vide & audi: imò & sub terrâ thesauros tibi ostendam, & latentium quorundam operum moles. Sed ordine videamus: & primò iudiciũ de his tribus Dionysij. Scriptor ille sub Augusto Romæ fuit, & per viginti annos circiter vixit: ergo benè eam vidit, nouit, & (vt viri ingenium) diiudicauit. Profert & eloquitur: *Ego sanè in tribus MAGNIFICENTISSIMIS operibus Romæ, & e quibus MAXIME APPARENT illius imperij OPES, pono AQUAEDUCTVS, VIARVM munitiones, CLOACARVM structuras. Neque id solùm ad UTILITATEM eiusmodi operũ respiciens, sed etiam ad IMPENDII sumptuumq; modum.* Ecce, hæc tria vult velut specimen & argumentum esse Romanæ opulentiae & potentiae: siue ab vsu consideres, siue ab impendijs & sumptu. Quod ille censuit, tu accensebis, cum singula dispicies & intentè lustrabis. Primæ sunt *Via*, quas illi non in Vrbe solùm, sed extra eam, ad longissima spatia, plurimas, & plurimo opere, muniuerunt. Stupor me habet, cum vel vnã Appiam considero: de quâ Procopium, non me, audi. Belisarius, inquit, *viã Latinã exercitum duxit, Appiã ad leuam dimissã.* Hanc Appius Romanorum Censor ante annos nongentos struxerat, & à se dederat nomen. Longitudinem eius quinque dierum spatium vir expeditus possit emetiri. Ab vrbe Romã Capuam pertinet, eã latitudine, vt duo currus ex aduerso obuij, liberè queant peruadere & commutare. Et est sanè hæc via, præter ceteras, spectabilis. siquidem

Lib. iiii.

Lib. i. de
belio Goth.

Appius ex aliâ & longinquâ tunc, ut reor, regione excisos lapides, & hos quidem siliceos, ac suo pte ingenio durissimos, in hanc viam vehendos curauit. Quos planos deinde at leues redditos, & quadratos incisione factos, iunxit & in ordine locauit, metalli nihil vel alterius rei inferendo. Sunt tamen ita connexi, & valide inter se hærent, ut speciem visentibus præbeant, non coniunctos ita, sed congenitos esse. Et quamuis tot iam sæculis atterantur, assiduâ plaustris iumentis quæ tamen neque serie suâ vel minimum exeunt & dimouentur, neque franguntur, aut leuiorem suam amittunt. Hæc Græcus ille scriptor, & oculatus arbiter, extra argumentum historiæ suæ accuratè inferuit, admiratione inductus, quæ stylum eò traxit. Examinemus, & libremus. Ait, Appium ante annos nongentos struxisse.] Imò octingentos quinquaginta circiter, quod Fasti dicent. Si autem stauit lapidibus Appius: quid est, quod in Liuiο legimus, Q. Fuluium Flaccum & A. Postumium Albinum Censores, vias sternendas silice in vrbe, & extra urbem glareâ substruendas, marginandasque, PRIMOS OMNIUM locauisse? Quomodo enim primi omnium, cùm hi fuerint Censores anno Urbis D LXXX: at Appius aliquot ætatibus præcessit? Quid, quod Flaminia via diu antè strata, & sub bellum Punicum secundum? An hoc Liuius sensit, glareâ tunc priuùm stratas? an potius, primos ipsos locauisse? an denique ad Censores iunctim refert? per otium examinandum sit. Obserua autem in Liuij verbis, duplicem rationem sternendi, vel Glareâ, vel Silice. Quæ utraque & Tibullo notata, ad Messallam:

Namque opibus congesta tuis hic GLAREA dura

Sternitur, hic aptâ iungitur arte SILEX.

Obserua ampliùs, marginari solere: quod caput sanè erat, & Agger ille viæ cùm altiusculus, & instar puluilli esset (ita solet:) firmiter arctari & stringi lapidibus grandioribus ad oras debebat, ne difflueret & spargeretur. Hoc marginari: & ibidem etiam alij lapides duplices, & ad vsum duplicem. Priores, Cippi quidam eminentes, in quibus insidere fessis, onera reclinare, aut & ascendere ex ijs in equum fas esset. Ij crebriores dispositi per totam viam: alteri autem rariores; qui vt Columellæ exstabant, & notis numerorum incisi, miliaria notabant. Vtrumque hoc G. Gracchus instituit, Plutarcho notante:

tante : & gratum in vulgus fuit. Cur non esset ? experti nos peregrinantes sumus, nihil magis ad tædium, & fatigationem esse, quàm ignaros spatiorum oberrare : & contrà, refici animum ac vires cā signatione. Quintilianus benè : *Partitio reficit audientem, non aliter, quàm facientibus iter, multum detrahunt fatigationis* NOTATA INSCRIPTIS LAPIDIBVS spatia. Rutilius eodem pertinet :

Intervalla viæ sese præstare videtur,

Qui notat inscriptus MILLIA multa Lapis.

Hinc ille mos per Lapidés computandi : quos Græci ab hac notatione milliarium, *Μυρία* vocant : id est *Signa*, siue *Notas*. Sed pergit Procopius, *Longitudinem viæ Appiæ, quinque dierum esse.* Quid ? vniuersæ eius Brundisium vsque ? non opinor, nec res est : sed Capuam dumtaxat, quò & Appius produxit : & verba Procopij ita dicunt. Notavit & Frontinus : *Appia aqua inducta est ab Appio Claudio Censore, qui et viam Appiam, à portâ Capenâ vsque ad urbem Capuam muniendam curavit.* Neque verò ulterius ille potuit, cùm nec vltiores tunc Romani fines. Quis autem longius, & Brundisium vsque muniuerit, in obscuro est : munitam tamen id constat. Ecce Strabo, *Viam Ap-* Lib. v.
piam Tarracinæ facit mare primum attingere, et Brundisium vsque
stratam esse. Tacitus Libonem consultauisse : *utrùm habiturus* Lib. x.
esset opes, quis viam Appiam Brundisium vsque pecuniâ operiret. Ann.
Denique & Horatius :

Brundisium melius Numici viâ ducat, an Appi ?

Producta igitur : an à Iulio Cæsare, quem Plutarchus scripsit, *Appiæ Curatorem factum, plurimum pecuniæ in eam impendisse ?* an ab Augusto, qui pleraque omnes vias per Italiam ipse, aut per alios, muniuit ? Nam Plinio accedere, siue is Nepos est, *de Viris illustribus*, non possum : qui *Appiam viam Brundisium vsque lapidibus strauisse* scribit, *unde illa Appia dicta.* Nam hoc sanè certum, loca ea id aui, hostilia aut aliena Romanis fuisse. Tota autem hæc longitudo est, *milliarium circiter CCCL* : nequis de *quinque diebus* Procopio dictum, huc trahat. AVD. Atqui nec Capuam vsque tanti sunt, nisi ignauo & parùm accincto viatori. LIPS. Fateor, sed flexus etiam suos & declinationes scito viam habuisse. Adde de latitudine, vt

* Sunt miliaria
XXXIII.

duo currus peruaderent.) Nescio, neque dimensus sum (alibi tamen potest, & existat:) sed opinor igitur haud minus *viginti-quinque pedes* patuisse. Amplius, de materie, *ex longinquâ regione lapides aduectos, eosque siliceos.*) Silicem intellegit, durum asperumque lapidem, & è rupibus: non illum minutum & tenuem, quem vulgò vocamus, & qui in *Glaream* potius venit. Illo modo Plinius, Liuius, atque alij locuti. Sed è quâ regione petiti? in viciniâ tales non esse, hoc Procopius indicauit. Onufrius Panuinus hoc amplius, *montes ostendi duos, ad Sinuessam unum, alterum inter Puteolos & Neapolim, è quibus saxa ea, colore & duritie FERRVM referentia, videantur excisa.* At Leander Specus & fodinas in Bruttijis exstate, ad *Seminariam*, è quibus lapides ad vias eruti, præsertim ad Appiam. Quidquid sit, opus mirum & laboriosum fuit. Nos in Procopio pergamus, qui addit, *Lapides planos quadratosque fuisse.* Conspiciuntur hodie tales, diuersâ magnitudine, *trium, quattuor, quinque* etiam pedum quaquauerfus. Cetera de *iuncturâ & firmitate*, utq; *unum corpus* appareant: sunt miranda magis, quàm explicanda. AVD. Certè mirifica hæc Via: sed tu nempe *vnâ* & *eximiam* eligis, de quâ poëta,

Appia LONGARVM teritur REGINA viarum.

aliâ non ad istam. LIPS. Mihi crede, ad istam. etsi hæc celebritate, & longitudine eminuit: quia à Româ in Græciam, Asiam, & trans mare ducebat. Sed quid *Flaminia* via, an breuior? quæ Româ Ariminum vsque, & inde porrò Aquileiam ducebat? Nam quod ad munitionem, pleræque similes: nec in Italiâ solum plurimæ, sed in prouincijs ipsis. Isidorus scripsit: *Pænos primos lapidibus vias strauisse, quas postea Romani panè per TOTVM ORBEM disposuerunt.* Et quomodo? excisis sæpe montibus, complanatis vallibus, ut æquabiles, & faciliores ita viæ essent. Strabo: *Εξεργασαν δὲ ἔτι τὰς ὁδοὺς, ἀπερὶ δούτις ἐκαστὰς τὴν λόβαν, καὶ ἐγγυώσιν κοιλὰς διὰ, ὥστε τὰς ἀρμαμάχας διέχουζαν προβήμιαν φορτία:* *Strauerunt & Vias, excisis montibus, vallibus repletis, ut currus vehere possint & suscipere nauium onera.* Habes vias, & ornatum: mentior, & itâne præcipuum me fugiat? præcipuum dico, si non in vsu, at splendore & voluptate. Id fuit, quòd monumenta & sepulchra passim ad viam assita, & latus vtrumque

que prætexebant. Quàm pulcher ille aspectus vianibus? quanta & seriorum, & iocorum, materies? Illuc illustrium ingeniorum, aut clarorum virorum memoria & inscriptio: alibi libertorum, seruatorum, scottorum, superba monumenta. Mirari, dolere, illudere, etiam detestari occasio erat: & quid in tot titulis & inscriptionibus pasci? Quædam enim à meliore ingenio, & scitæ; quædam aliquâ notâ aut inuentiunculâ spectabiles; & istæ quæ hodie existant, dicent. AVD. Ita me Deus, iucundum aspectum! & ego si in tali viâ, remorer, subsistam, indormiam. LIPS. Sed & vilem aspectum. Varro: *Monimenta secundum viam, quò prætereuntes admoneant, eos se fuisse, & illos esse mortales.* Quid ampliùs? omnium illorum qui disparibus monumentis teguntur, parem in exitu sortem fuisse. *Æquat omnes cinis. impares nascimur, pares morimur.*

Sen.

CAP. XI.

Aqueductum mira.

SED *Aqueductus* iam nostros videamus, & pulcerem fordesque, si quas è Viâ contraximus, abluamus. Quid in iis tamen hæream? Iulius Frontinus est in manibus, qui olim *Aquarum Curator*, pulcherrimos libellos duos de totâ re scripsit, & ad nos venerunt. Ex illo, aut aliis, quædam libabo. Diu igitur Roma sine Aquæductibus, & Tiberis, ac siqui fontes natiui erant, sufficiebant populo, sed nondum sic aucto. Vrbe dein magnâ, plenâ, & cùm in collibus, procul à flumine, degerent; *Optimum rerum aqua*, vt poëta canebat, quæ sita, & per

Pind.

tubos ac canales, in fornicibus lateritiis, Romam aduecta. Id factum primò, anno Urbis ccccxli. cùm Ap. Claudius Censor, idem qui Vias sternere instituit, hoc quoque bonum inuenit. Ab eo est *Aqua Appia*, per milliaria circiter undecim deducta. Hoc initium: sed Deus bone, quæ mox incrementa? Nam egebat sanè ille populus aquis, non solum ad potum, sed ad balnea, ad fullonicas, ad Naumachias & Circos. Atque ita vbertim inducta fuit, vt quisque domi, aut in vicino, ha-

beret copiam: scribitque Strabo, FLVMINA per urbem & Cloacas videri fluere, atque VNAMQVAMQVE DOMVM propemodum habere fistulas & canales, quibus aquam inducat. De eadem re Plinius: Siquis diligentius asstinauerit AQVARYM ABVNDANTIAM in publico, Balneis, Piscinis, Domibus, Euripis, Hortis, Suburbanis villis spatioque aduenientium exstructos ARCVS, montes perfoßos, conualles aquatas, fatebitur NIHIL MAGIS MIRANDVM fuisse in TOTO ORBE terrarum. Copiam habes, molem in adducendo habes, miraculum super omnia mira orbis, Plinio quidem iudice, habes. Quid Cassiodorus de istis! Formas ipse appellat hos Ductus, quod & Iurisperiti, atque inferior ætas fecit. De ijs igitur: In Formis Romanis vtrumque præcipuum est, vt & FABRICA sit mirabilis, & aquarum SALVBRITAS singularis. Quot enim illic FLVMINA quasi constructis MONTIBVS perducuntur? naturales credas alueos, soliditates saxorum: quando tantus impetus fluminis tot seculis potuit sustineri. Credamus hoc ergo iam Frontino, paucis fideisque verbis effanti: MAGNITVDINIS Romani imperij, id PRAECIPVVM esse indicium. Benè & verè. quia non Romæ tantum, sed in coloniis plerisque, & maioribus opidis, hæc fuere. Sed norimus Romanos, & alios, ab his exemplis. Ij fuere in urbem perducti quattuordecim (vt Procopius eos numerat) coetili laterculo per priscos illos edificati, eâ LATITVDINE ac simul ALTITVDINE, vt vir eques commodè per eos possit incedere. Vide an non verè aluci quidam fluminum dicantur, cum tam magnis amplisque canalibus aquas vehant. Sed hæc altitudo, de ipsis modò est: quid Arcus & Fornices arbitraris? quos in quibusdam locis subleuatos centum nouempedes, Iulius Frontinus affirmat. O rem stupendam! & magis, quod à tot milliaribus continuo opere (etsi non vbique sic alto) perducebant. Reperies quosdam à QVADRAGESIMO milliari perductos esse: & nempe per valles, per montes, per tot inæqualia, supra, infra terram: ô iterum rem stupendam! & Rutiliu audi:

Quid loquar AERIO pendentes fornice riuos?

Quâ vix IMBRIFERAS TOLLERET IRIS AQVAS.

Hos potiùs dicas crenisse in sidera MONTES.

Tale GYGANTAEVM Gracia laudat opus.

Sunt

Sunt certè, aut videantur, opera Gygantum, an Geniorum aliquis dicat? & mens obnubilat Architectis nostris, cùm vel reliquias paucas & ruinas vident. Exstant iuxta Sublaqueum *Aquæductus Claudiani* fornices, & ingentes pilæ sustentantes: quas Albertus Leander sedulò vidit & scrutatus est. crumpit deinde in hæc verba: *Fieri profectò non posse scio, quin omnino incredibilis sit, nisi oculis vsurpetur, operis huius ratio ADMIRANDA. Nec enim MAIUS QUIDQVAM excogitari posse HVMANO INGENIO arbitror, quàm quod hic Romani, effossis tanto spatio MONTIVM intimis visceribus, fecerunt. Ad quæ opera patranda NVNC TOTVS ORBIS infirmus futurus videatur.* Si quis veterum hæc dixisset, blanditus scilicet ævo suo aut suis fuisset: quid iste vir nouitius? quid in talibus & curiosus vnice, & peritus? Loquitur autè, vt dixi, de Claudij Aquæductu, de quo & Plinius: *Vicit antecedentes aquarum ductus nouissimum impendium operis, inchoati à Cæio Cæsare (Caligulam intellegit) & peracti à Claudio. Quippe à quadagesimo lapide, ad eam EXCELSITATEM, vt in OMNES VRBIS MONTES leuantur, influxere Curtius atque Ceruleus fontes. Erogatum in id opus HS. ter millies. Notabile valdè, & vtile, quòd in summos Urbis colles aqua inde & deriuari, & dispensari posset: adeò in altum educta erat. Hoc ipsum Cassiodorus notat, Claudiam, per tantam fastigij molem, sic ad Auentini caput esse perductam, vt cùm ibi ex alto lapsa ceciderit, cacumen illud excelsum, quasi in iam vallem, irrigare videatur.* De pecuniâ autem in id opus imputatâ (fuerunt, ex Plinio, septem nostri millones, & semis) valdè miror Budæum nutare, & pænè mutare. Per fidem, quæ causâ est? imò augendi causâ, si quis benè examinet: & planè, nisi aliqua militaris, aut & scruiilis manus ad opera damnatorum (vt Romanis imos) accessisset. Iure igitur, vt claudam, exclamat Frontinus: *Tot aquarum, tam multis NECESSARIIS molibus, Pyramides videlicet otiosas comparem, aut cetera inertia, sed famâ celebrata opera?* Non compares Frontine, minimè: hæc sunt, vt Plinius appellat, verâ æstimatione INVICTA MIRACVLA, & quibus alius orbis tam æquo animo victum se à Romanis, quàm armis, fateri debet. Dixi autem ex Procopio suprâ, Aquæductus istos XIII. fuisse: sed auget P. Victor, & xx. numerauit. Plinius quædam de Lacubus aliisq; additamentis

Aquæ-

Aquæductuum scripsit, non sine miraculo etiam audienda. Agrippa in *Ædilitate* suâ, adiectâ *Virgine aquâ*, ceteris *corruatis* atque *emendatis*, *LACVS* septingentos fecit, præterea *SALIEN- TES* centum quinque, *CASTELLA* centum triginta: complura etiam *CULTV* magnifica. Operibus iis *SIGNA* trecenta area aut marmorea imposuit, *COLUMNAS* ex marmore quadringentas: eaque omnia *ANNO SPATIO*. Hæc vnus Agrippa, & vno anno. O virum Augusto Principe dignum! ô virum vel Principatu dignum! & non credo benignius & publicè vilius ingenium, non item modestius & Principi aptius, existisse. Tales, tales sint vobis ô magni Reges consiliarij & ministri: qui opibus per vos aucti, eas in publicum refundant, & gratiam gloriamque simul, operibus suis, apud posteros, imperij vestri propagent. At scripsit Plinius *Lacus septingentos* ab eo factos: rectè, ab eo: sed plures longè fuere in vniuersum, & mille trecentos quinquaginta duos *Notitia imperij* collegit. Isti non aliud, quàm aquarum in publico receptacula: è quibus petere omnibus fas esset. etsi gratior æstimatorque è *Salientibus* ipsis sumpta. Nota autem in Plinio, tot *Signa*, tot *Columnas*, ad ornatum *Lacuum*, *Salientium*, *Castellorum*: atque ea ab vno Agrippâ: quid arbitraris ab aliis prioribus & secutis fuisse? Atque alia etiam assidua multa impendia circa has aquas: quarum *Curatores* ab Augusto instituti, cum *licetoribus*, *seruis*, *scribis*, *librariis*, *accensis*, *praconibus*: vt Frontinus scripsit, ipse inter *Curatores*. Sed præcipuum, quòd familiæ & homines certi ad tuenda hæc opera, sumptu publico tolerati. Quod idem Frontinus ita prodidit. & Agrippam primò, per *seruos priuatos* suos hæc fecisse, eamque familiam Augusto morientem legasse. Augustum deinde publicasse, & deinceps mansisse: atque habuisse homines circiter CCXL. Erat autem & altera, inquit, *Familia Caesaris dicta*, & numerus eius CCCLX. quam Claudius, cum aquas in urbem perduceret, instituit. Addit, in utrâque varîa ministeria fuisse, *Villicos*, *Castellarios*, *Curatores*, *Silicarios*, *Tectores*, aliosque opifices. Habes igitur perpetuos homines sexcentos, ad Aquarum tuitionem.

CAP. XII.

Cloacarum mira.

QUAS Aquas nunc dimitto, & ad *Cloacas*, te duco. Eas sci-
 to à Tarquinio Prisco rege structas, quo neino Regum
 plura aut meliora. Structæ autem ad munditiam, quod clarum
 est, sordesque omnes vel abluendas, vel euehendas: sed & ad
 sanitatem, quæ illam amat. De magnitudine huius operis, quia
 mirabaris nos mirari, Plinij & Cælliodori verba danda sunt:
 qui vterque satis firmiter dicet, quid magni rarique in opere
 isto fuit. Ille igitur: *Cloacæ*, inquit, LIB. XXXVI. CAP. XV. OPERVM OMNIVM
 MAXIMVM, suffossis montibus, atque urbe pensili, subterque
 NAVIGATA. Fecit id Agrippa in Ædilitate, per meatus corruuatis
 VII. annibus, cursuque præcipiti, TORRENTIVM modo, rapere om-
 nia atque auferre coactus. Qui insuper mole imbrum concitati, vada
 ac latera quatiant, aliquando Tiberis retrò infusi recipiunt fluctus, pu-
 gnantque, diuersi aquarum impetus intus: & tamen OBNIÆ FIRMI-
 TAS resistit. Trahuntur moles interne tantæ, non succumbentibus caus-
 sis operis, pulsant ruinae sponte præcipientes, aut impacta incendiis, quati-
 tur solum terræ motibus: durant tamen à Tarquinio Prisco annis pro-
 pè octingentis INEXPVGNABILES. Initio audis, operum omnium
 maximum fuisse: atque ego ac tu fortasse ridemus. A V D. Non
 audeo, etsi gestio: sed vereor turbate. LIPS. At aliâ atque aliâ
 causâ etiam rideamus. Tu, quia res vilis attolli videtur: ego,
 quia toties iam audio, operum omnium maximum, aut maximè ad-
 mirandum. Quid? semper ista maxima? & tamen res sic habet:
 ut quidque in manus sumis & examinas, super omnia admira-
 ris: & causas iudicij eius dones. Vno verbo, omnia miracu-
 lum: nostrum nunc videamus, & Plinij verba pensitemus. Ait,
 aut indicat, *navigatas has Cloacas.* Quid magni, si tam magnæ
 ut vehemens onustam large transmitterent? Id enim non Plinius
 solum ita scripsit, sed & Strabo. cum Romanos ait trium maximè
 operum curam gessisse, quæ neglecta videbantur à Græcis: Viarum,
 Aqueductuum, Cloacarum. Additque: *Cloacas istas*, LAPIDIBVS
 SECTIS ET AD NORMAM POSITIS suffultas, spatium etiam
 X
 curru

curru sano onusto ad transitum præbuisse. Enimuerò Marlianus, qui dimensus est, prodidit, *pedum xvi. latitudinem* se repperisse: de altitudine vellem etiam addidisset. nec minor sanè fuit. Dixit amplius Plinius, *Corruatos vii. annes.*) Intellegi opinor, ipsas septem Cloacas præcipuas, tot quot sunt montes. Nam ex ijs defluebant & deriuabantur aquæ ac sordes, & in magnam vnâ confluebant. Quin enim plures minutæ fuerint, non ambigendum est: sed istæ tot fuere quasi flumina, & alueo grandiore, atque eæ per plana vibis ferebantur. Liuium sic interpretor, de Tarquinio Prisco: *INFIMA Urbis loca circa Forum, ALIASQUE interiectas collibita CONVALLES, quia ex planis locis haud facile euehebant aquas, Cloacis è fastigio in Tiberim ductis, siccata.*

Lib. i. *Has olim per publicum ductas* idem Liuius alibi scripsit: *sed vrbe* inquit, *incensa à Gallis, festinatio curam exemit vicos dirigendi, atque ita CLOACAE passim priuata etiam subeunt tecta.* Pergit deinde Plinius firmitatem commendare. & causas concutientes quattuor commemorat: quarum vel singulæ firmissima opera euertant; at non labefactant istud. Sunt, Pugna aquarum & copia intus; Molcs & columnæ vastæ, quæ per vias, & super illas, trahuntur; Ruinæ variæ & pondera incidentium ædificiorum; denique validi aliquot Terræmotus. Quidni igitur firmum & rarâ duritiæ opus, quod omnibus resistit? & id per tot sæcula? Et si tamen repararunt, aut fulserunt interim, quod omnino

Lib. xxxix *necessè fuit. notatque Liuius, Censores detergendas Cloacas, & in Auentino atque alijs partibus, quâ nondum essent, faciendas locauisse.* Quàm sumptuosa illa, aut similis reparatio, dicit apud Dionysium C. Aquillius. qui scripsit, *neglectis aliquando cloacis, & non defluentibus, Censores in earum instaurationem mille talenta impendisse in redemptores.* Ea sunt sexcenta millia Philippæorum: quid igitur & quanti paratio vniuersa, si tanti in partibus reparatio? Sed audiamus & Cassiodorum de istis, ac finiamus.

Lib. iiii. *SPLENDIDAE Romanæ ciuitatis CLOACAE, tantum visentibus conferunt STYPOREM, vt aliarum CIVITATVM possint MIRACULA superare. Videas illic FLVVIOS, quasi montibus concauis clausos, per ingentia stagna decurrere. Videas struētis NAVIBVS per aquas rapidas, non minimâ sollicitudine, nauigari, ne precipitato torrenti, marina possint naufragia sustinere. Hinc ô ROMA SINGVLARIS,*

quanta

quanta in te sit potest colligi MAGNITVDO. quæ enim urbium audeat tuis culminibus contendere, quando nec IMA tua possunt similitudinem reperire? Pulchra cōclusio, & in scito eo dicto conquiesco.

CAP. XIII.

Traiani Pons in Danubio.

AVD. Non patiar, & te excito. Quid enim? tu & ego destituamur in his Cloacis? quæ vt sint, magnæ, operosæ, inimitabiles; tamen Cloacæ sunt, & oletum suum habent. Exime nos, & mundiùs alibi pone. LIPS. Hem! bona monitio. sequere me ad Danubium, & illuc in eius aquis lauemur. AVD. A Tiberi ad Danubium? bonus saltus, quis Pegasus nos vehet? LIPS. Ille Mentis: quæ momento summa, ima, propinqua, dissita, permeat & peruat. Nec ad Barbaros tamen imus, ne inctue. AVD. Ego verò metuo, & iam cor meum vasa colligat atque abit. Nescis tu pugnas illuc cum maximè nunc pugnari? & in quibus vita, libertas, religio aguntur? LIPS. Scio, securus esto. Romanus imperator, atque is Traianus, nobis aderit, cum legionibus suis copiisque. Vtinam nunc tales ibi decem, tali disciplinâ? ô quàm Victoria mox applaudit & circumuolet purpureis suis pennis? Sed ecce in Danubio Pontem libet memorare, quem dictus ille Imperator struxit: operum omnium fortasse, arte & difficultate maximum, si non sumptu. Describit graphicè Dio Cassius, & gratia sectori eius Xiphilino esto, quod hanc partem non recidit. O quàm pulchras valentesq; ille alias? nihil penè nos fugeret in rebus Romanis (tanta diligentia & accuratio fuit) si scriptor ille totus exstaret. Sed de Ponte, sunt verba è Compendio Dionis: *Traianus Imperator pontem lapideum super Istrum statuit, quem EGO NEC DIGNE QVIDEM HABEO ADMIRARI. Nam etsi alia pulcherrima Principis eius opera exstant, tamen hoc est SUPER OMNIA. Pile igitur eius sunt viginti, è lapide scæto & quadrato, quæ altitudinem habent CL. pedum, latitudinem LX. Distant inter se CLXX. pedes, fornicibus decinctæ. Quomodo autem non aliquis SYMPTVM in istas adniretur? quomodo non & destituendi firmandique modum? idque in flumine MAGNO ET*

VORTICOSO, & fundo ipso infido & limoso. nam nec auertere quidem cursum fluminis licuit ullo modo. Nec verò de magnitudine fluminis idè dixi, tãquam ibi maximum sit (imò verò alibi duplo maius est aut triplo, atque instar pelagi se diffundit:) sed quia locus ille arctissimus ibi locorum, & aptissimus ponte iungi, est tantus. Quo autem magis in arctum illud ex lato contrahitur, & rursum in latum se effundit; tanto nimirum & rapidius fluit, & profundius existit. Ut hoc quoque difficultatem atque arduum operis valdè auxerit. Magnitudo igitur animi Traiani ex eo quidem constat, non tamen usum nobis nunc prabet: sed pile dumtaxat stant, quasi in eum finem modò structæ, ut documento sint NIHIL ESSE QVOD INGENIO HVMANO NON POSSIT EFFICI. Addeque deinde, Hadrianum Imp. metu ne Barbari cã transirent, an æmulatione in Optimum Principem, inisse superiora Pontis dirui: atque ita Piles solas mansisse. Quid autem ego aut tu hîc dignè miremur? negat ab illo æuo Dio, se id posse. Atqui plura magna & magnifica viderat, quàm nos mente concipere aut deformare possumus. Putat tamen & censet, omnia ab hoc opere superata: quod leuiter adistamus, & inspectemus. Ait, Piles viginti fuisse; atqui Paulus Iouius, florentis ingenij & stili scriptor, dicit etiam nunc *triginta sex* exstare & conspici, in confinio Valachia & Transilvania, ad opidum *Seuerinum*. Vtri credam? sanè si oculi nunc conuincunt ita esse, manus & herbam do, videant modò & dicant, qui adfident & possunt arbitrari. Sin rationem & scriptionem Dionis sequor, adferam audacter de *viginti*: quia signanter notat, fluuium ibi arctissimum (ut in ijs locis) esse. Atqui descriptio ista *viginti* Pilarum, quæ *sexaginta pedes* latae sunt; quarum fornices, *centum septuaginta*: quid efficit & colligit, nisi fluuij latitudinem *quattuor mille septingentorum septuaginta* fuisse? id est, paullò minus, *vnus miliaris*. Si aliter, aut si grandius; videbunt ij qui accolunt & docebunt: tum nobis opus rescribere & reformare ipsum Dionem. Nam quod aliquis dicat cum nescisse, aut de opinione ista scripsisse, ipse opinetur & erret. cum vir ille insignis peritiâ rerum & honoribus, in ipsis ijs locis Præses fuerit Dalmatiae, Pannoniae, &c. Itaque scire omnino potuit; & debuit, in curâ istâ rerum scribendarum. Vercor ut Iouius sit, quod etiam alibi,

audi-

auditionum facilis, & parùm diligens examinis aut veri. Sed ut dixi, vicini aut inspectores arbitrantor. Ait Dio ampliùs: *Pilarum intervallum fuisse centum septuaginta pedum.*) Ita me Deus (nam exclamo) grande hoc concamerationis spatium, nec efficiendum, nisi altitudo illa Pilarum accessisset, & tardè ac lentà inclinatione formix surrexisset. Præterea, *mirari se quomodo in tali profundo flumine ex verticibus Pila firmata.*) Ego tecum, ô Dio, miror: & maximè, cùm neges auerti flumen potuisse aut derivatione exauriri. Difficile omnino opus, & fundamentorum molitio talis è lapide: si sublicatum & materiæ res esset, aliud esset. Sed heus, tu Hadriane! si citare Imperatorem fas, dica & lis tibi apud me sit, fortasse & punitio: quòd talem pontem vix benè structum destruxisti. Dicam tibi verum vel mortuo? Inuidisti optimo maximoque Principi, & habere super omnes gloriam voluisti magis, quàm inuisti. Valeat *Opera publica*: quin tu etiam, mi Auditor, in crastinum vale aut salue.

CAP. XIII.

Privatorum hominum Urbana aut Rustica ades.

AV D. Ego verè nec valeo nec saluco (da veniam immodestis:) nec amoliris me, nisi nomine plenè percolato. An non, post *Publica opera*, pollicebaris *Privata*? & certè ita disponebas; nec tam madidà memorià sum; ut hoc effluerit. L I P S. Disposui, haud nego: sed fatigor, nisi quòd in extremà tamen calce, ut cursores, spiritus & vires excitabo ad spectu ipso metæ. *Privatis* igitur *Operibus* duo nunc confidero, *Domos & Villas*. Illæ fuerunt in tam splendidâ & nitenti vrbe, pro ipsâ vrbe, & ut pulchri corporis apta ac decora membra. Domus dico magnificè, ornatè, instructè, columnis, marmore, auro, statuis: & quidquid excogitare ambitio aut luxuria poterat. Sed eadem etiam laxæ, patentes: quod docuerint satis Valerij hæc verba, de Cincinnato, cui *quattuor sola iugera arantini non solum* (ut inquit) *dignitas patrisfamilie constitit, sed etiam Dictatura delata est.* Et tum cōparatione quadam & indignatione

Lib. II. II.
cap. IIII.

Lib. xxxvi.
cap. xv.Lib. xviii
cap. i l.De Deo
Socrat.

rione addit: *Angustè se habitare nunc putat, cuius domus tantum patet, quantum Cincinnati rura patuerunt. Quid domus? imò carum aliquod membrum. Idem auctor: Nimirum sic habitauerunt, qui hoc imprium fecere: quorum AGRI quoque minorem modum obtinuere, quàm CELLARIA istorum. Iterumque alibi: Bina tunc iugera populo Romano satis erant, nullique maiorem modum adtribuit: quo seruos paulloantè Principis Neronis, contemptis huius spatij viridariis, PISCINAS iuuat habere maiores: gratumque, si non aliquem & CVLINAS. Nec est in sermone supergressio: reuera amplæ domus, & præsertim magnatium virorum procerumque. Quas & P. Victor ac Notitia imperij propriè Domos appellant, & ab Insulis distinguunt. Itaque computant, Insulas totâ vrbe quadraginta sex millia sexcentas duas, Domos mille septingentas octoginta fuisse. harum longè minore numero, vt quæ tanto grandiores, instructioresque essent. Enimuerò grandes instructæque: & Apuleij hæc attende. *Fitur illas ædificiorum species, in quas PATRIMONIA SVA profuderunt, amœnissimas & exstructissimas deprehendas: aulas AEMVLAS VRBIVM conditas, domos VICE TEMPLORVM exornatas. Itane cum Urbibus comparat? nec solus. nam & Seneca, epistolâ xci. suum vetusque æuui disparans: Non habebant, inquit, domos INSTAR VRBIVM: quasi dicat, at nos habemus. Alibi audaciùs (De Benefic. vii. cap. x.) agnoscit & increpat ædificia priuata laxitatem MAGNARVM VRBIVM vincentia. Quæ ista sunt? quæ item, quæ Olympiodorus, in Bibliothecâ Photij? Ὅτι ἡκαστος τῶν μεγάλων οἰκῶν τῆς πόλεως, ἀπαντα εἶχεν ἐν ἑαυτῷ, ὅποια πόλις σύμμιξεν ἡδυνάστο ἔχει ἐν πόλεω, καὶ φόρους, & ναοὺς, καὶ πηγάς, & λυτὰ δάφνισσα. διὸ καὶ ὁ συγγραφεὺς ἀπετρίξατο.**

Εἰς δὲ μὲν αὖ πάλιν πόλις ἅστα μύρια τέλχει

Quæque magnarum domuum omnia in se ipsa habet, quæcumque MEDIOCRIS VRBS possit continere: nempe Circum, Fora, Tempia, Fontes, Balnea diuersa. Idè & poeta dixit,

Vna domus VRBS est. vrbs OPIDA PLVRIA claudit.

Lib. vii.

Examina & nota, mira sunt: sed Martiali etiam paucis versibus comprehensa, In habentem amœnas ades:

*Daphnomas, platanomas, & aërias cyparissos,
Et non vnus Balnea solus habes.*

Et tua

*Et tua centenis stat Porticus alta columnis,
 Calcatusque tuo sub pede lucet onyx.
 Pulvereumque fugax Hippodromon ungula plaudit,
 Et pereuntis aque fluctus ubique sonat.*

Sunt ipsa, quæ Olympiodorus dixit, exceptis Foris: quæ intellegas fuisse hypæthra quædam & subdualia, inter illas Porticus, & statuis aliisque ornatu, in Fori faciem. Quid autem si reuera ibi iudicia & forenses conuentus? Fuêre, & clientium, libertorum, seruorum suorum causas domi cognoscebant. Clientium autem magnus olim populus. Horatius:

— non aliter tamen

*Dimouit obstantes propinquos,
 Et populum relictus morantem,
 Quàm si CLIENTVM longa negotia
 Diudicatâ LITE relinqueret
 Tendens Venafranos in agros
 Aut Lacedæmonium Tarentum.*

Vitruuius etiam suadet Nobilium, & qui magistratus gerunt, domos laxiores fieri, Bibliothecas ibi esse, Pinacothecas, BASILICAS (ad iudicia) non dissimili modo, quàm PVBLICORVM OPERVM magnificentia comparat. quod in Domibus eorum sæpius & publica consilia, & PRIVATA IUDICIA arbitriaque conficiantur. Sed ut in remaneam, talis igitur laxitas: quid Apparatus & instructio? Communiter ita Seneca: *Quid inter pueros & nos interest? nisi quod* Lib. vi. cap. viii. *nos circa Tabulas & Statuas insanimus, cariùs inepti. Illos reperti in litore calculi laues & aliquid habentes Varietatis delectant; nos ingentium macula COLUMNARVM, siue ex Egyptiis arenis, siue ex Africa solitudinibus aduectæ, porticum aliquam vel CAPACEM POPULI canationem ferunt. Miramur parietes tenui MARMORE inductos, cum sciamus quale sit quod absconditur: oculis nostris imponimus. Et cum AVRO tecta persundimus, quid aliud quàm mendacio gaudemus? scimus enim sub illo auro sæda ligna latitare. Primum in ipsâ domo est, Columnarum dispositio, & è lōginquis petitarum: de quibus Plinij obiurgationes, si quis volet, legito; & de generibus pretiisque earum totus liber eius existit. Et quidem notat in vnâ Canatione Callisti, Claudiani liberti, triginta se vidisse, casque è Sudine lapide Germanico, cui ingens tunic pretium & no-* Lib. xcv. Lib. xxv.

& nouitas. Idem, in atrio Scauri collocatas maximas, atque adeò duodequadragenum pedum, Lucullæi marmoris. Vide hanc altitudinem in vno atrio, quam multæ domus totæ vix æquant. Alterum in Senecâ, Parietes marmore inducti: quod genus Incrustationes Latini, Græci μαρμαρόεις dicunt. Primum autem Romæ parietes crustâ marmoris operuisse totius domus suæ, in Calio mōte, Mamurram equitem Rom. Præfectum fabrum Cæsaris, Plinius tradidit auctore Nepotæ. Id non aliud fuit, quàm marmor in tenues crustas sectum parieti imponere scitè, & pro tectorio ei dare.

Lib. xxxvj.

Lucanus: *Nec summis crustata domus sectiūque nitebat
Marmoribus.*

Declamator apud Senecam patrem: *In hos ergo exitus varius ille
secatur lapis, vt tenui fronte parietem tegat.* Secandi autem ratio (in Plinio, & Isidoro) arenâ, & ferrâ, in prætenui lineâ versante arenas, tractuq; secante. Et nos in Italiâ hodie vidimus fieri. Tertium, *Auro tecla persundi.* Significat laquearia inaurari tota solere, quod passim scriptores & tradunt & damnant. Musonius apud Stobæum: *τί δ' αὖ ἐπίστυλοι αὐδαί, τί δ' αὖ ποικίλαι χεῖρες, τί δ' αὖ χρυσόφοροι στήθες, Quod pertinent hæc atria Columnata? quod varia istæ colorationes? quod aurata lacunaria?* In secundo enim membro (vt mea versio est) *χεῖρες* legi cupiam, & ad maiora variegata parietibus imposita referam, vel etiam ad Musium opus. Nam ita & Mamertinus, ad Iulianum: *Neque ei comparanda sunt PICTVRATÆ marmorum crustæ, & SOLIDO AVRO tecla laquearia, qui maiorem anni partem in nudâ humo cubat.* Ibidem & solidum aurum in Lacunaribus notes: quod passim in poetis, vt in Statio:

*Et nondum CRASSO laquearia fulua METALLO,
Montibus aut altè Graijs effulsa nitebant
Atria.*

Qui montes etiam Graios poetice nominat, grandes illas sublimisque columinas. Idem de vtroque:

*Pendent innumeris fastigia nixa columpis,
Robora Dalmatico lucent sociata metallo.*

* Vulgo
satiata.

Sed & Lucanus, de Cleopatraz regiâ:

*Ipse locus, templi (quod vix corruptior ætas
Exstruat) instar erat, laqueataque tecla ferebant
Diuitias, crassumque trabes absconderat aurum.*

Quibus

Quibus versibus tamen plusculum etiam latet, & trabes quidem auratas fuisse vult: sed cameram gemmatam, eboratam. Vtrumque enim & horum fiebat, ad splendorem & varietatem: præsertim in templis (cum templo autem Lucanus comparat) ut quasi cælum imitarentur. Amobius de templis ipsis differens: *Sint ergo hæc licet aut ex molibus marmoreis structa, laquearibus aut renideant aureis, splendeant hic gemmæ, & fidereos euomant variatâ interpositione fulgores: terra sunt hæc omnia, & ex face vilioris materia concreta.* Et tu, mi Auditor, obitet & hoc adde ad templorum supra ornatum. De eборе autem, in Ciceronis Paradoxis: *Tecta eборе & auro fulgentia.* In Propertio:

Quod non Tanariis domus est mihi sulta columnis,

Nec camera auratas inter eburna trabes.

Non leues porro inductiones, aut ut poeta loquitur, sputa fuisse, Panegyricus ostendit: qui **SOLIDO AVRO** *tecta laquearia commemorat*, & poeta supra, *Crassum aurum* dixerunt. Hieronymus autem in Epistolâ quadam, longius etiam hoc producit, & ad parietes ac columnas. *Viuimus quasi alterâ die morituri, & edificamus quasi semper in hoc seculo victuri. Auro parietes, auro laquearia, auro fulgent capita columnarum.* Sed alia hîcetiam & ingeniosa luxuria. nam lacunaria ista versatilia faciebant, & aliâ atque aliâ subinde facie conuiuas delectabant. Seneca alibi: *Versatilia canationum laquearia ita coagmentant, ut subinde alia atque alia facies succedat, & toties tecta, quoties fercula, mutantur.* En, priuata ingenia & luxuriam: quid exilimas Principes tentasse & fecisse? Nero Cæsar in vestibulo ædium suarum **Colossum** centum viginti pedum posuit. Hoc principium: deinde porticus triplices **MILLIARIAE**; ite stagnum, **MARIS** instar, circumseptum ædificijs ad **VRBIVM** speciem. Rura in super, aruis, atque vineis, & pascuis, siluisque varia, cum multitudine omnis generis pecudum ac ferarum. In ceteris partibus, **CVNCTA** auro lita, distincta gemmis, vnionumque conchis erant. *Canationes laqueata tabulis eburneis versatilibus, ut flores; & fistulatis, ut vnguenta desuper spargerentur.* Præcipua canationum rotunda, quæ perpetuò, diebus ac noctibus, vice mundi circumageretur. Ita verbatim ista Suetonius: multa **ADMIRANDA**, si tu singillatim explicas & in rem ducis. Sed vnum in hac Principum insaniâ (ita appellanda est) Plu-

Ad Gaudent.

Epist. xct.

*Ita tam-
pridem pa-
b ic legē-
dum do-
cuimus.

Y

tarchi

tarchi testimonium suffecerit, qui de Capitolij magnificâ & impendiosâ structurâ cùm disseruisset; addidit. *Quod si quis hunc Capitolij magnificum instructum miretur, idem si Domitianus aulâ unam Porticum, vel Basilicam, vel Balneum, vel pellicum Diam viderit, exclamet cum Epicharmo,*

Non liberalis aut benignus tu clues,

Profusione gaudes.

Dicit satis clarè, omnia illa Capitolina (quæ & quanta, antè diximus) nugas & quiskulias videri, præ vno membro aliquo Palatinæ domus. Quod mihi quidem stuporem incutit, non dissimulo: & iam lingua hæret. AVD. Solum eam quæstionculâ. Dixti auro distincta vel ebore laquearia, an non & siluis? id est, an non ibi tales species, & intermixtæ vetæ aues? Nam Rutilius Gallicanus hoc dicere videatur, in Romæ laudibus.

Quid loquar INCLVSAS inter laquearia SILVAS,

Vernula quâ vario carmine ludis ausis?

LIPS. Poëtæ, aut poëtarum potius, vulgatam phrasim non attendis: nec *inter laquearia* proptiè, sed *οὐρανὸς καὶ γῆ* inter tecta & domos includit eas silvas. Luci enim & arbuta in magnis istis ædibus erant: imò & super ædes, quod mireris, erant. Senecam auctorem do, qui, ut solet, castigans & increpans suum æuū: *Pomaria, inquit, in summis turribus serunt, quorum siluæ in tectis ac domorum fastigiis nutant, inde ortis radicibus, quod improbè cacumina egissent.* Atque ego Bruxellæ meæ (quam ut alteram patriam colo) hoc vidisse inemini, sponsione ita factum; sed in breue aliquod tempus, & cùm domus oneri illi non diu esset. Satis de *Domibus*: ad *Villas* eamus, vtinam, vtinam! sed hæc pericula & latrocinia, domo & vrbe nos claudunt. O Iscanum meum, cur non liberè te fruor & interuiso? cur natali illo aëre & aquis non me recreo? Da Deus hoc ante obitum, & pedem atque animum vagum per tura & hortos illos ferre. Sed *Villas* tamen Romanas animo & memoriâ lustremus, ut vel disposui antea, vel promisi. De ijs hoc vniuersè Strabo pronunciat, vbi de Pisis & Liguriâ scribit: *Esse ibi lapicidas & materiem ad ædificia vberem, sed quam Romani ad ædificia ferè sua in vrbe aut & Villis consumunt: Villas, inquit, in quibus velut more Persarum*

Epist.
CXXIIII.

REGIAS

REGIAS QVASDAM *struunt*. En, Prætoria aut Villæ totæ eorum, *Regias*, & quidem *Persarum*, referunt: quid maius ampliusque in hanc rem dicam? Vis specimen tamen aliquod in vnâ Villâ? Capitolinum audi: *Exstat Gordianorum villa viâ Prænestinâ, DVCENTAS COLUMNAS vno peristylo habens, quarum quinquaginta Carystæa Claudianæ, quinquaginta Sienitides, quinquaginta Numidicæ, pari mensurâ sunt. In quâ BASILICAE CENTENARIAE tres: cetera HVIC OPERI CONVENIENTIA: & THERMAE, quales, præter vrbe, nusquam in orbe terrarum.* Tu si lubet, per te singillatim lustra: ductorem me vltrâ non habes. Sed nec Hadriani Villam in Tiburtino ingero, cuius superbæ reliquiæ exstant: quid tot aliarum in solo Latio, & circa Romam? Vidimus ipsi apud Ostiam & Ardeam rudera: & per siluas illas aut vepreta, quot Columnæ, aut earum fragmina, cryptæ, porticus, & disiecta ædium membra? O Deus, quæ mutatio? quàm hæc cogitatio me ad te trahit, infirma & incerta hæc omnia humana spectantem, & spernētem? Sed definimus de *Operibus & Româ*: quam decoramus Constantij Imp. elogio, apud Ammianum. *Is enim visus plerisque cum STVPORE HORRENDO, de Fama querebatur vt inualidâ vel malignâ, quod augens omnia semper in maius, ERGA HAEC EXPLICANDA, QVAE ROMAE SVNT, OBSOLESCIT.* Si fama non potuit adæquare, multiplici suo ore & linguâ: quid ego meo sermone tenui, sine sensuum subsidio, per tenuous coniecturas eunte? Sed tu, alii que, nec dicta suspicamini: & quidquid maximum conceperitis, fortasse nec id par erit. Philosophemur autem breuiter, duce Horatidâ: qui regij Persarum sanguinis, à Constantio interrogatus in re præsentî, *Quid de Româ sentiret? Id tantum sibi placuisse dicebat, quod didicisset IBI QVOQUE HOMINES MORI.* Mori mi Auditor, inori: & vbi hæc omnia præclara, ampla, ADMIRANDA? quæri vides, vbi qui fecerunt ea, aut moliti sunt? periisse vides. Cogita, & tibi applica. nos ipsi, qui hæc meditamur aut loquimur, post aliquot annos, dies, horas, puluis, vmbra, nihil. Nunc vale, & abi.

I. L I P S I
 DE MAGNITVDINE
 R O M A N A
 L I B E R I I I I

C A P V T I.

*Transitum ad Virtutem Romanorum, & ea in
 genere predicata.*



*mors fa-
 cili.

V D. Meridies abiit, ego me tibi sisto. LIPS. Video, sed quid ita tristiore vultu? A V D. Nec læta adfero. L I P S. Quæ? A V D. Tibi. LIPS. Quæ inquam? A V D. Vereor dicere. LIPS. Aude. nec ego ex his fatuis, qui ignorare mala, mederi cēsent. A V D. Obiit tibi ex ami-
 cis tuis. LIPS. Hec / ex amicis? effare. A V D. In Galliā. LIPS. Quis ibi? A V D. Vir doctus. LIPS. Ede nomen. A V D. Et probus quoque. LIPS. Enecas. etsi ab his notis propemodum iam scio *Petrum Pythæum* esse. A V D. Diuinasti. obiit. LIPS. At tu me vulnerasti. sed quo fato? A V D. Suo, & illā quā Augustus optabat, * *Edwardsia*. LIPS. Virum magnum Gallia amisit, & inter publicas clades aut iacturās hanc quoque licet ponas. Sed ab exēplo disce, quā non temerē. hēi clauferim & monuerim de morte. A V D. Profectō præsagiū fuit. sed tu perge ad nostra. LIPS. Inter hæc tristitia, ad illa amcēna? durus es. A V D. Quid ergo: dum viuo, non vis me viuere? Et ego Pythæo nostro benē esse spero, & gaudere ac ridere in beatis illis locis: cur doleam? Theodosius Imperator, qui variē in imperio iactatus, cū mors instaret, inscribi sepulchro suo hoc vnum verbum iussit, *ΥΓΕΙΑ*: id est, *Sanitas*. Profectō illa medicina morborum, refugium & asylum malorum est: & in mundi his fluctibus portus, quem sapiens num-

numquam fugiat, imò (Deo vocante) totis velis in eum feratur. Tu autem hoc magis perge, quòd iam non amœna, vt aiebas, sed potiùs vtilia aut sapientia dices, & vt partitio erat, de *Viris ac Virtutibus* Romanorum. L I P S. Ita est, quartus hic noster limes: & libentiùs insistam ac decurram, quia tali argumento. Cur apud te dissimulem? finis & fructus præcipuus mihi studiorum aut lectionum, hæc talia excerpere, & exempla aut dicta enotare ad sapientiam ac virtutem. Fabulemur autem, si placet, ambulantes. Amat valetudo, & lingua hæc magis soluitur in motu. Communiter igitur primùm (nec ordo hoc abnuir) laudemus *Romanos*: tum & distinctiùs quædam addamus. Plinij enuntiatio est: *Gentium in TOTO ORBE præstantissima vna, & in OMNI VIRTUTE, haud dubiè Romana existit*. Appellas ab hoc iudice, & suspectum de Romanis Romanum habes? Accipe Græcum, & Ammianus prodeat, qui breuib. & grauib. verbis, *Romam imperij VIRTUTVMQVE OMNIVM larem* dixit. Quid homo Gothici sanguinis, Cassiodorus? *Roma VIRTUTVM OMNIVM latissimum templum*. Profectò sedes suas per aliquot sæcula ibi habuere, nec iniuriâ ipsi Romani templum struxere HONORI pariter ac VIRTUTI. Vtramque colebant: sed & *Fortunam* etiam: id est (vt rectè interpretemur) Prouidentiam & Fata ab alto, quæ incredibile est, quàm pressò nec tardanti pede secuta sint Virtutem. His duobus incrementa sua Roma debuit, his duobus statum suum & firmitatem. Nullum imperium mihi dabis, & tam magnum simul, & tam diuturnum. Iure igitur Ammianus: *Roma vt augetur sublimibus incrementis, sedere pacis æternæ VIRTUS CONVENIT atque FORTUNA, quarum si altera defuisset, ad perfectam non venerat summitatem*. Conuenerunt autem ita, vt vtraque suum opus facere niteretur, & pænè dissidium esset in euehendo. Plurarchus alibi hoc vbertim edisseruit: & breuiter ac neruôsè Annæus Florus extulit, *Ad constituendum Romanum imperium, VIRTUTEM ac FORTUNAM contendisse videri*. Sed amica contentio fuit: in quâ tamen vicit, si Rutilium iudicem capis, ipsa Virtus. Nam ille sic Romam adfarur:

Quòd regnas, minus est, quàm quòd regnare mereris,

Excedis FACTIS grandia FATÀ tuis.

Pulchrè.& habuit igitur Fortunam, siue cælitum illum fauorem; sed habuit à causis, quas iidem cælites, per virtutum gradus nexuſque, præſtuxerunt. Vt id liqueat, videamus primum vniuerſe qui *Viri* in imperio illo fuerint, & tum quæ *Virtutes*.

C A P. I I.

Triplex ordo in populo ostensus, & quisque in sua parte laudabilis.

Viros confidero dupliciter, & eos qui in Magistratu, Imperiis, Consiliis fuerunt, id est *Capita reipublicæ*: & parte alterâ, *minora etiam membra*, id est Populum & eos qui paterunt. Dico utrosque egregios fuisse, nec quibus alia gens facile aut ex vero (de Religione hæc non est sermo aut quæſitio) comparetur. Primores igitur illi in duplici discrimine sunt, *Senatores Equitesque*. Illos si inspicias, qui propriè sedebant ad clauum: proh Deus, quanta grauitas, sapientia, maiestas? Vt qui ordinem cum *Ex REGIBVS constare dixit, vnus veram eius speciem cepisse*, Liuius videatur. Is fuit Cyneas legatus Pyrrhi regis: vir nec mentis necoris egens, qui cum urbem lustrasset, atque etiam blandiloquentiâ & munificentiâ variè tentasset, vndique repulſus, ad Regem rediit: & interroganti *Quid de hostium sede sentiret? Urbem* *TEMPLVM sibi visum, Senatum REGVM esse confessum fatebatur*. Profectò talis fuit, & nec sub Principum imperio nimis degenerauit. Cassiodorus de suo xuo: *Urbs ornata tot EXIMIIS SENATORIBVS, beata tam nobilibus populis*: etsi tunc quidem fateor discessisse ab illâ præstantiâ, & ut grande ædificium, paullatim mole suâ defecisse, & mox ruisse. Erant autem in illo Senatu, ut cum Lucretio hoc dicam,

Ductores Danaum dilecti, PRIMA VIRORV:

eximij, inquam, ciuium, genere, censu, virtute. Nam hæc spectabant: nec temerè viles aut fordidos (etsi plebeios interdum, quos magna virtus eueheret:) inopes numquam, & improbos rarò admittebant; aut si tales, non tenebant. Censores enim (ò laudabile & diuinum institutum!) legebant hunc Senatum: atque iidem per singula lustra examinabant, ac relegebant: &

siquis

Lib. ix.

Flor. lib. 1.

siquis loco eo indignus, aut siquid in priuatâ etiam vitâ turpe aut maculosum, notabant & emouebant. Quomodo id fiebat? silentio, & sine accusatione ullâ, aut causâ apud iudices dictione. Dumtaxat in recitando Senatu, quod publicè & sollenniter fiebat, nomen eius præteribant, quem motum Senatu vellent. Ita cum in albo illo non esset, nec in Senatu censebatur. Causâ quidem iis mouendi semper erat, & hanc subsignabant, & volentibus edebant: sed certare de eâ lite, nihil opus erat. iudicium sufficiebat: quod à tam grauibus viris (nam primores ferè Senatus erant) bonum meruisse, laus & approbatio habebatur, culpa & damnatio, triste. AVD. Pulchrum, bis pulchrum: sed cum eâ lege, si viri illi boni essent. quid si per affectum iudicassent? LIPS. Rarenter, aut vix euenisse legimus. Nam voces statim omnium damnassent, & exagitassent: & factamen semel iterumque euenisse; quid magni mali, præ magno illo bono, erit? Non enim aliâ pœna, quàm Ignominia: facilè aut contemnenda, aut eluenda, qui publica iudicia aut testimonia pro se haberet. Denique alij Censores mox reponebant. Nam & hoc scire debes, non in grauibus & grandibus peccatis hanc Censuram interuenisse: ea enim legibus & iudiciis seruabantur: sed minoribus delictis, aut domesticis flagitiis. à quibus vacare & castos esse primos illos Ordines maximè volebant, & quorum vita erat in exemplum. AVD. Iterùm exclamo, Pulchrum! Sed dic sodes, multi igitur isti tam electi in Senatu? LIPS. Initio à Romulo *centum* facti, & *Patres*, iidemque *Senatores*, vel à curâ, vel ab ætate dicti. Postea ad *trecentos* creuère, & in liberâ Republicâ sic mansêre, vsque ad Liuium Drusum. Is in Tribunatu, cum opes Senatus vellet extollere, eosdem iudiciis etiam præponere; numerum auxit, & ad *sexcentos* fecit. Mansisse ita ad Cæsarem opinor, qui per bella ciuilia non opes solum, sed honores multis largiturus, amplificauit, & vel ad *mille* allegit. Displicuit Augusto, & magnâ curâ, atque iteratâ aliquoties recensitione, purgauit: & denique ad modum veterem, id est *sexcentos*, rēdegīt. Qui sanè satis amplius numerus, etsi in amplo illo imperio: atque ex his plerique, non solum consiliis publicis semper adhibebantur, sed etiam in prouincias, ad imperia, aut exercitus mittebantur.

Itaque

1. Hist.

Itaque curia hæc velut promptuarium erat, è quo statim Princeps caperet viros, ad omnia ciuilia aut militaria munia aptos, & suffecturos. Et hoc aspectu tenuerunt Senatum, grande vel vnicum fulcrum illius Principatus. Otho Imperator ipse, apud Tacitum: *Quid? vos pulcherrimam hanc urbem, domibus & tectis, & congesu lapidum, stare creditis? Muta istac & inanima intercidere, ac reparari, possunt: AETERNITAS RERVM, & PAX GENTIVM, & MEA CVM VESTRA SALVS, incolumitate SENATVS firmatur.* Et elogia ista de Senatu, res & veritas multis dictauit. In Cicrone leges: *Senatum PRINCEPEM SALVTIS, PVBLICAEQVE MENTIS.* In Amiano, *ASYLVM mundi totius.* In Cassiodoro, *Gloriosum Senatum, MORVMQVE LVMINA.* In Petronio, *RECTI BONIQUE PRAECEPTOREM.* Iam in Tacito etiam dicitur, *CAPVT IMPERII, & DECORA omnium PROVINCIARVM.* Cui nominatim de *Prouinciis*? quia iam sub Principibus, ex omni regione capiebantur Senatores. Et vt ditissimi honestissimique Prouincialium ciuitate donabantur, Equites fiebant, ira & mox Senatores. Vtile inuentum, & ad populos sub vnum imperium firmiter colligandos. Symmachus eâ causâ scripsit: *Pars melior HVMANI GENERIS Senatus.* Cassiodorus: *Quidquid HVMANI GENERIS floris est, habere Curiam.* Et Panegyricus scriptor: *Sensisti Romae tandem arcem omnium gentium, & terrarum esse reginam, cum ex OMNIBVS PROVINCIIS, Optimates viros Curiae tuae pigneraueris; Ut Senatus dignitas, non nomine quàm re esset illustrior, cum ex TOTIVS ORBIS flore constaret.* Alter autem ab hoc ordo est *Equitum*: qui & ipsi ab illis notis tribus probati, aut probandi. Nam de Genere, multi erant è Senatoribus & Patribus orti: & cerè liberti aut libertini, nec si Censum haberent (nisi beneficio Imperatorum) in hunc ordinem veniebant. Quod inferiore etiam æuo Alexander Imp. seruauit, de quo Lampridius: *Numquam libertinos in equestrem locum redegit, asserens SENATORVM SEMINARIVM equestrem locum esse.* Erant tamen ex ingenuis multi, & ferè omnes qui Censum equestrem haberent. Is fuit *Quadringentorum*: id est, decies mille Philippicorum. Igitur latus hic ordo & amplus, vt tunc opes plerique amplæ erant: & ideo quod ad Vitam, cœercendus aut recidendus. Apud veteres

terres id quoque Censores fecere, siue in *Transueltione* (quæ tamen eorum modò erat, qui *Equum publicum* habebant) siue per lustra singula, cum ordines digerebant & recognoscebant. Nam hæc quoque Album erat, siue tabulæ, & recitabant: quique primus ex iis nominatus, *Princeps iuuentutis* dicebatur. planè, vt qui in Senatu primus recitatus, *Princeps item Senatus*, augusto titulo, dicebatur. Sed cur *Iuuentutis*? an omnes iuuenes? imò viri plures & senes erant: sed caussa & origo, quòd olim & primà republicâ, pauci Equites, nec ferè nisi filij Senatorum. Creuit paullatim largiter numerus, & magnam ciuitatis aut ciuium partem comprehendit: sed nomen tamen *Iuuenum* mansit. Sed & Iuuenes antiquis dicti ad annum XLV. AV D. Iam semel iterumque de Senatorum filiis: non ergo ij Senatorij, aut Senatores? LIPS. Caue erres: distinctione hoc dicam. Aliud *Senatus*, si Principum tempora adspicias, aliud *Senatorius ordo*. Ille certo numero stetit, vt diximus, & intra *sexcentos*, sub Augusto quidem: at iste, latius patuit, & iuuenes quoque ac Senatorum filij, sed & alij equites in eum cooptati. Censebantur enim Senatorij, qui ius lati clauis à Principe impetrassent: id est, in signe ipsum Senatorum. & in Senatum quidem ij veniebant, sed sententiæ ius fuisse non putabis. Institutum enim Augusti fuit, quod ipsis Suetonij verbis dicam: *Liberis Senatorum, quòd celerius reip. assuescerent, protinus à virili togâ latum clauum induere, & Curie interesse permisse*. Hoc ita Augustus, sed restrictè, in *Senatorum* DIO LXX. *liberis*: postea Caligula etiam aliis quibusdam equitibus permisit. Permisit dico, alijque Principes; sed sic vt ab ipsis peteretur. Talis est ille Iulius Montanus apud Tacitum, *Senatorij ordinis, sed qui nondum honorem capessisset*. Hos ipsos Senatores interdum dici reperio. vt in Tacito: vbi Togonius Gallus censet, VI. ANN. *Principem diligere Senatores viginti, sorte ductos, ad custodiam suis: & Tiberius cultodes oblatos hos amolicens, Nam quos omitti posse, quos eligi? honoribus persunetos, an iuuenes?* Intellegit hos nostros Iuuenes, qui nondum propriè Senatores, sed, vt ita dicam, Senaturiebant. Hi sunt, qui *Illustres equites* à Tacito eodem, atque aliis, ad discrimen dicuntur: & palàm ipse Tacitus cum Senatoribus iungit, aut coequat. *Augustus, inquit, inter*

ter alia dominationis arcana, seposuit *Aegyptum*, vetitis ingredi, nisi permissu, Senatoribus, aut illustribus equitibus Romanis. Sed ne abducamur à nostris Equitibus: genus igitur diffusum, & in vario discrimine: erant qui *Equo publico*, erant qui *Iudices*, erant communi nomine *Equites* dicti. Illi qui *Equo publico*, tempore Dionysij Halicarnassæi, id est Augusti, ad quinque millia erant, aut supra, ut ipse vidit ac numeravit. Qui in Iudicibus, haud pauciores: imò plures, ex Plinio scribente, *Judicium non nisi quattuor Decurias fuisse primò, vixque singula millia in Decuriis, nondum provinciis ad hoc munus admissis*. Quâ adiectiunculâ notat, largiter plures suo ævo fuisse: cùm & Caligula *Quintam Decuriam* addidisset. Quid iam dicimus in reliquâ classe eorum, qui innuēs, fuisse? Atque isti Equites, quos Perseus rex apud Liuium ita laudat & insignit: *Equites enim illis, PRINCIPES iuuentutis, equites SEMINARIVM Senatus; inde lectos in Patrum numerum, Consules, inde Imperatores creant. Quæ omnia* satis clara tibi, ex iis quæ dixi. Superest tertius ordo *Plebis*, de quo quid singulariter dicam, nisi triplici discrimine fuisse, Ingenuos, Libertinos, Libertos? Et in militiâ discrimen erat ab hoc Genere, itemque à Censu, sicut & in aliis muniis, siqua publicè subirent. Vita etiam Censuræ permissa: quam tamen neglexisse postea (malo sanè publico) Imperatores video, contentos duplicem illum priorem ordinem recognoscere. AVD. Satis decora & utilis tota hæc Ordinum distinctio: sed vulgò & in occurso poterantne agnosci? LIPS. Poterant, & statim quidem, ab habitu. Nam etsi toga communis omnium ciuium vestis esset: tamen discrimina alia, ab aliis notis. Vt solis Senatoribus, aut istis quasi Senatoribus, ius *Lati clauis* gestandi erat: quod non aliud, quàm velut bullæ è purpurâ, & capita clauorum intexta aut inserta. Equitibus autem Aurei annuli, qui hunc ordinem, ut Plinius ait, à plebe distinguebant. Qui his duabus notis carebant, Plebs erant.

Lib. xii.

CAP.

CAP. III.

Iustitia & Clementia in bellis.

VIROS igitur communiter iam vidisti, & in classes suas distinctos: ire per Magistratus & officia Ciuilia aut Militaria, longum sit, nec nostri nunc sermonis. Etsi omnia ea optimè & prudentissimè instituta, siquâ vmquam in Republicâ: sed omittantur, & quod propositum, de *Virtutibus* addamus. Nam viros illos laudabiles, vel potius ADMIRABILES fuisse dico, idque à duplici virtute, *Militari* vel *Ciuili*. Illam in imperio & republicâ iure confidero, vt tutelam eius, imò augmentum: sine quâ frustrâ aliquis status aut commune se iactet. Præmitto igitur, & duo hîc in Romanis, *Iustitiam ac Fortitudinem*, miror. Quod ad illam, nescio an alia gens consideratius, & causis in Rationis trutinâ libratis, bellum susceperit, quàm ista. Nam plerique, aut Regum suorum arbitrio arma induerunt, aut primorum aliquot in Republicâ, qui decernebant. Hîc aliter. & nec Senatui, nec populo toti, plenum hoc ius, nisi cognitio & iudicatio sacerdotum publicorum interuenisset, quos *Fetiales* dicebant. Eorum arbitrio sumpta arma, posita arma: & religio, non solum iustitia, ea temperabat. Laudat & probat hoc vnice Dionysius: & *Græcos suos caruisse* co dicit: & *se se idè obiter expositurum, quid muneris & iuris habuerint*: vt, inquit, *quibus ignota hætenus fuit Romanorum IN BELLIS RELIGIO, mirari desinant felices euentus plerumque habuisse. Nam omnium bellorum initia & causas, apparebit iustas fuisse: atque idè Deos meritò propitios sensisse & fauentes*. AVD. Prudens & pia scriptio Dionysii, fateor: sed an vera Lipsi? Itane omnia bella iusta, & à talibus causis? Mirum sanè. cum video tot regna aut regiones bello petitas, & subiectas; atque adeò in paucis annis, cum extra Italiam pugnare cœperunt, domitum penè vniuersum orbem. Singularis hæc occasio vel opportunitas, si omnes sic ordine læserunt aut lacefferunt: & planè ponenda inter tua ADMIRANDA. Quin, quod res est, dicimus? Bella quædam iusta, non nego: plura à duobus malorum stirpibus

nata, Ambitione & Auaritiâ. quod nec ipsi Romani scriptores negent. Vis Sallustium audire? *Romani arma in OMNES habent, in eos acerrima, quibus victis SPOLIA maxima sunt.* Et iterum: *Romanis cum nationibus, populis, regibus cunctis, VNA, & VETVS bellandi causa est, CVPIDO profunda IMPERII & DIVITIARVM.* Quid Tacitus tuus, ille iudicij consideratus simul & liber? *RAPTORES ORBIS, postquam cuncta vastantibus desuere terra, & mare scrutantur. Si locuples est hostis, AVARI, si pauper, AMBITIOSI. quos non ORIENS, non OCCIDENS satiuerit.* Audis, Lipsi, præclara hæc eclogia? & ab ipsis quidem Romanis: nec tu veste aut colore aliquo sermonis facile hæc teges. LIPS. Suauiter rideo. AVD. Ita video, cur autem in re seriâ? LIPS. Nam tuam hanc malitiam (imperitiam dicere non possum) quâ non rideam? qui verba te dare mihi censes, in his quasi Romanorum verbis, quæ reuera hostium esse non ignoro. Nónne priora illa Mithridates apud Sallustium profert, altera Galgacus apud Tacitum? Mirum autem, si ij bene honesteq; de Romanis loquantur aut sentiant, qui viris & equis expugnatum eos eunt & euersum. O tuam dissimulationem! quasi nescias decorè hæc historiis inferi, non quia probè aut verè, sed quia probabiliter ab iis dicta. Nam talia non desunt, nec vnquam deerunt, magnis imperiis obiectari. Miserabiles enim serè victi sunt, & fauemus imbecillis; & passi iniuriam videntur, quia non fecerunt. Atqui terras eorum inuasērunt, & ceperunt. Quid ergo? liberè & impunè læsisse vis? incipere bella, in alienâ manu est: non ponere cùm lubet, & vt lubet. Amittere sua non iniuste incipit, qui aliena aut alios iniuste læsit. Sed enim ordo iste mirificus, & inter mea ADMIRANDA referendus, vt aiebas. Ego tecum hoc sentio, & arripio: & admirabilem planè hîc habeo Prouidentiam diuinam. Itânc serie quadam bella ex bellis nata, provinciæ ex provinciis subactæ: Illa causas dedit, aut permisit: & semper duplici hoc titulo Romani vsi, vt aut pro Salute arma caperent, aut pro Fidē. Pro illâ, vbi res eorum ageretur; pro istâ, vbi Sociorum. Et hoc de Sociis latè patuit, & est illa catena, quæ bella & terras coniunxit aut subiunxit. Cicero verè & liberè: *Noster populus, SOCIIS defendendis, TERRARVM OMNIVM potitus est.* Verè inquam: & vis

pauca

pauca exempla? Ecce Carthaginienſes validi ſunt, imò æmuli virũ Romanarum. obſtant creſcentibus: quid fit? remouendus ille obex, & cauſam ipſi præbunt. Siciliam inuadunt, & Mamertinos: iſti ad Romanos appellant, vt Socioſ. Veniunt, ſubueniunt, pellunt eos, & quæſita iam ipſis ad ſe trahunt. Fit pax, & Sardinia etiam Siciliæ adiicitur, conceſſu ipſorum. Vides augmentum? Sed enim iam ſiſtimus, & illi manent ac florent? non. in Hiſpaniam malâ cupidine tranſſcendant, arma etiam Saguntinis inferant, & amicum ſociumq; Romanis opidum euertant. Bellum ergo iterum iuſtum: quo ſine, & fructu? Victi illi, & in Africam compulſi, Hiſpaniâ aucti Romani. At enim Græcia & Mæcedonia iam deſunt? Viſ iuſtè dari? Philippus Macedo fœdus cum Annibale coibit, Romanos & Græcos ſimul laceſſet: atque iſti eos aduocabunt, & ſibi primum, mox & Macedonibus, imponent. Talia in Antiocho, Iugurthâ, ipſo Mithridate. qui ſceleratiſſimus non regum, ſed mortalium, quid de fraude vel iniuſtitia Romanorum queritur? vt volet, ipſe ab illis & nobis audiet, *Ve viſti*. Non dicam pereant, ſed tamen pareant, qui vincere aut quieſcere non potuerunt. AVD. Hein! acriter tu pro Romanis: ſed ex animi tui ſententiâ? LIPS. Ex ſententiâ: ſaltem de antiquis illis Romanis, & ante Sullam ciuili bello nondum infectis &, vt ſic loquar, decoloratis. Pleraque omnia tunc pura & iuſta: & liceat cum Rutilio, verè de Româ dicere,

IVSTIS BELLORVM cauſſis, nec PACE ſuperbâ,

Nobilis ad ſVMMAS gloria venit OPES.

At poſteâ degenerarunt, Auaritia & Ambitio quædam dictarunt, ad hoc Rationis examen non dirigenda. AVD. Iam remiſſius, & laudo. quid tamen in Rutilio audio, nec *Pacem ſuperbè* dediſſe? Imò rarò dedit, aut impotenter & ſuperbè dedit. LIPS. Neque id tibi dabo. Quoſdam populos puniuit, fatcor, ſed non niſi imperio ſuo, & ſtipendiario illo iugo. Quàm multis autem, & pacem indulſit, ſi vti eâ potuiſſent, aut voluiſſent? Ipſis Carthaginienſibus bis: Philippo etiam, & Antiocho, & Tigrani: atque hoſ omnes cum pellere terris in eorum manu eſſet; contenti fuerunt reſtringere, & vt imagine hac utar, pennas incidere, ne temerè & laſciuè ſic euolareht. Sed ſatis ſuper Iuſtitia.

C A P. IIII.

Fortitudo Romanorum militaris.

Fortitudinem in militiâ nunc consideremus. Quid tamen hîc diffundat? nōne satis in ROMANA MILITIA meâ feci? Opinor: sed argumenti & contextus etiam causâ, pauca dicantur. Aio igitur & *Milites* & *Duces* præstantissimos huic genti fuisse, & in omni æuo ADMIRANDOS. Vide mihi legiones illas, quæ binæ iunctæ, & cum totidem Sociis, equitatu autem *mille octingentorum*, ad quæcūmq; bella & hostem ibant: ibant, sed & victrices ferè redibant. Tota autem ea manus, quid amplius quàm *octodecim millium* erat? Iam si decem legiones iungeres, quod item factum: quid nisi Hirtij verbis dicam, *vel celum diruere* eas potuisse? Ecce gygantes nouos, & veros, nec è fabulis petitos. An non tales tibi videbuntur, si in *Opere*, *Agmine*, *Acie*, paullisper eos consideras? Quod ad Opus, fodiebant, vallum & fossas ducebant; aggerem, testudines, turres struebant: omnia celeriter & industrie, vt fidem superet paucos homines tanta, in tantulo tempore, struxisse. In ** Poliorce-*
ticiis meis dedi exempla. Iam de Agmine, quid istud est? arma omnia peditem ferre, cibos semestres aut menstruos, vtenfilia, & septenos aut plures interdum vallos. lumentum ita oneres, negabis par futurum. Adde ordinem in toto incessu, à signis non discedere, pari passu omnes ambulare, decurrere etiam, cū opus esset, in plenis armis. Denique in acie quis par Romano miles erit? nam non fuisse quidem, id cōstat. Cum omnibus gentibus, omni genere armorum aut pugnarum, concurrerunt: ecquando victi sunt ignaviâ suâ aut culpâ? nam hoc addendum est: & optimus ille miles semper potior, nisi mens & directio impediret imperiti aut temerarij Ducis. Livi^{us} gloriatur: *Absit invidia verbo, & civilia bella sileant, numquam ab*
EQVITE *hoste, numquam à PEDITE, numquam APERTA acie, num-*
quam aquis vtiq; locis laboramus. Vera dictio, & trophæa victarum gentium adstipulatur. Græcos aut Macedonas aliquos mihi compones? Pyrrhus ipse Macedo refutabit: & cū Ro-
mana

*Itemque
in Militiâ.

Lib. IX.

manæ militiæ periculum, sed cum suo periculo fecisset, vocem è pectore emisit: *O quàm facile erat orbis imperium occupare, aut mihi Romanis militibus, aut Romanis me rege!* Atqui si quisquam Regum bono & veterano milite instructus fuit, is fuit. Quid autem mirandum tales fuisse, apud quos, à primâ adolescentiâ, vita omnis in armis, honos omnis ab armis erat? Nemo honestiorum ad reimp. accedere, aut magistratus capere poterat, nisi decem annos militasset. Et pedestris ipsa militia, viginti annorum decursu denique terminabatur. In ipsâ pace, an quietem egisse censes? exercitia assidua erant, vel in Campo illo Martio, vel in ipsis alibi castris. Aristidem operæ pretium est in hac re audire: *Quinetiam in militari disciplinâ vos, ô Romani, omnium aliorum inscitiam coarguistis. Nec enim contra hostes dumtaxat milites vestros ac Duces, sed inter se primum committitis & exercetis. Itâ fit vt COTTIDIE STENT IN ACIE, nec umquam quisquam LOCO CEDAT, sed vt in aeterno & celesti choro, quisque stationem suam cognoscat & seruet.* Reuera ita est: & de statione quod ait, quis nescit locum in acie, vel in præsidio, militi seruandum, vel moriendum fuisse? Leuiter ab eo discedere, à vitâ erat abire: vt seueritas quidem volebat saluberrimæ illius Disciplinæ. Inde contemptus periculorum & hostium: & in medios illos vel exiguam manum si Dux misisset, quis non sine cunctatione parcat? Exemplum illustre & notum, sed ADMIRABILE est, in bello Punico primo. Consul parùm providè suos ductans, in locum humiliorem, & collibus vndique cinctum, insinuarat. Hostes aditus infederant, & sine ferro confectum bellum videbatur. Ibi Tribunus consilium suppeditat: *Consul, inquit, vides tu collem illum, ab hostibus nondum occupatum? illuc censeo mittendam cohortem aliquam militum, si te & alios vis saluos. Hostes enim in illos irrucunt, intereâ tu, si vir es, te explicabis, & persuades.* Placuit Consuli sententia, & vera erat: nec de militis obedientiâ dubitabat, sed *Ducem, inquit, illum qui in certam mortem eat, quem habemus? Me ipsum,* ait ille. Dictum, factum, quadringenti ad moriendum proficiscuntur, & cadunt: solus Tribunus inter mortuos, semimortuus ipse, reperi- tus conualuit, & sæpe vtilem operam reipublicæ postea nauauit. Viros istos tali robore, tali obedientiâ, alibi mihi dabis?

Spar-

C A P. I I I I.

Fortitudo Romanorum militaris.

Fortitudinem in militiâ nunc consideremus. Quid tamen hîc diffundar? nōne satis in ROMANA MILITIA meâ feci? Opinor: sed argumenti & contextus etiam causâ, pauca dicantur. Aio igitur & *Milites* & *Duces* præstantissimos huic genti fuisse, & in omni ævo ADMIRANDOS. Vide mihi legiones illas, quæ binæ iunctæ, & cum totidem Sociis, equitatu autem *mille octingentorum*, ad quæcūmq; bella & hostem ibant: ibant, sed & victrices ferè redibant. Tota autem ea manus, quid amplius quàm *octodecim millium* erat? Iam si decem legiones iungeres, quod item factum: quid nisi Hirtij verbis dicam, *vel celum diruere* eas potuisse? Ecce gygantes novos, & veros, nec è fabulis petitos. An non tales tibi videbuntur, si in *Opere*, *Agmine*, *Acie*, paullisper eos consideras? Quod ad Opus, fodiebant, vallum & fossas ducebant; aggerem, testudines, turres struebant: omnia celeriter & industriè, vt fidem superet paucos homines tanta, in tantulo tempore, struxisse. In *Poliorce-*
ticiâ meis dedi exempla. Iam de Agmine, quid istud est? arma omnia peditem ferre, cibos semestres aut menstruos, utensilia, & septenos aut plures interdum vallos. Iumentum ita oneres, negabis par futurum. Adde ordinem in toto incessu, à signis non discedere, pari passu omnes ambulare, decurrere etiam, cum opus esset, in plenis armis. Denique in acie quis par Romano miles erit? nam non fuisse quidem, id cōstat. Cum omnibus gentibus, omni genere armorum aut pugnarum, concurrerunt: ecquando victi sunt ignaviâ suâ aut culpâ? nam hoc addendum est: & optimus ille miles semper potior, nisi mens & directio impediret imperiti aut temerarij Ducis. Liuius gloriatur: *Ab sit inuidia verbo, & ciuilia bella sileant, numquam ab*
EQVITE *hoste, numquam à PEDITE, numquam APERTA acie, num-*
quam equis vtiq; locis laborauimus. Vera dictio, & trophæa victarum gentium adstipulâtur. Græcos aut Macedonas aliquos mihi compones? Pyrrhus ipse Macedo refutabit: & cum Ro-

*Itemque
in Militiâ.

Lib. ix.

manæ

manx militiæ periculum, sed cum suo periculo fecisset, vocem è pectore emisit: *O quàm facile erat orbis imperium occupare, aut mihi Romanis militibus, aut Romanis me rege!* Atqui si quisquam Regum bono & veterano milite instructus fuit, is fuit. Quid autem mirandum tales fuisse, apud quos, à primâ adolescentiâ, vita omnis in armis, honos omnis ab armis erat? Nemo honestiorum ad remp. accedere, aut magistratus capere poterat, nisi decem annos militasset. Et pedestris ipsa militia, viginti annorum decursu denique terminabatur. In ipsâ pace, an quietem egisse censes? exercitia assidua erant, vel in Campo illo Martio, vel in ipsis alibi castris. Aristidem operæ pretium est in hac re audire: *Quinetiam in militari disciplinâ vos, ô Romani, omnium aliorum insectiam coarguistis. Nec enim contra hostes dumtaxat milites vestros ac Duces, sed inter se primum committitis & exercetis. Itâ fit vt COTTIDIE STENT IN ACIE, nec umquam quisquam LOCO CEDAT, sed vt in aeterno & caelesti choro, quisque stationem suam cognoscat & seruet.* Reuera ita est: & de statione quod ait, quis nescit locum in acie, vel in præsidio, militi seruandum, vel moriendum fuisse? Leuiter ab eo discedere, à vitâ erat abire: vt seueritas quidem volebat saluberrimæ illius Disciplinæ. Inde contemptus periculorum & hostium: & in medios illos vel exiguam manum si Dux misisset, quis non sine cunctatione parebat? Exemplum illustre & notum, sed ADMIRABILE est, in bello Punico primo. Consul parùm prouidè suos ductans, in locum humiliorem, & collibus vndique cinctum, insinuarat. Hostes aditus infederant, & sine ferro confectum bellum videbatur. Ibi Tribunus consilium suppeditat: *Consul, inquit, vides tu collem illum, ab hostibus nondum occupatum? illuc censeo mittendam cohortem aliquam militum, si te & alios vis saluos. Hostes enim in illos irruent, interea tu, si vir es, te explicabis, & peruares.* Placuit Consuli sententia, & vera erat: nec de militis obedientiâ dubitabat, sed *Ducein, inquit, illum qui in certam mortem eat, quem habemus? Meipsum,* ait ille. Dictum, factum, quadringenti ad moriendum proficiscuntur, & cadunt: solus Tribunus inter mortuos, semimortuus ipse, reperi- tus conualuit, & sæpe vtilem operam reipublicæ postea nauauit. Viros istos tali robore, tali obedientiâ, alibi mihi dubis?

Spar-

Spartanos tamen excipio, solos dignos, qui cum Romanis comparantur, si vires & copiae maiores fuissent. nam alia non degenerant. Sed hæc infelix audacia: illa lætior. cum Punico item bello, fugientem eorum classem, pedites in mare se coniecissent & natantes, quasi in camporum firmitate aggressi, manibus suis in litus retraxerunt. Paullò vetustiora ista sunt: ecce magis noua exempla. Bello Africano ciuili, Centurio Cæsaris cum aliquot veteranis in mari captus, ad Scipionem aduersarium Ducem perductus fuit. Ibi Scipio clementer vitam statim offerre & honorem, si deficere à Cæsare, & pro se stare vellet. Ille autem contrà, hortari vt ipse desisteret, neu contra tam inuictum virum & copias pugnaret: *Que, inquit, cuiusmodi sint, si minus antea expertus es, licet nunc cognoscas. Elige ex tuis cohortibus vnâ, quam putas esse FIRMISSIMAM, & constitue contra me. ego autem ex meis commilitonibus, quos nunc in tuâ tenes potestate, NON AMPLIUS DECEM sumam: tum ex virtute nostrâ intelleges, quid ex tuis copiis sperare debeas.* Ita Hirtius, siue Oppius, siue Balbus, castè & puriter hæc narrauit. AVD. Légi equidem, & memini: sed quid nisi militaria & vana hæc verba sunt? Nam vt decem contra quadringentos consistant, nulla ratio aut exempla dicent. LIPS. Rationem nunc omitto, etsi ea quoque in veterano isto robore est: sed exemplis hoc firmari potest. Non tu in eodem Hirtio legisti, *Numidarum copias, in coronæ modum, Cæsaris copias cinxisse? Casariani interim, inquit, NON AMPLIUS TRES aut QUATTUOR milites veterani si se conuertissent, & PILA VIRIBVS CONTORTA in Numidas infestos coniecissent, AMPLIUS DVORVM MILLIVM, AD VNVM terga vertebant.* Hoc etsi mirum, tamen verum est: & nisi fallor, ipso illo scriptore arbitro & inspectore gestum. Sicut quod idem eodem bello, de Gallis nostris tradidit: *Accidit res incredibilis, vt equites MINVS TRIGINTA Galli, Maurorum equitum duo millia loco pellerent, irgerentque in opidum.* Vis nominatim & L. Sici-nium aliquem citem, qui centies & vicies in aciem descendit? sex & triginta spolia ex hostibus rettulit? octo ex pro-uocatione occidit? quinque & quadraginta vulnera pectore excepit, tergo nullum? Vis Cassium Scæuam? qui in Britannico litore, cum quattuor commilitonibus in scopulo reli-

relictus, cùm mari abeunte hostibus adire fas esset, atque ij confectim irruerent; desertus ab alijs, solus impetum sustinuit, multos deiecit aut occidit, denique armis suis onustus, solo scuto abiecto, in mare se dedit, & ad Cæsarem natauit. Qui stupens ad viri virtutem, laudare parabat: at ille disciplinæ memor, *Da veniam Imperator*, inquit, *quòd scutum reliqui*. O dictum; factis illis ipsi laudabilius! & quid à tali animo, non enim iam manibus solùm, non speres? Idem Pompeiano bello, ad Dyrrachium castello præpositus, solus in portâ consistens, contra Romanas, Romanas dico legiones & copias, id seruauit. Quo tempore oculus ei effossus, humeri traiecti & femur, scutum *centum triginta* ictibus perforatum. Fabellas recitare hodiernis militibus videamur: sed nos res dicimus, tam hercules quàm cùm *Onera aut Opera* narramus, adeò non imitanda, vt nec credenda. Sed in victoriâ quid milites istos miror? magis pænè in clade & morte. Miles in Cannensi prælio, cùm vulneribus confectus, manus etiam mutilatus esset, spoliare se conantis Numidæ ceruicem brachijs inuadens, ad se traxit, & naribus atque auribus corrosis (cùm alia tela non essent, aut tractare non posset) deforme cadauer aspicientibus reliquit. De vno loquor: sed *quàm illi viri fuerunt* (Flori verba dabo) *quos ab elephantis obrutos Pyrrhi prælio accepimus? omnium vulnera in pectore, quidam hostibus suis immortui, omnium in manibus enses, & relicte in vultibus minæ, & in ipsâ morte ira viuebat?* Vide mihi istos, non homines, sed Martes, si fas dicere: & nec victos quidem, vincendos. Satis de Militibus, transeo ad Duces: etsi quomodo non isti omnes Duces? Imò quod Thucydides de Lacedæmonijs scitè dixit, *ὅτι δὲ πᾶσι ὁλόγων, τὸ ἐξαιρέτων αὐτοῖς ἀρχόντων ἀρχόντων ὄντι*: quòd, *paucis exceptis, exercitus eorum DUCES DVCVM essent*: id profectò in Romanos conueniebat. Sed tamen Duces etiam aliqui eximij: vt parens ille *Romulus*, vt *M. Furius Camillus*; vt *L. Papius Cursor*, quem vel Alexandro parem (si venisset) Liuius opponit; vt *M. Claudius Marcellus* igneo impetu; vt *Q. Fabius Maximus*, salubri tarditate; vt *P. Scipio Africanus* prior, diuinâ felicitate; & posterior, diuinâ virtute; vt denique (nam omnes quis numeret?) caput & culmen *C. Iulius Cæsar*: fortunâ, peritiâ, magnitudine & celeritate animi, super omnes

omnes qui arma tractarunt, aut tractabunt. Sed concludimus: si post Cæsarem tamen vnum addidero, alterius Cæsaris ô fidum vtilemque ministrum! Is *M. Vipsanius Agrippa* fuit, vir bello prouidus & fortis, & vel causa victoriarum Augusti, vel instrumentum. Nec post eum, flaccescente iam Romanâ indole, quos mirer habeo, nisi fortè *Germanicum Cæsarem*, sed prope rata mors eripuit; aut magis certè *Traianum*, suo & proprio elogio OPTIMUM MAXIMUMQUE.

CAP. V.

Pietas, Probitas, Constantia Romanorum.

SED ad *Ciuilem* iam Virtutem venio, domi & in togâ spectandam. Eam per omnes ordines diffusam triplicem maxime reperio, *Pietatem, Probitatem, Constantiam*. *Pietas* eminet, vana illa quidem dixerit aliquis, sed tamen in assiduo Numinis cultu (pro ipsorum capto) reuerenter occupata. Incredibile est, quàm omnia publicè & priuatim religiosè cœpta, administrata, patrata: vt totam ciuitatem sacris operatam & addictam possis arbitrari. Atque id secundum vetera instituta, nec nouitati aut mutationi dabant hic locum.

* Nota ad
copiam ex-
cerptorum.

Miratur hoc *Dionysius*: quòd quamquam* sexcenta nationes pænè in urbem fluxerant, quibus singulis sacra sua ritusque patrij essent; tamen ad suum eum (inquit) nulla peregrina religio publicè suscepta; aut si qua oraculorum monitu introducta, ea ipsa Romano more culta, abdicatis fœdis vanitatibus, aut fabularum portentis. Quò valdè faciebat, quòd Sacris præssent, & ipsi non interpretarentur solum, sed administrarent, viri in Republicâ primi, honoribus honesti: qui & exemplo plebem còtrahebant; & prudentiâ ac maturitate, noua aut nocitura spernebant. Ab hoc deinde capite alia Virtutum membra: & in primis illa *Probitas*, quam nominavi, id est animi morumque integritas quædam & candor. Sine fūco, sine fallaciâ diu mores illi fuerunt: & in prouerbium abierat, *Homo Romanus ingenij, Romana simplicitas, & Romana fides*. Incerti, sed Romani scriptoris, versus sunt:

CIVE

CIVE ROMANO PER ORBEM nemo viuit IUSTIVS.

Quippe malo vnum Catonem, quàm trecentos Socratas.

Et sanè differere alibi de virtute crebrum, hîc vsurpare. Quâ in re alienum testimonium audiamus, & Polybij, id est hominis Græci. Deus bone, quàm ille dilaudar, & suæ genti præfert! Apud nos, inquit, si cui talentum concreditum sit, & exsint decem syngraphæ, decem signa, bis totidem testes; tamen fidem vix est seruare. apud Romanos autem, cum in Imperijs aut Legationibus plurimû pecunie in manibus habeant & dispensent, tamen officium & fides constant, solâ iurisiurandi religione inductis. Vides Probitatem in hac parte? sed & in bello candor is fuit, & ratò astu aut fraudibus victoria quæsitâ aut patta. Tangit grauitè M. Aquillium Imperatorem noster Annæus Florus, quòd is bello Asiatico veneno fontes miscuisset, ad deditionem quarundam vrbium. *Quæres*, inquit, *ut maturam, ita infamem fecit victoriâ. quippe cum contra fas Deum, MORESQUE MAIORVM, medicaminibus impuriis, in id tempus SACROSANCTA Romana arma violasset.* Iam & huic Probitati *Abstinentia*, siue etiam *Continentia*, adherent: nò fœdè aut iniuste appetere alienum, parcè & modicè suo vti. Et illius quidè (Abstinentiæ, dico) quàm pulchrum, nec iactatum nimis, exemplum fuit ab vniuerso populo editû, Marianâ & Cinnanâ proscriptione? Quippe cum ij hostium suorum penates, omnibus opibus aut elegantijs plenos, vulgi manibus diripiendos vtrò obiecissent: nemo inuentus est, nemo, qui iniustam hanc prædam è ciuibus peteret, caperèrve: sed, tamquam à sacris edibus, omnes manus & cupidinem abstinerunt. Et quid in togâ miramur hæc exempla; cum in ipso bello, & inter hostes, prædæ abstinentia fuerit? quæ non nisi permisso capta, & sic quoq; tota ad Duces relata. Iam in Continentiâ quàm laudabiles, si cibum, vestem, aut externa alia spectes? Plinium & Plautum testes habemus, populum Romanum per aliquot sæcula, non nisi farre & pulte vulgò vsum. Quòd si nuptiæ, festiuitas, aut lætius conuiuium esset; pro magno pauci pisciculi, & porcinae aliquot pondo, in obsonium adiecta. Similis in vestibus frugalitas: & omnium, ditium pauperumque, è lanâ: atque câ natiui & albidî coloris. nisi quòd ditiorum splendentes paullò magis & nitidâ à fulloniâ arte essent. Nam Sericum, Holofericum,

ipſa Lintea, ſerò innotuerunt, & timidè etiam in uſum pauco-
rum venerunt. Adderem Modèſtiæ laudem, & reuerentem
Senatus & procerum ſuorum populum: niſi Tribunicia inter-
dum procellæ turbaffent, quam ego peſtem vnicam & la-
bem reperio in re Romanâ. Denique & tertiam virtutem
Conſtantiam feci: ô verè ADMIRANDAM in hac gente! Nam
in alijs pares alios habeant: in hac nec comparandos. Mû-
cius ille olim oraculum protulit: *Et facere, & PATI FOR-*
TIA, Romanum eſt: quaſi hæc in malis magnis Patientia (quæ
ipſa eſt Conſtantia) peculiaris eorum virtus eſſet. Et tu diſpi-
ce. Vmquàmne vnum aliquem hominem, plus inuiſti, & ob-
nixi in omnes caſus, roboris oſtendiſſe, quàm populum hunc
vniuerſum? Exemplis doceatur. Pyrrhus ille in Italiam vene-
rat, cum noui generis gentisquæ copijs, & inprimis inaudito
terrore elephantum. Victor grandibus prælijs erat, Italiam
percurrerat, & à trigefimo pænè lapide Romam proſpexerat.
Quid Romani? trepidant ſcilicet, & pacem petunt? Imò ob-
lata ſe vltro reſpuunt, & legatos eius cum animoſo hoc reſpon-
ſo dimittunt: *Pyrrhus Italiâ cum copijs excedito. vbi exceſſerit,*
de pace ſi volet, apito. Ni exceſſerit, arma & viros, & aciem exſpe-
ctato. Neque deſtituros ab incepto ſe, etiamſi SEXCENTOS LAE-
VINOS (ea verba Plutarchus poſuit) *pugna viciffet. Qui animi*
iſti, aut verba ſunt? non contra Pyrrhum, ſed contra fortunam,
& pænè dixerim cælum, dimicantium. Eſi mos ille eorû ſem-
per in bellis (notandus & ADMIRANDVS) nihil largiri armato
hoſti: ſed vbi ea poſita, & obſequioſi aut flexibiles illi viſi, tunc
denique conditiones ferre & æquas, & ſæpe nec exſpectatas.
Generoſorum hoc eſt: ire in aduerſos, parcere aut abſiſtere iam
abiectis. Fructus autem Conſtantia in Pyrrhum fuit, ſponte
Italiâ illum fugere, ipſos eius dominos & potentes fieri. Vide
& bellum Punicum primum. quot ibi clades, raræ aut nouæ?
Rara in Africa ipſâ, cum Atilius Regulus Conſul, cum toto ex-
ercitu oppreſſus, & viuus veniſſet in hoſtium poteſtatem. No-
uæ aliquot in mari: cuius antea expertes & imperiti, claſſes plu-
res vel naufragio vel pugnâ amiſerant. Polybius ſcribit, & ipſe
miratur, *ſeptingentas quinqueremes eo bello amiſſas fuiſſe*. Satis
autem iacturam eam æſtimas aut intellegis? in quaque earum
(Poly-

Dionyſ.
lib. vii. 2.

(Polybio sic ordinante) *trecentis* remiges ferme erant, milites *centum viginti*. Hos tu si vnâ computas & colligis, videbis paullò minus *trecentis hominum millibus* periisse. Et qui Romani tunc erant? nec totâ etiam Italiâ plenè adhuc potiti. O constantiam, ô robur, & ô fortunam! nam hæc se vertit, & puduit tam merentibus non se dare. Iam ad mortem plaga, Punicum bellum tertium. Annibal summus ducum in Italiam ipsam venit, siluam excindere parat, in quâ stabulabantur Martiales isti lupi: & pænè fecit. Tribus præliis magnis victor, & ultimo illo Cannensi, quid nisi totum virilem sanguinem Romanum exhaust? Heu cladem! *quinquaginta millia* selectorum militum, vnâ cum altero Consulum, cum tot Tribunis & Centurionibus, tot Senatoribus & Equitibus Romanis iacent: & tu Roma adhuc spiras? quibus freta? senibus, puerisque, & feminis, quos solos pænè reliquos habes? Spiro, inquit, imò alta & vetera spiro. De pace nulla mentio: veniat vel Romam Annibal, arx & Capitolium nos defendet, & è cinere isto suscitabuntur *rerum domini Romani*. O insanas, dixerit aliquis, cogitationes! sed res & exitus docuit, constantes & felices. *Magna populi Romani fortuna* (ait Florus) *sed SEMPER IN MALIS MAIOR, resurrexit*: & pueros, senes, vinctos, seruos armauit: & imbecillo aut sædo exercitu victrices illas copias profligauit. Plura possem. nam in omni Romanâ historiâ propriæ huius virtutis exempla sunt: sed quid maius istis possum? Claudianus concludat:

NVMQVAM SVCCVBVIT DAMNIS, & *territa nullo
Vulnere, post CANNAS MAIOR Trebiamque fremebat.*

Et Liuius: *MAGNITVDINEM populi Romani, aduersis propè rebus
ADMIRABILIOREM, quàm secundis esse.* AVD. Atqui vnum miror, & pænè doleo, à te omitti. LIPS. Quod illud est? AVD. De Varrore. nam quid admirabilius, quàm cum ille auctor & causa tantæ cladis (nec falsò) diceretur: Romam redeunti obuiam itum ab omni ordine & populo, & *Gratias actas, quòd de Republicâ non desperasset?* Siqua alia hæc plebs fuisset, itâne gratias funesto & furiali capiti? sputa, saxa, tela, nec vnâ mortem. Illi fecerunt. quia hoc quoque Constantiæ proprium, mereri malis potiùs, quàm irasci. LIPS. Est & minutum aliud.

Nam cùm urbem ipsam Annibal obsideret, & tetrêret: fundus, in quo castra eius posita, publicè sub hastâ Romæ vœniit: nec minoris, quàm si liber, nec infessus ipse aut Italia ab hoste essent. Item alterum, eodem illo tempore, cùm ad vnâ portam Annibal pugnaret & inuaderet, alterâ militem & auxilia in Hispaniam emisertunt. Fiducia hæc, vt verum dicam, humana non fuit: à Deo inspirante vênit.

CAP. VI.

Contra Probitatem & Abstemiam dicta & obducta quadam.

EThæc sufficiunt, mi Auditor, de Virtute Ciuili: cuius custodes & sacerdotes si viritim recenseam, quando finiam? te, & certè me, fatigem. AVD. Numquam me, nec si Iliadem sermonis tui texas. Sed tamen si arbitrari me dicta tua vis, non solum audire: habeo quæ speciosè aut firmiter obducam iis & opponam. Itâne Virtutem hanc attollis? Pietatem omitto: etsi ea externa tota, & miseratione magis, quàm refutatione digna. Sed de candore & fide adiunxisti: an non ipso animo tuo alibi retinente, aut refragâte? Proh sancta Fides, quæ igitur lego alibi aut video, contra tuum numen aut nomē admisa? *Caucaei* populus Hispaniæ satis potens & notus fuit. qui cùm pares Romanorum armis & violentiæ non essent, legatos supplices in castra ad Lucillum Imperatorem miserūt, pacē & fœdus quacumque lege facturos. Ille obsides imperat, & argenti statim* talenta centum, equites auxiliâres certo numero. Omnia fiunt sedulò & obnoxie. Imperat tum ampliùs, vt *duo millia* militum in urbem suam accipiât, præsidij causâ. Id quoque factum. Sed illis occultò mandatum, vt muros portasque occuparent: atque ita Lucillus reliquum exercitum induxit, & tubâ signum datum, vt sine discrimine, senes, pueri, viri, feminae interficerentur. Ita opidum direptum, deletum: ipsa *viginti milia* hominum, per summum scelus, interempta. O candorem, ô simplicitatem! & ecce aliam, in eadem Hispaniâ, similem. Sulpicius Galba Lusitaniam hostiliter ingressus vastabat, mirantibus illis nec causâ
aut

*60000.
Phil.

aut culpæ satis confciis, Legatos mittunt, fœdera priora renouant: illo recipiente, & vtrò miserante, quòd sic affligerentur. *Sed, inquit, egestas fortasse vos impulit pradas agere, & belli speciem præbere: medebor. Tripartitò vos diuidā, & in agro ac solo pingui collocabo, vbi reliquum beati ac tuti agatis. Venite cum vxoribus, cum liberis: in talem vallem, talis illa pars. adsignabo.* Veniunt miseri, læti ac securi, & in triplici regione distincti. ad quorum primos cùm accessisset, arina ponere quasi amicos sociosq; iussit: & iis positis, milites immisit, & fidem ac deos implorantes, ad vnum omnes occidit. Idem alteris, tertiiisque celeriter factum, & priusquam fama prioris facinoris ad eos venisset. Aspicio te Lipsi, & oculis vultum ac pectus verbero, si tale aliquid infidum & barbarum, in vllâ barbarie factum? Atqui nouitia hæc sunt, dicēs, & reipublicæ inclinantis. Non nimis, nec longè à Bello Punico secundo, cùm Respublica moribus legibusque vel maxime floruisse censetur. Sed vis igitur antiquiora? accipe. Aufonium gens in Italiâ fuit, vno tempore, nullo satis certo crimine, excisa. Liuius ipse narrat, suspectos & delatos à paucis, quasi deficere ad Samnites vellent: præuentos autem a Romanis, qui occultè submissis militibus, quibusdā & togatis, portas trium opidorum occuparunt: & eādem horā, cædibus promiscuè factis, vrbes & gentem deleuerunt. Audis tu mi doctor? quid istis hominibus probius aut candidius? cedunt Gallicanæ nostræ niues. Iam & *Abstinentiam* ac *Continentiam* laudasti: & vt leuissimè dicam, subrisi, aut & irrisi. Nam quæ, aut vbi, hæc Abstinentia? Romę & inter ciues fortasse? credo, & ex veteri dicto, *Coruus coruo oculum non eruit.* Sed an eadem in prouinciis, & vbi occasio aut facultas peccandi? O dii deeq; (si fas sic exclamare) quæ illi occulta aut aperta furta, libidines, nundinationes, raptus? Poëtæ Harpyas aliquas finxerunt, quæ cōactu & vnguib; omnia diriperēt, aut fœdarent: in re, isti Romanorū Præsides fuerūt. Oprimus & bellissimus quisq; ita se gerebat, vt bella omnia domū auferret. Demades olim dictitare solitus, cùm ad Tribunal aut Magistratum iret, *ad Auream messēm se ire:* mihi crede, isti ibant, & Colchos quisque Iason sibi spondebat. Legisti tu Ciceronis illa de vno Vetre? Pleraque talia in aliis, & miseri prouinciales non nisi præda & spoliū Præsidibus suis erant.

erant. Quòd si in pace talia : per bellum & arma quid suspicamur fuisse ? & tu tamen illic quoque Abstinenciam eorum laudas. O iustè, ô meritò ! & tuâ veniâ, dabo exempla. Ecce L. Sulla in Asiâ, cùm communiter *viginti millia talentum* exegisset, priuatim edixit, vt hospes militi apud se diuertenti *sedecim drachmas* in diem daret; carnâ insuper ipsi, & sodalibus

* 50. Phil. quot vocasset; Centurio autem acciperet in diem * *quingenas drachmas*, vestè præterea duplicem Domesticam & Forensẽ. Hęc Sulla, inquires, homo nequam, & natus ad Disciplinam militarem dissoluendam. Benè est, accipio excusationem: quid ergo L. Paulus qui Macedoniam vicit, inter optimos ciuium? Destinatum ei Epirum totam diripere, & in prædam militibus dare, quia cum Perseo rege sensissent. Quid facit?

Lib. XLV. ipsis Liuij verbis, *Centuriones in singulas vrbes submittit, qui se dicerent ad præsidia deducenda venisse, vt liberi Epirota, sicut Macedones essent. Denos principes è singulis euocauit cimitatibus. Quibus cùm denuntiasset, vt aurum & argentum in publicum proferretur; per omnes cimitates cohortes dimisit, sic vt vno die in omnes peruenirent. Ediçta Tribunis Centurionibusque erant, quæ agerentur. manè omne aurum argentumque collatum: hora quartâ signum ad diripiendas vrbes datum est militibus: tantaque præda fuit, vt in equitem* quadringenti Denarij, peditibus ducem diuiderentur. Centum

* 40. Phil. quinquaginta millia capitum humanorû abducta. Muri deinde direptarum urbium diruti sunt: ea fuere opida circa LXX. Quibus auribus tu candoris, tu abstinentiæ mirator, hæc audis? Centuriones submittit, per speciem liberandi; decem primos euocat, vt consilio & ducibus spoliaret: ô candidum factum! Milites deinde immittit, diripit, cædit: ô clemens abstinentisque factum! Sed pulcherrima clausula, tot millia capitum abducta: nec finis, in miseros muros & tecta sæuitum, & dirui ca iussa. In vicinâ Græciâ, quid Hortensius Prætor patrauit? Legati Abderitæ

Lib. XLIII in ipsâ Româ audiantur, (Liuij item verbis) *Flentes ante Curiam, querentesque, opidum suum ab Hortensio expugnatum direptumque esse. Causam excidij fuisse, quòd cùm* * centum millia denariûm, & tritici quinquaginta millia modium imperaret, spatium petierant, quòd de eâ re ad Hostilium consulem, & Romam, legatos mitterent. Vixdum ad Consulem se peruenisse, & audisse opidum

expugna-

* 10000.
Phil.

expugnatum, principes securi percussos, sub coronâ ceteros veniſſe. In ipsâ Italiâ, Locrorum opido Q. Pleminius, Legatus Scipionis Africani, cum milite præfuit. Sed quomodo? Liuius iterum dicit: *in CORPORA, in LIBEROS, in CONIVGES, INFANDAE contumelia editæ.* Libidines, & non dicenda habes: iam auaritia (inquit) ne sacrorum quidem spoliacione abstinuit. nec alia modo templa violata, sed Proserpine etiam intacti omni ætate thesauri. En religionem & pietatem, quam laudabas. Et quid ego Consules, Prætores, Legatos, nomino aut conquiro? ecce pusillus vnus Præfectus equitum, titulo tenus, Scaptius, cum pecuniam deberi sibi à Salaminis diceret, illi ad Senatum appellarent, eiusque consultum: homo probus & iustus, quinquaginta equites ab Appio Proconsule impetrat, inclusum in Curia Senatum habet in multos dies, adeo vt interierint nonnulli fame. Hæc Cicero ita narrat, & simul æquabile illud ius inter prouinciales & Romanos ostendit. Quid plura addo? claudat mihi Polybius testium agmen. qui scribit Scipionem, captâ Carthagine Nouâ, omnes obuios occidi iussisse, nec vt vlli parcerent. Tum addit, sollennem hunc morem Romanis fuisse: *Videntur enim, inquit, terroris gratiâ hoc illi facere. Itaque frequenter videre est, quando Romani ciuitates capiunt, non homines modo occidi, sed etiam canes dissecari, & aliarum animantium membra truncari.* Heu, heu clementiam, candorem, probitatem, & omnia, quæ dixi, inter ADMIRANDA!

Lib. vi.
ad Atic.

CAP. VII.

*Pariter contra Continentiam; & de
luxu Romano.*

IAM tu *Continentiam* etiam laudabas, in Victu & Veste: voluntate tuâ, aliquid opponam? LIPS. Valdè interest scilicet quid velim: tu mihi videris, vt Mithridates aliquis, non libero, sed hostili ore & animo, inuchi in Romanos. AVD. Non ita est: sed falsa si dicam, vterque parati erimus, tu refellere, ego refelli. Hoc iam agis, video: sed prius & istæ audi. *Continentiam* igitur & frugalitatem veterum illorum, sed planè veterum, si laudas:

das: ego succino, & Fabricios, Curios, Quinctios tecum iniror. Sin longius trahis; vt non ego, lectio tua & obseruatio tacite refellent. Quid? leges illæ Sumpuariæ ab antiquo latæ, & sub bellum Punicum secundum, non ostendunt morbos in eâ parte fuisse, cum ad publica hæc remedia decurrédum? ipsæ cenæ, & lautitiæ quæ narrantur, non id clamant? Reminiscere Pontificiæ illius cenæ apud Macrobiū, vbi incognita & nobis quærenda ciborum genera: reminiscere & Sallustij verborum de Metello Proconsule, in Hispaniâ: *Cenæ, vltra Romanorum, ac mort alium etiam, morem curabantur, exornatis adibus per aulae & insignia, canisquæ ad ostentationem histrioniam fabricatis. Simul croco sparsa humus, & alia in modum celeberrimi templi. Præterea, sedenti in transfennâ demissum Victoriæ simulacrum, cum machinato strepitu tonitruum, coronam ei imponebat: tum venienti thure, quasi Deo, supplicabatur. Toga picta plerumq; amiculo erat accumbenti. epula verò exquisitissima, neque per omnem modum prouinciam, sed trans maria, ex Mauretaniâ volucrum & ferarum, incognita antea, plura genera. Considera cænaculi apparatus, cænantis habitum aut honores, cenæ ipsius exotica fercula: quis ganconum & lurconum, possit vel ausit imitari? Quis nostrum hodie aues aut feras trans mare, cenæ causâ, conquirat? Atqui olim non Metellus solum aliquis, sed iam vulgus lautiorum. Petronius Arbiter:*

Ingeniosa gula est, Siculo scarus a quore mersus

Ad mensam viuus deducitur. inde Lucretius

Eruta litoribus vendunt conchylia canis,

Vt renouent per damna fauicem. iam Phasidos vnda

Orbata est auibis, mutoque in litore tantum

Sole desertis adspirant frondibus auræ.

Pulchrè & floridè, sed an poetice & elatè? non opinor, imò Seneca, acer ille talium quæstitor & censor, auget & attollit. *Non est necesse* (inquit, ad sæculi sui mores) *OMNE perscrutari profundum, ac strage animantium ventrem onerare, nec conchylia VLTIMI MARIS ex ignoto litore eruere. Dii deaque istos perdant, quorum luxuria tam inuidiosi IMPERII FINES transscendit. Vltra PHASIM capi volunt, quod ambitiosam popinam instruat: nec pipet à PARTHIS, à quibus pœnas nondum repetimus, aues petere.* Vides affectum & stomachum viri, & sine bile hæc nec in sermone quidem vsurpantis.

Consol. ad
Helia.

pantis. Quid Latinus Pacatus, in Panegyrico? Laudat Theodosium Principem, quòd nihil tunc opus esset, ad penum regiam flagitare remotorum litorum piscem, peregrini aëris volucrem, alieni temporis florem. & tum addit imaginem prioris sæculi: Nam delicati illi ac fluentes, & quales sæpè tulit Respublica, parùm se lautos putabant, nisi luxuria versisset annum, nisi hibernæ poculis rose innatassent, nisi æstiu in geminis capacibus glacie salerna fregissent. Horum gula angustus erat orbis noster. namq; appositæ dapes, non sapore, sed sumptu æstimantes, illis demum cibus acquiescebant, quos EXTREMVS ORIENS, aut positis extra Romanum COLCHVS imperium, aut famosa naufragia maria misissent. Ecce vitia & prodigiosum luxum, omnia fastidientem, nisi remota & sumptuosa. Sed inferioris tantùm illa xui? imò verò, vt tetigi, à bello Punico secundo, aut circà: cùm ecce Cato Censorius publicè questus, Non posse saluam esse urbem, in quâ piscis pluris, quàm bos, vaniret. Attende mi Lipsi. hocne nostro æuo sit? & tamen in luxum inuehimur, nec immeritò: at ego tibi dico, pluris quàm decem boues veniisse vnum piscem: piscem? pisciculum addo. Mulli in quo tunc pretio? putantur fuisse, quos Barbos hodie, aut Regulos marinos vocamus: sed quidquid fuit, pisciculus, & vix quinque aut sex librarum. O non delicias, sed infanias! vnum ex iis quinque, sex, octo, decem millibus Hs. reperio emptum. Seneca iocose narrat de Tiberio, seuero Principe, & luxui nec duce nec fautor. Mullum ingentis forme (quare autem non pondus aduicio, & alio-
rum gulam irritò? quattuor pondo & selibras fuisse aiebant) Tiberius Cæsar missum sibi, cùm in macellum deferri & venire iussisset. Amici, inquit, omnia me fallunt, nisi istum mullum aut Apicius emerit, aut P. Oclavius. Ultra spem illi coniectura processit. Licitati sunt: Vixit Oclavius, & ingentè consecutus est inter suos gloriam, cùm Hs. quinque millibus emissit piscem, quem Cæsar vèdiderat, ne Apicius quidem emerat. Notetur hic, quæso, non pretium solùm piscis, sed Tiberij mirabilis continentia, qui in tantis opibus nec edere piscem voluit, nec donum alteri tradere, sed pretium ex eo fecit. quod fordes hodie aliquis fortasse (nescio an recto iudicio) interpretetur. At in Plinio, Asinius Celer, è consularibus, hoc pise prodigum, vnum mercatus est octo millibus. Atque id quâsi summum pretiũ Plinius habet, cùm tamen in Suetonij Tiberio sit, Prin-

Epi. l. xcv.

* centũ vi-
lari quin-
que Plin.

* ducentis
Plin p. i.
cap. xxxviij

cipem cum *grauiter questum, tres mullos triginta millibus nummum vanisse*. Si numeri recti; certum est excessisse, & singulos *ducentis quinquaginta* Philippicis stetisse. An falsus aut mendax ergo fui, de bobus vel decem? Iam alia si conquiram, vereor non longus solum, sed vanus esse. Dicam tamen, vel tui iudicii explorandi causâ; & corriges, sicubi ego, aut testes mei, extra fines veri ibunt. De Apicio, quem iam nominavi, res nota est, hominem perditæ gulæ fuisse: de quo, vt alia sileantur, mors sola iudicabit, quam Senecæ verbis dicam. *Apicius, inquit, nostrâ memoriâ sub Tiberio vixit, qui scientiam popina professus in eâ vrbe, è quâ quondam philosophi pulsati fuerant, disciplinâ suâ seculum infecit. cuius exitum nosse, operæ pretium est. Cum Hs. milles in culinam congressisset, ære alieno oppressus, rationes suas tunc primum coactus inspexit. Superfuturum sibi Hs. centies computauit, & velut in vltimâ fame victurus, veneno vitam finivit.* Quam luxuriam, & quam effusam vitam priuati hominis hanc fuisse putamus, cui centies Hs. (id est, *ducenta quinquaginta millia* Philippæorum) paupertas & desperatio fuit? O quam multorum improba vota hodie sint, vel *quinquages* habere? Sed hunc omitto, & duos eodem nomine alios, qui in exemplar & nomen transferunt huius vitij: Claudium Æsopum addamus, histriionem. De eo Plinius: *Maximè insignis est in hac memoriâ, Clodij Æsopi, tragici histriionis patina, sexcentis Hs. taxata. in quâ posuit aues, cantu aliquo aut sermone humano vocales, millibus sex singulas cœmtas, nullâ aliâ inductus voluptate, nisi vt in his imitationem hominis manderet.* Benè hæc postrema fortasse: sed an non acrius, *imitatione hominem manderet?* Anthropophagum facere hunc Æsopum vult, qui aues comederet, cum hominem non posset, humanas. Æstimatio autem ea vnius patinæ est, *quindecim millium* Philippæorum. Atque iste etiam fuit (alii ad eius filium referunt) qui *margaritas sorbere solitus* aceto solutas. O scelus, in mare deponandum! LIPS. Ne nimis, ne nimis: & an me cò vis? nam ne nescias, & ego margaritas, vel potius margaritulas, antiliquefactas, valerudinis causâ, soleo sorbere. Nec res magna aut impendiosa est. A v d. At ego pretiosas aio, & mens eorum est, qui scripsere. Tu autem vel aurum & gemmas sorbe, vt viuas. Sed quod ad illos gulones, de M. Antonij & Cleopatraz spon-

sione

* Duo mil-
liones &
semis.

sione non meministi, cùm hæc se *centies* Hs. vnâ canâ diceret
 absumpturam? Ille negare, & rem ^{* aduſat} censere: ad sum- ^{* qua fieri non possit.}
 mum, iudex & sculna caprus Munarius Plancus. Res non dif-
 fertur, sequenti die illa canam apparat pollucibilem, siquis
 vinqum, & denique vt Cleopatra, & Ægypti regina. Nihil
 mirari Antonius, & calculos ad extremum pſcere: cùm illa
 arridens, Vnum, inquit, ferculum rem confecerit: & simul ex
 composito, illatâ phialâ acris aceti plenâ, vnionem quem au-
 re dextrâ gestabat, ſingulare naturæ opus, detractum in phia-
 lam demisit, cumq; vt natura est, statim liquefactum absor-
 buit: parata & in alterum, quem ſiniſtrâ gerebat, manum in-
 iicere, ni providè & properè Munarius, victum Antonium
 clarè pronuntiaſſet. Quidni victum? cùm ſola ea gemma vel
centies Hs. eſſet? ſiue, vt noſtra æſtimatio, *ducentis quinquaginta*
millibus Philippæorum. Atque illa igitur arte hoc conſecu-
 ta eſt, vel aſtu: an re ipſâ & ſimpliciter Caligula, de quo Sene-
 ca? *C. Caſar, quem mihi videtur Natura edidiſſe, vt oſtenderet* Conſol. ad
quid ſumma viſia in ſummâ fortunâ poſſent, centies Hs. canauit vno Heli.
die, & in hoc omnium adiutus ingenio, vix repperit, quo mediocrium
provinciarum tributum vna cana fieret. Nam ſi margaretæ vel la-
 pilli abſumendi, quid ingenijs magnis aut inuentis opus? via
 ſtrata & nota iam erat, per veſtigia Cleopatrz. In Suetonio ta-
 men ſic lego, de ipſo iſto Caligulâ: *Commentus eſt portentofiſſima*
genera ciborum; vnguentis calidis frigidisque lauabatur; pretioſiſſimas
margaretas, aceto liquefactas ſorbebat; conuiuiis ex auro panes & ob-
ſonia apponebat. Quid iam Vitellius, ille helluonum omnium
 altiffimus gurgès? de quo Plinius: *Vitellius in principatu ſuo* Lib. xxxv.
centies Hs. (ita libri veteres) *condidit patinam, cui facienda fornax in* * 25000.
campis ex ædificata erat. Ego malle (ſed tu iudica) *condiſſe pati-* Phil.
nam: quia non de ipſâ lance, etſi grandi & pretioſâ, ſed de in-
ſtruto eius & obſonio eſt ſermo. Scripſit autem Suetonius; *in*
hac ſcarorum iocinera, phaſianorum & pauonium cerebella, linguas
phœnicopterum, murenarum lactes, à Carpathio vſque, fretoque Hiſpa-
niæ, per nouarchos ac triremes petitarum, eum commiſiſſe. Vbi libri
 veteres plerique, à Parthiâ vſque (non à Carpathio) habent: &
 conſiderandum eſt, ex Senecæ & aliorum ſuprà verbis. Etſi ta-
 men ſtructura videtur hæc ad Murenarum lactes referre. Idem

verò Vitellius, non ipse solùm prodigus, sed alios impellens, *indicebat eadem die, ientacula, prandia, cenas, commissationes, ipse omnibus sufficiens, vomitandi consuetudine.* Quod Suetonius tùm retulisset, ita reddit: *nec cuiquam minus singuli apparatus, quadringenis millibus nummum constiterunt.* Hec illudum vel abusum, in alienis opibus: nam ea sunt *decem millia Philippicorum*, siue ipse census equester. Super hæc nihil reperio, nisi in Latini Pannegyrice obsecrè quosdam Principum perstrictos: *Vt taceam*, inquit, *infami dilecti scriptos in provincijs aucupes, ductasque sub signis venatorum cohortes, militasse conuijs: nonne cognouimus cuiusdam retrò Principis non prandia sepe, sed fercula, Hs. millies æstimata, patrimoniorum equestrum pretia traxisse?* Nec satis fitmiter scio, quem aut quos tangat: puto Vitellium tamen, si in verbis eius emendes, * *Hs. mille æstimata.* Nam de illo *millies*, quis credat in vno ferculo absumptum? quod nec Cleopatræ aliquot, aut Caligulæ iuncti fecissent. Immanè hoc nimis est: at illud *mille* planissimè conuenit, cum Plinij suprà notà de vnâ Vitellij patinâ *decies* Hs. æstimatâ. Nam millena Hs. & *decies*, Romanis idem sonant. Iam de Heligabalo quid dicam? de quo Lampridius: *Numquam minus * centum Hs. cenasse, hoc est argenti libris xxx.* Aliquando autem * *tribus millibus Hs. cenasse, omnibus supputatis quæ impendit. Cenas verò Vitellij & Apicij vicisse.* Vbi tamen non *argenti libras xxx.* legi calculus vllus admittit, ut paries cum *centum* Hs. sed potius CCL. quæ puta veritas esset. Atque ego in isto super omnes stupeo. Lips. Quid ita? nam Cleopatra, inò Caligula superauit. Avd. At enim hoc mihi magnum & stupendum, quòd sumptus isti in Heligabalo cortidiani, & *numquam minus* (verba Lampridij) *centum Hs. cenauit.* Essent *septuagintaquinque millia* Philippicorum in mensem: quid iam conuiuia, quæ eiusdem totius suinix, in vnum diem interposuit? Ita enim & Lampridius addidit factum. Sed iam monstra omittimus: aliquid ad communem morem quaerimus, à quo non nimis Philippus, Hortensius, Lucullus, & hi tales, lumina reipublicæ, abiuerunt. Piscinæ & viuaria istorum nota sunt: cænæ, ex vnâ hac Lucullianâ. In famâ homo erat lautitiarum, & quòd esset *non ganeo & profligator, ut plerique sua haurientium, sed erudito luxu.* Cepit cupido Cicertonem &

* 15000.
Phil.

* 1500.
Phil.
* 75000.
Phil.

Tacit. de
Pertonio.

Pom-

Pompeium cognoscendi, sed inopinatò, & vt seriò discerent quomodo in dies viueret. Inueniunt in foro, salutant, cœnam indicunt. Sed *heus tu*, aiunt, *ea lege nequid præmandes. nam sumptum sumi in nos, non placet*. Ille tergiuerfari primò per simulationem, & *Cras potius*, inquit: cum negarent; *Ergo nec hoc licet*, inquit, *famulo dicere in quo triclinio canaturi simus?* Permittunt. Ille altâ voce, *Abi, dic in Apollinis cœnaturum*. Mox sequuntur: omnia lauta, splendida, regia, cum stupore duorum conuiuiarum: Sed causam nesciebant scilicet, & totam vim habuerat ad apparatus, vnum illud *Apollinis* verbum. Nam homo ita disposuerat, vt cœnacula suis nominibus distincta essent; & in quoque tales cibi, & impendia. Eminebat autem illud *Apollinis*: atque ita cum Dispensator aut Coquus audissent id nomen, sciebant statim quid, & quantum, opus esset. Summa enim taxata huic cœnaculo, ait Plutarchus, *quinquaginta millium drachmarum* erat: quæ sunt *quinque millia Philippæorum*. Et si alij tamen in Plutarcho *quinque millia*, non *quinquaginta* legunt: atque ita minuunt summam. Quid plura ego adferam? vnum hoc Senecæ, ad xui sui mores aptum: *Quid* Epist. xcv. *est sumptuosâ cœnâ flagitiosius, & EQVESTREM CENSVM absumente? & tricies tamen HS. adycciales cœnæ frugalissimis viris constiterunt*. Hic vnus ictus, Lipsi, te conficit: vulgò *ensus equestres* insumpti: & ab ipsis *frugalissimis* viris, *tricies HS.* Quantum hoc postremum est? colligit *septuagintaquinque millia Philippæorum*. O frugalitas in vno conuiuio ADMIRANDA! & quis Principum hodie vel in nuptiali panè epulo tantum prodigit? Silebam Lipsi, & stupebam: nisi quòd de *Veste* etiam aliquid sit addendum. Summam à Censore nostro Senecâ: *Quidquid est boni moris, extinguimus leuitate & politurâ corporum*. Lib. vii. N. 2. Quæst. *Muliebres mundicias antecessimus, colores meretricios, matronis quidem non induendos, viri sumimus. Tenero & molli ingressu suspendimus gradum: non ambulamus, sed incedimus. Exornamus anulis digitos, in omni articulo gemma disponitur. Ista de viris: quid de iuuenibus? Pater illius Senecæ: Torpent ecce ingenia desidio-
se inuenturis, nec in vilius rei honeste labore vigilatur. Cantandi saltandi que obscœna studia effeminatos tenent: & capillum frangere,
& ad* 1. Controver.

Et ad muliebres blanditias vocem extenuare, mollitie corporis certare cum feminis, & immundissimis se excolere mundicijs, nostrorum adolescentium specimen est. Quis equalium vestrorum, quid dicam satis ingeniosus, satis studiosus, imò quis satis vir est? Emolliti enervisque, quod nati sunt, inuiti manent, expugnatores alienæ pudicitie, neglegentes suæ. Dei fidem! luculenter vitamque ætatem, ab utroque scriptore, laudatam! Fortasse de feminis addam, quas scimus cum veniâ peccare, vbi viri gradum struunt? Tamen quid Propertius?

Matrona incedis census induta nepotum.

Seneca iterum: *Video vniones non singulos singulis auribus comparatos: iunguntur inter se, & insuper alij bini superponuntur. Non satis muliebris insania viros subiecerat, nisi BINA ACTERNA PATRIMONIA auribus singulis pependissent. Ille de auribus queritur: alius detoto corpore. vt Manilius:*

*Perque caput ducti lapides, per colla, manusque,
Et pedibus niueis fulserunt aurea vincla.*

Pedibus etiam aurum, vt ait, sed & geminæ: ac Plinius scribit, non crepidarum tantum obstragulis, sed & totis socculis addi. Neque enim (inquit) gestare iam margaretas, nisi calcent, ac per vniones etiam ambulent, satis est. Addit pro fastigio insaniæ, *Visam à se Lolliam Paullinam, ne seridò quidem ac sollenni ceremoniarum aliquo apparatu, sed mediocrium etiam sponsalium cenâ, smaragdis margaretisque operatam, alterno textu fulgentibus, toto capite, crinibus, spiris, auribus, collo, manibus, digitisque. quæ summam quadringenties Hs. colligebant, ipsâ confestim paratâ mancipationum tabulis probare. O monstra! ô aruspice, non te vindice Lipsi, digna! Vna mulier, in vno cultu decies centena millia Philippicûm habeat? habuit: & pauca hæc satis ad Vestem & cultum. Nam cingi te iam aut suspicor, aut vereor: neque fortasse deceat nos iuuenes non dicam tam liberè, sed tam liberaliter, nec in vos, sed apud vos loqui. At tu si peccaui, puni: quomodo? contemptu & silentio, quæ poena maxima mihi erit.*

CAP. VIII.

Excusati Romani à prioribus: & primùm in Raptu vel Sanitiâ, obiter.

NEVTRVM ego faciam, ô mi Auditor. Contemnam vel te, vel tuum hoc discendi studium? nam ita oppositionem hanc interpretor. Vel sileam etiam? quod non aliud sit, quàm causam non solum perdere, sed prodere: quod esse non potest, nisi aut improbi, aut diffidentis. Atqui non est magnum hoc opus, ne erra: quæ tu coaceruasti, vnius alteriusque manus impulsu deruam, nec machinâ aut ariete alio adhibito cadent infirmi isti muri. Triplex accusatio à te structa, in Probitatem, in Abstemiam, in Continentiam: & videamus. Fraudulenti quidam aut perfidi fuere; rapaces quidam aut crudeles; luxuriosi in cibis aliqui aut veste: sed quidam, sed aliqui: & hæc primæ responsio sit, & scutum pro me firmum. Quid pungis aut inuadis gentem totam, ob pauculos à te, tot sæculis, alios vitiososque nominatos? Fuisse non miror: nec id prodigium aut monstrum, vt tu aliquoties dixisti; imò esset, si non fuissent. An tu in hac facie nostrâ hominum, puram meramque virtutem aliquam vis? soles nobis imperiorum lucere, sine nube, aut tonitru, aut procellâ? nec fuere ista, nec erunt: & Deus in superis illis locis & liquido æthere, serenum hoc habet, & seruat; cetera omnia inferiora, miscentur, & turbant. Galbam aut Lucullum aliquem in Hispaniâ nominas; Hortensium, aut Pleminium alibi: quid ista sunt, in tot millenis Præsidibus, qui boni & innoxij fuerunt? Vt si guttas aliquot aceti in magnum vas aquæ mulsæ iaciam, non ipsum corrumpam, sed gratiam fortasse magis ab acore aliquo addam: sic in magnis istis imperijs, magis sentitur bonorum bonitas, si pauci interueniant, acidi aut amari. Vis tibi Taciti mei verbis hoc dicam? Cerialis apud eum rebelles Gallos sic mitigat & componit: *Quomodo sterilitatem aut nimios imbres, & cetera natura mala; sic luxum, vel auaritiam dominantium, tolerate.* VITIA ERVNT DONEC HOMI-

NES : *sed neque hæc continua, & meliorum interuentu pensantur.* Hæ sunt non Cerialis, aut Taciti, sed Sapientiæ voces: tu, & alij isti queruli, audite. Atque hæc si locum in exiguo aliquo nec diti imperio habeant (cotidie enim occurrunt:) quidni magis in illo amplo, diffuso, opulento? Magna peccandi materies & illecebra erat; & quod procul ab vrbe dominâ & Senatu agerent, & vbi vix cerni vel nosci vitia sua posse arbitrabantur. Et tamen (quæ altera responsio) aduersa sæpe fuere, atque etiam animaduersa. Hoc excuset Senatum & imperij præsides, quod legibus pœnas dederunt, quicunque conuicti sunt leges alibi violasse. Nónne id in Galbâ, Hortensio, Plerninio, Verre, & talibus? Nec Romanis igitur vniuersis fraudi aut culpæ sit, peccasse aliquos, sed impune & liberè peccasse. Paullum Æmilium mihi etiam attulisti, magnum virum, fateor, & vno illo vel colore culpæ, non enim culpâ indignum. Cur tamen cum inuidiosè rem totam narras, hoc callidè files, Senatum ei iussisse? Ex præscripto id fecit: & qualecumque est, non iam ipse, sed Senatus potius accusetur. Cur tamen vel iste? audi & disce. Epirotæ illi omnes firmiter pro Perse steterant, Romanos oppugnauerant: quæ iniuria est, si hostes hostium pœnas luant? At nimias, inquires. Nollem factum, si me consulis, & clementia placeat: sed ad coercendas rebellionem aut defectiones, talia quædam à modestissimis Regibus aut Rebus publicis facta, possim docere. Addis sollennem scuitiam Romanorum, ut putas, in expugnacione opidorum: homines occidi, canes dissecari, animantes truncari. Miseranda sunt, non nego: nec tamen, ut tu censeres, referenda inter mea ADMIRANDA. Quid dissimulas? non herè & hodie hæc fiunt in puberes & viros omnes, vbi vis vltima expectata? Et caussa aliqua huic rei est, *Terror*, quod Polybius dixit: & non facile alioqui manum & finem bellis imponere, nisi hæc interdum, frangendæ pertinaciæ, vsurpentur. At canes etiam dissecti. ô ridiculum te, si in canes non licet, quod in homines! & amo ego quoque hoc genus, sed absit ut supra nostrum genus. Hæc dici & excusari possunt, & verè possunt: non infiteor tamen, sub Sullâ aliquo, Mario, aut Cæsare, & præsertim per ciuilia bella, ius omne & fas neglectum aut calcatum: sed mox attollendum ab Augusto,

aut

aut siquem bonum Principem Deus dedit. Illo medico opus fuisse fateor Rep. iam tam laxâ & opulentâ: & inter pares, seueritas aut terror esse non poterat ad satis reprimendum. Leges erant: sed *inualidum earum auxilium*, ait Tacitus: *que vi, ambitu, postremò pecuniâ turbabantur*. Itaque sub Principe status iam melior, maxime quod ad Prouincias attinet: nec ex auaritiâ aut rapinas Præsidum sic impunè sentiebant.

CAP. IX.

Factum idem in Luxu mensarum, aut vestium.

SATIS, quod ad priora duo attinet, excusâui: venio ad *Contententiam* asserendam, in quâ conuellendâ valdè te iactasti. Argumenta in eam præcipua duo erant, Leges sumptuariæ ab antiquo laxæ; & Exempla aliquot luxus. Quod ad Leges, vide quàm ego à te abeam: aio & adfirmo, non firmitus pro frugalitate argumentum esse. Nam quod ex coërcent aut emendant, quale est? ex emendatione apparet, quam videamus. *Fannia* ecce lex, sub bellum Punicum tertium lata fuit, in hanc sententiam: *permitteri diebus festis centenos æris; ceteris, denos*. O verè ADMIRANDA cui continetia, cui satis esse potuit finitio iam dicta! Nam attendisti hoc mi Auditor? *centeni* illi æris, decem drachmas nobis reddunt; *deni*, vnâ. O nuptias, repotia, natales, apparatu celebri, quibus Philippæus vnus sufficeret in potum, in cibum! Quis de viâ aut ponte mendicus panem, non plus hodie absumpserit? Atqui Respublica tunc satis opulenta & florens erat: & maxime autem sub Sullâ. Tunc & Græcicæ, & Asiaticæ deliciæ cognite: videamus igitur, & laxè lauteq; iam epulemur. Ita opinor. nam ecce tulit Sulla, vt *ferijs sollennibus triginta sestertios liceret insumere; ceteris diebus, ternos*. Hem, hem, hem quid istud est? itâne regredimur, & recidimus? ego autem iure progredi, & accedere aliquid debere censebam. *Triginta* Hs. sunt, meo calculo, *septem* drachmæ & semis; id est, nondum Philippius: *terni* autem, nec drachma. AVD. Ego hæc non credo Lipsi, nec fero: ridenda & explodenda sunt. Tales leges, tam arctas, ferat ille, qui sic copiosè vixit? LIPS. Rem habes, & verba ipsa

Lib. 11.
cap. xxiiij.

apud Agellium : tu vide. A v d. Corrigenda sunt: & Hs. *trece-*
nos legendum, non *tricenos*. L I P S. O bonum promptumque
 Criticum ! sagacitas magna est, viceris vel Luceium. Sed desine,
 desine homo : & manum tuam coërceat lex Licinia quæ
 præiuit, in quâ non nisi *triginta asses* (tres denarii) *permissi diebus*
festis. Laxauit igitur & auxit Sulla. Sed quid hîc sistimus? Au-
 gustus ille, qui Romam opibus & gazâ Ægyptiâ repleuit, &
 sub quo illa in ipso flore, Cibariam legem hanc tulit: *quæ profe-*
stis diebus ducenti sestertij; Kalendis, Idibus, & alijs quibusdam fe-
stis, trecenti; nuptijs autem & repotijs, milleni finiuntur. Sunt quin-
 que Philippæi, profestis, festis, *septem cum dimidio*; nuptijs, *vin-*
ti quinque. Quid tu, cum hæc legis, non cogitas, tot illos illustres
 Equites & Senatores, & censum eorum vel Principum opibus
 hodie comparandum? Atqui quàm coërceantur, vides: & ego
 tibi hodie adfirmo, rarò sollennius paullò conuiuium dari,
 quod nuptialem illam summam non excedat. En, abi nunc,
 & luxum objice: quem totum satis reieci argumento ipso tuo
 legum. quia (vt veterum aliquis ait) *indicium sobrii seculi est,*
ubi tali præscripto legum, coërceatur expensa canarum. Atquin Api-
 cios, Lucullos, Caligulas, aut Vitellios adduxisti. Quid ad me?
 cum Rempublicam laudaui, plurimos in eâ laudaui; nec ad-
 spicere debui, siquæ in tanto & tam vberi agro malæ alibi &
 nocentes herbæ. Non obstant, quo minùs hæc seges bona &
 laudabilis sit: nec tales certè mihi dabis ante labentem Remp.
 id est Sullanum æuum. A v d. Imò dedi Lipsi. nōne Cato de
 pisce exclamauit supra bouem? nōne *frugalissimis etiam viris,*
 vt Seneca dixit, cænæ *tricies* constituerunt? Hæc purganda sunt,
 si potes: aut labitur tuum illud legibus solis nixum. L I P S. Vah,
 quomodo potero? quò me vertam? Bos ille Catonis occur-
 sat: & planè, ex Græcorum verbo veteri, *Bouem nunc habeo in*
linguâ. Sed audi quod verum est, nec nimium in boue te iactes.
 Bos & alia, minimi tunc pretij, nec credo equidem vñijssè vl-
 tra *quaternas aut quinas* drachmas. A v d. Totum bouem? L I P S.
 Totum. A v d. Quaternas? L I P S. Ipsas. A v d. Si hoc doces,
 tum ego dixerim vel me bouem esse. L I P S. Quid si amplius do-
 ceo, & ad Drachinam vnâ te duco? A v d. Habebo hoc ca-
 put & culmen inter omnia hodie, heri, & nudius tertius, quar-
 tulusque,

tusque, ADMIRANDA. LIPS. Da te mihi, discēs, & credēs. Plinius ita scribit. nam ipsa verba recitanda sunt: *M. Varro auctor est, cum L. Metellus in triumpho plurimos duxit elephantos, ASSIBVS SINGVLIS farris modios fuisse, item vini congios, ficique sicca pondo triginta, olei pondo decem, CARNIS pondo duodecim.* Hoc ille bono auctore, & omnis antiquitatis indagatore, Varrone protulit: & obseruasti? AVD. Nihil respondeo, stupeo: & tamen ni hil etiam de boue. LIPS. Vel maximè, sed non attendisti. Nam ait, *Carnis pondo duodecim, singulis assibus vanisse:* & fac igitur bouem pependisse quadringentas aut quingentas libras: quid erunt nisi *quaterne* aut circiter drachmæ? Sed illa nimis vetera sunt, inquires. Nec id quidem, sed bello *Punico primo cucernerūt: haud longè à Catonis æuo. Et demus postcà aliquid mutasse, paullatim tamen nec enormiter: & hoc Polybius nobis dicet. Ille, ipso Catonis æuo, scribit de fertilitate & copiâ Galliæ Cisalpinæ: *suis etiam sæpe temporibus, medimnum frumenti Siculum, quattuor obolis vanisse, hordei, duobus, metretam autem vini, tantidem quanti hordeum.* Ista magis mira ADMIRANDA sunt, medimnum Siculum (sex modios continet) non nisi duabus Drachmæ partibus vanisse; metretam vini (* duodecim congij sunt, si Atticam, quod opinor, intellegit) tertiâ parte. Addit etiam facetum corollarium, *Viatores in iis locis, nihil cum diuersitore aut hospite pacisci, sed benè & lautè habitum, abeuntem soluere dimidiatum Assem.* O si nobis peregrinari ita fas: tota iuuentus dilabatur, & abeat in beatas illas oras. Sed ego tibi promissum meum plenè soluam, & bouem reducam ad Drachmam. Factum bello Mithridatico, cum Lucullus prædas è Ponto egit, sic abundanter, vt *mancipium quattuor drachmis vanale esset; bos, vnâ, apræ, oues, vestes, alia, pari vilitate.* In Appiani Mithridatico hoc leges. Quid tu iam? AVD. Silco, & bos à tuâ linguâ transiit in meam. LIPS. Imò tu, vt volebas, in bouem. Nec tamen, vt serîo loquamur, sentio vel assero, tam grandem vilitatem hanc semper fuisse: sed analogiâ talem, & quam leges illæ Sumptuarie satis ostendunt. Absque eâ enim, quid nisi irritio & illusio ex sint? facit huc, quod de Pomponio Attico, insigni viro & prædiuite, ac digno cui Agrippa gener esset, & progener Tiberius Princeps, Cornelius Nepos in vitâ eius scribit. *Cum,*

Lib. xviii.
cap. 111.

* Anno Vg-
bis D11.

Lib. 11.

* Libra
mensuralis
120.

inquit, *inprimis lautus esset eques Romanus, & non parùm liberaliter in domum suam omnium ordinum homines inuitaret, scimus non amplius quàm terna millia aris, per eque in singulos menses, ex ephemeride, eum expensum sumptui ferre solitum: atque hoc non auditum, sed cognitum predicamus.* Hæc notanda profectò. Atticus inter planè diuites erat, inquit; idem inter liberales, & domus eius ac mensa cottidie omnibus patebant, etiam è Senatu: & tamen non plus in mensem, quàm tria millia aris absumsit. Suint triginta Philippi: ergo in diem, Philippicus vnus. Hæc in florentissimâ re Romanâ facta: & Martialis æuo non dissimilis etiam vilitas, sed, vt opinor, in anni aliquâ vbertate:

Amphora vigessis, modius datur ære quaterno:

Ebrius & crudus nil habet agricola.

Obserua. amphora XLVIII. sextarios continet, siue congios octo: itaque congius hac ratione sit duorum assium & semis, non longè nimis à Varronianâ vilitate. Et simile in Modio. Sed iam ad tuum illud, ne subterfugere videar, de *Frugalissimis viris*, qui *Tricies* absumpsêre. Sed heus tu, satini' plenè & ex fide Senecæ verba attulisti? Ego faciam, & pluscula recitanda sunt, vt de sententiâ constet. Ait, cōtra luxuriam disserens: *Non in factò laus est, sed in eo, quemadmodum fiat. Quid est cænâ sumptuosâ flagitiosius, & equestrem censum cōsumente? Quid tam dignū censoriâ notâ, si quis, vt isti ganeones loquūtur, sibi hæc & genio suo præstet? & tricies tamē* Hs. aduiciales cænâ frugalissimis viris cōstituerunt. Eadem res si gula datur, turpis est: sin honori, reprehensionē effugit. Mens huius viri, non in re peccatum sæpe esse, sed in causâ & fine. Tu epulum sumptuosum das, sed gulæ aut vanitatis causâ: alius dat, sed legis & moris causâ: ille peccat, hic minimè, quia nō cupidini, sed consuetudini est obsecutus. Sicut, inquit, in *Adiucialibus epulis*, viri etiam frugales multū impenderunt, sed quia debebant. Totum in eo, vt sciamus seriò, quæ sint istæ *Adiuciales*: ego nullas arbitror (pace eorum, qui aliter) & *Adiuciales* omnino scribo. Intellego eas, quæ in *adiu* honoris, & auspiciis quasi primis, etiam nunc dari solent: sed olim maximè Sacerdotiorum. Inde *Pontificie, Saliæ, Augurales, Diales cænæ* prouetbiis celebratæ: & Seneca hîc apertè de *Adiucialibus* scripsit, *honori eas dari*. Talis illa apud Macrobiū, ex Indice Metelli Pontificis transcripta: *Ante diem*

te diem IX. Kal. Septembres, quo die Lentulus FLAMEN INAUGVRATVS est. Data igitur in ipsâ inauguratione & aditu, vt dixi: & quidni sic *Aditiales*, vt *Initiales*? Traquilli nostri simile, in Claudio: *Sestertium* * *oëlogies* PRO INTROITV noni sacerdotij coactus * 200000. *impendere*: et si Dio videtur hoc aliò ducere, & in summâ mutat. *Phil.*
Sed tu ne aliò igitur traxeris ea Senecæ, nec à sollénibus sacrisq; epulis, ad communem sæculi luxum. Sed addidisti etiam in fine de Vestibus, & viros feminaq; lasciuiisse. De his, non nimis nego, nec excuso: concessu omnium peccet in nugis ille sexus, ad seria non aptus. Sed viri, parùm aut nihil in veteri Republicâ: sub Principibus cœpere, nec Principibus ipsis inuitis. Frangi aut mitigari altos & generosos animos, vestiũ, conuiuiorum, ludorum, deliciis aut remissionibus, haud abs re eorum est: nec Augustus & sagaciores illi ignorarunt. Itaque Tacitus scripsit, *Luxus mensa, à fine Aëtiaci belli, vsque ad arma, quis Ser. Galba rem Romanam adeptus est, per annos centum, profusis sumptibus exercitos fuisse.* Sed antea negamus: & cum Liuius totum hoc de Virtute claudimus, *Nulla vñquam Respublica nec maior, nec SANCTIOR, nec BONIS EXEMPLIS ditior fuit: nec in quam tam SERAE Auaritia Luxuriæque immigrauerint; nec vbi tantus, ac TAMDIU Paupertati ac Parcimonie honos fuerit.* III. Ann.

CAP. X.

Doctrina studia Romæ, & Salaria in Doctores.

AB SOLVI igitur de Virtute, nisi placet ornamentum vel adiumentum eius me adtexere *Doctrinam*. Nam & ea Romæ vigit, atque adeò à conditâ ipsâ vrbe, vel potius ante eam, si Dionysio & Plutarcho credam, *Romulum & Remum literis & omni liberali doctrinâ institutos Gabiis fuisse.* Cur verò non credam? opera & facta non abnegant expolitum Romulum fuisse, & sequentes item Reges: & multa Græcanica instituta in moribus, verba ipsa in linguâ comparent. Atque adeò erat transfusa ipsa Græcia in magnam Italiæ partem, cui & nomen reliquit. Exoleuisset tamen hæc paullatim, fateri debemus, & vsque ad bellum Punicum secundum, raras Romæ vel elegancias,

tias, vel litteras fuisse: Mars & horrida virtus omnia obtinebant. Postea intrata & capta ipsa Græcia, victores iterum cepit, & feliciter artes suas intulit & diffudit. Magno gradu tunc itum ad variam doctrinam, sed primò ad eloquentiam maximè: ut quæ coniuncta cum rebus gerendis, & aptissima gubernantibus esset. Mox & Historia successit, & Philosophia, & quidquid ad animos moresque colendos, aut honestè oblectandos, facere videretur. O hanc quoque curam laudabilem! & maximè, quia cum modo & temperie fuit: quòd nec omnes passim se darent, nec nimis etiam darent. Non omnes, sed primores ferè & ij qui vel erant in Republica, vel ad eam se preparabant. E triplici illo ordine, Plebs ad militiam adspirabat, neque erat harum rerum, Senatus & Equites, præter illam, animi cultum adsumebant, & mente non manu solum conspici volebant. Modum etiam plerique seruabant, nec ut mancipia quædam literarum essent; sed ut quatenus opus, haurirent; & ad rem atque usum transferrent. Talis Scipio ille posterior, talis Cornelius Sulla, Pompeius, Lucullus, Cæsar, alij vno verbo, quicumque in Rep. eminentes postea fuerunt. Quod Thucydides Athenienses suos profiteri facit: φιλοκαλοῦμεν τι καὶ δειλείας, καὶ φιλοσοφούμεν ἀντὶ μεγάλας; *Elegantes sumus; sed cum parcimoniâ; philosophamur, sed sine mollitie*: id, inquam, conuenientissimè Romani veteres sibi vindicarint. Itaq; studium hoc Doctrinæ publicè viguit, & doctores paullatim, in priuatis primò Principum ædibus, mox & in publico, ac stipendiis publicis, auditi, conducti, & præmiis variè affecti. Quis nescit C. Cæsarem omnes liberalium artium Doctores, qui Roma essent, ciuitate donasse? Qui summus extero honos, & nullâ pecuniâ æstimandus. Etsi nec hæc defuit, primò quasi è priuatis loculis data: mox è fisco annuatim appensa. Primus id Vespasianus firmiter instituit: qui Latinis Græcisque Rhetoribus annua centena constituit. Ea reddunt bis mille quingentos Philippæos: vbi hodie vel eximiis doctoribus largièdos? Arqui & medicis quingena Hs. mercedem annuam fuisse Plinius docuit: quæ sunt duodecim millia & quingenti Philippæi: cur non igitur admittam vel sexcentæ excellenti alicui honorarium fuisse? Imò fuerunt Eumenio Rhetori, & doctori in scholis Augustoduni: quem Constantius princeps sub Augustis

Lib. 11.

Sueton.

Sueton.

Augustis Diocetiano ac Maximiano, *salarium in sexcentis millibus nummum accipere iussit*. Ita ipse semel iterumque proficitur in Oratione, quæ exstat : nec *sexagena* rescribi mihi aliquis persuadebit. Scilicet alienum nimis à MAGNITVDINE ROMANA est, *quindecim millia* Philippæorum, singulari doctori, & qui Magister Palatij fuisset, dari? nihil est : & credent mecum, qui veteres opes & animos satis sciunt. .

CAP. XI.

*Diurnitas Romani imperij, & in occasione
de patriâ Constantinî.*

SED peregrisse cursum meum sermonis videor, & vela collo, & nauigo in portum. Vidisti quàm magnum hoc imperium à *Finibus, Copiis, Opibus, Operibus, Virtutibus Virisq;* fuerit: & potuissim à *Tempore* addere, ac diurno statu. Nam quod alibi imperium, modicè magnum, tam diu perseuerauit? Atque istud maximum, tot sæcula stetit : & reliquæ eius cum nomine, etiam nunc in Germaniâ & AVSTRIACA domo feliciter ecce viuunt. Itaque Plutarchi verba liceat vsurpare : *Cum Fortuna alata sit ac vaga, & modò Assyrios, Medos, Persas, Macedonas, Carthaginenses lustrauerit, eosdemque reliquerit: videtur ad Tiberim alas posuisse, volubilem globum reliquisse, & urbem quasi perpetim inhabitatura intrasse*. Quid Homeri iam olim vaticinium, quàm mirabile est?

Νῦν δ' ἐ δὴ αἰεὶ τὸ βίη Τρώας ἀνέξει,

Iliad. γ.

Καὶ παῖδες παῖδων, τοῖον παρ' ἑοῖο γένονται.

Nunc autem Troiana Aeneas scepra tenebit,

Et nati natorum, & qui nascentur ab illis.

Ille verò tenuit, & nati eius ; inter quos Romulus primus Regum, ex eo sanguine: & ò occultam decreti viam ! primus Imperatorum, Cæsar. Et si autem mutatio aliqua status intervênit, tamen imperium mansit: primò sub Regibus, tum Cōsulibus, tum Principibus: & sub istis, scissum diuisumque, & caput alterum in Thraciam aut Græciam translatum. Constantinus

d

id fecit,

id fecit, quod non ignoras : & caussam dedit ruinæ aut inclinationi deinde rerum. AVD. Orote mi doctor, benignè & honestè de hoc viro loquamur, & qui vt sidus illustrauit vicinam nostram terram. L I P S. Ego verò loquor in omni aliâ re : & præsertim quæ sacra & pietatem tangit. Quis nescit illum, Deo duce, depulisse tenebras, quæ orbem terræ densâ superstitionum nube obsidebant? Ille dissipauit, lucem intulit, templa nobis & Christo aperuit, vanis cultoribus & diis clausit. Magnus igitur laudatusque vir ; sed quid tamen ea lux propriè ad vicinam nostram terram, vt dicebas? AVD. Nam quis nescit in Britannia ortum hunc esse, & gloriam etiam redundare ad natalem terram? L I P S. Ego verò nescio, & ambigo, & propior sum vt negein. AVD. Tunc, contra eruditissimis viris nuper asserta? & clarum hunc etiam Panegyrici scriptoris locum? Nam ille apud ipsum Constantinum hæc profert : *Pater tuus liberauit Britannias seruitute; tu etiam nobiles ILLIC ORIENDO fecisti.* Quod os tuum erit, contra verba tam expressa, euntis? Nisi hoc dices, æui eius oratorem nescisse Principis sui patriam, & in re tam nobili, ignauè & fœdè apud ipsum errasse. L I P S. Hoc non dicam, & os non abdicabo, imò nec perfricabo quidem. Fides apud me esto Panegyristæ : sed quid dicit igitur? *Ortum illuc* Constantinum : at non in tuam sententiam fortasse, sed meam dicit. Ea est, non ipsum ibi, sed imperium eius ortum : non Constantinum, sed Principem. Verè tibi dico, (siste, nec recitas) hæc eius mens est : *Tu nobiles fecisti Britannias, quòd illuc ortus factusque es Imperator.* Prima imperij tui lux illuc, & illinc, fulsit. Nec dissimile nimis in verbo, quod paulloantè idein Orator dixit, *Constantine oriens Imperator.* AVD. Percussisti me nouâ interpretatione : sed quid tu tamen contra communem omnium assensum? L I P S. Nego, communem : imò nemo veterum hoc scripsit. Mediæ aut nouellæ ætatis hæc assertio est, nec nisi ab illo imperij ortu orta. Quid? nonne Nicephorus, Ecclesiasticæ historiæ scriptor, de Bithyniâ palàm affirmat?

* Vide largier in Notis.

Lib. VII. *Nam patrem eius Constantium, cum ad Persas legatus iret, Drepanum Bithyniæ venisse, diuertisse, Helenam hospitii sui filiam nouisse, Constantinum hunc genuisse.* Cur autem ille hoc tam constanter,

ter, tam nihil ambigens, aut de varietate inferens, si varietum tamen fuit? Atque ego arbitror, verissima Nicephorum tradidisse. Quo teste? quem nemo respuat, veteri, & ab ipso Constantini quo. Is est Iulius Firmicus, qui Matheseon libros scripsit: & in eorum primo, hæc verba. *Dominus & Augustus noster ac TOTIVS orbis Imperator, Pius, Felix, ac Providus Princeps* CONSTANTINVS scilicet MAXIMVS, DIVI CONSTANTII Filius, *augusta ac venerande memorie Principis. qui ad liberandum orbem à TYRANNICIS immoderationibus, & ad comprimenda domestica mala, favore propitiæ maiestatis electus est.* APVD THARSVM GENITVS, à primo ætatis gradu gubernacula imperij retinens, quæ prosperis nactus fuerat auspiciis, ROMANVM ORBEM salubri gubernationis moderamine sustentat. Ea de Constantino nostro accipienda esse, primùm doceo, tum de re meâ addo. Aliquis enim dixerit *Constantinum eius filium* capiendum, quoniam in libris vulgatis legitur, *Diui Constantini filius*: sed perfectò id improbum est, & *Constantij*, vt recitavi, legendum. Multa docent clarè. primùm quòd ait, *Totius orbis Imperatorem* fuisse. atqui Constantinus ille, inter tres Constantini Magni filios, sorte dumtaxat Gallias, Hispanias, Britanniasque habuit. Item, quòd *Maximum* agnominat: quòd, *Tyrannos* ab eo extinctos; & quòd *Romanum* orbem salubriter facit gubernantem. Atqui partem modò, vt dixi: nec eam ipsam diu tenuit, intra triennium occisus. Quid, quòd disertè mox idem Firmicus, *Constantinum Maximum Principem, & eius INVICTISSIMOS LIBEROS, Dominos & CAESARES* appellat? Certè non habuit tales minor ille Constantinus, & palàm ad nostrum hunc spectant. Ista præmissi, si quis (vt sunt mores, aut ingenia) refragari vel calumniari vellet: nunc ad rem aptemus. Ait igitur, Constantinum illum suum Principem *apud Tharsum* genitum. Quæ illa est? an nobilis in Ciliciâ? non est, sed in Bithyniâ ego eam inveni. Nam Stephanus de Vrbi-bus, Nicetas, Porphyrogennêta, *Tarsum* hanc (ita scribunt, sine adspirante litterâ) in Bithyniâ signatè ponunt, iuxta Nicomediam ipsam. Ego verò aio & infero eandem cum *Drepano* esse, quod Nicephorus nominavit. Quo argumento? quòd apud Nicomediam sinus & curvatura maris est; quæ lo-

ca talia communi nomine *Drepana* Græci, quasi *Falces*, à similitudine, vocabant. Inde passim *Drepani* hoc nomen in maritimis, & Ortelium nostrum vide. At proprium eius loci optimis, & magis restrictum, *Tarsis* fuit. Mea hæc coniectatio est: nec moueor, si posteri, aut Britanni scriptores, aliter de totâ re tradiderunt. Multo minùs Georgio Cedreno aurem præbeo, scribenti natum Constantinum *ὡς ἐν τῇ τῆς Δακίας πόλει*, circa urbem *Daciae*. Corrupta, aut falsa sunt: & quoties vanitatum manifestus ille auctor? Pro nobis etiam validè facit, quòd ipsum istud Drepanum, *Helenopolis* appellatum postea, in honorem matris, & Pontus vicinus Polemoniacus, item *Helenopontus*: sed & sedes imperij in viciniâ translata, nonne affectum in patriam testatur? Ipsum denique æuum Constantini adiuuat, si cõsideras natum eum circa annũ .xxiii. urbis conditæ: quo tempore quæta adhuc Britannia, & turbæ post motæ, & pater ad eas sedandas missus. Ergo verius antè, & alibi, natum esse. Sed tu, aut alius, vt volent: ego sine fraude censui, & Sermonem meum totum finiui.

C A P. X I I.

Conclusio, & Laudatio magni Imperij.

AVD. O sermonem æternum mihi vtilem, & iucundum! & clarâ voce fateor, nunc denique admittere & concipere me cogitationes tanto illo imperio dignas. Inter quas tamen & istam: Fueritne vtile gentibus sub tam magno illo esse? an non nimia & aspera ista scrutus, sine vindice & domino quem appellares? LIPS. Haud inepta nec importuna quæstio: & scio esse, quæ illud damnare aut certè accusare possint; sed plura ac grauiora, quæ absoluere & alleuare. Inprimis quanti facias, sub magno tali imperio pacem ac quietem gentium vbique fuisse? Nusquam arma, hostis, prædo; arabant, ferebant, metebant; conuiuia, coniugia inibant; liberos gignebant, educabant: omnia securè, & nec auribus quidem læsis rumore belli. Nam siquod tale erat; cum barbaris nempe & longinquis, & quod velut ludicrum aut tabellam, tuti limitibus & præfidiis

præfidijs suis, audirent. Pulchrè Aristides: *Bella verò vix vnamquam nunc creduntur existisse, ac pro commentis habentur à plerisque. Quod si alicubi ad limites confectus fuerit, (ut in magno & immenso imperio facile fit, ob Getarum insaniam, vel Afrorum miseriam, vel rubri maris accolarum infelicitatem, qui commodis bonisque suis nescierunt uti) mox ista, tamquam fabule, cum omni memoriâ evanuerunt. Tanta pax apud vos viget, ô Romani, etsi militiam bellumque habetis inter patria instituta. Atque iterum idem (quomodo enim melius certiusque vetera repræsentem, quam veteris scriptoris verbis?) idem in eam laudem: Vniuersus orbis sub vobis, tamquam festum diem agitans, quos olim gerere solebat gladios deposuit, ad conuiuia autem & reliquam omnem letitiam liberè se conuertit. Et alie quidem contentiones aut certamina vrbes reliquerunt, vnum omnes habet, ut earum quæque pulcherrima & iucundissimo aspectu appareat. Itaque omnia plena gymnasijs, fontibus siue aquæductibus, porticibus, templis, tabernis, scholis: ut aliquis verè dixerit inclinatè & labantem mundum, restitutum à vobis esse. Nec vrbes solum splendore & decore lucent, sed tota aded terra, instar horti aut paradisi, conspicitur exulta. Ut miseratione planè digni videantur, siqui imperio vestro non subiacerent (qui pauci tamen sunt:) ut qui tantis bonis careant. Hæc verè & floridè dicuntur, & capiunt me recitantem: etsi non minùs vno ictu penetrat Cornelij nostri breuiloquiû: Quippe immota, aut modicè laceffita pax: quod ille de Principum æuo scripsit. Iam verò alterum bonum, quanti est, Communicatio inter se hominum & rerum, vijs vndique liberis commercijsque? In animo tuo cogita, si tutò nunc Byzantium, Persarum aut Sinarum regionem videre liceret: quàm tu ipse fortasse atque alij libenter & auidè iretis? per tot terras & maria oculos pedesque ferretis? A v d. Affectum meum tangis. capior vnice peregrinatiunculis, & animum innouat ac vires nouitatum ille aspectus. L I P S. Optimus quisque in hac cupidine: & alti æthereique animi, ut ipse æther, gaudent motu. Sed sub tali igitur imperio, quàm id licuit? tutius quàm Belgis nobis hodie, non dicam ab vrbe ad vrbe, sed pænè per vrbeim aut circa eam ire. Visere illic licebat magna aut nobilia illa opida, clara & inclyta ingenia; Athenas, Alexandriam, Rhodum, disertos aut sapientes ibi viros; denique ad alia terrarum se con-*

ferre, disciplinæ aut animi causâ. At mercatores, & quibus aliarum opum cupiditas, ij per maria omnia nauigabant, ij per terras circuibant: vnicos prædones aut piratas placantes, siue metuentes, Publicanos. Sed vno & certo pretio placantes, nec eo graui sub Principe aliquo moderato & æquo. Itaque res longinquæ aduehebantur, ignotæ antea ostendebantur: & totus orbis eâ communione, quasi vna ciuitas, fiebat. Quid dicam artes barbaris traditas aut inuectas? quid elegantiam, litteras, & cultum animorum? Cùm etiam omnes linguis diuisi, vnâ Romanâ iungerentur, atque ea cum imperio quaquauersum se propagaret. Plinius hæc grauius & merito attollit, in Italiâ dilaudandâ: *Numine Deum electa, quæ cælum ipsum clarius faceret, sparsa congregaret imperia, ritusque molliret, & tot populorum discordes ferasque linguas sermonis commercio contraheret ad colloquia, & humanitatem homini daret: breuiterque, vna cunctarum gentium in toto orbe patria fieret.* Iterumque alibi idem: *Videmus, inquit, alia aliundè, vltro citroque, humana saluti* (nam de herbis & re medicâ illuc loquitur) *in toto orbe portari, IMMENSA ROMANAE PACIS MAIESTATE, NON HOMINES MODO, DIVERSIS IN TERRIS GENTIBUSQUE, verumetiam MONTES & excedentia in nubes iuga, PARTVSQUE eorum & herbas quoque inuicem ostentante.* Nec minùs Strabo: *Romani multas gentes antea feras, ob montes aut locorum naturam asperam, aut ob frigus aliamve causam, sub imperium assumentes, eas ipsas ex diuinctis & insociabilibus, vnâ commercii iunxerunt, & pro agrestis vitæ, ciuilem agere docuerunt.* Sed & Claudianus magnificè:

Lib. II.
cap. V.

Lib. XXVII
cap. I.

*Huius pacificis debemus moribus omnes,
Quod veluti patriis regionibus vititur hospes,
Quod sedem mutare licet; quod cernere Thulen,
Rursus & horrendos quondam penetrare recessus.
Quod bibimus passim Rhodanum, potamus Orontem,
Quod CUNCTI GENS VNA SVMVS.*

O verba & res pulchræ! & potestne maior esse voluptas, aut commoditas? Omitto gubernationem & leges ferè eadem; pondera, & mensuras, & numos: & plura, quorum bonorum sensus etiam hodie aliquis in Turcarum imperio est; & esset maior,

set maior , si leges & politia illis meliores . At nostra Europa misera , quàm iam à multis sæculis experta eorum est ? iactatur assiduis bellis aut dissidijs . quare ? quia regna aut dynastiæ paruis aut modicis finibus inclusæ , semper in vicinos causam habent timendi vel sperandi , querendi vel vlciscendi . Idem & ante Romanum imperium erat , quod Plutarchus asseruit : & pulchrâ imagine addidit , *Isud velut ANCHORAM fuisse fluctuanti mundo* . Quid propriè de nostrâ Galliâ triplici Cerialis apud Tacitum ? *Regna bellaque per Gallias semper fuere , donec in nostrum ius concederetur* . Fuere mi Auditor , & nunc erunt , donec talis aliquis euentus . A V D . Per ignem sermones tui cunt , & vide ne amburare . L I P S . Ego verò apud te liberè , & vt Philosophi in scholis , de Republicâ dissero : neque sunt ista , neque erunt fortasse , & (dicet aliquis) nec debent . Deo euentus permitto : ego arbitror & ad Religionis vnitatem , & ad subditorum omnium vsum , & denique contra communem Turcarum hostem fore , potens & validum caput vnum . Tu Deus SALVS ET TVTELA RERVM , da quod expedit ; da , si non imperio , saltem fœdere coire ac iungi ; da lætos & pacatos ad læta & pacata loca tua venire . In quo finio , & te mi Adolefcens , dimitto ,



NOTÆ IN LIB. I.

CAPVT II.

Pag. 16.
lin. 8.

Προπόμψα.] Pro versu fortasse melius, *χρυσήν μήνα* diuissim. Sed hoc leue: illud momentum habet, quòd monitus à viro doctissimo sum, totum hoc Carmen videri scriptum, non in ipsam urbem Romam, sed *εἰς πόλιν* (nam Græcā ambigua) id est, in *Falēsiā* sive *Fortitudinem*, quasi Deam. Acutum est: & argumentum habet, quòd Erinna illa celebris vixerit circa Sapphus tempora, id est Tarquinij Prisci, priusquàm Roma nostra sic magna & admiranda. Sed mihi tamen seriò inspicienti, carmen in urbem & imperium nostrum scriptum videtur: & plures Erinna fuisse, quod in textu indicatum volui, indicio est dissensus in eius patriā, de quo Suidas. Adde, quòd apud Stobæum ambigitur de auctore.

CAP. V.

Pag. 31.
lin. 15.

Sed vbi, ignoro.] Ego firmiter non repperi. Duplex tamen suspicio. prior de *Theodosiā* in Bosphoro, vbi Strabo portum collocat, *vel centum nauium capacem*. Altera fortasse firmior, ex Dionis Fragmento in rebus Eligabali: vbi notat, *Priuatū aliquem, initio eius imperij, conatū turbare & ad res nouas pellicere* τὸν εὐλόγον, ὃ ἐν τῇ κυζίκῳ ναλοχῶντα: *classē, quæ Cyzici in statione erat*. Sanè videtur hanc Ponticam, & eius ordinariam sedem designare: etfi Cyzicus tamen in Propontide.

CAP. VI.

Pag. 36.
lin. 33.

Sed nec Velleij iudicium valdè probo.] Cui tamen causam aliquam esse, etiam hodie Hispani experiuntur: sed non illam propriè, quam Velleius suspicatur aut timet. Hoc vsus docuerit, longinquas aut externas colonias, si coniugiis & stirpe cum indigenis misceantur, paulatim ipsos aut posteros transire in mores & affectus eius regionis. Cauere hoc malum vis? vnica ratio, à coniugiis, & (si potest) à mixtione arcendi: quod Iudæi olim & nūc seruant. Nec alia magis intima causā est, cur crescat assidue ea gens, & in veteri lege & institutis, aliena à populis, perseueret.

LIB. II.

CAP. II.

Pag. 45.
lin. 27.

In agros & in corpora eorum.] Illud ipsum conqueritur & exaggerat Būindica regina Britannorum, in Dionis Nerone: *ὃς πρὸς τὰ τ᾽ ἄλλα αἰνέτα καὶ νέμεσις καὶ χάρις ἐν ἀμείνοισι, καὶ τῶν σπονδῶν αὐτῆς διασπὸν ἐτήσιον θεοῖς, ἡμεῖς; Nōne, prater cetera omnia, & pascitis & aratis Romanis, corporum etiam ANNVM tributum pendentes?*

CAP.

CAP. III.

Pluscula cogitavi aut collegi.] Imò & quædam edidi, Commentario ad Taciti librum 1. Eruditissimus etiam Brissonus videatur, in voce *Capita*, De verborum significatione. Veritas tamen, opinor, est, in dictiones fuisse in capita pro modo opum: quod genus hodie Galli *Tailles*, nos *Impositiones* aut *Aestimaciones* linguâ nostrâ vocamus. Pag. 11.
lin. 5.

Qui diminandi artem tenet.] Nec ego inter istos: tamen peragrandō gentes provinciasque subditas, & ratione colligendo, subduxi non infra trecentos milliones hominum fuisse in Romano orbe. Et causas sententiæ possum dare. Pag. 11.
lin. 6.

Supra centum quinquaginta milliones.] Percusserit hoc quosdam, qui nostra aut noua cogitant tantum: sed ratiocinando facile quiuis adstruat ex iis quæ dixi, & non etiam dixi. Pro magnis quidem istis vectigalibus, nonne satis fecerit vel Suetonij locus, de Vespasiano? *qui initio statim Principatus professus est, quadringentis millies opus esse, ut Respublica stare possit.* Sunt ipsi (horresco dicere) mille milliones nostro ritu: unde sic subito parandi, si non tales tantique reditus? Etsi ibi alij *quadrages milles* legunt, qui essent LX. nobis milliones. Sed & nostro ævo, ut desinant isti obloqui, Rex Sinarum accipere in tributo annuo asseritur *centum viginti milliones*. Et Sinae aliquis ad totum Romanum orbem comparabit? Pag. 11.
lin. 11.

CAP. VIII.

Si verè Plutarchus, viginti millia talentum intulisse.] Verba Plutarchi non ambigua: *Αναθήρε* δ' εἰς τὸ δημόσιον ταμεῖον ἐρροισματὶ, ἐκ τῶν αὐτῶν ἀργυρίων ἡ χρυσῶν, δις μύρια τέσσαρα, πέντε καὶ εἰς τὴν τετρακσίαν διδόμενον. ὃν ὁ τὸ ὑλάρχων αἶσθησεν, καὶ λόγον δραχμῶν εἰληφει χιλίας πεντακσίας: *Intulis in ærarium publicum in pecuniâ signatâ, itemque auro & argento facto, viginti millia talentorum, præter ea quæ in milites expensæ. Quorum is qui minimum accepit, habuit drachmas mille quingentas.* Ergo gregarius quisque miles accepit Philippicos *centum quinquaginta*. Magna sanè donatio, in liberâ illâ republicâ: sed quam minuit Plinius, uti & summam illati publicè argenti, si eum audimus. Valdè, inquam, minuit. nam scribit lib. xxxvii. cap. 11. *Cetera triumphus eiusdem* (Pompeij de Asiâ & Mithridate) *quàm virilia? Reipublica datum mille talentum, Legatis & Quæstoribus, qui oras maris defendissent, 15. bina millia, commilitibus singulis quinquaginta.* Sanè hæc nullo modo conveniunt, neque sana sunt, quamvis audacter id dicam. Primum, de *mille talentis* illatis in ærarium, nugæ, & minuti gurguliuiculi, ut ille inquit: & in Textu docuimus. Quid iam de Legatis & Quæstoribus? dumtaxat *bina millia* 15? ea essent *quinquaginta Philippi*: atqui gregariis plus datum, non Plutarchus solum, sed Appianus (qui ex eo fere haurit) ostendit. Et omnino pro magnis illis exiguum est. quid in milites singulos? ait, *quinquaginta* 15. Ij essent, *duodecim denarii & semis*. Abiice hæc omnia, & indignum est in Plinio Pag. 12.
lin. 18.

tolerant aut legi. Primo numero legendum sit ex Plutarcho, id est ex vero, *Reipublica datum vicies mille talentum*. Hoc ex coniecturâ: in aliis libri adiuvant, & adaugent. Nam scripti habent: *Quæstoribus, qui oras maris defendissent, datum mille talentum: militibus singulis sena millia fessertiorum*. In quibus mirum est, & iuvat, sic concorditer consentire cum Græcicâ summâ illud ultimum, de *senis millibus* H. S. Nam ij sunt, ipsæ centum quinquaginta drachma. At prius illud de Quæstoribus, non rectum, nec potest: exorbitat. Scribo, *data decem talenta* quæ sunt, *sex millia* Philippum: & error est ex notis ortus, denariâ millenariâque: quæ nimis sæpe alternarunt. Examinanti hæc apud Plinium, & cum nostris ac ratione conferenti, vera erunt: aut si quis aliunde firmiora, doceat, in-nitemur.

CAP. IX.

Pag. 71.
lin. 5.

Etsi non ad usum tales.] Sicut & in torque aureo, quem centum pondo *Dino Augusto Galli dederunt*, ut est in Quinctiliano. Hæc in speciem tantum: imò plerumque nudo nomine, Pecunia ipsa data.

Pag. 71.
lin. 21.

Hæc præcætu rapinis extorsiones, usurpatas.] Ita & Plinius igitur in Traiani laudibus ponit, *non spoliis provinciarum, & extorio socii auro, sed hostilibus armis, captorumq; regum catenis iriumpum gravem*. Nec aliud ab hoc coronario auro intellegit.

Pag. 73.
lin. 36.

Millenis auri.] Vox ea millenis redundare hic videtur: aut mox intellegendum *triginta; quinque millibus* H. S. Sed ego prius eligam.

CAP. X.

Pag. 75.
lin. 4.

Esse vel centies tantum summa ordinaria.] Neque enim puto solum Decies fuisse, quod exprimit Dio Cassius in Fragmento, de Macrino Imp. Scribit eum, Aufidium Frontonem, cum Africam Proconsul sortitus esset, in vrbe retinuisse: *το γὰρ μὴ ἐκκεῖνον γέρας καὶ οἷον ἐξέσθαι ἀντιτάσσεται καὶ ἐν εἰσὸν ὑποδίδας δοθέντος εἰσπράτος*: nihilominus præmium adiunctum, *etsi domi manenti, viginti quinque myriadas drachmarum, dari iussit*. Id est Latinorum Decies, & nobis xxv. millia Philippicum. Sed in vniuersum & annum sumptum Proconsulis, parum sit, si quis considerat: fuit dumtaxat γέρας, ut loquitur, siue præmium operæ super sumptus, & est quod Tacitus in Agricola, *Salarium Proconsuli dari solitum*, in simili narratione appellat.

Pag. 78.
lin. 7.

Factum est certa.] Aliquid ad quatiendam hanc lectionem fecerit, quod in Plutarcho est: *Cæsarem, post Africanam victoriam in concione se venditasse, quod tam latam regionem subegisset, quæ penderet vectigal annuum ducenta millia medimnorum Atticorum frumenti, porro olei tricies centena millia librarum*. Longe à nostro modo sumus, si non amplius: neque ista fecerint, nisi Romano more duodecies centena millia modiorum. An Augustus adeo produxit: an non de totâ Africâ Cæsar hoc dixit? Iure ambigas, ob modum olei, qui sequitur. quem talem tantumque solis *Leptitanis* impositum Hirtius scribit, in extremo De bello Africo: *Leptitanos,*

sanos, tricies centenis millibus ponderis olei in annos singulos multat. Et verò iamdiu antè Africa vestigialis, nec nisi Numidiam Caesar addidit. Cogitur. & fortasse aliquis in Hirtio rescribat, *ter centenis millibus.* Quidquid est de summâ Africæ vel Ægypti, tamen certò etiam aliæ prouinciæ subuenerunt, & maximam illas partem, non assem totum confecisse censendum est. Sed & Fiscum emisse crebrò frumentum, Tacitus & Plinius, dicent.

LIB. III.

CAP. II.

Alibi peccatum.] In Q. Curtio notabiliter, hisiis numeris, lib. VIII. Pag. 104. lin. 23.
At tibi xxx. millia mulorum captiuum aurum vehunt: quod Hermolaus in concione obiicit Alexandro. Sed immanis auri summa fugat: & omnino ∞ ∞ ∞. id est, *tria millia* scribendum. Demosthenes quidem pro magno refert, quòd regi Persarum *mille ducenti camelis* pecuniam veherent.

CAP. III.

Paullatim Italia penè deserta est.] Vel Lucanum audi:

Pag. 119. lin. 16.

*At nunc semirutis pendunt quòd mœnia telis,
 Rarus & antiquis habitator in urbibus errat,
 Horrida quòd dumis, multosq; inarata per annos
 Hesperia est, desuntq; manus poscentibus armis.*

Idem Lilius: *partem Italia ergastula à solitudine vindicare.* Sed & Dionysius pleraque opida olim frequentia, suo æuo lapsa aut vacua fatetur. Causa profectò ipsa est, quam dixi, quòd Roma omnia ad se traxit & abduxit. Itaque (considera) vicina vrbi loca maximè in hac causa reperiens, longinqua pleniora.

CAP. VII.

Alij solia maluerunt reddere.] In Græco est *αὐτῶν*, ut vides: quod magis est ut Sellæ reddas. Sellæ autem in Frigidariis maximè, ex Siderio: *Hinc Frigidaria dilatantur ita ut ministeriorum sese non impediende famulatu, tot possint recipere Sellas, quot Solis signa personas.* Quæ lectio mihi recta est, et si alij mutant. Nam ita hic *Sigma solis*, ut postea idem, *Solis capaxis hemicyclum.* Quod planè dat intellegi formam Soliarem: & fallor, aut in ruinis Thermarum hodieque vestigia & *ἡχορταί*, sic apparent. Si tamen aliter, parùm est: hoc addo, *Solia*, à Græcis solere reddi *υδατῶν* vel *υδατῶν*: quòd in ea lauandi causâ descenderent. Nec aliud initio fuere, quàm lignea quædam vasa siue aluei, nostris quoque moribus noti: quod genus Augustus (in Suetonio) *Hispanico verbo Durctas* appellabat, atque ipse utebatur. Eiusdem tamen æuo alia reperta, in ipsâ terrâ effossa, & magnificè structa, in quibus fas esset, sedere, stare, natare. Inuentio tributa, nisi fallor, Mæcenati à Dione Cassio. *πρῶτον*, inquit, *καλυμβήσαν* *πρῶτον ὑδατος ἐν τῇ πόλει κατεπύλασε*: *Primum Solium* (siue *Natatorium*)

Pag. 117. lin. 14.

ratorum) aqua calida in urbe struxit. Planè huc pertinet, & notandum est. Solia autem hæc capacia fuere, ut Sidonij verbum erat, & Martialis ostendit, plures simul solitos lauari. Quid, quod Oceani solum postea, magni maris nomine & quasi imagine dictum? Itaque nullo modo probabile, tot illa millena Solia in Thermis vnis fuisse.

LIB. II II.

CAP. XI.

Pag. 110. Ego verò nescio.] Vides ambigere me, non asserere; nec temeritatis
lin. 12. in talibus damnes. Prudens inquisitio locum sæpè aperit repulæ vel
obscuræ veritati. Videbar tamen satis stabiliisse, natum eum in Britan-
niâ non esse? sed iam nunc vir impensè doctus, & gnarus rerum vete-
rum, amicus nostræ, argumentis subtilissimæ inquisitionis me quoque,
fatendum est, concussit. Tamen recollegi me, inspexi, & videoor anti-
quare posse, sine pertinaciæ culpâ. Ipse atque alij iudices sunt. Ait pri-
mò, *Historicos omnes, qui de natali solo Constantini scripserunt, unâ vo-*
ce natum in Britannia asserere, præter duos Graculos Nicephorum & Ce-
drenum.] Hoc ego non dederim, ut alij omnes. Imò ecce obduco Go-
defridum Viterbiensem, cuius Chronicon ita habet: *Hanc Helenam*
(matrem Constantini) quidam ex patriâ Trevirorum oriundam faciunt,
alius de regno Persarum, ubi Constantius ad tributa colligenda missus, eam
legitur contigisse. Ecce, dubitat de Trevis: sed magis ad legationem Per-
ficam, & ergo ad nos, inclinât. Vbi autem de Britannis? Quin & *Alfa*
Sylvestri Papa, quæ in Symeone Metaphraste, istam Helenam apertè fa-
ciunt Bithynam: Cùm, inquit, in Bithyniâ versaretur, unde orta erat.
Nōne & hoc à nobis? Atqui Britannici scriptores aliter, & iis magis
fides habenda, qui loco ipsi propiores.] Hoc vix dicam. Quid si de Home-
ri patriâ lis certetur, & lètæ ævum asserant, idque indigenarum testimo-
nio; idem Chij, aut Colophonij: eoispo nempe refellantur, quia à
domo testes citant. Gloria patriæ quæri per hanc assertionem, & ideo
illuc proniores censeantur. Et qui tamen hi testes sunt? *Henricus Hun-*
sigdoniensis, Guilielmus Malmesburiensis, Ioannes Sarisburiensis, Galfridus
Manumetensis: quorum antiquissimus ante quingentos annos non
vixit. Dicitur tamen & *vita Helena Anglo-saxonice scripta, ante sex-*
centos amplius annos ita assermare:] quam non vidi equidem, & esto:
quis vulgatum librorum fabellas nescit? Hisdem igitur de *Bruto Troia-*
no credam, & *Pandraso Græcorum rege*, & quæ alia incitè commini-
scuntur? Quod si tam vetus & fida hæc opinio, quid ita Bedas ille, Bri-
tannia scriptorum egregius, hoc historiae lux infertum non iuit? Atqui
occalio erat, ubi de Constantino sic scribit: *Constantius Constantinum*
filium, ex concubinâ Helenâ creatum, Imperatorem Galliarum reliquit.
Scribit autem Eutropius, quod Constantinus in Britannia creatus Impera-
tor, patri in regnum successit. Vbi hic aliquid, natum in Britannia esse?

creatum

* Vixit an-
te annos
quadrin-
gentos, &
quod ex-
currit.

Lib. I.

cap. 1111.

creatum Imp. tantum dicit. Et pensitandum hoc est de Bedâ. qui certè Bricannus, & ævi vetus, & patrij amoris honorisq; non item incuriosus aut expers. Quid, quod nec in totâ Britannîâ monumentum aliquod aut vestigium affectus sui, ut in patriam, Constantinus edidit, aut reliquit? At fecit in Birhyniâ, ut in Textu meo scripsi. Et hoc pensitandum. Sed enim, ait vir doctissimus, Nicephoro eò minus fidei esse debet, *quia & in modo genitura aniliter ineptis, & temporis ratione aberrat.* Videamus. ait patrem Constantium, *Claudij ex filio neposem.* Falsò, fateor: & Pollio melius hæc exsequitur, qui è fratre Claudij deriuat. Quod *nepos* igitur, non errat: at non ex filio, quod incuriosè addit. Item ait, *pallium regium Helena donasse, post concubitusum.* Quid autem priuato cum pallio regio? inquit. Respondeo, *paludamentum* intelligi, vel & *prætexiam vestem*, quæ tunc in vsu honestiorum. Dicit &, *in Galliâ Constantinum Casarem à patre creatum*: atqui in Britannîâ fuit. Imò de Galliâ, etiam Bedas satis clarè dicit: & videtur inibi iamantè designatus à patre, sed *Casar* dumtaxat fuisse. Aurelius sanè Victor *eodem tempore designatum Casarem* scribit, quo *Seuerus & Maximinus*: quod mensibus aliquot fuit ante Constantij mortem, & priusquam in Britanniam Constantinus veniret. Facit & Panegyricus scriptor: *Cum sibi pater imperium reliquisset, Casaris appellatione contentus, expectare maluisti*: illâ, quam iamantè habebas. Etiam è Zonarâ adstruas, in Galliâ Constantinum tunc fuisse, & Galerium ad ipsum venisse. Sed quorsum ista? nihil ad natale solum faciunt: & siquid aberrat in talibus Nicephorus, alij in alijs, & varius circa illud æuum dissensus. At rursum scribit etiam Nicephorus, *legatione Persicâ genitum Constantinum, & patrem ex eâ reuersum, mox Casarem creatum.* Quæ si vera, viginti dumtaxat annorum fuerit Constantinus, cum Imperium cepit: quem tamen vel *triginta* constat fuisse. Non abnuo in eâ re errorem, nisi de aliâ legatione priori sensis: quod sanè potuit. Et verò si hæc euertunt de patriâ, quid, Britannicis scriptoribus fiet, quos nulla ratio aut ingenium defendat? Omnes in Britanniam venisse Constantium, & *Coeli* regis filiam Helenam ibi nouisse: distinctè etiam Galfridus, *undecimo post anno, mortem obijisse, relicto imperio huic Constantino.* Ista qui constant? Enimuero omnes Annales mittunt Constantium in Britanniam, ad turbas ibi ortas sedandas: ex autem dumtaxat fuere intra annos imperij eius: & quomodo tunc Constantinum genuerit? Fuerit igitur ex hoc calculo undecennis Imperator. Vides ineptias, & quidem *à tous dotes.* At verò eripitur nobis Iulius Firmicus, quem ego ut fundum sententiæ adduxeram: & in hoc ingeniosissimè (ita res habet) vir ille inquit. Demus eripi: quid factius aut certius super Constantino erit? non ego video: neque enim de Britannîâ aliquid dicit. Sed teneo tamen, & vindico, aut certè conabor, sine litigio, & pudore meo atque amore saluis. Scripsit, inquit, Iulius Firmicus sub Constantio Constantini F. non sub isto; ergo de illo ea sunt, & non de Constantino. Argumenta. in Præfatione.

tione ipse dicit *Mauortium Lollianum*, cui inscribit, *Consulem designatum esse*. Atqui Consul ille fuit sub Constantio, anno Urbis MCVII. id est, XVII^o. circiter imperij eius anno. Item, meminisse Solaris deliquij lib. I. cap. II. *Optati & Paulini Consulatu*, & loquitur ut de annis transactis: qui tamen Consules fuere quadriennio circiter ante Constantini mortem. Istis respondeo, primum de *Lolliano Cos. designato*: non novum olim fuisse, in plures annos designari, & multi Principum ita fecere. Item, Praefationes ultimas olim & nunc scribi: & librum ipsum vetustiore esse, ac pluribus annis inter manus versatum: quod ipse Firmicus tibi dicit. Hec poteram: sed firmitus illud, non censere me eundem illum *Lollianum* esse, qui sub Constantio Consul fuit. Filius potius eius, aut gentilis alius: & iste noster, etsi designatus, non iniuit, vel morte praeventus, vel mutatione Principis (ut saepe) vel alia causa. Hoc ex ipso altero argumento asseram, ubi de *Optati & Paulini* consulatu. Nam ecce verba sunt: *Sol medio diei fulgida denegat lumina. quod Optati & Paulini Consulatu (ut de recentioribus loquar) futurum, Mathematicorum sagax prae-dixit intentio*. Sanè loquitur, ut de re novâ & recentiori: praeteritâ quidem, sed non obsoletâ. Imò ipsis illis annis ultimis Constantini, haec sunt scripta: & verba Firmici clarè dicunt, quae super Constantino olim adduxi. Nam quae ibi sunt in eius laudes, de *tyrannis pulsas*, & plura, palam de ipso scripta: neque negat amicus noster. Sed ille censet parenthesi quadam haec includenda, & reliqua sic legenda: *Constantinus scilicet maximus Divi Constantini filius, augustus & venerande memoriae Principis (qui ad liberandum orbem à tyrannicis immoderationibus &c: usque ad illa verba, numquam belli Fortuna decepit) apud Naisum genitus*. Sic inquam, ut alia omnia de Constantio sint, laudes illae de Constantino. Sed quis mos aut ratio est, cum de Principe praesenti & vivo scribas, sic abire in laudes defuncti, & hunc praeterire? Non solet hoc eius aui adulatio, & viuis magis blandiuntur. Sed quid opus argutias: nullae ex, utpote cordatum quidem, et incens, quin quae sequuntur de filiis eius, asserant haec omnia Constantino. Verba aperta: *Tu Iuliter, tu Gradiue, tu Sol, Constantinum maximum Principem, & eius INVICTISSIMOS LIBEROS, DOMINOS ET CAESARES NOSTROS, consensu vestrae moderationis, & Dei summi obsequente iudicio, PERPETVAQUE EIS IMPERIA decernente, facite etiam nostris posteris, & posterorum posteris, insinista sacula imperare*. Hoc decretorium est, quocumque nos vertimus: neque Constantius ille liberos habuit, quibus haec aptes. At (reponit vir doctissimus) possunt de Gallo, aut Iuliano capi, quos Caesares dixit. Non possunt: neque enim liberi eius fuerunt; neque vno tempore habuit, ut conveniat illud, *Dominos & Caesares*: quin Gallo defuncto, adscitus Caesar fuit Iulianus. Caesar, inquam, non filius: nec mos iste adoptandi (nisi fallor) tunc usitatus. Imò Constantius, cum iam Caesarem designasset, in concione publicâ, apud Ammianum alloquitur, & *Fratrem* appellat. Igitur altera amici nostri evasio: votum & precationem saltem haec esse,

vt numina nempe dent tales liberos. Appello ad verba, si huc eunt, iterum iterumq; legenda. Vocat *innatissimos*, vocat *Dominos suos*: & clare iam esse, non optari ostendit; petennate, non autem nasci togat. Ad locum hunc talem, cur non alia aptantur potius, quæ violentia sequentur: quàm vt hunc trahamus, non pertrahendum? Sed opponitur amplius, in manuscriptis duobus exstate, non apud *Tharsum genitum*; sed, apud *Naisum*. Esto. nec illi codices fortasse optimi; & hoc ipsum quid pro Britannia euincat? Nam quòd ad Constantium applicari id censet, ibi genitum, mera coniectura est: neque inquit, nec ad rem meam facit. Addo magis illud, Iulium eundem Firmicum, *Constantinum* iterum nominare, vt viuum, in ipsa Præfatione: *Cum tibi totius Orientis gubernacula, Domini atque Imperatoris nostri Constantini Augusti, seueria iudicia tradidissent*. Si iam diu obierat, cur non *Diuum* appellat, vt in aliis illis verbis *Dini Constantini filium*, pro amici quidem nostri sensu? Nam nos ibi, *Dini Constantij*, vetè putamus emendari. At verba tamen sunt, quæ *Constantio*, quàm *Constantino* propiote, si verum spectes: ista. *A primo ætatis gradu Imperij gubernacula retinens, qua prosperus nactus fuit auspiciis*. Nam Constantinus quomodo à primâ ætate, cum non nisi anno *trigesimo* cœperit imperare? at verò Constantius, *octennis* admodum, Cæsar designatus fuit. Respondeo, non hoc velle Firmicum: sed natum Imperatoriâ stirpe, & imperio iam tunc fati destinatum. Planè vt Panegyristes, ad ipsum Constantinum: *Quamuis felicissimus ille dies imperij tui natalis habeatur, iam tamen ab illo generis auctore* (Claudio) *in te Imperij fortuna descendit*. Iterumque: *Non repentinus aliquis fauoris euentus te principem fecit: Imperium nascendo meruisti*. Et tertio: *Sacrum istud Palatium non candidatus Imperij, sed designatus intraisti*. Talia plura leges: & me auctore in Firmico hic, ad qua prosperus natus fuerat auspiciis. Desino, nec ferram ultra teciproco: & fateor ingenuè in illo æuo, paucitate scriptorum aut incuriâ, aut etiam imperitiâ, tenebras & ambagines esse, nullâ vmquam curâ satis ad certum aut liquidum perducendas. Quid autem (philosophari lubet) in talibus magnum facimus? quid meâ est inter, ibi an ibi natus sit Constantinus? Virtutes eius, non patriam videamus: & ab illâ obscurus, ab his lucem capiat, & eandem imitatione aliis donet. Hoc voueo, & cum modesti scientiam, & magis sapientiam, habere. Nam omnia cum viderimus, *unum studium verè liberale est, quod liberum facit, hoc Sapientiæ, sublime, forte, magnanimum: cetera pusilla, & puerilia sunt*. Didici, disce.

Sen. epist.
LXXXVII

INDEX CAPITVM

LIBRI PRIMI.

- O**CCASIO & ingressio sermonis. Cap. 1. Pag. 13
 Communiter Roma & eius Potentia laudata, per elogia pauca veterum. Cap. 11. 15
 Fines imperij Romani; quando maximi; & Prouinciæ breuiter adnumeratæ. Cap. 111. 18
 De Copiis & præfidiis sparsim circa limites, itemq; in ipsâ Vrbe. Cap. 1v. pag. 23
 De Copiis in mari aut fluminibus; de Classibus variis earumq; sedibus. Cap. v. 29
 De Colonis, & modus fructusque deducendi. Cap. vi. 34
 Multitudo Romanorum, & ratio adsciscendi gentes, aut transferendi. Cap. vii. 37

LIBRI SECVNDI.

- De Præcis populi Romani vectigalibus, Decumis, Quintis, Scripturâ, Portoriis. Cap. 1. Pag. 43
 De Tributis & Capitatione. tum inquisitum in modum vectigalium, & quid videatur reddidisse. Cap. 11. 45
 Inquisitum item in Capitationis modum & pensum vniuersorum Tributorum. Cap. 111. 50
 De Ærario militari, & Vigesima, Vigesimaquinta, Centesima ad id explendum. Cap. 1111. 55
 De Metallis, & argenti, auri, aliarumque rerum fodinis. Cap. v. 59
 De Vrinario vectigali & Chrysfargyro, item de Metetrucio. Cap. vi. 60
 De opibus Byzantini imperij: & clausula ac finis Tributorum. Cap. vii. 62
 Pecunia de Triumphis, & aliquot eorum inspecti æstimatiq; Cap. viii. 65
 De Auro Coronario, & Coronis dictum. Cap. ix. 70
 Impensæ publicæ in Militem, Magistratus, Populum: & de Frumentatione. Cap. x. 74

- Impensæ in Ludos obiter ostensæ. Caput xi. 80
 Dona Principum effusa, & primò Iulij Cæsaris. Cap. 12. 84
 Augusti Principis dona. Cap. x111. 88
 Aliorum Principum dona. Cap. x1111. 21
 De priuatorum aliquot opibus, & materiz huius finis. Cap. xv. 91

LIBRI TERTII.

- Ad Opera Romana transitum, & primò de ligneis aut temporariis dictum. Cap. 1. Pag. 102
 Diuturna opera, & caput omnium Roma. De situ eius, & in primis de magnitudine indagatum. Cap. 2. 106
 Magnitudo Suburbiorum Romæ, & hominum in totâ Româ multitudo. Cap. 111. 113
 De ædificiis vrbis Romæ communiter, & eorû altitudo. Cap. 1111. 120
 Decor & ornatus ædificiorum. Excerpta quædam, & primò de templo Capitolino exactius dictum. Cap. v. 122.
 Item de templo Panthei, Vrbis, & Pæcis. Cap. vi. 134
 Fora Romana descripta; & distinctè Romanum, Iulium, Augustum, Transitorium, Vlpium. Cap. vii. 139
 De Balneis Thermisq; & breuiter de Rostris. Cap. viii. 146
 De Statuis, & earum custodelâ. Caput ix. 150
 De viarum magnis operibus, & nominatim de Appiâ. Cap. x. 153
 Aquæductuum mira. Cap. xi. 157
 Cloacarum mira. Cap. x11. 162
 Traiani pons in Danubio. Cap. x111. 163
 Priuatorum hominum Vrbane aut Rusticæ ædes. Cap. x1111. 165
- LIBRI QVARTI.**
 Transitum ad Virtutē Romanorum, & ea in genere predicata. Cap. 1. 172
 Triplex

INDEX.

Triplex ordo in populo ostensus, & quisque in sua parte laudabilis. Caput 11.	174	Luxu Romano. Cap. vii.	193
Iustitia & Clementia in bellis. Cap. 111.	179	Excusati Romani à prioribus: & primum in Raptu vel Sæuitiâ, obiter. Cap. viii.	201
Fortitudo Romanorum militaris. Caput 1111.	182	Factum idem in Luxu mensarum, aut vestium. Cap. ix.	203
Pietas, Probitas, Constantia Romanorum. Cap. v.	186	Doctrinæ studia Romæ, & Salaria in Doctores. Cap. x.	207
Contra Probitatem & Abstinentiam dicta & obducta quædam. Cap. vi.	190	Diuernitas Romani Imperij, & in occasione de patriâ Constantini. Caput xi.	209
Pariter contra Continentiam; & de		Conclusio, & Laudatio magni Imperij. Cap. xii.	212

FINIS.

APPROBATIO.

Quattuor hos L. Lipsij de Magnitudine Romana libros, prelo dignos censeo, quod eruditi sint, & pulchra varietate mirificè afficiant oblectentque, nec non ad illustrationem antiquitatum plurimum conferant, nihil interim contingentes quod Catholicæ fidei aduersetur.

Guiliel. Fabricius Nouiom. Apostolicus ac
Regius librorum Censor.

f PRIVI.

P R I V I L E G I V M C Æ S A R E V M.

R V D O L P H V S S E C V N D V S diuinâ fauente elementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatiæ, Sclauoniæ Rex, Archidux Austriæ, Dux Burgundiæ, Stiriæ, Carinthiæ, Carniolæ & Wirtembergæ, &c. Comes Tirolis, &c. Nostro & Særi Imperij fideli dilecto I V S T O L I P S I O gratiam nostram Cæsaream. Postquam inter alia, quæ D E V S immortalis hominibus liberali manu dedit dona, illustria inprimis illa & quasi diuina sunt, quæ in litteris liberalibusque disciplinis consistunt, quibus scilicet homines non tantum ab animalibus ceteris rationis expertibus, sed à rudi etiam & imperito hominum vulgo ita distinguuntur, ut tanquam Dij quidam splendescere in terris videantur: rem sanè præclaram sequæ dignam illi præstant, qui diligentem iis ipsis in litteris ac disciplinis operam ponunt; præclarissimam verò & Reipub. vtilissimam, qui eas ita excolunt, ut aliorum menti docendo, scribendo lumina præferant, eosque ex ignorantie tenebris quasi manu educant. Quos excitare, quos amare atque animare ad dignitatis nostræ munus, ad quod Diuino vocati beneficio, concessumque sumus, inprimis pertinere existimamus. Cum itaque ab iis, quorum nobis spectata fides, qui que iudicare de Litteris possint, acceperimus, insigne te animi ingenii que tui dotes tibi à natura insitas à primis temporibus ætatis tuæ ita litterarum ac disciplinarum studiis excoluisse atque exornasse, ut olim iuuenilibus adhuc annis præclara florecentis minimeque vulgaris eruditionis specimina præbueris, dum obscure in antiquis scriptoribus loca, quæ quædam tanquam lustra erant, illustrasti, quæque in iis iniuria temporum deprauata & corrupta fuerunt, restituisi, dum vetusta Latinæ antiquitatis rudera in nouam subinde structam singulari artificio eleganter conuertisti: ad exquisitam aded & raram doctrinam, quæ magnam de te apud doctos quosque viros opinionem excitari, peruenisse, eamque variis abs te libris acri & graui cum iudicio scriptis atque in lucem editis ostendisse, ut in eo quod tam feliciter tractes scriptiois genere paucos tibi pares hodie reperire sit: iam verò matura te ætate virum, viro magis magisque digna, & viris doctis grata ac Reipub. utilia scribere, quæque à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue versaris, flores colligere, concinnare, quibus Lectores minime recerees, & eorum pectus ad prudentiam, probitatemque informes: haudquaquam prætermittere volumus, quin Reipub. ad quam hæc abs te ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animandum magis patrocinioque nostro defendendum pro benigna nostra in te susciperemus voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, acceperimus, Diplomate hoc nostro priuilegioque te & Typographum tuum aduersus quorumcumque fraudem, qui lueri causa, quod fieri solet, eadem excudere aut typis imitari fortè velint, munitos cupimus. Quamobrem pro auctoritate nostra Cæsarea decernimus,

mus, statuimus, vetamusque, ne quis Typographorum, Bibliopolarum, aut aliorum, qui librariam negotiationem exercent, eos libros, quos tu edituruses, quocunque modo, caractere, aut forma, siue integros, siue aliquam eorum partem typis imitari, edere, excudere, aut venundare intra sacri Romani Imperij, Regnorumq; ac Dominiorum nostrorum hæreditariorum fines triginta annis proximis à primo editionis die computandis, absque tuo tuorumve hæredum consensu audeat: Hac autem lege addita, ut tria ut minimùm cuiusque libri exemplaria, quemadmodum moris est, ad Imperialem nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, cum non solum eiusmodi libris, tibi, hæredibusve tuis, auxilio Magistratus, ubicunq; reperti fuerint, vendicandis, priuari, sed triginta etiam Marcharum auri puri mulcta, cuius semissis quidem Fiscus nostri Procuratori, fraudis vindicæ alter verò semissis, tibi hæredibusve tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quàm Politicis, cuiuscumque status, gradus aut ordinis extirerint, præsertim verò iis, qui in Magistratu constituti, vel suo vel superiorum suorum loco aut nomine, ius dicunt, iusticiamue exercent, ne quemquam hoc Privilegium nostrum impunè violare, spernere aut negligere patiantur: Sed, si quos contumaces compererint, constituta à nobis mulcta, eos puniri & quibuscumque modis coërceri curent, ni & ipsimet grauissimam nostram in se conuertere indignationem velint. Id quod hoc Diplomate, manu nostra subscripto, & Cæsarei nostri sigilli impressione muniro, confirmamus. Datum in arce nostra Regia Pragæ, die prima mensis Augusti, Anno Domini Millesimo, Quingentesimo, Nonagesimo secundo: Regnorum nostrorum Romani decimo septimo, Hungarici vigesimo, & Bohemici itidem decimo septimo.

Subsign.

RVDOLPHVS.

Iacobus Curtius à Senftenaw.

Ad mandatum factæ Cæsareæ M^{te} proprium.

Io. Baruitius.

Ad idem sigillum Cæs. M^{te} in cerâ rubrâ.

f 2

SVM-

SVMMA PRIVILEGII REGII

PHILIPPVS Dei gratia Hispaniarum, &c. Rex Catholicus, diplomate suo sanxit, nequis, Iusti Lipsij Historiarum in alma Vniuersitate Louaniensi Professoris, & item Historiographi sui libros quoscunque, à Censoribus legitimis approbatos, præter ipsius, heredumve eius, voluntatem, intra triginta annos à prima singulorum librorum editione computandos imprimat, aut alibi terrarum impressos, in has inferioris Germaniæ ditio- nes importet, venalēſve habeat. Qui secus faxit, præter librorum confiscationem triginta marcharum auri puri illatione mulctabitur. Vti latiùs patet in litteris, datis Bruxellæ XIV. Febr. M. D. XCVII.

Signat.

Verreycken.

TIbi JOANNES MORETE, pro amicitia qua mihi cum Plantino (heu, quondam meo) & Plantinianis est ac fuit, tibi, inquam, permitto, uti hos DE MAGNITVDINE ROMANA libros quattuor, typistuis excudas ac diuulges. Nequis alibi alius præter te, cupio siue iubeo, ex lege quam magnus Caesar & Rex meus dixerunt.

Iustus Lipsius.



A N T V E R P I Æ,
EX OFFICINA PLANTINIANA,
APVD IOANNEM MORETVM.
M. DC. V.







